

Yankuik nemilistli tlen Mexko tlalli



Tlahtolkuepalistli ika nawatlahtolli iaxka
JESÚS ALBERTO FLORES MARTÍNEZ

EL COLEGIO DE MÉXICO

YANKUIK NEMILISTLI
TLEN MEXKO TLALLI

YANKUIK NEMILISTLI TLEN MEXKO TLALLI

Pablo Escalante Gonzalbo

Bernardo García Martínez

Luis Jáuregui

Josefina Zoraida Vázquez

Elisa Speckman Guerra

Javier Garciadiego

Luis Aboites Aguilar

Tlahtolkuepalistli ika nawatlahtolli iaxka

Jesús Alberto Flores Martínez

Nawatlahtolli tlen

La Esmeralda, Chicontepec, Veracruz



EL COLEGIO DE MÉXICO

Nombres: Escalante Gonzalbo, Pablo, autor | García Martínez, Bernardo, 1946-2017, autor | Jáuregui, Luis, 1956- , autor | Vázquez, Josefina Zoraida, autor | Speckman Guerra, Elisa, autor | Garcíadiego Dantán, Javier, 1951- , autor | Aboites, Luis, autor | Flores Martínez, Jesús Alberto, traductor.

Título: Yankuik nemilistli tlen Mexko tlalli / Pablo Escalante Gonzalbo, Bernardo García Martínez, Luis Jáuregui, Josefina Zoraida Vázquez, Elisa Speckman Guerra, Javier Garcíadiego, Luis Aboites Aguilar ; tlahtolkuepalistli ika nawatlahtolli iaxka, Jesús Alberto Flores Martínez.

Descripción de la publicación: Primera edición | Ciudad de México : El Colegio de México, 2023.

Título original: Nueva historia mínima de México. Texto en náhuatl

Identificadores: ISBN 978-607-564-461-5

Temas (BDCV): México – Historia

Clasificación DDC: 972 – dc23

Achtowi edición, 2023 xiwitl

D. R. © EL COLEGIO DE MÉXICO, A. C.
Carretera Picacho-Ajusco núm. 20
Ampliación Fuentes del Pedregal
Alcaldía Tlalpan
C. P. 14110
Ciudad de México, México
www.colmex.mx

ISBN 978-607-564-461-5

Motepostlahkuilohki ipan Mexko

AMATEKPANTLI

TLAIXPANTILISTLI, 9

TLEN WAHAPATL MEXKO, 11

Pablo Escalante Gonzalbo

Tlen tlapewanih-tlaphepenanih, 12. Kemah pehki civilización, 15.
Kemah pehki onkah miyakeh chinankomeh ipan weyi tlalli, 20.
Kawitl tlen imperio, 25. Owihkayotl wan tlapatlalistli, 33.
Tlatewiyanih tlen Quetzalcóatl, 39. Totlayimeh tlen atl, 45.
Echkaya kemah asiskiah kaxtiltekameh, 53. Itlamia, 56.

NE COLONIAL KAWITL HASTA IPAN 1760, 59

Bernardo García Martínez

Tlen fundacional kawitl, 1519-1610, 61. Tlen chikawalistli
wan autonomía kawitl, 1610-1760, 85. Ika tlami, 109.

BORBÓNICAS TLANAWATILLI, 113

Luis Jáuregui

Se tlachialistli tlen nochi, 115. Tlen achtowi borbónicas
tlanawatilli, 118. Weyi paxalolistli ipan tribunales wan cajas reales
tlen Yankuik Kaxtillan, 120. Chikawalistli tlen virrey wan tlanawatilli
tlen intendentes, 125. Mopatlak ohtli. Xiwitl tlen noventa, 128.
Moyolchikawaltihki vales reales wan economía novohispana, 131.
Ne sentimiento nacionalista novohispano, 135.

KEMAH PEHKI INDEPENDENCIA WAN MOCHIHKI
CONSOLIDACIÓN REPUBLICANA, 139

Josefina Zoraida Vázquez

Tlatewilstli tlen independencia, 141. Moyankuichihki Estado mexicano, 151. Pampa onkayayah amenazas extranjeras moyehyekohki centralismo wan dictadura, 160. Liberaltlanawatilli, francesatlatewilstli wan kemah tlatlanki república, 172. Tlen kenihkatzah mopatlatiyahki nacional yolistli wan mochihki republicana, 187.

NE PORFIRIATO, 195

Elisa Speckman Guerra

Ne porfirista tlanawatilli, 197. Ne finanzas públicas wan económico moyawalistli, 211. Masewalchinankomeh wan altepeme, 216.

Nemilstli, 223.

NE WEYI TLATEWILISTLI REVOLUCIÓN, 229

Javier Garciadiego

Tlen ax kikualittayayah, tlen kitzakuiiyayah wan tlen kimanawiyayah, 229. Kemah onkak kualantli wan tlatewilstli ika teposme, 232.

Ne anacrónico liberalismo, 235. Ne constitucionalista tlatewilstli, 240.

Ne constitucionalismo wan ne convencionismos, 246. Tlen kualli wan tlen axkualli tlen carrancismo, 252. Ne yankuik Estado, 258.

TLAMIA OHTLI, 1929-2015, 265

Luis Aboites Aguilar

Owihkayotl tlen taltipaktli wan política tlakualtlistli, 266. Nochi kualli eltoya wan económico moyawalistli, 1940-1958, 273. Owihkayotl wan estatista tlanankilistli, 1958-1982, 283. Moollinikheh ewanik wan político tlapatlalistli, 1982-2000, 294. Mokuatakanki económico tlamantli wan onkak democrática kuesolli, 2001-2015, 305.

TLAHKUILOWANIH, 319

AMATEKPANTLI ONOMÁSTICO WAN TOPONÍMICO, 321

TLAIXPANTILISTLI

Ipan 1973 xiwitl ne El Colegio de México kitepostlahkuilohki se tlen achtowi amochtli tlen itokah Nemilistli tlen Mexko tlalli pampa kinekiyaya kinmakas nochimeh mexkoewanih se achi tlahlamakilistli. Ni amochtli kiihkuilohkeh makuilli tlahkuilowanih (Daniel Cosío Villegas—tlayekanketl—, Ignacio Bernal, Alejandra Moreno Toscano, Luis González wan Eduardo Blanquel) inihuantih tlahkuilohkeh tlen nochi inemilis tlen altepetl. Amochmeh tlen kiskeh teipah kikalakihkeh seyok tlamachtlistli (tlen Lorenzo Meyer) tlen panok ipan teipah xiwimeh, pero teipah ayok tlen panok ika nopa amochtli hasta kemah asiko yankuik xiwilpilli. Ipan eyi decenios tlen panotokeh ne Nemilistli tlen Mexko tlalli kiaxitihki se cuarto tlen se millón tlen tlakopintli wan motlahtolkuepki ika matlaktli wan nawi tlahtolmeh, nohkia se tepostlahkuilolli ipan Braille.

Tlamachtlistli tlen inemilis tlen toaltepe nochipa mopatlatika pampa mochiwa yankuik tlatemolistekitl. Ipan tlen últimos sempoalli wan matlaktli xiwimeh tlatemowanih kinasitokeh yankuik tlamantli tlen inemilis tlen Mexko tlen achtowi axkanah momatiyaya. Mokuatlalki tlen achtowi axkualli mochihi wan yeka namah onkah kualli tlahlamikilistli. Nochi tlen moihtowa tiweliseh tikittaseh ipan nochimeh tepostlahkuilolli tlen onkah wan nohkia ipan ni amochtli tlen nikah monextia. Welis moihtos nohkia namah mexkoewanih moneki kipiaseh miak wan kualli tlahtlamikilistli tlen inemilis tlen altepetl, pampa miyakeh momachtiah wan nohkia mokalakiah ipan miak tlamantli pampa kinekih ma onkah se yehyektzih altepetl.

Ne weyikaltlamachtiloyan El Colegio de México moihlia asihka kawitl para mokualtlalis se Yankuik nemilistli tlen Mexko tlalli, tlen eli ni amochtli tlen tihpixtok moma. Ni amochtli kitlepanitta tlen achtowi Nemilistli tlen Mexko tlalli, pero nohkia moyankuilitok: pampa kiihkuilohkeh chikome yankuik tlahkuilowanih, pampa tlawel kualli kikualtlalihkeh, pampa kualli techmachtia wan pampa moweyichihki —wan pampa kikalakia yankuik tlamachtilistli tlen onkah ipan tlen achtowi xiwimeh tlen xiwilpilli XXI—. Welis moihtos, ne tlahkuilowanih ika malwilli kikualtlaltokeh ni amochtli pampa kinekih nochimeh amapowanih ma kikuamachilikah, wan ma kipowakah ika pakilistli.

Ne weyikaltlamachtiloyan El Colegio de México kineki ipan amochtli tlen teipah motepostlahkuilos, ma kalaki tlen yankuik tlahlamikilistli tlen onkas, pampa yani nochipa mopatlatika. Ne Yankuik nemilistli tlen Mexko tlalli kineki elis se kualli tekittl tlen kinextis inemilis tlen toaltepe, tlen wahapatl wan tlen yankuik Mexko.

TLEN WAHAPATL MEXKO

PABLO ESCALANTE GONZALBO

Mexko axkanah setzih onkah miyakeh Mexko. Ipan ni tlalli miyakeh tlakameh wan siwameh itztokeh, wan axkanah iwikal ininnelwayo, ax iwikal ininnemilis wan axkanah iwikal kampa ewah, yeka ipan ni toaltepe onkah miyakeh altepeme. Achtowi onkayayah ome tlamantli tlen chinankomeh, onkayayah chinankomeh tlen tlatokayayah, inihuantih ewayayah ipan tlahko meridional tlalli wan nohkia onkayayah chinankomeh tlen tlapewanih-tlapehpenanih tlen ewayayah ipan norte árido tlalli. Tohuantih tlawel tikihlamiktokheh weyi Tenochtitlan pampa nopayo tlatzkitok tonelwayo, tikinixmatih Moctezuma Ilhuicamina wan Nezahualcóyotl, moneki axkanah tikilkawaseh sekih tokolwah ewayayah nohkia ipan rancherías tlen tepeme tlen Chihuahua, echkatzih waya lobos wan osos, wan sekih xolotikeh nemiyayah ipan Baja California tlalli, nochipaya san kitlachiltayah nopa weyi mar.

Meridionalmasewalchinankomeh ken masewalmeh, zapotecomeh wan mayameh wehweyih eliyayah, yeka axkanah polihkeh kemah asikoh kaxtiltekameh ipan ni tlalli. Nochimeh ni masewalchinankomeh, ika miak tlamantli, welkeh kikalakihkeh inintlaneltokilis, ininneskayomeh wan ininnemilis ipan yankuik nacionalnemilistli. Inintlahlamikilis wan ininnemilis tlen tlapehpenanih tlen Coahuila wan tlen masewalchinankomeh tlen Jalisco wan Zacatecas, ya nochi polihki pampa kaxtiltekameh kinmiktihkeh nopa chinankomeh. Sekih, ken tarahumaras wan

seris, nohka yoltokeh pampa ewah kampa tepexitl, kampa onkah playas wan tlawel tlawaktok wan kampa nemilistli axkanah kintlepanitta.

Ni amochtli axkanah weyi yeka axkanah tiwelih titlahkuiloseh tlen nochi, san tihtlalanaseh se ome nemilistli, tlen tlatlankeh, tlen altepemeh: tlen olmecameh tlen San Lorenzo, tlen Teotihuacán, tlen Tula..., nopa kiihtosneki nemilistli tlen civilización mesoamericana wan onkah miak tlamantli yeka weli moihkuilowa. Tlen masewalchinankomeh tlen norte ya axkanah onkah miak tlamantli wan yeka axkanah tikinkalakayah nikah.

Tlan ipan se mapa tihtlaliskiah se ohtli tlen yaskia oeste wan este wan kampa nesiskiah sitios arqueológicos ken Huatabampo ipan Sonora, El Zape ipan Durango, Chalchihuites ipan Zacatecas, Villa de Reyes ipan San Luis Potosí wan San Antonio Nogalar ipan Tamaulipas, nopayo nesiskia ken se curva, wahkapa iteno wan echkapa kampa bolsones: nopa kiihtosneki frontera septentrional tlen Mesoamérica kemah nel mochikahtoya, ipan xiwitl 900 d.C. Nopa frontera wan nopa civilización mesoamericana, mochihki ipan miyakeh xiwimeh wan pehki kemah onkak domesticación tlen sintli wan sekinok tlatokmeh, wan pampa nohkia onkak yankuik tlahlamikilistli tlen kenihkatzah tlatokaseh miak, pampa moxexelohkeh nochimeh tlakameh wan siwameh, pampa mopatiliyayah tlamantli ipan miak kilómetros wan pampa onkak kampa tlatlakualtiyayah, ken nopa teokalli tlen motlalki ipan se tlachiwaltepetl wan nopa cancha kampa mawiltiyayah ika pelota.

TLEN TLAPEWANIH-TLAPEHPENANIH

Ipan América tlalli pehki ewah tlakameh ipan xiwitl 40000 a.C. Panotoyayah tlahko millón tlen xiwimeh kemah nopa *Homo erectus* kiixmatki kenihki kichiwas tlitl, pero nopa *Homo sapiens* apenas onnemiyaya wan nohka onkayayah se ome tlen *neanderthalensis*. Yeka, tlawel moneki tikittaseh wan tikihlamiktoseh nopa tlakatl, ken

namah tikixmatih, pehki inemilis iwikal ken pehki ipan América tlalli wan nohkia ipan nochi tlaltipaktli.

Tlakameh welkeh panoh ipan América tlalli pampa temok atl tlen weyi mar, nopa panok ipan kawitl geológica tlen moixmati ken Pleistoceno noso glaciari kawitl. Kemah elki tlen última glaciación tlen nopa kawitl, tlen Wisconsiniana (c. 100000 a 8000 a.C.), panok miyakeh xiwimeh wan ipan nopa kawitl noroeste tlen Asia wan noroeste tlen América mosehotiltayah: nopayo panok tlen nohka telpokatl *Homo sapiens sapiens*, miak weltah panokeh.

Wahkakia kemah asikoh tlakameh kampa namah eltok Mexko tlalli welis ipan xiwitl 35000 a.C. Ipan nopa kawitl wan ipan xiwitl 5000 a.C., kemah tlakameh pehkeh kitokah sintli wan piletzih, san onkayayah tlapewanih-tlaphepenanih wan michitzkiyanih. Nopa bandas kemantika sansehko nemiyayah wan kemantika moxexelowayayah. Ipan metztli kemah axtlén onkayaya, sehse familia kitemoyaya kanih itztos, kikualtlaliyaya kampa itztos ika xiwimeh noso mokawayaya ipan se tepekoyoktli, wan teipah kikuayaya nochi tlakualistli tlen echkatzih onkayaya. Teipah kemah asiyaya kawitl kemah miak tlakualistli onkayaya, kemah tlatotoniya, nochimeh familias sampa monechikowayayah wan kichiwayayah se banda para kinitzkiseh yolkameh wan tlaphepenaseh. Nohkia miyakeh bandas monechikowayayah wan kichiwayayah weyi bandas para kinpatlaseh siwameh, sansehko kinitzkiseh yolkameh noso kimanawiseh inintlal. Ipan se banda itztayah se ome decenas tlen tlakameh, wan ipan se weyibanda itztayah se ome cientos tlen tlakameh.

Ni kawitl tlen Mexkonemilistli, achtowi kemah onkak agricultura, motokaxtia Etapa Lítica wan elki kemah tlawel tlaseseya ipan glaciari kawitl, kemah nohka onkayayah ipan América tlalli kawayomeh, antílopes, mamuts, wan sekih yolkameh tlen teipah tlamopolihkeh pampa mopatlak kawitl kemah asiko nopa Holoceno.

Se tlatempowalistli tlen omitl wan nakatl tlen Mexkonemilistli tlen welis tihtlalanaseh panok ipan xiwitl 7000 a.C., achi achtowi kemah tlamopolihkeh americana yolkameh. Nopa bandas tlen

tlapewanih-tlaphepenanih tlen ewayayah ipan valle tlen Mexko kinkuatopewayayah mamuts ma yakah kampa onkah miak sokitl ipan Lago tlen Tetzco (Texcoco). Kemah ni wehweyih yolcameh mokuatakaniyayah ipan sokitl, nopa tlapewanih kinmakiliyayah wan kineskisayayah ika ilanzas wan kinmiktiyayah. Se tonatih kipia chiknawi mil xiwimeh, se siwatl, tlen kipiaya sempoalli wan makuilli xiwitl wan se metro wan tlahko tlen wahkapantik, tlapewayaya pero wetzki wan mokokohki, teipah mihki wan mokahki ipan sokitl, moixtlapachtok. Ipan amochmeh moixmati ni siwatl ken “Tepexpan tlakatl”.

Kawitl tlen panok ipan xiwitl 7000 a.C. tlawel ipatih. Pampa ipan tlaltipaktli tlawel mopatlak kawitl wan polihkeh miyakeh yolcameh, pero nopa tlamantli nohkia kichihki ma onkah seyok tekittl. Tlakameh kinkualtlalihkeh puntas tlen proyectil tlen ika weliyayah kinitzkiyah tlen achi wehweyih yolcameh ken puma, nopa pecaría, nopa mazatl, mopa kuatochi wan nopa mapachi. Nohkia onkah arqueológica tlamantli tlen ika welis tikihtoseh ipan xiwitl 7000 wan 5000 a.C., nopa bandas kichiwayayah miak tekittl tlen tlaphepenalistli: welis tlamewayayah kampa onkayayah xiwimeh tlen kintekiwayayah, kitekiyayah tlatokmeh wan xinachmeh ahachika, wan welis kinatekiyayah sekih tlatokmeh para ma moskaltikah. Ika nochi nopa tekittl tlen kichihkeh welkeh kichiwah domesticación tlen chilli, tlen awakatl wan tlen ayohtli (tlatoktli tlen *Cucurbita mixta*): teipah nochimeh ni tlatokmeh ayohkana welkeh moskaltiah ininselti. Teipah tlakameh nohkia kipixkeh wehweyih inintlankoch tlen ika weliyayah kintlapanah wan kinkuah xinachmeh, nopa inintlankoch eliyayah ken metlatl tlen ax kipia iikxi.

Ihkatzah nopa masewalchinankomeh kichihtoyah domesticación tlen se ome tlatokmeh axkanah eliyayah agrícola chinankomeh. Pampa panok miyakeh xiwimeh wan mochihi yehyekolistli wan adaptación, nopa tlamantli titokaxtiah horizonte Protoneolítico (5000 a 2500 a.C.). Ipan ni kawitl neski nopa sintli domesticado, welki onkah ni sintli pampa ipan miak xiwilpilli miak weltah

kaxtiltekameh, wan teipah nohkia kehni ewayayah. Ipan nopa tlanempa nopayo tekitiyayah, wan ipan pilkaltitzih nopayo kochiyayah wan kiahokuiyayah miak tlamantli, nohkia nopayo motlalileyah kalli kampa tlakualchiwayayah wan tlaixpamitl.

Ipan ni kawitl nohkia kiskeh villas kampa onkayayah ome cientos kalmeh, wan ewayayah se mil tlakameh wan siwameh. Nikah onkah tlamantli tlen kiihtosneki wahkakia moixnamikiyayah miyakeh chinankomeh wan tlatlakualtiyayah. San José Mogote, ipan valle tlen Oaxaca, eli se villa tlen wahkakia wan tlen tlawel ipatih: tlatemowanilh arqueólogos kiasitokeh miak tlamantli tlen nopa kawitl, tlamantli tlen cerámica, conchas marinas, itlankoch tlen tiburón, tambores tlen concha tlen ayotl wan trompetas tlen caracol marino, nochi ni tlamantli walah tlen costa tlen Golfo. Ipan nopa xiwimeh, ipan tlatlahko kampa ewayayah, nohkia mochihi se kuatlapectli tlen kitlalwilihkeh estuco wan eltoya se tlaixpamitl.

Ipan ni villas motlalkeh tlen achtowi jefaturas mesoamericanas: eliyayah ken chinankomeh kampa onkayayah tlanawatiyanih, ken tlanawatihketl waya ikonewah, wan melawak nohkia tlatewiyanih, inihuantih kitekiwiyayah miak tlamantli wan motlakentiayah tlen seyok. Onkayayah religiosatlanawatiyanih wan militartlanawatiyanih; inihuantih tlanawatiyah tlen nochi, tlen tomih wan nochi tlen yankuik tlanamakalistli. Ni jefaturas tlen ika monawatiyah tlawel ipatih pampa ika yanopa welki momoyawa nopa Preclásico medio, pero miyakeh tlen ni jefaturas axkanah wahkahkeh wan pa nimah tlamopolihkeh ipan mesoamericanas tlalli, teipah mopatlak ken monawatiyah wan onkak miak pamitl tlen ewanih; nochi tekittl tlen nechikolistlanawatiyanih kichiwayayah san se ome wan eliyayah tlen noblezatlakameh.

Kemah eliyaya xiwitl 1200 a.C. pehki mochiwa ipan Mesoamérica tlalli hidráulikatekitl, canales, terrazas wan welis nohkia chinamitl. Pampa mochihi nochi ni tekittl miyakeh tlatokmeh wan tlakualistli onkayayah wan nohkia miyakeh tlakameh onkayayah. Ipan ni xiwitl wan ipan xiwitl 500 a.C. elki nopa kawitl tlen moixmati ken Preclásico medio, ipan ni

kawitl onkayayah tlakameh tlen tekitiyayah nochi tonatih wan onkayayah tlanawatiyanih, nohkia kichihkeh miyakeh teokalmeh urbanizados wan miak tlamantli tlen nopayo kintekiwiyyayah wan welis tikihtoseh eliyayah tlen “olmecameh”. Ipan ni kawitl pehki pankisah tlen achtowi reinos noso señoríos ipan miak Mesoamérica tlalli.

Ipan nopa kawitl tlakameh tlen ewayayah ipan wehweyih villas tlen Mesoamérica tlalli mopatiliyayah miak tlamantli, tlen miak ipatih wan nohkia tlen kintekiwiyyayah ipan teokalmeh, kehnopa nochimeh mosenkahkeh kenihkatzah elis itlahlamikilis, itlaneltokilis wan kenihkatzah monawatiseh; nohkia mosenkahkeh kenihkatzah kichiwayah tlayekchiwalistli. Namah tihmatih nopa rasgos tlen olmecameh eltoyah ipan cuenca tlen Balsas, ipan valle tlen Mexko, ipan costa tlen Golfo wan ipan miak tlalli; wan ika yani tlamantli welis tikihtoseh axkanah melawak tlen kiihtowayayah nopa tlamantli tlen olmecameh pehki momoyawa ipan Mesoamérica, ipan Golfo tlen Mexko, pampa pehki onkah tlawetilistli wan tlanamakalistli ipan San Lorenzo noso La Venta.

Onkah miak tlamantli tlen tohuanth tikixmatih ken olmecameh wan nikah welis tikihtoseh inihuanth kitekiwiyyayah wehweyih “mesas” tlen tetl noso mampostería (tlen kintekiwiyyayah ken kuasiya kampa mosewised tlanawatiyanih wan ken tlaixpamitl); kitekiwiyyayah jadeíta wan sekinok xoxoktik tetl tlen ika kichiwayayah miak tlamantli; kichiwayayah miak tlamantli tlen oselotl, tlen nesiyyah nohkia ken tlakameh: yolkameh tlen mihtotiah wan motewiah waya tlakameh, ikuetlaxol tlen yolkameh, wan yolkameh tlen nesih ken tlakameh. Ininxayak tlakameh tlen olmecameh kinpiyah ininixtiol rasgados wan inclinados wan nohkia wehweyih inintenxipal tlen motlapowa wan nesih wehweyih inintlankoch; tlatlahko ipan itzonteko welis kipia se incisión, kampa kemantika nesi se sintli. Nohkia onkah seyok tlamantli tlen welis tikihtoseh tlen olmecameh ken nopa “ceja flamígera”, ome bandas tlen motlaliah ken X wan se gota tlen atl tlen ika se punto wan se tlawasantli.

Tlen miyakeh urbanizados teokalmeh, tlen tlawel wehweyih wan kampa miak tlamantli onkah, nohkia kampa onkah miak esculturas tlen wehweyih eltokeh ipan llanuras aluviales tlen Golfo tlen Mexko. Ipan San Lorenzo ipan xiwitl 1200 a.C. mochihi se weyi kuatlapechtli tlen tlalli kampa moahokuihkeh miyakeh teokalmeh wan kalmeh tlen tlanawatiyanih. Wehweyih kuasiyameh, estelas, wehweyih tzontekomeh wan sekinok esculturas nopayo kintlalkeh. Tlen más wehweyih esculturas eliyayah nopa tronos, tlen nohkia moixmatiyayah ken “tlaixpamitl”; iixko mosewiyayah wehweyih tlanawatiyanih kemah mochiwayayah teomatilistli wan nohkia kemah tlanawatiyah. Nopa neskayomeh tlen eltoyah ipan nopa wehweyih kuasiyameh kampa mosewiyayah kiihtosnekiyah nopa tlanawatiyanih kipiayah se kualli tlakamekayotl wan tlawel tlahlamikiyah, tlawel ixtlamatiyah tlen tepetl itiko, pampa nopa tlamantli kiihtosneki tlen fertilidad. Nopa neskayomeh nohkia kiihtosneki wehweyih tlanawatiyanih moitzkihtoyah waya se pamitl tlen semanawak wan waya teosintli. Nopa wehweyih tzontekomeh kinchihtoyah ika tronos tlen ayohkana kintekiwiayah; melawak nopa trono tlen kitekiwihki se weyi tlanawatihketl teipah ika yaino kichiwiwiyaya weyi iixkopinka. Teipah nopa wehweyih tzontekomeh tlen tlanawatiyanih motlaliyah ipan tlalli, wan nesiayah pankistikateh: kewak kuameh, kewak tlatokmeh tlen sintli.

Ipan eyi xiwilpilli San Lorenzo elki asentamiento tlen más ipatih ipan nopa weyi tlalli, hasta kemah ipan xiwitl 900 a.C., kikatehkeh pampa nopa iesculturas kintzontehkeh wan kintohkeh. Ipan xiwitl 900 wan 500 a.C. chamankeh yankuikeh sitios nopayo echkatzi, pero yon se elki tlawel weyi kewak La Venta, welis tikihtoseh ya kipatlak San Lorenzo. Ipan La Venta moketzki tlen achtowi weyi “tlachiwaltepetl” tlen Mesoamérica, se weyi tlachiwaltepetl tlen tlalli, tlen kiyawaltoyah plazas wan kuekuetzitzih kuatlapechmeh.

La Venta ewanih kitemoyayah nopa basálticos tlamantli ipan Los Tuxtlas wan wahka nehnemiyayah, tlen San Lorenzo ewanih inihuantih axkanah miak nehnemiyayah. Iwikal ken ininkolwah tlawel kitemoyayah nopa tlamantli, tlen kiwikayayah

ipan balsas ipan atemitl wan ipan costa, wan kiwataniyayah ika wehweyih wapalmeh kemah ax onkayaya atl. Ika nopa tetl teipah kichitiyahkeh escultóricanemilistli tlen San Lorenzo wan nohkia kiyankuiltiyahkeh ika yankuik tlamantli, ken nopa mihkapetlakalli tlen basálticas tlaketzalmeh. Nohkia nopa kuekuetzih escultura tlen yehyektzih tetl, ken nopa jadeíta, miak onkak ipan nopa kawitl kemah chamanki La Venta; kehni eliyaya pampa miak tlamantli kiasitokeh tlatemowanih ipan ni tlalli wan nohkia ipan chinankomeh ken Cerro de las Mesas wan Río Pesquero.

Tikamatiskiah tikihtoseh ipan nopa villas tlen Golfo tlen Mexko tlen eliyayah ken altepeme, nopayo ewayayah tlayekchiwanih, teopixkemeh, tlatewiyanih wan tlanawatiyanih, wan eliyaya kewak se altepetl kampa teipah kiskeh miyakeh olmecameh tlamantli tlen Mesoamérica. Pero, ken tikihtohkeh ya nochi tlamantli tlen onkah techiliah nopa moyawalistli axkanah pehki ipan Golfo, wan nochi nopa olmecameh tlamantli tlen onkayayah sansehko kintlalentoyah noblezas mesoamericanas, nochimeh inihuantih moixmatiyayah wan nohkia motlanamakiltiyayah miak tlamantli.

Welis nohka tikintokaxtiseh olmecameh ewanih tlen ewayayah ipan aluvial ixtlawak tlen Golfo ipan kawitl tlen tlahko Preclásico; kehnopa tikintokaxtiah masewalchinankomeh tlen familia lingüística mixe-zoque. Pero nochi tlamantli tlen kitekiwihkeh masewalchinankomeh tlen ewayayah ipan nopa weyi tlalli, axkanah eliyayah san “tlen olmecameh”, pampa nochimeh inihuantih kitekiwiyayah. Tlalli kampa itztoyah olmecameh tlen kalteno Mexko welis tikintokaxtiah, pampa tlawel weyi wan miak tlamantli onkayayah ipan nopa teokalmeh, Teopantecuanitlán, ipan Guerrero, wan Chalcatzingo, ipan Morelos. Ipan ni tlalli onkah miak tlamantli; welis tikintokaxtiseh, estelas tlen nesih ken T tlen ipan achtowi, wan neskayomeh tlen atl wan tepekoyoktli, tlen ipan teipah. Pero ipan nopa ome kualli nesi miak tlamantli, neskayomeh wan nochimeh olmecameh tlamantli tlen onkayayah. Nochi tlen yaino nohkia welis tikittah ipan Tlapacoya wan ipan Tlatilco (ipan valle tlen Mexko), wan ipan miak chinankomeh tlen Mesoamérica tlalli.

KEMAH PEHKI ONKAH MIYAKEH CHINANKOMEH IPAN WEYI TLALLI

Ipan kawitl tlen tlahko Preclásico nochi eliyaya iwikal, wan kemah pehki Preclásico tardío (500 a.C. a 200 d.C.) pehki onkah miyakeh chinankomeh. Ipan xiwitl 500 a.C., nochi tlen olmecameh tlamantli nel tlankeh ipan Mesoamérica wan mopatlakeh ika sekinokeh tlamantli pampa kiskeh yankuik chinkomeh: kiski yankuik tlamachtlistli tlen arquitectónicokitl tlen ika mochiwayayah tlen weyi tlamantli, mopatlak escultoratekitl, nohkia tlen cerámica wan tlahlamikilistli tlen semanawak. Axkanah momati kualli kenke onkak nochi ni tlamantli ipan ni kawitl tlen mesoamericananemilistli, tlen kena tihmatih eli ipan nochimeh nopa weyi tlalli onkayayah miyakeh tlakameh wan onkayaya miak tomih tlen ipan achtowi xiwilpilli ax onkayaya. Ni chikawalistli ipan nochimeh weyi tlalli kichihki ma onkah miyakeh tlakameh wan siwameh wan kichihki ma onkah noblezatlakameh tlen teipah inihuantih tlanawatihkeh. Ika yani tlamantli nopatlak kenihkatzah monawatiyayah chinankomeh wan mochihi políticokitl, tlanawatiyaneh eliyayah tlen kualli tekitiyayah wan nohkia tlen kualli tlatewiayah kemah onkayaya weyi tlatewilistli, nohkia tlen kualli kisenkawayayah tlanamakalistli wan tlen kimatiyayah kenihkatzah moweyitilis nopa weyi tlalli.

Kemah kiski nopa Monte Albán kiihtosneki pehki nopa kawitl tlen Preclásico tardío. Nopa wehweyih villas tlen eyi imakuayo tlen valle tlen Oaxaca, tlen tlawel moweyichihtoyah, ayohkana momoyahkeh ipan xiwitl 500 a.C. wan monechikohkeh waya sekinokeh chinankomeh para kichiwaseh se weyi altepetl. Monte Albán eliyaya se tepetl tlen teyo, ax kipiaya atl wan tlatzitzikatok, pero eltoya ipan tlatlahko tlen valle; desde ipan wahkapa tlen nopa tepetl nesiayah nopa eyi imakuayo wan nopa cordilleras tlen kiyawaltoyah. Achtowi kemah pehki nopa Monte Albán monawatiyaya ika sistema tlen wehweyih barrios noso distritos, yeka welis tikihtoseh nopa altepetl kiski pampa miyakeh chinankomeh

tlen itztoyah ipan nopa weyi tlalli tlen valle teipah moihihkeh sansehko itztoseh.

Nopa tepetl tlen teyo teipah moweyichihki wan nopayo ewayayah miyakeh tlakameh wan siwameh, achtowi kemah tlamis kawitl tlen Preclásico tardío, eliyayah xactolli mil ewanih. Tlen achtowi tlachiwaltepetl tlen onkak ipan nopa yankuik tepetl elki tlen Mihtotianih. Itokah kehnopa pampa ipani tlen lápidas kipiah neskayomeh, tlen nesih moolintikateh noso mokuelpachtikateh. Xolotikeh wan ikuetlaxkol nesih, ni tlakameh welis kineskayotiah tlatewiyanih tlen kintzahkeh wan melawak nopa powalli kiihtosneki keskemeh chinankomeh kintlantoyah.

Ni tlamantli tlen kineskayotia kemah onkayaya tlatewilistli nestoyaya ipan San José Mogote, kemah pehki mochiwa Monte Albán. Ipan villa tlen Dainzú, se kuekueztih chinanko tlen Monte Albán tlen eltok ipan imakuayo tlen Tlacolula, nopayo nohkia onkah neskayomeh kampa nesih tlakameh tlen kinmiktihkeh, tlen kinkixtilihkeh inintzontekoh, wan moitzkitok nohkia kemah mawiltiyayah ika pelota. Ipan xiwitl 200 a.C. motlalanki ipan Monte Albán se tlachiwaltepetl tlen nesi ken se flecha iteno, wan iwikal ken tlen achtowi, ipani nohkia kipiah neskayomeh tlen kemah tlatewiyayah. Pero ipan ni lápidas, nesih seyok tlamantli ken neskayotl tlen altepetl, tlen moitzkitok waya se tzonteko tlen moixtlapachtok.

Nochi tlamantli tlen achtowi onkayayah wan tlen sekinok, tlen kawitl Clásico, kiihtosneki nopa Monte Albán mochikawaltihki, moweyichihki wan ya tlanawatihki ipan nochi weyi tlalli pampa miak tlatewiyaya. Pampa miak chinankomeh kintlantoyah inihuantih kitlaxtlawayayah wan yeka momoyahki wan moweyichihki nopa altepetl.

Nopa mihkatlayekchiwalistli, tlen nochimeh tikixmatih ken se tlamantli tlen zapotecomeh tlen kawitl Clásico, eltoyaya ipan achtowi xiwilpilli tlen inemilis tlen Monte Albán: nopa mihkapetlakalmeh tlen mochihtoyah ika wehweyih losas tlen tetl wan tlen motekpantoyah wan moyehyektizihchihtoyah ika

estuco wan tlapalli, nohkia ken nopa vasos-efigie tlen cerámica —moixmatiyayah ken urnas— tlen motlaliyayah yawaltik kampa kintekayayah mihkatzitzih.

Ipan valle tlen Mexko nesi nohkia kenihkatzah moweyichihki nopa altepetl wan onkak miyakeh tlakameh iwikal ken tlen Oaxaca; wan más weyi, tlan tihtlaliseh ipan iteno tlen lago tlen Mexko chamankeh omeh altepemeh ipan kawitl tlen Preclásico tardío. Nopa kawitl tlawel ipatih ipan inemilis tlen toaltepe, pero axkualli tikixmatih. Tlen kena kualli tihmatih nopa Cuicuilco eliyaya más tlen se tlachiwaltepetl tlen eliyaya yawaltik kampa moketztoz: onkayaya se weyi miktlan, tlen namah ax nesi pampa onkah yankuikah kalmeh, wan miyakeh kuekuetzitzih tepemeh, tlen nohka welis tikinittaseh desde ipan wehweyi ohtli. Nopa teokalli tlawel weyi eltok, yeka welis tikihtoseh nopa altepetl nohkia tlawel weyi eliyaya. Ipani teyo, wan ipan se ome lados kaxitiyah 15 metros tlen wahkapa, yeka nopayo tlawel owi mochiwas tlatemolistekitl wan melawak axkemah tihmatiseh nochi tlen nopayo onkayaya.

Ipan Cuicuilco yahkeh miyakeh tlakameh tlen chinankomeh tlen ipan sur tlen valle, iwikal panok ipan Teotihuacán pampa nopayo yahkeh miyakeh tlakameh tlen norte wan oriente. Sekih kiihtowah ipan xiwitl 200 wan 100 a.C. ipan Teotihuacán onkayayah ompowalli mil ewanilh. Pero welis tikihtoseh axkanah iwikal tlen panok: ipan Cuicuilco onkayayah miyakeh teokalmeh tlen yon se chinanko tlen Mesoamérica ax kipiaya ipan nopa kawitl. Ipan Teotihuacán onkayayah miyakeh tlakameh, tlen yahtoyah pampa nopayo kichiwayaya obsidianatekitl, pero ax kipiaya teokalmeh yon seyok tlamantli ken Cuicuilco; eliaya se tlalli kampa mosentiltoyah aldeas pero axkanah eliyaya ken se altepetl.

Cuicuilco mokahki tlatzitzikatok pampa toponki nopa weyi tepetl tlen itokah Xitle ipan xiwitl 50 a.C., pero nohka mokahtoyah se ome tlakameh tlen tlamoyahkeh makuilli powalli xiwimeh teipah, kemah sampa toponki nopa weyi tepetl. Ome tlamantli tlen ika moixmatiyaya inemilis tlen Cuicuilco polihkeh ipan valle pampa nel tlanki nopa altepetl: nopa teokuatlapechtli tlen yawaltik

wan nopa mihkapetlakalmeh tlen botellón, tlen kipiayah se tiro cilíndrico tlen asiyya ipan cámara. Teipah nopa ome tlamantli sampa pankiskeh ipan Occidente tlen Mexko (Jalisco, Michoacán, Nayarit, Colima) ipan xiwitl 200 a.C., wan mokawaseh ipan nopa weyi tlalli ipan se mil xiwimeh teipah. Ika tlatemolistekitl tlen onkah ax momati tlan nopa ome nemilistli iwikal noso axkanah.

Ipan sekinok weyi tlalli tlen Mesoamérica nopa tlachiwalistli wan nochi tlamantli tlen panok ipan Preclásico tardío moitzkitokeh waya olmeca tlamantli. Ipan inemilis tlen Mezcala, kampa welis tikittah nochipaya mochitiyahki se tlamantli tlen olmeca wan eli kiwataniyayah tetl para kinkualtlaliseh neskayomeh tlen nesiyyah ken tlakameh. Nopa neskayomeh tlen kinchiwayayah ipan Mezcala welis tikihtowah axkanah moitzkitok ipan pamitl naturalista tlen olmeca tlayekchiwalistli. Nohkia onkah miak tlamantli tlen techiliah nopa olmecanemilistli momoyahki del Golfo hasta ipan maya tlalli.

Ipan xiwitl 500 wan 400 a.C., La Venta mokahki tlatzitzikatok pampa tlakameh tlamoyahkeh, pero sekih kuekuetzitzih tlalli ken Tres Zapotes wan Cerro de las Mesas, nopayo nohka mokahtoyah tlakameh wan nohka kichiwayayah estelas wan tlaixpamitl ipan weyi tetl; nohkia mokahtoya nopayo miak tlamantli tlen olmeca neskayomeh. Tlawel ipatih nochi ni tlamantli pampa kiihtosneki nochimeh neskayomeh tlen postolmecas tlalli namah nohka kinchiwah iwikal ipan chinankomeh tlen sur, ipan wahkapa Grijalva wan ipan atentli tlen Chiapas wan Guatemala. Pampa onkah nochi nopa tlamantli tlen nesi iwikal tlatemowanih kiihtowah mochihki se tlamantli tlen itokah complejo Izapa; nopa kiihtosneki se weyi tlalli tlen yowi desde ipan septentrional tlalli ken La Mojarra, ipan Veracruz, wan meridional tlalli ken Izapa, ipan Mexko, wan Abaj Takalik wan El Baúl, ipan Guatemala. Nohkia tlawel ipatih Chiapa de Corzo wan La Libertad, tlen eltokeh atentli tlen Grijalva. Ni se weyi ohtli tlen temo tlen aluvial ixtlawak tlen Golfo wan pano ipan istmo tlen Tehuantepec, nohkia nikah itztoyah chinankomeh tlen sanilowayayah mixe-zoque ipan Preclásico tardío. Nopa weyi ohtli tlen atentli, axkanah eliyaya yankuik, pampa desde

wahkacia eltoya; tlen welis tikihtoseh panok ipan nopa kawitl elki nopa yankuikah olmecameh tlen Golfo mochikawaltihkeh teipah kemah tlanki tlanamakalistli wan política tlamantli ipan kawitl tlen olmecameh.

Ipan ni kawitl onkak miak kualantli wan nohkia miak tlamantli mopatlak, pero nohkia ipan complejo Izapa elki kampa kiski se weyi tlahlamikilistli tlen nochi Mesoamérica tlalli: se weyi powalli, se tonalpawalli tlen ika weliyayah kitamachiwaseh tonatih wan kawitl nel kualli, kitlalkeh achtowi se tonatih melawak tlen kemah tlakatihki Totiotzih. Nopa tonatih tlen kemah pehki weyi powalli mesoamericana eliyaya 13 tlen agosto metztli tlen xiwitl 3114 a.C., wan ax tihmatih kenke kitlalkeh nopa tonatih ax tihmatih tlen panok. Wahkacia eltokeh nopa neskayomah ipan tonalpawalli wan walah tlen weyi ohtli mixe-zoque: Chiapa de Corzo, 36 a.C.; Tres Zapotes, 31 a.C.; El Baúl, 36 d.C.; Abaj Takalik, 126 d.C.; La Mojarra, 143 y 156 d.C., wan San Andrés Tuxtla, 162 d.C. Nochi ni tlamantli kiihtosneki nopa amapowalli tlen tikixmatih ken maya axkanah kichihkeh inihuantih pampa kichihkeh mixe-zoques, kemah onkayaya miak kualantli wan mokualltaliyaya weyi tlalli. Nohkia nopa tlachiwalistli tlen tlaixpamitl wan estela axkanah kinchihkeh mayameh. Pampa ken tikittakeh ya, kitekiwiyayah olmecameh, ipan Guerrero, ipan Morelos wan ipan Golfo, wan teipah kiwikakeh ipan weyi tlalli maya ipan yaya nopa weyi ohtli tlen complejo Izapa.

Ipan kawitl Preclásico medio onkayayah chinankomeh tlen tlatokeyayah ipan mayameh kuatitla, ken Seibal wan Altar de Sacrificios, ipan se imakuayo tlen weyi atemitl Usumacinta itokah Pasión, wan Tikal, Uaxactún, Nakbé wan El Mirador, ipan Petén guatemalteco tlalli, echkatzih kampa tlami tlen Campeche tlalli. Sekih tlen ni aldeas elkeh kampa itztayah tlanawatiyanih, wan ipan Preclásico tardío momoyahkeh kuekuetzitzih wan wahkapantikeh teokalmeh, nopayo onkayayah kuekuetzitzih tepemeh, wan sehse kipiaya eyi tlachiwaltepetl iixko. Nopa arquitecturatekitl wan ornamentacióntekitl tlen ni teolkameh eli iwikal tlen teipah moittas

ipan Clásico kawitl, pero nohka poliwi se ome tlamantli: nel ixkopinkayomeh wan amatlahkuilolli tlen tonalpawalli.

Chinankomeh tlen Petén momoyahkeh ipan sur wan ipan Grijalva, ax momati tlan pampa san kinehkeh noso pampa onkayaya tlatewilistli. Pampa onkak nopa tlamantli yeka moixnamihkeh waya chinankomeh tlen Izapa. Kaminaljuyú wan sekinokeh chinankomeh tlen altiplano guatemalteco tlalli welis nopayo moixnamihkeh wan mosehotilihkeh ome pamitl, tlen mixe-zoque wan tlen maya. Ipan xiwitl 292 d.C. nopa weyi powalli pankiski wan kipiah neskayomeh wan arquitecturatekitl ipan maya kuatitla, ipan altepetl tlen Tikal, tlen teipah moweyichihki ipan nopa weyi tlalli.

KAWITL TLEN IMPERIO

Ipan xiwitl 100 a.C. y el 200 d.C., elki nopa kawitl tlen tlahkuilowanih kiihtowah ayohkana Preclásico wan itokah Protoclásico, wan miak tlamantli panok ipan valle tlen Mexko. Wankinoh Cuicuilco mokahki tlatzitzikatok, wan Teotihuacán moweyichihki wan mochikawaltihki ipan nopa weyi tlalli.

Ipan achtowi ome ciento xiwimeh tlen tokawi mochihekheh nopa tlachiwaltepemeh tlen Tonatih wan tlen Metztli wan nohkia nopa teokalli tlen Quetzalcóatl, mochihekheh weyi ohtli tlen Mihkatzitzih wan pehki urbana kawitl ipan inemilis tlen Teotihuacán. Tlan tihnekiskiah tikihtoseh onkak se altepetl tlen wahapatl, nopa elki Teotihuacán. Ipan nopa altepetl onkayayah miyakeh kalmeh wan ohmeh san tlen pavimento, axkanah onkayayah milli yon xochimilli, san yaya nopa onkayayah ipan sempoalli kilómetros cuadrados.

Ipan kawitl tlen horizonte Clásico (200 a 650 d.C.) nochimeh Teotihuacán ewanih ewayayah sansehko ipan wehweyih kalmeh tlen kinchihtoyah tlen mampostería, wan san se ometzitzih mochantihtoyah ika adobe, ika yanopa welis tikihtoseh ipan nopa altepetl kualli ewayayah nochimeh. Nopa wehweyih kalmeh wahkapantik kinchihtoyah, wan ipan muros ax kipiayah ventanas;

kena kipiayah se noso ome ikalmapa kampa kalakiayah. Nochimeh ni wehweyih kalmeh eliyayah tlen planta cuadrada (welis tikihtoseh tlen 60 por 60 metros), ihkatzah onkayayah sekih tlen achi wewiyak eliyayah wan sekih eliyayah ken L. Nochi ilados eliyayah paralelos, wan axkanah nochimeh iesquinas monamikiyah; welis tikihtoseh axkanah eliyaya se nel cuadrícula. Se nechikolistli tlen kalmeh eliyaya ken se manzana noso cuadra; weyi ohmeh tlen Teotihuacán eliyayah wehweyih tlalli kampa nehnemiyayah wan kampa onkayayah taludes wan wahkapantikeh muros, wan desde nopayo ax weliyayah moitta tlachketl panoyayah ipan kalmeh.

Ipan nopa wehweyih kalmeh onkayayah se ome tlanempa kampa nehnemiyayah para yaseh ipan pilkaltzitzih wan nohkia kipiayah tlawilli. Se weyi tlanempa eltoya tlatlahko kampa nochimeh mosentiliyah kemah monekiyaya mochiwas se kampeka noso mononotzaseh. Welis tikihtoseh ipan nopa wehweyih kalmeh ewayayah sempoalli familias; nochimeh iwikal tekittl kichiwayayah wan nochimeh moixmatiyayah. Pampa mochihtok miak genético tlatemolistekittl kampa itztokeh tlen miktokoh ya, welis tikihtoseh nopa tlakameh más moixmatiyayah ken siwameh, eliyaya residencia patrilocal: wan nopa kiihtosneki kemah monamiktiyayah siwameh yowiyayah waya inintetah. Se nechikolistli tlen wehweyih kalmeh kichiwayah se barrio; ohmeh tlen kaltik achi kuekuetzitzih eliyayah ken tlen kalteno onkah.

Nohkia onkayayah nechikolistli tlen barrios wan itokayayah distritos. Sehse distrito kipiaya se teokalli san tlen ya, nopayo onkayayah eyi teokalmeh tlen moixnamikiyah ipan se weyi tlanempa. Nopa weyi tlanempa tlen nopa distrito melawak eliyaya kampa monechikowayayah tlen kinyekanayayah familias kemah monekiyaya mononotzaseh noso kichiwasah se tekittl.

Nochimeh tlakameh wan siwameh tlen ewayayah ipan altepetl Teotihuacán, welis tlahko, eliyayah tlayekchiwanih, kikualtlaliyah miak tlamantli tlen obsidiana, sokitekitl, omitekitl wan conchatekitl, wan kichiwayayah nohkia tlatzontli wan mekatl. Nohkia welis tikihtoseh ipan valle tlen Teotihuacán onkayaya

tlen kualli tlalli kampa tlakameh weliyayah tlatokah, nohkia pampa ax itztoyah sekinokeh, san inihuantih, yeka timoihlih miyakeh ewanah tekitiyayah ipan tlalli, eliyayah miltekitinih noso tlatohkanih, sekih welis san yaya nopa tekittl kichiwayayah wan sekih san tlahko kawittl.

Nochipaya techmachtihtokeh nochimeh prehispanicachinankomeh axkualli mowikayayah pampa san se ome tlen ni chinankomeh san inihuantih tlanawatiyayah, wan onkayayah miyakeh chinankomeh tlen kinmapachtoyah. Wan kena melawak ax eliyayah democracias, pero ken ewayayah eliyaya seyok tlamantli. Ipan Teotihuacán onkah arqueológico tlatemolistekittl tlen techilia onkah nawi pamittl tlen moneki tihmatiseh para tikuamachiliseh kenihkatzah ewayayah wan mowikayayah: 1] nochimeh ewanah monechikohtoyah ipan grupos corporativos, kewak clanes, wan teipah mokuepkeh kewak barrios urbanos. 2] Nochimeh ni clanes axkanah iwikal eliyayah itiko; onkayayah familias tlen kipiayah tomih wan sekinokeh axkanah. Wehweyih kalmeh kampa ewayayah tlanawatiyanih eliyayah más wehweyih wan más kualli tlen kampa ewayayah nopa sekih tlen barrio ewanah. Kemah mikiyayah tlanawatiyanih tlen nopa barrio kena kintokayayah achi kualli. 3] Ipan nopa barrios kampa ewayayah tlayekchiwanih, tlatohkanih wan sekinokeh tekitinih onkayayah infraestructuratekittl ken altepemeh (ohmeh, tiankistli ohtli, drenaje, wan kualli kalmeh) wan ika yanopa welis tikihtoseh axkanah iknotzitzih eliyayah. Ika seyoh tlahtolli: kalmeh kampa ewayayah tekitinih achi iwikal eliyayah tlen kampa ewayayah tlanawatiyanih. 4] Kena onkayayah nohkia weyi wan yehyektzitzih kalmeh tlen kipiayah miak tlamantli wan nopayo ewayayah tlakameh tlen kipiayah tomih. Kalmeh tlen eltoyah ipan este tlen tlachiwaltepetl tlen Metztlitl wan ipan norte tlen tlachiwaltepetl tlen Tonatih, welis tikihtoseh eliyayah kalmeh kampa ewayayah políticotlanawatiyanih wan militartlanawatiyanih. Nohkia onkah kalmeh kampa welis tikihtoseh mokawayayah teopixkemeh, tlen kichiwayayah religiosastekittl.

Tlen teotihuacanomeh weyi tlanawatiyanih axtlén tihmatih, san tihmatih Quetzalcóatl eliyaya weyi iteko tlen kinmokuitlawiyaya, nohkia kehnopa totlayimeh tlen olmeca kawitl kitlepanittayayah teosintli. Chikawalistli tlen weyi tlanawatiyanih ipan weyi altepetl tlen valle tlen Mexko eliyaya pampa tlawel kualli tekitiyayah wan kichiwayayah miak tekitl para nochimeh: nochi ni tlamantli welis tikittaseh ipan wehweyih tlachiwaltepemeh wan ipan weyi altepetl tlen kinchihkeh. Ipan nopa kawitl nohkia kualli mochihihi artesanaltekitl wan mochikawaltihki tekitl tlen mopatiliyayah, ika yanopa nochipaya onkayaya tlamantli tlen ika tekitiseh wan nohkia tlanamakayayah san kampa weli, yeka nopa weyi tlanawatiyanih welis tikihtoseh tlawel kualli kichiwayayah ininteki.

Ipan nopa altepetl nochimeh barrios, tlen nochimeh distritos, tlen nochimeh tlayekchiwanih, nochimeh noblestlakameh wan tlaltekitinih, nochimeh motlepanittayayah pampa ewayayah sansehko, wan nohkia kipiayah se ininteko tlen kinmokuitlawiyaya: itokah Tláloc, totlayi tlen atl, wan nohkia isiwa, Chalchiuhtlicue. Melawak nopa tlachiwaltepemeh tlen, se ome xiwilpilli teipah, nopa mexicameh —tlen san kemantika yowiyayah— kintokaxtihkeh “tlen Tonatih” wan “tlen Metztli”, melawak eliyayah tlen Tláloc wan tlen Chalchiuhtlicue. Nopa tlachiwaltepetl tlen Tonatih eliyaya se weyi “tepetl tlen atl”, pampa nopa teotihuacanotlakameh kichiwilihkeh se tlakoyoktli iteno wan se kuekuetzih ohtli tlatlahko, wan nesiya nopa atl kisayaya tlen nopa tlachiwaltepetl wan teipah kiyawaloyaya. Ipan tlanempa tlen tlachiwaltepetl tlen Metztli san onkayaya se weyi escultura, se tlen nel kualli: Chalchiuhtlicue, siwatotiotzih tlen kipia ikue tlen chalchiwitl.

Ipan nopa altepetl mochiwayaya milli, wan Teotihuacán kitlalki miak tlamantli ipan nochi Mesoamérica tlalli. Tlen achtowi tlamantli, nopa Estado teotihuacano eliyaya tlen tlanawatiyaya wan kisenkawayaya nochi tekitl tlen mochiwayaya ipan valle tlen Mexko wan nohkia ipan valle tlen Toluca. Welis tikihtoseh, tlen ika kiasitokeh tlatemowanih, onkak ome pamitl tlen chinankomeh: nopa masewalmeh, eliyayah tlen miyakeh ewanih ipan Teotihuacán,

wan nohkia otomimeh. Ipan otomimeh onkayayah sekinokeh tlen tlatokayayah ipan cuenca tlen Lerma (tlen teipah elkeh matlatzincas), wan nohkia onkayayah sekih tlen tekitiyayah ipan kuatitlamem, tlen kiitzkiyayah mazatl wan kitokayayah maguey (nopayo kikuiyayah oktli, mekatl, wan ichtli) wan nohkia sekih tlatokayayah (tlen teipah elkeh otomimeh wan mazahuameh). Se tlamantli tlen Teotihuacán tlawel kitekiwiwiyaya wan kimokuitlawiyaya eliyayah nopa yacimientos tlen obsidiana tlen Otumba wan tlen Pachuca, wan nohkia kampa onkayaya miak tenextli ipan tlalli tlen Tula-Tepeji.

Tlen ome tlamantli tlen tlawel ipatih welis tikihtoseh eliyaya nopa cuencas morelenses, kampa teotihuacanomeh kikuiyayah ichkatl, welis nohkia cacao wan sekinok tlatokmeh tlen onkayayah ipan tlalli kampa tlatotoniwiyaya, wan nohkia nopa valle tlen Puebla-Tlaxcala, kampa onkayaya nopa tetl tlen arcilla tlen ika kichiwayayah nopa cerámica tlen “anaranjado wan pitzawak”, se tlamantli tlen tlawel kualli wan ipatih tlen wahapatl Mexko. Teotihuacán mopatiliyayah miak tlamantli waya nopa ome weyi tlalli, welis nopa ome kimakayaya tributo, pero axkanah tihmatih tlan ya tlanawatiyaya tlen nochi.

Tlen eyi tlamantli welis tikihtoseh nopa Teotihuacán nohkia tlanawatiyaya ipan chinankomeh tlen itztoyah ipan miyakeh cientos tlen kilómetros tlen valle tlen Mexko. Teotihuacanomeh kintemoyayah yacimientos tlen cinabrio yeka yahkeh hasta ipan Río Verde, ipan San Luis Potosí, nohkia kinekiyayah yehyektzitzih tetl, ken nopa serpentina wan jadeíta, wan yahkeh ipan cuenca tlen Balsas. Axkanah welis moihtos nopa teotihuacanomeh kitlamokuihkeh nopa materias primas tlamantli, san ihkinoh; más kualli welis tikihtoseh motlanamakiltiyayah miak tlamantli waya sekinokeh.

Teotihuacanomeh nohkia nemiyayah ipan Golfo tlen Mexko pampa kitemotinemiyayah materias primas tlamantli, welis ilhwimeh tlen tropicales totomeh, nopa cacao wan kampa onkayayah cinabrio wan caolín ipan Los Tuxtlas tlalli. Echkatzih kampa eltok laguna tlen Catemaco, nopa teotihuacanomeh

kitlahikkeh se colonia ipan Matacapan; kichihkeh yaino pampa nochipaya kinekiyayah nopa materias primas tlamantli, wan nohkia kinekiyayah tlamokuitlawiseh nopa puerto kampa miak tlamantli monamakayayah wan kampa moixnamikiyayah ohmeh tlen norte tlen Veracruz, tlen península tlen Yucatán, tlen costas tlen Guatemala —ohtli tlen istmo tlen Tehuantepec— wan tlen Mixtecas, ipan ohtli tlen Teotitlán-Tuxtepec. Moihtowa teotihuacanomeh kena itztoyah ipan Matacapan pampa onkah wehweyih kalmeh ken ipan altepetl.

Tlen kenihkatzah mowikayayah Teotihuacán waya mayameh wan zapotecomeh onkah miak tlahtolli. Kena tihmatih moitzkihtoyah wan wahkahki miak xiwilpilli. Miak tlamantli tlen kitekiwiyyayah teotihuacanomeh asitoh ipan Oaxaca wan ipan weyi tlalli tlen maya, wan miak tlamantli tlen kitekiwiyyayah teotihuacanomeh nohkia kinkopinayayah tlayekchiwanih tlen sur. Pero ¿kenihkatzah mowikayayah?

Kipia ompowalli wan matlaktli xiwitl tlatemowanih kiihtohkeh nopa teotihuacanomeh kena itztoyah ipan maya tlalli. Desde wankinoh, mochihtok miak arqueológicos tlatemolistli wan nohkia tlen neskayomeh tlatemolistli. Ipan miyakeh maya altepeme tlen Petén onkah miak tlamantli tlen kiihtosneki teotihuacanomeh kena nopayo itztoyah wan kikatehkeh arquitecturatekitl wan cerámica, wan nochi ni nohkia nesi ipan neskayomeh tlen tlatewiyanih. Ipan Tikal eli kampa tlawel nesi nochi tlen nikah moihtowa: nopayo onkah teotihuacanomeh vasisas ken nopa vaso trípode ika itentzahka tlen tlawel moixmati, nohkia onkah ipan ni altepetl tlen eltok ipan weyi kuatitla miak kalmeh tlen nesih ken nopa talud wan nopa tablero ken kitekiwiyyayah ipan Teotihuacán, wan ax kipia miak kawitl nohkia kiasikeh se estandarte tlen tetl tlen nesi iwikal ken nopa “marcador tlen kampa mawiltiyayah ika pelota”, tlen kiasikeh ipan barrio tlen La Ventilla, ipan Teotihuacán.

Ipan se vaso tlen kiasikeh ipan Tikal nopayo moneskayotihtokeh tlatewiyanih tlen motlakentitokeh ken teotihuacanomeh, ika teposmeh, wan itztokeh waya se mayatlakatl tlen kinseliah ika

popochkomitl. Nohkia ipan se weyi tlapalli tlen eltok echkatzihi Uaxactún moneskayotihki se teotihuacanotlatewihketl tlen kiselia se tlanawatili tlen kimaka se maya nobletlakatl. Hasta namah tihmatih tlen kiihtosneki nopa neskayomeh. Namah tihmatih ipan tonatih 31 tlen enero metztli tlen xiwitl 378 d.C. asiko ipan Tikal se koyotl tlen itokah Siyaj Kak; chikueyi tonatih achtowi ni tlakatl nohkia itztoya ipan villa tlen Perú, tlen eltok ipan se imakuayo tlen weyi atemitl Usumacinta, tlen kampa tikalakis ipan Petén tlan tikistewas ipan valle tlen Mexko. Ipan nopa tonatih kemah asiko nopa koyotl nohkia mihki weyi tlanawatihketl tlen Tikal, Chak Tak Ichaak; wan ika nochi yani welis tikihtoseh, nopa koyomeh inihuantih kimiktihkeh weyi tlanawatihketl.

Nohkia moihtowa kemah asiko Siyaj Kak ipan neskayomeh tlen tetl tlen eltokeh ipan Uaxactún, Bejucal wan Río Azul. Axkanah moihtowa Siyaj ya elki tlanawatihketl; ipan neskayomeh nesi san kinkatehki yankuikah tlanawatiyanihi. Ipan Tikal, nopa Siyaj kikatehki ma tlanawati se teotihuacanotlakatl itokah “Búho-Lanzadardos”. Teipah nopa koyomeh moihihkeh kinihkueniseh nopa estelas tlen ika kinihlamikiyayah weyi tlanawatiyanihi tlen itztoyah achtowi kemah asikoh teotihuacanomeh, nochimeh kintlatlapatzkeh wan kinihkuenihkeh tlen kampa altepetl. Mochihki nochi yani pampa monekiyaya motlalis se yankuik nechikolistli, wan teipah, ipan miyakeh xiwimeh, tlanawatiskiah weyi tlanawatiyanihi tlen Tikal tlen moitzkihtoyah waya teotihuacanomeh. Ikone tlen Búho-Lanzadardos, Yax Nuun Ayiin I, moneskayotihki ipan se estela ihkatok wan motlakentitok axkanah ken maya, wan ipan imihkapetlakal kintlaltohkeh vasijas tlen teotihuacano tlamantli. Iixwi tlen Búho-Lanzadardos, Siyaj Chan Kawiil II, moneskayotihki ken se mayatlakatl, pero nohkia ika ome neskayomeh kampa nesi itata motlakentitok wan kipixtok teposmeh ken se teotihuacanotlatewihketl. Ipan Piedras Negras nohkia onkah tlamantli tlen techiliah teotihuacanomeh nohkia tlatewihkeh wan ipan Palenque welis tikihtoseh teotihuacanomeh nohkia kitlalkeh se yankuik nechikolistli ipan xiwitl 431 d.C.

Ipan altiplano guatemalteco, Kaminaljuyú nohkia kiyehyekohki se teotihuacana tlatewilitli ipan xiwitl año 400 d.C. Nikah ax onkah neskayomeh, pero nopa arqueológicos tlamantli ya axkanah techkakayawah. Ipan Kaminaljuyú mochihki tlen nopa tlatemohketl Michael Coe kitokaxtitok “se kuekuetzih Teotihuacán”. Nopa ewanih kinchihkeh teokalmeh iwikal ken ipan valle tlen Mexko wan ika icerámica kinkopinayayah neskayomeh tlen altepeme. Kemah mikiyayah kintokayayah ika vasijas tlen kinwalikayayah ipan altepetl. Welis tikihtoseh nopa teotihuacanomeh ewayayah ipan ni chinanko pampa kinekiyayah tlanawatiseh ipan yacimientos tlen obsidiana ipan weyi tlalli, ipan tlalli tlen Chayal.

Teotihuacán wan Monte Albán welis tikihtoseh inihuantih kualli mowikayayah, waya mayameh kena motewihkeh, pero waya Monte Albán axkanah onkak tlatewilitli. Zapotecomeh tlayekchiwanih axkanah kiamatihkeh tlen kichiwayayah tlayekchiwanih tlen Tikal; kena onkah teotihuacanas tlamantli ipan Monte Albán pero axkanah miak. Onkah se dintel ipan Monte Albán kampa moneskayohtitok kemah tepaxalokoh teotihuacanomeh tlanawatiyanih, inihuantih eliyayah teopixkemeh tlen kiwalikayayah kopalli wan axkanah eliyayah tlatewiyanih. Waya Oaxaca nel kualli mowikayayah wan waya mayameh axkanah: ipan Teotihuacán onkayaya se barrio kampa ewayayah zapotecomeh wan wahkahki nopa itztoyah. Nopa zapotecomeh tlen Teotihuacán kintokayayah ipan cámaras tlen tlaltzintla iwikal ken tlen Monte Albán, wan axkanah san piso itzintla ken nopa sekinokeh teotihuacanomeh. Nohkia, ininomiyo tlen ni zapotecomeh kinyawalowayayah ika vasos-efigie iwikal tlen kinasihrokeh ika cientos ipan valle tlen Oaxaca.

Teotihuacanomeh welis nohkia itztoyah ipan Occidente tlen Mesoamérica tlalli san axkanah kualli momati. Miyakeh tlatemowanih kiihtowah teotihuacanomeh asikoh ipan Zacatecas, ken Alta Vista, pampa kinekiyayah nopa turquesa tetl wan nohkia kinekiyayah mopalewiseh ika mineratekitl; pero ayikanah onkah tlamantli tlen ika welis tikihtoseh yani nelia. Nohkia onkah se asentamiento ipan Michoacán, Tingambato, ni arquitecturatekitl

nesi iwikal ken tlen architecturetekitl teotihuacana, pero ax onkah cerámica tlamantli tlen techilis ni ome kena kualli mowikayayah. Welis tikihtoseh nopa asentamientos tlen Nayarit, Jalisco wan Colima tlen kipiayah teokalmeh waya kuatlapechmeh wan yawaltikeh plazas wan nopa complejo tlen mikistli tlen mihkapetlakameh tlen tiro wan cerámica tlen nel nelia ika yolistli wan neskayomeh, wahkakia eltoyah ipan nopa weyi tlalli, wan moitzkihtoyah waya chinankomeh tlen Sierra Madre Occidental wan costa tlen Pacífico axkanah waya Teotihuacán.

OWIHKAYOTL WAN TLAPATLALISTLI

Kawitl tlen yowi tlen xiwitl 650 wan 900 d.C. moixmati ika ome itokah. Tlan tikittaseh ipan tlatlahko tlen Mexko, kemah wetzki Teotihuacán wan miak tlapatlalistli onkak, welis tihtokaxtiseh Epiclásico; pero tlan tikittaseh ipan maya tlalli, kemah tlawel momoyawayaya, welis tihtokaxtiseh Clásico tardío. San katlia itokah tihnekiseh tihtekiwiseh, tonatih kemah pehki ni kawitl moitzkitok kemah onkak miak tlapatlalistli wan tlanki nopa teotihuacananechikolistli, wan última tonatih kiihtosneki kemah tlanki clásica mayanemilistli. Welis tikihtoseh, 909 xiwitl d.C., última tonatih tlen moneskayotihki ipan monumentos tlen Calakmul wan Toniná.

Se tlamantli panok ipan xiwitl 600 d.C. pampa nel sehki nochi teotihuacananemilistli ipan maya tlalli, wan ipan ni kawitl wan ipan xiwitl 700 d.C. nochi teotihuacananemilistli tlamopolihki ipan Mesoamérica: nopa weyi puerto tlen Matacapan tlamopolihki nohkia; teotihuacana cerámica tlamopolihki ipan minas tlen cinabrio ipan San Luis Potosí; mokotonki tlanamakalistli waya Morelos wan valle tlen Mexko, ni kiihtosneki teotihuacana kawitl nel tlanki. Axkualli momati kenke panok ni tlamantli san welis tikihtoseh pankisayayah yankuikah altepeme tlen tlatopewayayah pampa kinekiyayah tlanamakaseh; ihkinoh ipan nopa Mesoamérica

tlalli nel tlanki nochi yaino, pampa nopa teotihuacanomeh san inihuantih kinekiyayah tlanawatiseh wan kinmapachtoseh nochimeh chinankomeh. Tlen wahapatl altepetl kemah onkah miak tlapatlalilsti kinpolki cuatro quintas partes tlen ewanilh.

Kemah nel tlanki teotihuacananemilistli ipan maya tlalli nesi nopa tlamantli kichihki ma weli momoyawa nopa weyi tlalli; nopa maya altepemeh welkeh momoyawah wan moyolchikawah: nopa arquitecturatekitl, nopa tlayekchiwalistli wan tlachiwalistli tlen miak tlamantli tlawel kualli elki. Sekih maya altepemeh, ken nopa Palenque, iixtla tlen sierra chiapaneca, Piedras Negras wan Yaxchilán ipan Usumacinta, Tikal ipan Petén, Calakmul ipan sur tlen península tlen Yucatán, mosemoyahkeh ipan xiwilpilli vii. Wan ken elki nochi mayanemilistli, ni kawitl kemah momoyahki miak tlamantli tihmatih pampa inihuantih kitekiwihkeh nopa glotográfica tlahkuilolistli tlen axkanah kitekiwihkeh sekinokeh, ika yani kikopinayaya nochi tlen moihtowayaya ika tlahtolli, wan nohkia kitekiwihkeh se tonalpowailli tlen kualli. Kemantika nopa maya tlatempowalistli tlen kawitl Clásico elih iwikal; moihtowa tlen tlakatilistli, tlen tlanawatiyanih, tlen tlatewilistli, tlen teokalmeh, tlen mikistli... Pero namah onkah miak yankuik tlamantli, mopotokeh nochimeh neskayomeh ipan sempoalli xiwitl, wan ika yani namah yankuik tlamantli tihmatih: axkanah nochimeh tlanawatiyanih iwikal eliyayah, wan axkanah nochimeh altepemeh kinpowayayah iwikal innemilis. Ika nopa neskayomeh tlen inscripciones welis tikihtoseh miak tlamantli, onkah miak nemilistli wan tlatempowalistli, wan nochi walah tlen ipan nopa kawitl tlen xiwilpilli VII.

Ika nopa neskayomeh tlen inscripciones tlen Yaxchilán tiwelih tikixmatih, wan sekinokeh, se kualli tlanawatihketl itokah, Itzamnaaj Balam II, ya tlanawatihki ipan xiwitl 681 a 742 d.C. Nesi ipan tlen kualli dinteles tlen kinchihtokeh ipan Yaxchilán, nesi ken se weyi tlatewihketl wan tlamokuitlawihketl tlen altepetl. Tlawel kualli tlanawatihki wan miyakeh xiwimeh yoltoya; iwikal ken inana, kaxitihki nawpowalli wan matlaktli xiwitl. Ni tlanawatihketl

miyakeh isiwawah kinpixki, ken nopa siwatl tlen itokah Kabal Xook tlen más ipatih eliyaya: ya kichiwilihkeh se weyi teokalli ipan Yaxchilán, itiko kiyehyektzihchihkeh tlayekchiwanih tlen kinwalikakeh tlen altepeme. Nopa siwatl mihki chikome xiwitl teipah tlen tlanawatihketl, Kabal Xook kitohkeh ipan se weyi teokalli, ika se weyi tlananalli tlen sempoalli mil navajas tlen obsidiana.

Seyok tlatempowalistli tlen nopa kawitl eli tlen Pakal wan ikone Kan Balam, totlayimeh tlen Palenque (tlen kitokaxtiyayah Lakamhá). Tlayekchiwanih tlen ni altepetl kineskayohtihkeh nemilistli ipan estuco, ipan paredes, wan ipan tetl, pero axkanah ipan estelas ken sekinokeh. Kinich Janaab Pakal I, welis tikihtoseh, Pakal el Grande, kiselki kuatopilli imako inana, nopa tlamantli axkanah nochipaya moittayaya pampa totlayimeh inihuantih tlayekanayayah. Nopa inana, Sak Kuk, ya tlayekanayaya pampa ax kipiayah iiknimeh totlayimeh; tlen último mihki ipan tlatewilistli waya Calakmul. Teipah tlanawatihki eyi xiwitl, wan teipah kimakak kuatopilli ikone tlen kipiaya matlaktili wan ome xiwitl. Pakal welki kitlalana nopa altepetl tlen san kipoltoya kemah tlatewihtoya wan kualli kichikawaltihki pampa teipah kikualtlalki se weyi kalli tlen Wahapatl Mexko wan nohkia kikualtlalki se weyi mausoleo para yas ipan Xibalbá, nopa kiihtosneki kampa itztokeh mihkatzitzih: tlen motokaxtia teokalli tlen inscripciones. Kinich Janaab Pakal I ya tlawel kualli tlanawatihki, yeka ikone, Kinich Kan Balam II sampa ya más kichikawaltihki nopa altepetl, tekitihi iwikal ken itata: ya kichihki nopa nechikolistli tlen eyi teokalmeh tlen tlawel moixmati, tlen Cruz, tlen Cruz Foliada wan tlen Tonatih.

Ipan nopa kawitl kemah yoltoya Pakal el Grande nohkia yoltayah Yuknoom-Cabeza wan Yuknoom el Grande, totlayimeh tlen Calakmul. Tlen tlawel mosisiniyaya, wan kitlamokuitlawiyaya se altepetl tlen kiamatiyaya tlatewis, nopa Yuknoom-Cabeza tlawel kiamatiyaya tlatewis wan kinmakilis tlen kuekuetzitzih altepeme. Kemah nopa altepetl tlen Naranjo, ipan Petén guatemalteco, kinehki moxixomas, nechikolistlatewiyanih tlen Calakmul yahki kitewito

wan Yuknoom kimiktihki nopa tlanawatihketl. Ipan tlatempowalistli motekiwia tlahtolli *kuxaj* tlen ika welis moihtos tlen Yuknoom kichiwilki; welis motlahtolkuepas ika ome: kimakilihki noso kikuahki. Teipah tlen Yuknoom-Cabeza, tlanawatihki Yuknoom el Grande, ya tlatewihki waya Tikal, wan chikawak motewihkeh.

Se tlamantli tlen ika welis tikihtoseh nopa mayatlanawatiyanih kipiayah chikawalistli ipan xiwilpilli VII eli pampa tlanawatiyayah ipan tlahko Mexko. Nochi ni panoyaya pampa nochimeh weyi tlalli tlen eltoyah iteno tlen nopa altepetl kinekiyayah momoyawaseh iwikal ken panoyaya kemah itztoyah teotihuacanomeh. Nochimeh chinankomeh tlen tlatlahko wan tlatlahko-norte tlen Veracruz, waya nopa altepetl Tajín tlen kinyekanayaya, kalahkeh ipan Kuextekapan wan ipan tlatlahko meseta. Sekih tlamantli tlen kinasihkoeh ipan Cholula altepetl nesih iwikal ken tlen Golfo. Mixtecochinankomeh nohkia yahkeh Cholula wan welis inihuantih nohkia kimoyahkeh nopa neskayomeh, kiwikakeh nohkia tonalpwalli, ipan chinankomeh tlen Puebla wan Morelos. Nopa mayameh, ika ikuentah, kikalakihkeh itlahlamikilis ipan ome wehweyih altepemeh, Cacaxtla wan Xochicalco. Ipan nopa weyi tlapalli tlen Cacaxtla onkah neskayomeh tlen walah tlen Golfo wan nohkia tlen teotihuacanoneskayomeh, pero nopa tlapalli tlamantli, tlen kinextiah wan tlakameh tlen nesih, elih mayameh. Tlapalkemeh tlen kinchihkeh nopa tlapalmeh, wan welis nohkia sekinokeh nobletlakameh, nochimeh inihuantih kiixmatiyayah tlayekchiwalistli tlen cuenca tlen Usumacinta.

Ipan Xochicalco moixnamikih miak tlaneltokilli. Nochi tlen onkah ipan altepetl nesih iwikal ken tlen Monte Albán, tlawel nesi ken nopa mayameh kinechikowayayah wehweyih teokalmeh wan kichihkeh nopa acrópolis. Nopa arquitectónicatekitl tlen kuatlaprechmeh kinkualtlalkeh ika talud wan nopa tablero kichihkeh ika Cholula tlamantli, pero kitekiwiah nopa cornisa volada iwikal ken Tajín. Ipan nopa weyi teokalli tlen Quetzalcóatl monextia se teotihuacano tlamantli, pero nohkia welis tikihtoseh, nopa xochicalcachinankomeh ayohkana kinekiyayah moitzkitoseh

waya nopa metrópoli wan kinekiyayah kitemoseh obsidiana ipan yacimientos tlen Michoacán, ihkatzah más wahka onkayaya ken tlen valle tlen Mexko. Ipan neskayomeh tlen tonalpowailli tlen Xochicalco nopayo nesi oaxaqueña tlamantli pero nohkia nesi kinekiyayah kiyankuiliseh wan kichiwasah seyoh tlamantli. Wan sampa, iwikal ken ipan Cacaxtla, ipan Xochicalco tihkasih miak tlamantli tlen mayameh, nopa tlamantli kehnopa eltok pampa achtowi kualli mowikayayah. Nopa neskayomeh tlen tlakameh tlen kinneskayotihtokeh ipan teokalli tlen Quetzalcóatl, welis tikihtoseh wala tlen maya plásticanemilistli, welis wala tlen wahka Copán tlalli.

Nesi kemah nopa teotihuacanomeh tlamopolihkeh, nochimeh chinankomeh sampa motlalankeh wan mochikawaltihkeh, inintlal kampa initztoyah, nohkia kikuihkeh kentzih tlen achtowi onkayaya. Namah ayohkana onkayaya san se chinanko tlen tlanawatiyaya, namah inihuantih monawatiyayah. Welis tikihtoseh elki se owi kawitl wan miak tlatewilistli onkayaya: Teotenango, kampa pewa Lerma, momoyahki ipan se weyi altepetl kampa ax weliyaya kitewiah, wan Xochicalco wan Cacaxtla, axkanah kualli kimachiliyayah ihkatzah itztoyah ipan wahkapantikeh tepemeh, nohkia moyawalohkeh ika fosos wan murallas. Ipan weyi tlapalli tlen Cacaxtla monextia tlatewilistli tlen xopanatli wan kemah tlawaktok. Ipan tlachiwaltepetl tlen Quetzalcóatl, ipan Xochicalco, nochimeh tlakameh tlen kinneskayotihtokeh kinextiah se weyi escudo wan se tzontli tlen dardos.

Ipan xiwilpilli VIII onkak miak tlatewilistli ipan maya tlalli, ma nelia eliyaya kualantla. Chinankomeh tlawel tlatewiyyayah pampa kinekiyayah tlalli —wan ni nohkia mochiwayaya pampa monekiyaya tomih— wan yeka tlawel tlatewiyyayah, nochi ni kualantli tlanki kemah tlamopolihki mayanemilistli, ni chinanko moyolchikahtoya ipan miak xiwimeh ipan tlalli tlen echkapa. Sekih tlamantli tlen onkah ipan tlalli kampa eltok weyi atemitl tlen la Pasi6n wan lago Petexbat6n technextiliah nochi tlatewilistli tlen onkak ipan nopa kawitl. Nopayo onkak se weyi tlatewilistli,

ipan xiwitl 760 d.C., kampa tlatawihkeh sekih chinankomeh ken Dos Pilas, Aguateca, Seibal, Aguas Calientes wan Amelia. Nopa altepetl tlen Dos Pilas, tlen ipan nopa kawitl ya tlanawatiyaya ipan nopa weyi tlalli, kikatehkeh tlen nobletlakameh; nochimeh tlen nopayo mokahkeh kikualtlalkeh se doble muralla tlen panoyaya ipan wahapatl plazas wan ipan teokalmeh. Nohkia Aguateca ewanilh inihuantih kikualtlalkeh murallas tlen ika momanawiyayah, wan nohkia momanawihkeh ipan se isla, tlen nohkia teipah kichikawaltihkeh. Kemah tlanki ni owihkayotl, ipan xiwitl 830, san mochikahtoya nopa altepetl tlen Seibal. Ika nochi ni tlamantli welis moihtos nochimeh mayameh altepemeh yolik politiyahkeh ipan nochi xiwilpilli IX, wan nochimeh ni altepemeh mokahkeh tlatzitzikatok: nopa altepetl Yaxchilán mokahki tlatzitzikatok ipan xiwitl 808 d.C. wan Palenque san kentzih kawitl teipah; Tikal mokahki tlatzitzikatok echkaya xiwitl 870 d.C. Calakmul, yolik kikatiyahkeh ipan se xiwilpilli, mokahki tlatzitzikatok ipan xiwitl 909 d.C., wan nohkia ipan ni kawitl mokahki tlatzitzikatok altepetl tlen Toniná.

Nopa historiografía tlatemolistekitl tlen namanok mochihtok techilia tlen melawak panok: namah tihmatih nopa mayameh altepemeh axkanah san molwi tlamopolihkeh, nopa panok pampa onkak miak tlatawelistli. Pero axkanah san yaino, moneki moihtos nohkia seyok tlamantli tlen nopa tlatawelistli. Welis tikihtoseh ipan nopa kawitl tlawel onkayaya tlatawelistli pampa nochimeh chinankomeh kinekiyayah itztoseh ipan kuatitla, nopayo tlawel onkayaya tlakualistli wan miak tlamantli, pero axkanah weliyaya itztoseh nochimeh. Mayameh ewanilh kitekiwiyayah tlalli tlen eltoyah atentli tlen wehweyi atemitl para tlatokaseh wan nohkia kinchiwayayah canales tlen ika tlaatekiyayah. Nohkia tlatokayayah ipan kaltik tlalli, ipan tlalli tlen mokawayaya kemah kinmahawayayah kuameh wan kitlatiyayah xiwitl. Pero nopa ribereñas tlalli axkanah miak onkayayah, wan nopa sistematekitl tlen “tumba wan quema” achi axkualli eliyaya: teipah kemah motekiwiyyaya ome noso eyi

xiwitl nopa tlalli monekiyaya mosiahawas matlaktli xiwitl, para ihkinoh sampa moyolchikawayaya wan weliyaya kitekiwia.

Nobletlakameh kiittakeh ika nopa tlatewilistli weliseh motlalanaseh wan miak tomih kipiaseh ika tlaxtlawalistli tlen kinmakayayah chinankomeh tlen kintlaniyayah, pero para mochiwas ni tlatewilistli monekiyaya kawitl wan tekittl wan yeka tlakameh ayohkana tlatokayayah ipan tlalli. Onkah tlamantli tlen techilia nopa maya miltekitihih axkanah kualli tlakuayayah ipan kawitl Clásico tardío, wan nopa panok pampa ayohkana onkayayah tlatokmeh tlen kikuaseh, wan welis nohkia panok pampa nopa wehweyih altepeme tlen tlatlantoyah tlawel miak tlamantli kintlatlaniliyayah kuekuetzitzi altepeme tlen kintlantoyah ma kinmakakah. Nopa altepeme tlen axkanah wehweyih wan tetikeh eliyayah, wan pampa nobletlakameh san inihuantih kinekiyayah moyolchikawaseh wan tlatewiseh, yeka chinankomeh polihkeh. Miyakeh altepeme wetzkeh pampa ax kipiayah kanih momanawiseh, wan ipan sekinok altepeme nopa miltekitinih ax kinehkeh kinpalewiseh nopa nobleza: san monekiyaya nopa tlatoh tokanih motlatiseh ipan wehweyih altepeme ipan se ome metztli wan nopa nobleza ax kipiaya tlen kikuas.

TLATEWIYANIH TLEN QUETZALCÓATL

Nohkia ipan kalteno tlen maya tlalli, nopa altepeme tlen momoyawayayah ipan Epiclásico kawitl mokahkeh nochimeh tlatzitzikatok ipan xiwitl 900 d.C.: Tajín, Xochicalco, Cacaxtla. Nohkia nopa Teotihuacán, tlen tlawel moweyichihtoya ipan ome xiwilpilli wan tlayekanayaya ipan weyi tlalli, mokahki tlatzitzikatok. Wankinoh pehki nopa kawitl tlen tikixmatih ken Posclásico, wan tlen wahkawaskia hasta kemah asiko kaxtiltekameh.

Seyok tlamantli tlen kinextia kemah pehki Posclásico kawitl eli kemah tlatzitzikatok mokahkeh miyakeh mesoamericanochinankomeh septentrionales wan teipah ewanih

yahkeh ipan sur. Miyakeh chinankomeh tlen itztoyayah ipan miak xiwilpilli ipan nopa Bajío, ipan los Altos tlen Jalisco wan ipan Sierra Madre Occidental, nehnenkeh ipan valles tlen Puebla-Tlaxcala, Mexko wan Toluca, wan nohkia ipan meseta Tarasca. Tlen achi miyakeh eliyayah masewalmeh, pero nohkia onkayayah pamestlakameh wan sekih purépechatlakameh; ipan colonialnemilistli nochimeh kintokaxtiah chichimecameh. Nochimeh ni tlakameh momatoyayah ewah kampa tlami civilización, ipan tlalli tlen tlawaktok kampa nemiyayah tlapewanih-tlapehpenanih. Nopa chinankomeh kiamatiyayah tlatewiseh wan kintlepanittayayah tlatewiyanih.

Ipan posteotihuacana kawitl tlawel onkayaya tlatewilistli wan nopa chinankomeh tlen walayayah tlen ipan norte nohkia kiamatiyayah tlatewiseh wan yeka nochipaya onkayaya kualantli ipan altepemeh tlen Posclásico kawitl. Nopa tlatewiyanih kintlakentiyayah ika yoyomitl kampa nesiayah religiosoneskayomeh; tlatewiyayah pampa totiotzitzih kinnawatiyayah, wan nopa tlakamiktlistli tlen mochiwayayah teipah kemah tlatewiyayah eliyayah para kualli eltos semanawak. Neskayomeh wan tlahlamikistli tlen tlatewiyanih tlawel ipatih eliyayah wan nohkia nochimeh kintlepanittayayah. Onkayayah pamitl tlen kualli tlatewiyanih, ken tlen kuahmeh wan oselomeh, inihuantih eliyayah tlen kinpalewiyayah soberanotlakameh. Neskayomeh tlen kuahtli wan oselotl tlawel ixnesiyayah kemah onkayaya tlatewilistli, tlawel ixnesiyayah ipan neskayomeh tlen Posclásico: kinamatiyayah pampa kichiwayayah tlatewilistli.

Pero axkanah ipan nochimeh tlatewilistli kintekiwiayah teposmeh, wan nopa chinankomeh axkanah kiyehyekotoskiah tlan nochipaya tlatewitoskiah. Tlanawatiyanih tlen Posclásico kawitl kitemohkeh kenihkatzah mosenkawaseh wan kualli mowikaseh. Chinankomeh monechikohkeh, sekih ika eyi wan sekih ika nawi chinankomeh. Ika yanopa kinekiyayah kikualtlaliseh kenihkatzah monawatiseh wan kualli mowikaseh, nopa chinankomeh motlepanittayayah wan nohkia momahmakakeh tlalli tlen kanih

tlanawatiseh wan katlia chinankomeh kintlaxtlawiskiah nopa tributación. Kehnopa onkak nechikolistli tlen chinankomeh ipan Posclásico kawitl, tikixmatih tlen Chichén Itzá, Uxmal wan Mayapán, ipan península tlen Yucatán, tlen Ihuatzio, Pátzcuaro wan Tzintzuntzan, ipan Michoacán, wan tlen Tenochtitlan, Tetzoco wan Tlacopan, ipan valle tlen Mexko. Monechikowayayah chinankomeh tlen kualli mowikayayah pero nohkia tlen axkanah, pero kena motlepanittayayah. Yeka kemah onkayaya se ilhwił tlen coronación tlen mexicatlanawatiyanih nopayo nohkia yowiyayah Michoacánlanawatiyanih; ipan nopa ilhwił sansehko tlakuayayah wan mononotzayayah ipan miak tonatih, teipah mokuépayayah inintlal wan sampa axkualli mowikayayah pampa axkanah kintlepanittayayah Mexko-Tenochtitlan wan tlen kinpalewiyayah.

Altepetl tlen más ipatih eliyaya ipan Posclásico temprano (900 a 1200 d.C.) kawitl elki Tula, kampa namah eltok Hidalgo. Nopayo moixnamihkeh wan momanelohkeh ichikawalis tlen chichimecatlatewiyanih wan inemilis tlen masewalmeh meridionales tlen Teotihuacán tlalli. Ipan Tula nopa tlatewiyanih tlawel ixnesih ipan neskayomeh: kinneskayohtitokeh ipan wahkapa tlachiwaltepetl tlen altepetl, kampa moketzto kiyehyektzihchihtokeh wan ixnesih koyomeh, oselomeh wan kuahmeh tlen kinmapachtikateh ininyoloh tlen eskisah ika inintenchopih. Ipan ni tlalli nopa mawiltlistli tlen pelota tlawel ipatih wan welis nopayo kichiwayaya tlakamiktlistli tlen tlatewiyanih wan welis kinkechkotonayayah tlen kintzaktoyah kemah onkak tlatewiltlistli. Tula elki tlen achtowi mesoamericana altepetl kampa motekiwihki *tzompantli*, nopa kiihtosneki ken se weyi ábaco kampa kintlaliyayah miyakeh tzontekomeh tlen tlakameh: nopa se tlachiwalistli tlen kikatehkeh chichimecameh kemah tlamiaya xiwilpilli tlen mesoamericananemiltlistli. Nohkia motekiwihkeh achtowi ipan Tula nopa weyi pórtico, tlen kikualtlaltoyah ika miyakeh tlaketzalmeh, wan tlakatlaxpamitl tlen tikixmatih ken *chac-mool*. Nopa ome tlamantli walah tlen Occidente chinankomeh.

Tula moweyichihki pero axkanah elki iwikal ken Teotihuacán, pero pampa kualli tlatewiyayah wan tlanawatiyayah kikualtlalkeh wehweyih ohmeh tlen ika mopatiliyayah miak tlamantli, tlen asitoh hasta ipan Centroamérica, ipan sur, wan nohkia hasta Sinaloa, ipan norte. Sekih mesoamericana tlamantli tlen kinasihtokeh ipan chinankomeh tlen oasis tlen Yankuik Mexko, ken Pueblo Bonito, ipan Cañón tlen Chalco, nesih ken tlen tolteca kawitl, axkanah momatih tlan nopa tlamantli welis asitoh nopaya kemah mochiwayaya tlanamakalistli tlen Tula noso pampa mopatiliyayah miak tlamantli ipan weyi tlalli. Namah tihmatih chinankomeh tlen tlatokayayah wan tlen mochantihtoyah ipan wehweyih sonorenses atemitl motlanamakiltiyayah waya sekinok chinankomeh tlen Sierra Madre, wan nohkia onkah tlamantli tlen techiliah chinankomeh tlen itztoyah ipan wehweyih tepemeh tlen Chihuahua wan Durango wan chinankomeh tlen tlatokayayah tlen Arizona wan Yankuik Mexko nohkia moixnamihkeh. Ipan norte tlen weyi tlalli onkak se chinanko tlen tlawel tlatokayaya wan itokah Paquimé (nohkia kitokaxtiyaya Casas Grandes), ipan Chihuahua, kampa mochihi se weyi kalli tlen kipiayah miak tlamantli. Ipan nopa chinankome welis mosiahawayayah tlanamakanih tlen kinwikayayah mesoamericanos tlamantli ipan norte. Yeka welis Tulatlanamakanih asitoh hasta ipan Paquimé, pampa kitemoyayah yacimientos tlen turquesa ipan Yankuik Mexko.

Iwikal ken kinpantik nopa teotihuacanomeh, nopa toltecameh mosenmoyahtoyah ipan weyi maya tlalli, pero ax onkah tlamantli wan axkanah tihmatih kenihkatzah mochihihi. Nopa altepetl tlen Chichén Itzá, tlen eltok ipan península tlen Yucatán, sampa moyankuichihki ipan xiwitl 900 d.C., echkatzih kampa eltok wahapatl altepetl tlen Clásico kawitl. Ipan yankuik Chichén sampa kinchihkeh neskayomeh wan tlachiwalistli tlen Tula: nopa pórtico ika tlaketzalmeh tlen nesi ken L, teokalli tlen Tlatewiyanih, kampa wahkapa ixnesih ome ketzalcowameh, ihkatokeh, wan kintekiwia ken tlaketzalmeh wan eli kampa kalakih, ipan tlaketzalmeh kinneskayohtitokeh tlatewiyanih, nopa *chac-mool*, neskayomeh

tlen kuahmeh wan oselomeh, wan nohkia se tolteca *tzompantli* tlen kinneskayotiah tzontekomeh. Welis tlen kiyankuichihkeh Chichén axkanah eliyayah toltecameh welis eliyaya tlanamakanih, mayameh —tlen kinixmati ken putunes—, tlen kinpaxalowayayah masewalaltepemeh. Tlen axkanah welis tikihtoseh nopa yankuik altepetl kichihkeh tlachiwanih tlen axkanah kiixmatiyayah Tula. Chichén Itzá elki altepetl tlen más tetik ipan península hasta ipan 1300, wan kehnopa eliyaya pampa monechikohtoya waya Uxmal wan Mayapán para sansehko tlatewiseh. Ni última altepetl ayohkana kinehki waya itztos wan moxitonki wan ya tlanawatihki teipah, tlawel ax kintlepanittayayah altepeme, hasta ipan 1450. Pero itlakamekayo tlen Chichén Itzá, tlen Kukulcán (tlen ika yucatecotlahtolli kitokaxtia Quetzalcóatl), ya nohka yoltoya hasta kemah asikoh kaxtiltekameh.

Ihkatzah onkah miak tlamantli, Tula kikatehki se chikawalistli ipan mesoamericanochinankomeh; ichikawalis kinpanok masewalmeh wan nochipaya moixmati pampa tlawel kualli tlanawatiyaya wan kichihkki wan kichikawaltihki se weyi altepetl. Nohkia kehnopa panok waya Quetzalcóatl, weyi totlayi tlen toltecameh. Sehanok moihtowa tlen achtowi tlanawatihketl tlen mayameh quichés tlen Guatemala Quetzalcóatl kimakak kuatopilli, quichemeh kitokaxtiyayah Kucumatz. Mixtecomeh kiihtowayayah Quetzalcóatl kinketzkih tlanawatiyanih tlen Posclásico. Mayameh wan mixtecomeh kitokaxtiah Tula ipan inintlatempowalih; mayameh kiihtowah ininkolwah walayayah tlen nopa altepetl, wan mixtecomeh kiihtowah nopa weyi tlanawatihketl Chikueyi Mazatl, Ne Oselotl, yahki Tula wan nepa kikuaatekihkeh para welis tlanawatis. Wan ika ikuentah, nochimeh masewalchinankomeh tlen xiwilpilli XVI kiihtowah nopayo tlatzkitok inintlakamekayo tlen inintlanawatiyanih: nohkia kehnopa kiihtowah chalcameh, tetcocanomeh, cholultecameh, cuauhtinchantlacameh, nohkia mexicameh san sekinokeh.

Tula wan Quetzalcóatl nel kalahkeh ipan itlahlamikilis tlen Mesoaméricachinankomeh wan axkanah welis tikihtoseh san pampa

itztoyah toltecameh ipan Tula tlen Hidalgo, pampa tlanamakayayah wan kualli tlatewiyayah. Onkah seyok tlamantli. Tlahtolli Tula (*Tollan* ika xitlawak nawatlahtolli) kiihtosneki “tollin”, kampa miak tollin onkah. Nopa neskayotl tlen *tollin* motekiwia para moihtos onkayayah miyakeh tlakameh ipan se altepetl. Ipan nochi tlamantli tlen onkah tlen colonialyotl kawitl, nopa tlahtolli motekiwihki para motokaxtis se yehyektzih altepetl, se wahapatl altepetl, kampa mochantihtoyah totiotzitzih ken Quetzalcóatl wan Tezcatlipoca, nohkia motekiwiyaya nopa tlahtolli para motokaxtis sekinokeh wahapatl altepemeh, ken Cholula, Culhuacan, Tenochtitlan wan nohkia Tula tlen Hidalgo.

Tlen kipiah nochimeh Tula altepemeh eli chikawalistli, eliyayah wehweyih altepemeh, kualli monawatiyayah wan inintlanawatiyanih tlawel tlaixmatiyayah. Tula eliyaya se kualli altepetl, se yehyektzih altepetl, nochi tlawel kualli eliyaya nopayo. Nochimeh Tula altepemeh kinekiyayah eliseh wehweyih, tetikeh wan kipiaseh chikawalistli ken nopa Teotihuacán tlen Wahapatl Mexko. Nopayo pehki nemilistli tlen masewalaltepemeh wan teomatilistli tlen Quetzalcóatl. Ipan Tula tlen Hidalgo mochikawaltihki tlatempowalistli, wan nohkia kiski yankuik tlahlamikilistli tlen kenihkatzah monawatiseh: tlanawatihketl tlen Tula kitokaxtihkeh ken totiotzih Quetzalcóatl wan ya kinmakayayah kuatopilmeh ahkia inihuantih tlanawatiseh ipan sekinokeh altepemeh, wan nopa tlamantli kichiwayaya kemah kintlalwiliyayah ipan ininyakatzol se *septum* ika iiste tlen kuahtli wan tlen oselotl.

Mayameh wan mixtecomeh kitlepanittayayah tlahtolli Tula wan nohkia totiotzih Quetzalcóatl wan nopa kiihtosneki masewalnemilistli mosemoyahtoyah ipan sur. Ni tlamantli pehtoya ipan teotihuacana kawitl pero nohkia miak tlamantli moyolchikahki ipan tolteca kawitl. Namah kena welis tikihtoseh, nopa Kukulcán tlen mayameh welis eliyaya nohkia nopa totlayi tlen Chichén Itzá, wan nohkia nopa Tula tlen kitokaxtiah mixtecomeh welis yaya Cholula (*Tollan Cholollan*); ni última nohka kipiaya teotihuacananemilistli, mowikayaya waya Oaxaca wan ipan

Posclásico kawitl moixmatiyaya pampa nopayo mochantihtoya Quetzalcóatl. Nelia onkak miak Tulas wan Quetzalcóatl, wan miyakeh mesoamericanotlanawatiyanih, ipan Posclásico kawitl, kitlankeh nopa tlahlamikilistli wan kintlepanittayayah neskayomeh pampa ika nochi yaino mopalewiyayah para nohka tlanawatiseh, nohkia para kintlepanittaseh se cabecera wan kintlepanittaseh se nobletlakamekayotl.

Nopa mexicameh kiixmatih Tula tlen Hidalgo kewak se kualli altepetl kampa itztok Quetzalcóatl, wan más kintlepanittah ken Cholula noso Teotihuacán, wan nopa pampa eliyaya “iTula”, ialtepe. Mexicameh ewayayah ipan septentrionales chinankomeh tlen toltecatlanawatiyanih, welis ipan Querétaro tlalli, wan temohtoyah ipan valle tlen Mexko kemah ipan ialtepe onkak miak kualantli wan kikatehkeh, echkaya ipan xiwitl 1200 d.C. Ipan tonatih kemah nohka mochikahtoyah mexicameh, nemiyayah ipan wahapatl altepetl kampa wahkakia itztoyah atlantes wan nopa chac-mooles, kitemoyayah sekinok tlamantli tlaltzintla para kisentiliseh se tlamanalli ipan Tenochtitlan wan nohkia kikopinayayah neskayomeh tlen kinasiyayah para kinchiwaseh inintlachiwalis. Mexicameh kiihtowayayah itlakamekayo tlatzkitok ipan Tula, wan kiihtowayayah nohkia Teotihuacán pehki kemah mochihki semanawak.

Teipah Tula nohkia wetzki, welis pampa onkayayah miak kualantli, ipan xiwitl 1200 d.C., wan ihkinoh pehki Posclásico tardío kawitl, tlen teipah nohkia tlanki pampa asikoh kaxtiltekameh.

TOTLAYIMEH TLEN ATL

Achtowi kemah asiskiah kaxtiltekameh, nopa valle tlen Mexko tlawel mochikahtoya. Onkayayah miyakeh altepemeh, ipan nochimeh onkayayah miyakeh ewanih; tlahkuilowanih kiihtowah moahomantoyah miyakeh tlakameh ipan ohmeh wan canales, wan itztoyah nohkia miyakeh ipan tiankistli: Chalco-Atenco,

Xochimilco, Coyoacán, Culhuacan, Iztapalapa, Tetzco, Tlacopan, Azcapotzalco, México-Tenochtitlan, México-Tlatelolco wan ipan miyakeh villas ken Coatlinchan, Mixcoac noso Tacubaya. Ipan nochimeh ni chinankomeh tlen valle tlen Mexko ewayayah ome millones tlen tlakameh.

Ipan nochimeh ni chinankomeh tlanawatiyayah masewalmeh inihuantih tlayekanayaya, pero nohkia onkayayah ewanilh tlen sekinok chinankomeh, ken otomimeh wan matlatzincameh. Masewalmeh kitekiwiyyayah tlahtolli altépetl (tlen kiihtosneki yaya *altepetl*) para kitokaxtiseh se altepetl, ika ewanilh wan tlalli. Ipan sehse *altepetl* tlanawatiyaya se *tlatoani* noso tlanawatihketl, tlen kipalewiyyayah sekih tlanawatiyanih ken tlamokuitlawiyanih, tomitlapehpenanih, tlanawatiyanih wan tomiahkkuiyanih. Ipan nopa kawitl onkayayah eyi nechikolistlanawatiyanih tlen tlayekanayayah; inihuantih kiseliyyayah tributo tlen sekinokeh altepemeh wan nohkia kinnawatiyayah: ni eyi altepetlanawatiyanih eliyayah Tlacopan, Tetzco wam Mexko-Tenochtitlan, ni altepenechikolistli tlawel kitlepanittayayah ipan Posclásico kawitl. Tlacopan san kiseliyaya se kentzih tlen tributación wan axkanah miak kitlepanittayayah ipan nopa nechikolistli, pero Tetzco ya kena kitlepanittayayah wan kualli mowikayaya waya Tenochtitlan, pero axkanah kemah onkayaya tlatewilstli: nopa mexicameh inihuantih tlanawatiyayah kemah onkayaya tlatewilstli.

Nopa Exkan Tlatohloyan tlawel monekiyaya; yon se nechikolistlanawatiyanih tlen valle tlen Mexko weltoskiah tlanawatis iselti pampa onkayayah miyakeh ohmeh, tiankistli, tributariachinankomeh wan tlakamekayotl. Wan axkanah san monekiyaya tlanawatilistli; nohkia monekiyaya onkas tlatlepanittalistli ipan nochimeh chinankomeh. Ika ni tlamantli tikumachiliseh kenke nopa mexicameh wan tetzcocanomeh, tlen kintlantohyah tepanecameh tlen Azcapotzalco, kiihlihkeh Tlacopan, tlanawatihketl tepaneca nohkia, ma kalaki ipan nechikolistli: nopa tlamantli mochihki pampa ya kinnawatiskia nochimeh chinankomeh tlen occidente tlen valle wan tlen Toluca tlalli, nohkia kinnawatiskia

matlatzincameh; wan nohkia, nopa weyi tiankistli tlen Azcapotzalco tlawel ipatiyaya pampa nopayo kisayaya miak tlapalewilistli tlen ika moyolchikawayaya valle.

Ipan valle tlen Mexko onkayayah miyakeh ewanilh wan tlawel weyi eliyaya nopa altepetl kemah pewayaya xiwilpilli XVI, wan moyolchikahtoya pampa nopa chinankomeh tlatokayayah. Ipan ome xiwilpilli tlen precortesiana kawitl san motokaxtiah ome weltah onkak mayantli, tlen panok pampa tlawel tlawaktoya. Ipan chinankomeh tlen valle miak tlatokmeh onkayayah wan kehnopa eliyaya pampa tlaatekiyayah, wan pampa kintekiwiyyah chinamitl ipan islas tlen eltoyah atentli. Nopa tlalli kitlalwiliyyah sokitl tlen kualli wan nohkia kuitlatl tlen murciélago, wan nohkia tlatokayayah ika almácigos tlamantli, kampa kitokayayah ipan se milli san katlia tlamantli kinekiyayah.

Tlatokmeh tlen masewalmeh tlen Posclásico kawitl eliyayah iwikal ken tlen teotihuacanomeh, toltecameh wan miyakeh mesoamericanochinankomeh: sintli, etl, ayohtli (tlatoktli tlen *Cucurbita pepo*), chilli, tomatl, chía, wahtli wan sekinok. Wan nohkia ipan valle onkayayah miak tlen sekinok tlakualistli: miyakeh michimeh, totomeh, kechpechimeh, yolkameh, kowameh, kuatochmeh, mazameh wan sekinok. Ipan tlatzintla tlen nopa lago nohkia onkayaya istatl (ipan Tetzco tllali), wan ipan kuatitlameh tlen nopayo echkatzi onkayayah nohkia kitokayayah maguey wan kikuiyayah kuawitl. Nohkia onkayayah miak tlamantli kuameh, ken texocotl wan kapulli, kehnopa onkayaya miak tlakualistli.

Sehse chinankotlanawatiyanilh tlatocayaya, wan nohkia kimakayaya tributo sekinokeh chinankomeh. Nochimeh chinankomeh monekiyaya kimakaseh tributo totlayimeh tlen tlanawatiyanilh, wan nohkia monekiyaya tlapalewiseh kemah onkayaya tlatewilistli wan kemah mochiwaskia se comuntekitl. Wehweyih chinankotlanawatiyanilh, ken tlen Exkan Tlatohloyan, kiseliyayah miak tlamantli tlen chinankomeh tlen wahka eltoyah wan inihuantih kintemitiyayah ininalmacenes ika ihwimeh tlen ketzalli wan guacamaya, oro wan yehyektzitzih tetl, mantas

tlen yehyektzitzih, ichkatl, jade, cacao wan sekinok. Nochi ni kitekiwayayah nobletlakameh wan kemah mochiwayayah teomatilistli.

Ipan nochimeh masewalaltepemeh tlen valle tlen Mexko onkayayah ome tlamantli tlen ewanih: nobletlakameh noso *pipiltin* (ika setzih *pilli*) wan comúntlakameh noso *macehualtin* (ika setzih *macehualli*). Se akahya eliyaya *pilli* noso *masewalli* pampa kehnopa tlakatiyaya, san kemantika se masewalli weliyaya kalaki ipan nobleza tlan eliyaya se weyi tlatewihketl. Masewalmeh eliyayah tlatohtokanih, michitzkiyanih, tlayekchiwanih wan tekitinih tlen sekinok tlamantli, tlen kitlaxtlawayayah tributo ne nobleza. Nopa pilme eliyayah tlanawatiyanih, tlamokuitlawiyanih, tlatewiyanih wan teopixkemeh, inihuantih kiseliyayah tlapalewilistli tlen ahachika kinmakayayah nopa *tlatoani*. Sekih pilme xitlatlawak kiseliyayah nopa tributario tlapalewilistli; ken nopa jueces tlanawatiyanih pampa inihuantih tlamokuitlawiyayah ipan chinankomeh. Wan nohkia onkayayah sekih tlen kipiayah feudos, tlen weliyayah kinnamaka wan kinmakaseh ininteixmatkawah; eliyayah oficiales tlatewiyanih tlen tlawel kualli tlatewihtoyah kemah onkak tlatewilistli wan nobletlakameh wan yeka nopa *tlatoani* kinmakatoyah nopa wentli: nopa ome kiseliyayah tlalli, para kipiaseh tlapalewilistli wan nohkia nochimeh tekitinih tlen nopayo tekitiyayah miak kipalewiwayah.

Tlanawatilli tlen onkayaya ipan nopa kawitl san kipalewiwaya nobleza. Nochimeh nobletlakameh kitekiwayayah kotomitl wan yehyektzitzih tetl tlen ax weliyayah kintekiwayah sekinok. Ihkatzah weliyaya kikowas ipan tiankistli, se masewalli ax weliyaya kitekiwis se yehyektzitzih tetl, tlan kichiwaskia kimiktiskia. Kotomitl tlen nobletlakameh mochiwayaya ika ichkatl axkanah ika fibra tlen axkualli ken kitekiwayayah masewalmeh; nobletlakameh ewayayah ipan kualli kalmeh, wahkapantikeh wan yehyektzitzih; nobletlakameh weliyayah kipiaseh miyakeh ininsiwawah, masewalmeh axkanah. Nobletlakameh kochiyayah ipan colchones

tlen kinchihtoyah ika ihwitl, tzontetomitl, tlakemitl tlen ichkatl wan ikuetlaxol tlen mazatl. Masewalmeh ax kipiayah miak tlamantli.

Ipan ni altepetl onkayayah ome tlamantli tlen ewanilh wan axkanah eliyayah iwikal. Tlayekchiwanilh ax monekiyaya tlapalewisch ipan comuntekitl wan san temakayayah tributo; nohkia onkayayah tlayekchiwanilh tlen tlawel kintlepanittayayah wan kualli mowikayaya waya palacio, inihuantih kualli ewayayah pampa kinpalewiyayah totlayimeh. Tlanamakanih nohkia axkanah tekitiyayah, wan axkanah monekiyayah yaseh ipan tlatewilistli ken masewalmeh: inihuantih kipalewiyayah reino pampa san tlachixtinemiyayah ipan chinankomeh tlen waya axkualli mowikayaya, pampa nochimeh inihuantih ax kinchiwiliyayah kuentah. Tlen kualli tlatewiyanih, ken kuahmeh, oselomeh, koyomeh, otomimeh tlatewiyanih, inihuantih seyoh tlamantli ewayayah: san tlatewiyayah wan mikiyayah ipan tlatewilistli wan kinmiktayayah ipan tetl tlen tlakamiktistli, pero kemah axkanah tlatewiyayah wan san mosiahawayayah tlawel kualli ewayayah pampa nochimeh ewanilh tlawel kintlepanittayayah, mihtotiyayah, kioniyayah cacao, itztoyah waya cortesanasiwameh; tlan sekih tlen ni tlatewiyanih eliyayah tetatzitzih, inihuantih kinmachtiyayah telpokameh ipan kaltlamachtilyan.

Onkayayah miltekitinih tlen tekitiyayah ipan tlalli tlen kiihtowayayah tlen inihuantih, pampa ewayayah ipan se calpulli (barrios tlen achtowi eliyayah clanes), kampa kipiaya xitlawalistli wan tlatlepanittalistli tlen se *altepetl*. Ni tekitinih, kintokaxihtokeh *calpuleque* (ika setzih *calpule*), kimakayayah tributo itlatoani. Pero nohkia onkayayah miltekitinih tlen tekitiyayah wan ewayayah ipan tlalli tlen kinmakatoyayah ken feudos nobletlakameh wan oficiales tlatewiyanih tlen nechikolistlatewiyanih. Ni tekitinih ipan sekih fuentes kintokaxtiah *mayeque* (ika setzih *maye*, tlen kipia ima). Ipan amameh tlen colonialyotl moihtowa nopa *mayeque* tlawel axkualli itztoyah wan más kualli itztoya *calpuleque*, wan kehnopa eliyaya pampa miak tomih wan tekitl temakayayah ken tributo, nochi nopa tlamantli kimakayayah tlanawatihketl tlen nopa tlalli.

Nohkia ipan echkapa tlen altepetl onkayayah miak pamitl tlen ewanilh, pampa onkayayah ewanilh tlen nelia axtlen kipiayah noso tlawel iknotzitzih eliyayah más ken ne masewalmeh. Ipan altepemeh tlen Posclásico kawitl onkayayah vagabundos, tlachtekinih, wan miyakeh axkualli tlakameh. Achtowi, nochimeh tlakameh wan siwameh kualli itztayah ipan ininaltepe, pero kemah se akahya kistewayayah, ayohkana weliyaya kalaki ipan seyok chinanko, yeka iselti mokawayaya. Wan nopa panoyaya kemah se telpokatl choltewayaya iicha, kemah se akahya kichiwayaya se axkualli tlamantli wan choltewayaya noso nohkia kemah ipan se chinanko kitotokayayah se akahya pampa axkanah tlatlepanittayah noso tlakualanchiwayaya. Kehnopa kiskeh nopa tlen motokaxtiah tlamamameh tlen tiankistli noso tamemes (kiihtosneki *tlamama*, tlen kimama se tlamantli), mendigotlakameh, prostitutasiwameh, wan miyakeh tlachtekinih tlen techiliah nopa fuentes. Nopayo moihtowa onkayayah miyakeh tlakameh wan siwameh tlen tlawel axkualli ewayah, iknotzitzih eliyayah, kuapasoltikeh nemiyayah, tlen nesiyayah wetziseh ipan ohmeh, tlen san kochmiktoyah noso iwintikeh nemiyayah, echkatzih kampa tlami humanidad, pankisayahay tlayowa ipan plazas, kitemotinemiyayah tlakualistli tlen kimahatoyayah tlanamakanih ipan tlasolli.

Axkanah tihmatih kenke nopa tlakameh kehnpa eliyayah wan kehnpa ewayahay ipan altepetl pampa nopayo onkayayah miak nechikolistli tlen ewanilh. Nochimeh masewalmeh tlen valle tlen Mexko kalaktayah ipan se *kalpulli* tlen tekitinih, ipan se tribu tlen tlanamakanih noso ipan se noble tlakamekayotl. Tlawel monekiyaya nochimeh kalaktoseh ipan se nechikolistli. Onkah miak tlamantli tlen noble tlakamekayotl ipan códices. Ipan nopa kawitl onkayaya nopa poliginia tlamantli tlen ika mochiwayaya se corte, ihkatzah onkayayah miyakeh tlakameh tlen burocracia, nochimeh tlatzkihtoyah waya se soberano tlanawatihketl. Tlen chinankomeh tlen tekitinih nopa kalpulumeh (ika setzih *kalpulli*, ika miyakeh *kalpumeh*), inihuantih tlawel ipatiyayah ipan nochi prehispanicanechikolistli. Miak tisaniltokeh tlen inihuantih tlan

eliyayah gentilicios nechikolistli, tlan eliyayah ken clanes, noso tlan eliyayah administrativasnechikolistli tlen kinchihtoya nopa administración estatal. Nochi tlamantli tlen onkah, san techilia tlen tihnekih tihmatiseh eltok ipan tlatlahko: ipan kalpulmeh kena onkayaya tlakamekayotl, nochimeh tlen nopayo ewayayah kinpiayah iwikal ininkolwah, pero nohkia kemah ewayayah ipan se altepetl monekiyaya kitlepanittaseh tlanawatilli, wan yeka nopa kalpulmeh eliyayah ken se unidad administrativa kampa motomitlanayaya wan kemah onkayaya tlatewilistli wan teotlamatistli. Onkayaya hasta kanih welis mokalakia se *tlatoani* ipan kalpulmeh, pero nohkia onkayaya hasta kanih inihuantih monawatiyayah, wan nopa hasta kanih eliyaya pampa monekiyaya kitlepanittaseh se weyi tlanawatilli, tlen política tlamantli. Onkayayah miak tlamantli kenke nopa chinankomeh kinekiyayah itztoseh ipan se nechikolistli: ewaseh ipan altepetl, tlanamakalistli, kintlamokuitlawiyayah tlatewiyanih wan nohkia totiotzitzih.

Nopa kalpulmeh kipiayah ininbarrios wan miak tlamantli mochiwayaya nopayo. Kichiwayayah teomatistli wan kitlepanittayayah iteko, nochimeh kimokuitlawiyayah teokalli wan nohkia kinmokuitlawiyayah ininwampoyowah tlen iknotzitzih, mosenkawayayah kenihkatzah kichiwaseh se ilhwiwl wan ahachika monechikowayayah ipan plazas wan ipan ohmeh tlen barrio para mosiahawaseh, mosanilwiseh wan mokamanaloseh. Sehse *kalpulli* kitlepanittayayah se tlanawatihketl, tlen kitokaxtiyayah “temimi”; ni tlanawatihketl kipalewiyayah se nechikolistli tlen tetatzitzih. Nochimeh tlasentilistli tlen ni nechikolistli wan tlen tatameh tlen sehse barrio mochiwayayah ipan se comunkalli.

Kipalewiyayah nopa *tlatoani* sekih tomitlalananih wan capataces tlen kisenkawayayah nochi tlen sehse *kalpulli* monekiyaya tlaxtlawas wan nohkia tlapalewilistli tlen kemah mochiwaskia se comuntekitl. Wan nohkia, nochimeh telpokameh tlen ewayayah ipan kalpulmeh monekiyaya ika fuerzah yaseh ipan se kaltlamachtiloyan, kampa kinmachtiyayah tlatewilistlamachtilistli, itokah eliyaya *telpochkalli*. Ipan ni kaltlamachtiloyan nopa *telpokameh* kinmachtiyayah weyi

tlatewiyanih, wan telpokameh tlen kualli momachtiyayah wan tlatewiyayah mokuipayayah tlayekananih noso weyi tlatewiyanih, tlen nochimeh ewanih kintlepanittayayah.

Nobletelpokameh nohkia yowiyayah ipan kaltlamachtiloyan —tlen motokaxtia *kalmekak*—; nopayo kiseliyayah xitlawak wan chikawak tlamachtilistli: tlen tlatewilistli, tlen teopixkemeh wan tlen nechikolistlanawatiyanih. Sekih tlen nopa telpokameh mokuipayayah teopixkemeh tlen reino wan sekih kichiwayayah tomitokitl wan tekitl tlen nechikolistlanawatiyanih. Ipan *kalmekak* tlawel kinmokuilawiyayah telpokameh wan ax weliyayah itztoseh waya ichpokameh. Ipan *telpochkalmeh* axkanah tlawel xitlawak wan chikawak kinmachtiyayah telpokameh wan inihuantih kena weliyayah itztoseh waya ichpokameh, tlen kinixmatiyayah kemah mihtotiyayah ika tiotlak ipan *kuikakalli* noso kalli tlen kuikalistli.

Nochimeh ewanih kimachiliyayah kalaktokeh ipan altepetl, noso ipan se reino, kemah onkayaya ilhwitl tlen totiotzitzih, tlen miyakeh eliyayah ipan se xiwitl. Telpokameh tlen momachtiyayah mihtotiyayah wan mawiltiyayah wan nohkia kalakiyayah ipan escaramuzas, wan nochimeh ewanih kitlachiliyayah nochi tlamantli tlen mochiwayayah ipan wahkapa tlen wehweyih teokalmeh tlen tlatlahko teokalli wan nohkia yowiyayah kemah mochiwayayah nochi ni tlamantli ipan ohmeh, ipan plazas wan ipan teokalmeh tlen nopa altepetl.

Ipan masewalaltepemeh mochiwayayah miak tlamantli tlen teomatilistli wan nohkia onkayaya tlen kemah kichiwayayah tlakamiktlistli. Nopa mexicameh kinixmatiyayah ipan nochimeh chinankomeh tlen Wahapatl Mexko pampa kichiwayaya tlakamiktlistli, miak pamitl kichiwayayah tlen ni tlamantli. Kemantika kinmiktiyayah miyakeh konetzitzih para kitlaskamatiliseh Tlálloc, totiotzih tlen weyi ehekatl wan atl; kinmahawayayah ipan atl noso kinmiktiyayah ipan tlaixpamitl tlen kinketzayayah ipan wehweyi tepemeh. Ipan se ilhwitl kikechkotonayaya se tenantzih, wan se tlatewihketl motlalotinemiyaya ipan altepetl, kiwikayaya

imako nopa tzonteko. Para kitlaskamatiseh Xipe, totiotzih tlen xopanatl, se teopixketl motlakentiyayah ikuetlaxol tlen se tlakatl tlen kimiktiayah... tlakayotlatektli, nopa desmembramiento, mikistli, nochi yaino onkayayah ipan altepetl tlen Tenochtitlan wan ipan sekinok. Teipah nochimeh ewanilh nohkia yolpakiyayah pampa kimawisoyayah miak tlamantli: ohtli mawiltlistli, mawiltlistli tlen encebado kuawitl wan miak tlamantli tlen ika yolpakiyayah pampa nochimeh inihuantih wetzkayayah kemah telpokameh motlakentiyayah ken abejorros tlen motepotlamiyayah wan wetziyayah wan nohkia sekih nesiyayah ken tetatzitzih, ax weliyayah nehnemi noso mokokowayayah.

Nopa tlakamiktlistli mochiwayaya ken se teomatlistli, pero nohkia mochiwayayah pampa nopa Exkan Tlatohloyan kinekityayah kinextiseh inihuantih eliyayah tetikeh wan tlanawatiyayah. Tlatewilistli tlen mochihi ipan Kuextekapan kampa tlayekanki Ahuítzotl, tlen más mosisiniyayah tlen nochimeh tlatoanimeh tlen mexicameh, ya kinmiktihki miyakeh tlakameh, siwameh wan konemeh, tlen ipan nawi tonatih wan nohkia ipan yowalli kichihkeh nawi filas iixko tlen escalinatas tlen teokalmeh tlen valle tlen Mexko, nopayo mochiayah wan teipah tlahoyayah para ma kinmiktikah ipan tetl tlen tlakamiktlistli. Kemah nehnemiyayah wikayayah ken se piltototzih.

ECHKAYA KEMAH ASISKIAH KAXTILTEKAMEH

Kemah asikoh kaxtiltekameh, nopa Exkan Tlatohloyan, tlen kinyekanayayah Tenochtitlan, san inihuantih tlanawatiyayah ipan weyi tlalli tlen ome costas, wan nohkia ipan norte wan sur, desde Querétaro hasta ipan Oaxaca, nohkia tlanawatiyayah ipan Soconusco tlalli, ipan Chiapas. Ipan nochi llanura costera tlen Golfo tlen Mexko inihuantih tlanawatiyayah. Ipan nopa kawitl motlalanayayah totonacoaltepemeh, kipiayah ohmeh tlen tetl, canales tlen ika

tlaatekiyayah wan drenaje, milli, teokalmeh amurallados, wan kipiayah miak sintli, cacao, vainilla, tlakualistli, ichkatl, kuameh wan sekinok tlamantli, ahachika yowiyayah tomitlalananih tlen kintitlaniyayah mexicameh, nohkia monekiyaya kinmokuilawiseh wan kinkawiliseh ma nopayo mokawakah tlanamakanih tlen panoyayah ipan nopa tlalli. Seyok tlamantli, nopa kuextekameh, tlen echkatzihi ewayayah tlen totonacomeh, inihuantih axkanah kintlepanittayayah mexicameh wan tlatewiyayah: nochipaya kemah tlatewiyayah mexicameh kiihtowayayah kintlankeh wan mokupepayayah ininchah, pero nopa kuextekameh inihuantih kiihtowayayah axkanah kintlantokeh wan ax tlatlawaseh tributo. Ipan fuentes coloniales moihtowa sekih tlatoanimah tlatlankeh ipan Kuextekapan, wan nopa kiihtosneki ika owi tlatlankeh ipan nopa tlalli.

Ipan sur, nopa mexicameh welkeh kitlalihkeh tributo wan tlanamakalistli ipan mixtecoaltepemeh tlen wehweyih tepemeh wan ipan valle tlen Oaxaca, nohkia ipan zapotecomeh tlen valle. Nohkia onkayayah sekih altepemeh tlen san inihuantih monawatiyayah ipan costa—kinyekanayayah Tututepec— wan ipan istmo. Kampa namah eli Guerrero, tlananecomeh eliyayah tributarios tlen Exkan Tlatohloyan, pero onkak chinankomeh tlen ax kinekiyayah. Nopa señorío tlen Teloloapan, tlen kitokayayah miak cacao, ax kinehki ma panokah tlanamakanih tlen kintlamokuilawiyayah mexicameh, wan yeka onkak se fieron wan chikawak tlatewilistli: kinmiktihkeh miyakeh ewanih (kinmiktihkeh nohkia chichimeh wan totolimeh) wan ipan nopa señorío asikoh colonmasewalmeh tlen kintitlantohyah desde ipan valle tlen Mexko. Nopa rústicas jefaturas tlen Yopitzinco, inihuantih axkemah kintlankeh, wan nopa ewanih, tlen itlahtol moitzkitohyah waya tlen apachemeh, kemantika motewiyayah waya tributarios chinankomeh wan kemantika nohkia motewiyayah waya guarniciones tlen mexicameh.

Ipan occidente, nopa Exkan Tlatohloyan kiasik se tlalli kampa ax welki panok. Ne reino tarasco, tlen kipiaya icentro ipan lago tlen Pátzcuaro, wan kampa nohkia onkayaya se nechikolistli, tlen

Ihuatzio, Tzintzuntzan wan Pátzcuaro, tlen mosemoyahtoyah ipan nochi Michoacán wan nohkia ipan Guerrero, Colima, Jalisco wan Guanajuato. Nopa purépechatlakameh kitekiwiyayah nopa cobre para kichiwaseh teposmeh tlen ika tekitiyayah wan tlatewiyayah yeka tlatemowanih kiihtowah ipan Michoacán mochiwayaya se weyi tlapatlalistli tlen tecnología mesoamericana, tlen neolítico tlamantli, wan axkemah nestoya. Ihkatzah kehnopa, ax onkah tlamantli tlen techilis nopayo onkayayah miak tlatokmeh, eliyaya iwikal ken sekinok mesoamericanochinankomeh, wan nohkia tlatewiyayah iwikal ken sekinok, axkanah eliyayah ken asirios, ipan Viejo Mundo, ika ininespadas tlen teposmeh. Purépechameh kualli kimokuitlawihkeh itlal; kitekiwihkeh murallas, kuekuetzitzih fortines, kampa tlamokuitlawiyayah; mosenkahkeh kenihkatzah tlatewihseh wan monawatiseh wan kehnopa tlatewihkeh waya nechikolistlatewiyanih tlen kintitlantoyah desde ipa valles centrales tlen Mexko. Tlen nopa seyok, ininaltepemeh, iarquitecturatekitl, ininkoto, nohkia itlahkuilol wan itlayekchiwalis nochi axkanah más kualli eliyayah ken tlen kipiayah masewalmeh desde ipan teotihuacana kawitl.

Ipan weyi maya tlalli, kampa miyakeh ewanih itztoyah wan nohkia kampa onkayayah miyakeh altepemeh eltoyah ipan altos tlen Chiapas wan Guatemala, wan nohkia ipan península tlen Yucatán. Kemah wetzki Mayapán onkayayah matlaktli wan chikome señoríos tlen inihuantih monawatiyayah ipan península, pero ihkatzah chinankomeh moxexelohtoyah mochikawaltihki economía tlamantli, tlen tlawel kipalewiyaya tlanamakalistli costero tlen mochiwayaya. Ne puerto tlen Tulum, ipan Quintana Roo, tlawel ipatiyaya pampa eliyaya se ohtli tlen kinnechikowayayah península waya Centroamérica wan Caribe, wan nopa ohmeh tlen yowiyayah ipan Tehuantepec, wan tlen nopayo, ipan tlalli kampa tlanawatiyayah Exkan Tlatohloyan. Mayameh motlanamakiltiyayah waya masewalmeh tlen Posclásico tardío wan mexicameh ax kipixkeh chikawalistli ken teotihuacanomeh para yaseh tlatewitih ipan nopa tlalli. Welis tikihtoseh nopa Exkan Tlatohloyan tlen

Mexko, Tetzcocho wan Tlacopan ax kipiayah miak chikawalistli tlan tikintlaliseh waya teotihuacanomeh.

ITLAMIA

Totonacomeh kiitakeh ipan Cortés se tlakatl tlen kinpalewis para moxitomaseh tlen mexicameh pero ax kimatiyayah teipah nohkia asiskiah wehweyi kokolistli ken ne viruela, ne toserina wan ne tifo, wan ininaltepemeh tlatzitzikatok mokawaskiah wan ininmilah wan ininhuertas teipah mokuepaskiah san pastizales. Nopa tlaxcaltecameh teipah ayohkana tlatawihkeh waya kaxtiltekameh wan kinpalewihkeh, moihlihkeh kehnopa weliskiah kimokuitlawiseh itlal; inihuantih axkanah monekiyaya kintlepanittaseh mexicameh, pampa inihuantih axkanah waya mowikayayah. Desde kemah asiko Cortés ipan Yucatán hasta kemah tlanhi nopa sitio tlen Tlatelolco wan kiitzkihkeh Cuauhtémoc, onkak miyakeh señórios, tlen teipah kemah kintlaniyayah mononotzayayah waya Cortés, mosenkawayayah wan kipalewiyayah. Wetzki Tenochtitlan pampa tlatawihkeh wan tlatlankeh tlaxcaltecameh, tetzcochanomeh, totonacomeh wan miyakeh masewalchinankomeh: nopa elki tlen última tlatawistli tlen Mexko prehispánico, pero kampa tlakekanayaya san se ome tlatawiyanih tlen axkanah eliyayah tlen nikah wan ax kikuamachiliyayah nopa nemilistli.

Kemah wetzki ininaltepe tlen mexicameh nopa kaxtiltekameh namah inihuantih tlanawatiyayah ipan tlalli tlen eliyayah tlen Exkan Tlatohloyan; teipah ipan eyi xiwimeh, ika se ome tlatawistli wan ika tlasenkawalistli, welkeh kimakakeh ne corona tlen Kaxtillan miak tlalli ken nopa: Michoacán, Metztlán, Tututepec, Tehuantepec wan sekinok chinankomeh tlen altos tlen Chiapas wan Guatemala. Yucatán axkanah nimah wetzki pampa elki yolik wan wahkahki echkaya ome xiwilpilli; nopa señório tlen Tayasal, tlen momanawihki ipan lago Petén-Itzá, kitlankeh hasta ipan 1697 xiwitl. Kaxtiltekameh kinekiyayah tlanawatiseh ipan weyi tlalli

tlen Sierra Madre Occidental wan nohkia ipan sekinok tlalli tlen eltoyah ipan norte tlen Mesoamérica, kampa ewayayah tlapewanih-tlaphepenanih wan sekinokeh aldeanotlakameh miltekitinih, tlawel owi elki wan axkanah tlanki yon ipan eyi xiwilpilli tlen colonialyotl nemilistli.

NE COLONIAL KAWITL HASTA IPAN 1760

BERNARDO GARCÍA MARTÍNEZ

Tlen segunda weyi kawitl tlen Mexko inemilis eli ne colonial kawitl. Ni kiihtosneki kemah tlanawatihkeh kaxtiltekameh, kemah altepetl (welis ihkinoh tihtokaxtiseh) elki se unidad política wan motokaxtihki Yankuik Kaxtillan. Yeka welis tikihtoseh ne colonial kawitl nohkia motokaxtia novohispana kawitl, wan pehki kemah wetzki Mexko-Tenochtitlan ipan 1521 wan tlanki kemah mochihihi independencía eyi xiwilpilli teipah. Pero nochi nopa tlamantli san ipatih tlan tisaniloseh tlen kemah Yankuik Kaxtillan ken se unidad política wan axkanah welis tihtekiwiseh ipan nochi. Ipan pamitl tlen económico wan social, welis moihtos, noso ipan pamitl tlen demográfico wan nemilistli, ax welis motekiwiis ni kawitl tlen pehki ipan 1521 wan tlen tlanki ipan 1821. Ipan ni pamitl ax weli motekiwia nopa tlamantli. Tlen tlanamakalistli, welis moihtos, yolik mopatlatiyahki kemah kaxtiltekameh kinyolchikahkeh tekittl tlen tlanamakalistli, agropecuariatekitl wan mineratekitl ipan nochi xiwilpilli XVI, pero ne economía tlen subsistencia tlen motekiwiwaya ipan prehispánicos kawitl ya axkanah tlanki, yeka welis tikihtoseh onkayayah ome tlamantli wahkahkeh hasta kemah mochihihi independencía. Welis moihtos kena onkak se weyi tlapatlalistli tlen económica tlamantli kemah pewayaya xiwilpilli XIX, pero elki pampa ne Kaxtillan kichihki se fiscaltekitl ipan 1804 xiwitl. Ipan nopa kawitl onkak se descenso demográfico ipan 1519 wan 1575 pampa axkanah miyakeh ewanihi

onkayayah, yeka welis moihtos onkak se kawitl tlen estabilidad wan teipah sampa motlalanki ipan 1736, pero axkanah ipan 1821. Tlen ambientalnemilistli, momachtia kenihki ewanipah kipatla nochi tlen onkah, wan yeka welis moihtos kemah mochihihi conquista onkak miak tlapatlalistli ipan mesoamericano tlalli —ken panok pampa mokalakihki ganaderíatekitl—. Para ni ambientalnemilistli kemah tlanki colonial kawitl axkanah ipatih, kenah ipatih tlen panok ipan 1780 xiwitl, kemah pehki kintekih miyakeh kuameh para mochiwas construcción naval, noso ipan 1880, kemah ne ferrocarriles kichihkeh ma onkah miak tlapatlalistli ipan tlalli kampa panoyayah.

Ika nochi yani welis tikihtoseh ne colonial kawitl welis motekiwis ipan miak tlamantli, san katlia tihnekiseh tisaniloseh. Tonatih tlen kemah pehki ni kawitl ya axkanah mopatlah pampa nohkia ipan nopa kawitl ipan nochi tlaltipaktli onkak wehweyih tlapatlalistli teipah tlen viajes tlen Colón wan kemah moixnamihkeh Europa, África, Asia wan América. Pero tonatih tlen kemah tlanki ni kawitl ya axkanah iwikal elih pampa nochimeh tlapatlalistli tlen onkak ya axkanah panokeh sentika. Pero kena welis tikihtoseh, onkak tlapatlalistli ipan miak pamitl —tlen políticas, tlen ewanipah, tlen económicatekitl, tlen nemilistli— tlen nochimeh pehkeh echka 1760. Ipan nopa tonatih welis moihtos tlanki kawitl tlen Mexko inemilis tlen pehki kemah asikoh kaxtiltekameh ipan mesoamericanas tlalli. Nohka welis tihtokaxtiseh nopa kawitl ken colonial kawitl san pampa kehnopa timomachtihokeh wan san pampa tihnekih, pero ipan nopa kawitl axkanah tihkalakiah tlen útlimos ome powalli wan matlaktli noso eyi powalli xiwimeh tlen kemah tlanawatihkeh kaxtiltekameh. Ni xiwimeh kalakih ipan seyok pamitl kampa nohka kalaktokoh —ihkatzah onkak política tlakotontli— xiwimeh tlen teipah tlen independencia.

TLEN FUNDACIONAL KAWITL, 1519-1610

Kemah asikoh kaxtiltekameh, 1519-1530

Tlen kemah pehki colonial kawitl onkak miak tlamantli tlen panokeh tlen pehkeh kemah asikoh kaxtiltekameh wan kemah achtowi kalahkeh ipan Mesoamérica tlalli. Ika yaino pehki conquista, ika nopa tokayotl welis motokaxtis kemah tlatlankeh tlatewiyanih wan nohkia nochi tlapatlalistli wan tlasenkawalistli tlen onkak hasta ipan 1560 xiwitl. Ne conquista, tlan ihkinoh tikumachiliseh, mochihi ipan ome powalli xiwimeh (tlen moxexelowah ipan se kawitl tlen achtowi wan seyok tlen kemah moyolchikahki), wan teipah panokeh seyok makuilli décadas para ne conquista, noso ne Yankuik Kaxtillan, tlatepotzko kikawaskia tlen achtowi kawitl kemah pehki wan kalakiskia ipan kawitl kemah moyolchikahki.

Achtowi kemah tikalakiseh ipan tlamantli tlen achtowi panokeh moneki tikumachiliseh ipan katlia kawitl panokeh. Ni tlamantli techwikah kemah mochiwayaya moyawalistli tlen economía wan tlen europeanemilistli tlen kemah mochiwayaya exploraciones portuguesas ipan weyi mar, tlen desde kemah tlahko xiwilpilli XV, mochiwayaya enclaves tlen tlanamakalistli ipan costas tlen África, India wan ipan Sudeste asiático, wan nohkia kemah kalahkeh ipan Cabo Verde, ne Azores wan sekinok islas tlen Atlántico. Nochi ni tlamantli panok pampa europea tlalli kintemoyaya especies wan sedas, wan tlamantli tlen islas pampa kinekiyaya kitokas owatl. Sekih islas tlatzitzikatok eliyayah wan ipan sekih ax onkayayah miyakeh ewanih, yeka azucareratekitl mochihi ika esclavotekitl. Wankinoh ipan ni kawitl pehki tlapatlalistli tlen ewanih pampa ne esclavos africanotlakameh tlen costas tlen Guinea wan Angola kinkowayayah ne portuguestlakameh, wan kemantika inihuantih kinitziyayah, para tekitiseh ipan islas. Tlen kichiwayayah portuguestlakameh teipah nohkia iwikal pehki kichiwah ivecinos kaxtiltekameh ipan islas tlen Canarias.

Ne weyi tlanawatiyanih tlen Castilla wan tlen León kinekiyayah inihuantih mokalakiseh wan tlanawatiseh ipan tekittl tlen tlanamakalistli tlen mochiwayaya ipan nopa kawitl, yeka ipan 1492 kitlaxtlawihkeh ne Cristobal Colón para ma kitemoti ne India, tlen panok nochimeh tihmatokeh ya. Kaxtiltekameh kalahkeh ipan islas tlen Caribe, ipan Cuba, Jamaica, Santo Domingo wan Puerto Rico, iwikal ken panok ipan Canarias: tlaixpanokeh, kitohkeh owatl, miyakeh masewalmeh kinmiktihkeh wan kinkalakihkeh esclavos africanotlakameh. Pero nohkia onkak se tlamantli tlen seyok, kaxtiltekameh ipan yankuik tlalli kinekiyayah kintlaliseh asentamientos tlen kualli, kampa onkaskia tlanawatilli wan tlatlepanittalistli, kinekiyayah kinwikaseh toromeh wan nohkia tlatohokaseh, welis tikihtoseh, kinekiyayah kitlaliseh seyok Castilla ipan nopa yankuik tlalli tlen kiasiskiah. Ika nochi ni tlamantli welis tikumachiliseh kenke ipan ni tlalli onkayayah miyakeh ewanih pero ne economía ax kipiaya chikawalistli wan yeka miyakeh ewanih tlaihyowiyayah. Teipah panokeh portuguestlakameh wan iwikal kichihkeh ken kaxtiltekameh, ipan costas tlen Brasil.

Nochi ni tlamantli, tlen panokeh teipah kemah kintotokakeh musulmantlakameh tlen península ibérica, ipan xiwitl tlen 1492 nohkia moyolchikawayaya monarquía ipan coronas tlen Kaxtillan wan Aragón, tlen teipah más moyolchikahki kemah tlahkok ipan trono ne Carlos I tlen Habsburgo, tlen Kalli tlen Austria, wan tlen tlawel moixmatiyaya ika itokah tlen Carlos V, emperador tlen Alemania. Welis tikihtoseh pampa onkayaya unificación, política chikawalistli tlen yankuik tlanawatihketl wan tlapalewilistli tlen América tlalli, ne Kaxtillan ya tlayekanaskia ipan nochi europeo taltipaktli.¹ Ni tlamantli welki mochihihi pampa onkak conquista

¹ Tokayotl tlen España wan gentiliciotokayotl tlen españoles ipan kawitl tlen xiwilpilli XVI wan XVII axkanah kualli, pampa nochimeh monarquías tlen península ibérica sesen eliyayah wan ax onkayaya se “reino tlen España”. Kemah tikihtowa Kaxtillan ni kiihtosneki reino Tlen Kaxtillan, wan españoles elih castellanotlakameh (noso kualli extremeñotlakameh noso

tlen Mexko wan teipah tlen Perú, pampa kaxtiltekameh panokeh ipan islas, welis moihtos, tlen ipan continente tlalli.

Ipan nopa kawitl ni continente americano, tlen ayikanah ihkinoh motokaxtiyaya pero kena Yankuik Tlaltipaktli, pewayaya kalaki ipan se weyi tlapatlalistli tlen teipah mochiwaskia ipan nochi tlaltipaktli. Ipan ni weyi tlapatlalistli wan tlanamakalistli kalahkeh tlakameh, yolkameh, kuameh, teposmeh, manufacturas tlamantli wan miak tlamantli, nohkia kokolistli wan nemilistli. Ika nochi mi tlamantli tlen mochihi moyolchikahkeh europeotlakameh, noso kaxtiltekameh, wan ika nochi yaino teipah mochihi dependencia colonial ipan América tlalli ipan xiwilpilli tlen teipah. Ika nochi ni tlamantli welis tikumachiliseh kenihkatzah pehki colonial kawitl ipan Mexko. Nochi ni tlapatlalistli, welis moihtos, pehkeh ipan Cuba, kampa kaxtiltekameh kipiayah sempoalli xiwimeh asihtoyah. Wan pampa kinekiyayah momoyawaseh, yekah kichihkeh se ome expediciones. Se tlen yaino kiyekanki ne Francisco Hernández de Córdoba, wan ihkinoh ipan 1517 asitoh ipan costa tlen Yucatán. Ika ni expedición, tlen tikihtoseh elki se viaje tlen exploración, mochihi tlen achtowi tlaixnamikilistli tlen europeo tlaltipaktli wan mesoamericano tlaltipaktli.

Teipah tlen ni expedición mochihi seyok wan teipah seyok kampa namah kena nesiyyah kinekiyayah kichiwaseh conquista, ika yaino monekiyaya kiittaseh (ne kaxtiltekameh) miak tlen jurídicas tlamantli, tlen xitlawalistli wan tlen kenihkatzah moyolchikawaskia inihuantih. Ni tercera expedición, tlen kisenkahki Hernando Cortés, kopehki tlen itronco cubano ipan 1519 pampa kinekiyaya kichiwas se yankuik población —Veracruz— ika se *cabildo* (ayuntamiento noso local nechikolistlanawatiyanih ken tlen castellanemilistli). Kehnopa iselti kikualtlalki kenihki kalakis itiko. Teipah kena kalahki, wan onkak miak tlatewilistli, hasta kemah ne kaxtiltekameh

andaluztlakameh, tlen corona kinnawatiyaya) pero axkanah, welis moihtos, aragontlakameh noso catalantlakameh. Kehni, welis tikihtoseh desde ipan americana tlachialistli, wan desde tlen Yankuik Kaxtillan, ne Espana wan españoles axkanah kualli wan kehni mochihtok desde ipan xiwilpilli XVI.

kalahkeh ipan Mexko-Tenochtitlan kemah tlamiyaya nopa xiwitl. Para welki kichiwas nochi tlen kinekiyaya, ne Cortés kichihki miak político tlamanli wan nohkia se tlasenkawalistli para señóros tlaxcaltecas.

Welis tikihamikiseh ipan Mesoamérica ipan nopa kawitl onkayayah miyakeh señóros, ni kiihtosneki, kuekuetzitzih estados noso políticos nechikolistli tlen kipiayah achi autonomía. Ika nawatlahtolli motokaxtiyayah *altepetl*. Nohkia motokaxtiyayah ika sekinokeh masewaltlahtolmeh, pero tokayotl ika nawatl ya más motekiwiya; teipah, kaxtiltekameh kitlahtolkuepkeh ken chinanko tlen indiotlakameh. Sesen kipiayah se tlayekanketl noso “totlayi” hereditario, tlen eliyaya ken se kuekuetzih rey wan ya kineskayotiyaya política tlatlepanittalistli (*tlahtowani* ika nawatl, tlen kaxtiltekameh kitlahtolkuepkeh ken *cacique*). Ika ni señóros mosenkawayaya política prehispánica. Miyakeh kitlaxtlawayayah ne Exkan Tlatohloyan (nechikolistli tlen tlayekanayaya ipan nopa kawitl), pero sekinok, ken ne tlaxcaltekameh, inihuantih ininselti monawatiyayah. Kalahkeh kaxtiltekameh ipan Mexko-Tenochtitlan, achtowi ika tlatlepanittalistli, pero teipah onkak miak tlatewilistli wan kiitzkihkeh ne mexika tlanawatihketl, Moctezuma. Teipan motewihkeh ipan chikome metztli, tlen noviembre tlen 1519 a junio metztli tlen 1520, ipan nopa kawitl ne kaxtiltekameh moyolchikahkeh, pero nohkia mosenkahkeh waya sekinokeh señóros para sentika tlatewiseh wan nochi yaino mochihki ika mesoamericanastlahlamikilistli. Ipan ni kawitl welis moihtos ne nechikolistli tlen Exkan Tlatohloyan tlapanki, pero nohkia ne mexikameh kichihkeh se kualli tlatewilistli tlen ika sampa kisewihkeh ne Moctezuma wan tlen ika kintotokakeh kaxtiltekameh waya ininwampowoyah (tlen moixmati ken “Chokistli Yowalli” wan tlen teipah tlawel ipatih ipan popular nemilistli).

Pa nimah ipan Mexko tlalli asiko viruela kokolistli wan ika yani miyakeh ewanih polihkeh. Nopa kokolistli pehki ipan Veracruz ipan mayo tlen 1520, kikalakihkeh se olochtli tlen kaxtiltekameh tlen kimanawiyayah intereses cubanos wan asitoh nopayo para

kitzakuiliseh ne Cortés (ne expedición tlen Pánfilo de Narváez). Ne kokolistli tlen viruela eliyaya se tlen nopa tlamantli tlen momoyawayaya ipan nochi tlaltipaktli, wan hasta ipan nopa kawitl nopa kokolistli axkanah moixmatiyaya ipan Mesoamérica tlalli. Yeka nopa kokolistli pa nimah mosenmoyahki ipan nochimeh ewanih: ipan se xiwitl nopa kokolistli kalaktoya hasta ipan itiko wan kinmiktihki eyi millones tlen ewanih. Sekinok kiihtowah elihkeh matlaktli millones.

Elki wankinoh kemah pehki tlatewilistli tlen conquista tlen Mexko: se fieroh tlatewilistli wan axkanah pareho elki kampa kitekiwihkeh kawayomeh wan teposmeh —san ne kaxtiltekameh— kemah tlatewihkeh. Tlamantli tlen tlawel ipatih tlen nopa tlatewilistli elki kemah mochihki sitio tlen Mexko-Tenochtitlán, tlen ihkatzah tlaxikowayaya ika viruela, tlatewihki ipan se xiwitl wan tlanki kemah kalahkeh ipan altepetl wan kiitzkihkeh tlen último rey, Cuauhtémoc, ipan 13 tlen agosto tlen 1521 (ika yaino kaxtiltekameh kiihtowayayah nel tlatlankeh wan yolpahkeh ipan nochi colonial kawitl). Ne tlatewilistli axkanah tlanki ika yaino, wan mosenmoyahki ipan sekinok señoríos —ipan Exkan Tlatohloyan wan tlen sekinok— wan wahkahki hasta ipan 1525 noso 1526. Ne kaxtiltekameh tlatlankeh ipan nochi tlatewilistli, pero welis tikihtoseh ika owi (tlen san kentzih momati, pampa nochi tlen onkah eli san tlen tlatewilistli tlen panok ipan Mexko-Tenochtitlan). Nohkia ipan nopa kawitl, ika miak político tlamantli wan axkanah ika tlatewilistli, noso axkanah ika teposmeh, miyakeh señoríos tlen tlatlahko wan sur tlen altepetl, kampa tlawel ipatih ne reino tlen Michoacán pampa tlawel weyi eliyaya.

Ika nochi nopa tlamantli tlen panok welis tikihtoseh ne kaxtiltekameh kintlanihkeh nochimeh señoríos tlen onkayayah ipan nopa kawitl, tlen ika nochimeh eliyayah más tlen quinientos. Yeka ipan xiwimeh tlen 1522 a 1525 onkak miak kualantli, tlasenkawalistli wan tlakualtlalistli tlen fieroh. Para mokualtlalis nochi motekiwhiki sistema tlen motokaxtia *encomienda*, tlen kiihtosneki kinmakayayah señoríos ne kaxtiltekameh

tlanawatiyanih, tlen eliyaya *encomendero* tlen nopa señorío. Nopa tlamantli mochiwayaya pampa monekiyaya ne señoríos kipiaseh político nechikolistli, tlanawatisah wan kitlalanaseh tributos, wan tlen seyok, ma kimakaka iencomendero miak tlen nopa tributo. Ne encomenderotlakameh monekiyaya tlamokuitlawisah para axkanah onkas kualantli yon tlatewilistli. Wan yeka sekinokeh señoríos, tlen wehweyih eliyayah noso tlawel ipatiyayah (welis tihtokaxtisah tlen Mexko wan tlen tlaxcaltekameh), inihuantih kinmokuitlawiyayah tlayekananih tlen corona.

Monekiyaya mokualtlalis se nechikolistlanawatiyanih tlen tlatlahko tlen corona tlen Kaxtillan wan yolik mochitiyahki pampa ne kaxtiltekameh kampa weli tlatlaniyayah. Tlen achtowi tekittl tlen ni tlamantli elki se formalismo político tlen kikualtlalki wan kitlepanittak ne *Reino tlen Yankuik Kaxtillan* ya kipatlaskia ne “imperio tlen Moctezuma (ni kiihtosneki, ne Exkan Tlatohloyan). Wan yeka ne kaxtiltekameh kinekiyayah tlakualtlaliseh nochi ipan Mexko altepetl para sampa kitlalanaseh ken se yankuik altepetl tlen inihuantih (ihkatzah kampa eltoya). Wan kena nochi yaino kichihkeh, kitlalkeh se yankuik nechikolistlanawatiyanih ika tlanawatiyanih, mochihki tekittl tlen recaudación fiscal wan administración tlen justicia, pampa nochi nopa tlamantli tlawel ipatiyaya para ne corona. Ya, ika ikuentah, moihlihki kualli kinxexelos sekinok provincias noso regiones tlen tlatlahko tlen Mexko kampa tlanawatiyaya, wan yeka onkak sekinok nechikolistlanawatiyanih ipan Pánuco (tlen axkanah wahkahki), Guatemala (desde ipan 1527) wan Yucatán (tlen 1527 a 1549 wan sampa desde ipan 1565).

Wan nohkia teipah asikoh más kaxtiltekameh desde ipan 1522 noso 1523 wan namah tlawel miyakeh eliyayah wan más miyakeh eliskiah. Inihuantih kintokaxtihkeh ewanih pampa axkanah eliyayah conquistadortlakameh tlatewiyanih, monehki mosenkawaseh pero axkanah iwikal tlen kinekiyayah ni ome. Ne tlen ewanih, inihuantih kinkualtlalihkeh chinankomeh tlen ewanih (sesen kipiaya se cabildo) wan nohkia motlanamakiltiyayah waya sekinok chinankomeh wan waya ne Antillas wan Kaxtillan.

Nohkia kinwikayayah yolkameh, xiwimeh wan sekinok europeo tlamantli ipan Yankuik Kaxtillan, wan nohkia kisenmowayaya ganaderatekitl, agrícolatekitl wan tlen manufacturatekitl. Ihkinoh kintohkeh miyakeh xinachmeh tlen teipah mokuepkeh, weyi tlalli tlen kaxtillannemilistli, ken mochihki, welis moihtos, ipan ne Puebla tlen ne Ángeles ipan 1531.

Nohkia ipan ni kawitl asikoh miyakeh frailes tlen órdenes mendicantes (franciscanos, dominicos wan agustinos) desde ipan 1524 xiwitl, wan nohkia ika tlamantzihi kintlaltiyahkeh inintlamachtilis noso bases tlen evangelización wan administración eclesiástica ipan nochimeh señoríos kampa tlanawatiyayah. Ne teopixkemeh tlawel kintlepanittayayah wan inihuantih tlapalewiskiah para ma mochiwa conquista tlen tlahlamikilistli, pampa ipan cristianotlahlamikilistli ni tlamantli tlawel monekiyaya para kinkuepaseh paganotlakameh. Ne frailes, noso frailes doctrineros, kualli tekithkeh pampa kinpalewiyyayah ne encomenderotlakameh, wan nohkia ne nativos totlayimeh; wan momanawiyayah ika tributo tlen kinmakayayah. Ika nochi yaino, wan pampa ika yolpakilis kichiwayayah ininteki, ax wahkahki kisenmoyahkeh miak religiosotlahlamikilistli, ken ne bautismos, yaseh ipan misa (kampa onkayaya tlatzotzontli, kuikatl wan miyakeh ilhwitl) wan nohkia tlatlepanittalistli tlen santos, wan nohkia kintlalkeh cristianatlanawatilli tlen sexualidada wan tlen tlanamiktlistli.

* * *

Welis tikihtoseh nochi ni tlamantli panokeh ipan achtowi xiwimeh tlen colonial kawitl. Tlen achtowi welis tikihtoseh ne mesoamericano taltipaktli kiyehyekohki miak wan chikawak tlapatlalistli, pero nohkia onkak miak tlamantli tlen axkanah mopatlakeh wan nohka eliyayah. Tlen tlawel ipatih eliyayah tlen ne señoríos, pampa nohka kintekiwiyyayah ipan local nechikolistlanawatianihi, ipan sistema tributario wan para mochiwas evangelización. Tlen kinpalewiyyayah ne conquistadortlakameh inihuantih kualli itztayah,

ken ne señorios tlen tlaxcaltecatlakameh (tlen kintlepanittayayah ipan nochi colonial kawitl), pero nohkia panoyaya ipan sekih tlen kinmapachtayah ika fuerzah. Ipan miyakeh tlen yani, kemah kintlankeh, ne kaxtiltekameh kintlalihkeh yankuikah totlayimeh, tlen kipalewiyayah, wan yeka yoltayah instituciones locales.

Moneki tikuamachiliseh kenke panok ni tlamantli: ne kaxtiltekameh axkanah miyakeh eliyayah. Inihuantih san tlanawatiyayah, pero axkanah weliyayah (yon kinekiyayah) kichiwaseh nochi tekittl tlen monekiyaya ipan se altepetl tlen tlawel weyi wan tlapaltik eliyaya. ¿Wankinoh kenihkatzah weliskiah kichiwaseh nochi tekittl tlen kinekiyayah, mokawaseh, kitlalanaseh tomih wan chikawalistli, kitlaliseh itlahlamikilis, wan kualli itztoseh? San kinnawatiseh sekinokeh ma kichiwakah tekittl tlen inihuantih axkanah weliyayah kichiwah, nopa kiihtosneki ika dominación indirecta. Ipan Mesoamérica weliyaya mochiwa, pampa mochihtoya ika Exkan Tlatohloyan (ken eliyaya ken nopa tlamantli tlen inihuantih kinekiyayah kichiwaseh), wan pampa onkayaya se sistema político, tlen ewanilh wan tlen económico tlen monekiyaya para yaino. Yeka tlawel ipatiyayah ne señorios, pampa eliyayah ken nechikolistlanawatiyanih tlen ika mochiwaskia administración tlen justicia, ax onkas kualantli, mosenkawas tekittl wan motlalanas tomih tlen tributos. Nochi ni tlamantli mochihihi pampa ne Cortés tlawel tlahlamikiyaya. Welis axkanah moneltokas ni tlamantli tlen namantzih moihtos, pero elihkeh miyakeh centenares tlen ni señorios tlen axkanah mopatlakeh ihkatzah chikawak kinwilankeh ipan nopa xiwimeh, nohka kinpiayah inintlanawatiyanih, tlamantli tlen ewanilh, económica yolistli, inintlal, ininchikawaloh, iautonomía wan nohkia ininnemilis. Wan yeka mosenkahkeh, pampa teipah tlen nochi, inihuantih ihkinoh nohkia momanawiyayah, welis san tlen tlanawatiyanih, pero nohka kipiayah —ihkatzah san wankinoh— chikawalistli.

Kaxtiltekameh inihuantih kena tlawel mokualaniyayah. Ne conquistadortlakameh motewiyayah pampa nochimeh kinekiyayah tlanawatiseh, kinekiyayah encomiendas tlen kualli noso tlen

kualli puestos tlen nechikolistlanawatiyanih. Sekih kena kualli tekitiyayah, pero sekih san tlakualanchiwayayah, ipan 1525 onkayaya tlawel miak kualantli wan nesiyaya nochi tekittl tlen mochihtoya welis welonis. Yeka monehki mokalakis ne corona, ya kitlalki se audiencia noso tribunal tlen justicia tlen eliyaya ken se nechikolistlanawatiyanih ipan 1528, wan nohkia asikoh teopixkemeh wan sekinokeh ewanih wan achi kentzih nochi mokualtlalki, pero nohkia ika yaino onkak seyok kualantli. Se tlakatl tlen kichihki miak kualantli elki ne Nuño de Guzmán, ya kitlalki se tlen achtowi nechikolistlanawatiyanih ken primer tlanawatihketl tlen audiencia wan teipah yahki tlatewito ipan Mesoamérica occidental tlalli ika fieroh wan tlen axkualli tlamantli más ken kichihtoya ne Cortés. Ya axkanah kinekiyaya tlatzkitos waya Yankuik Kaxtillan, yeka ipan tlalli kampa tlatlanki kintokaxtihki Reino tlen Yankuik Galicia wan kinmakak se nechikolistlanawatiyanih tlen seyok ipan 1531. Nochi yaino kena kitlepanittak ne corona, pero nohka tlatzkitoya waya Mexko.

Kemah moyolchikahki conquista (1530-1560)

Ipan 1530 wan 1560 xiwimeh panok kemah moyolchikahki ne conquista. Ipan ni kawitl ayohkana miak kualantli onkayayah, pero welis tikihtoseh kena onkak miak tlapatlalistli. Namantih tisaniloseh tlen panok ipan ni kawitl.

Tlen achtowi, welis tikihtoseh ipan ni kawitl ayohkana onkak kualantli, nochi kualli eltoya. Wan ni tlamantli panok pampa tlanki tlatewilistli tlen señorios, tlanki weyi tlatewilistli tlen conquista wan tlanki tlatewilistli tlen kaxtiltekameh, pero nohkia tlanki pampa mochihihi nopa sistema tle dominación indirecta tlen achtowi tikihtohkeh. Pero axkanah nochi kehni eltoya ipan nochi altepetl, pampa onkak se ome tlatewilistli, welis tikihtoseh ipan Yucatán, kampa nopa conquista tlawel wahkahki, wan ipan Yankuik Galicia, kampa fieroh tlatewiwaya ne Guzmán wan yeka motlalankeh ne

caxcanes, noso *tlatewilistli tlen Mixtón* (1540-1542, ipan norte tlen kampa namah eli Jalisco). Seyok tlamantli tlen ika moyolchikahki ne conquista, elki pampa kinkuenihkeh ne conquistadortlakameh tlen posiciones tlen poder wan nopayo kintlalkeh funcionarios tlen tlahlamikiyayah (noso achi más tlatlepanittayayah) ipan wahkapa tlen nechikolistlanawatiyanih. Ika yani, tlen welis moihtos elki ken se civil nechikolistlanawatiyanih, mosisinihkeh miyakeh conquistadortlakameh, pero ne corona kichihki ma kitlepanittakah desde ipan 1535 ika se weyi tlanawatihketl: se virrey (welis moihtos, se nel vice-rey). Tlen nochimeh tlen virreyes walayayah tlen tetik nobleza castellana.

Yolchikawalistli tlen conquista nohkia nesiyya ken mosenkahkeh ne señoríos —tlen kenihki mosenkahtoyah política tlasenkawalistli tlen prehispanika kawitl— ipan sistema colonial. Ipan ni kawitl nohkia panokeh miyakeh tlamantli wan tlapatlalistli, se tlen ipatih elki se yankuik epidemia tlen pehki ipan 1545. Elki tlen sarampión kokolistli, seyok kokolistli tlen axkanah moixmatiyaya ipan mesoamericanas tlalli, wan tlen kinmiktihki miyakeh ewanih.

Ihkatzah panok ni weyi kokolistli, ne señoríos mosenkahkeh wan kalahkeh ipan sistema colonial wan onkak miak tlapatlalistli, wan kehnopa mochihi pampa inihuantih ax kinekiyayah ma kinmiktikah, kinekiyayah yoltoseh. Nochimeh señoríos welis tikihtoseh tlapaltik eliyayah, kehnopa elki desde ipan prehispanica nemilistli, pero ne kaxtiltekameh welkeh kinsenkawah —welis pampa axkanah kinkuamachiliyayah wan nohkia pampa kinekiyayah kikualtlaliseh san se panorama novohispano—. Yeka kichihkeh miak tlamantli.

Tlen achtowi mochihi kinkuepkeh ne señoríos ken cabildos castellanos, wan welki mochihi ni tlamantli pampa inome eliyayah ken políticos nechikolistli tlen kipiaya jurídica itlachialis, tlalli wan achi autonomía. Ika ni tlasenkawalistli ne señoríos yankuik kintokaxtihkeh, ken achtowi tikihtohkeh ya, ika tokayotl tlen *chinankomeh tlen indiotlakameh* (pero nohkia kintokaxtiyayah ika nawatlahtolli *altepetl* wan nohkia ika sekinokeh masewaltlahtolme).

Ne cabildos tlen chinankomeh tlen indiotlakameh kintokaxtihkeh *cuerpos tlen república* wan kinpiayah alcaldes wan regidores iwikal ken tlen kaxtiltekameh. San tlanawatiyayah tlen eliyayah tlen tlakameh nobles noso tlen linaje ilustre (tlen motokaxtia *principales*), wan seyok puesto adicional, tlen se gobernador, ya eliyaya tlen caciquetlakameh. Mokuaultlalki se sistema tlen tlapehpenalistli tlen ika mopatlaskia nechikolistli wan intereses, wan nohkia mochihi se tesorería noso se *caja tlen chinanko*, achtowi ni tlamantli axkanah mokuamachilki pero teipah kena kemah pehki motekiwiya ne moneda. Welis tikihtoseh ika nochi ni tlamantli tlen mochihi kena onkak se weyi tlapatlalistli, axkanah san tlen tokayotl, onkak prehispánicas tlapatlalistli.

Tlen seyok tlamantli motlalki se tlanawatilli tlen tributarias tlaxtlawalistli para ma nochimeh tlayakananih tlen familias tlen se chinanko ma kitlaxtlawakah iencomendero, noso ipan sekinok ma xitlawak kitlaxtlawakah corona, se peso wan tlahko fanega tlen sintli ipan se xiwitl (wan onkayaya nohkia seyok tlaxtlawalistli). Nochi ni tekittl ika owi mochihi (pampa achtowi monehki pehki motekiwis ne moneda), wan ni tekittl axkanah xitlawak welki mochiwa, pampa miyakeh ewanih onkayayah. Ne nobletlakameh wan principaltlakameh axkanah tlaxtlawayayah, wan nohkia tlen inindependientes personales (*mayequés*), tlen ipan sekinok chinankomeh eliyayah tlawel miyakeh ken tlen tributarios formales (ne *masewalmeh*).

Tlen eyi tlamantli tlen mochihi elki kinihlihkeh ne chinankomeh tlen indiotlakameh ma kinsentilikah ewanih ipan asentamientos tlen urbano tlamantli—tlen kemah pehkeh chinankomeh ika tlatlahko plaza, weyi teopan wan xitlawak ohmeh, tlen onkah hasta namah—. Ipan nochimeh chinankomeh tlen indiotlakameh mochihkeh localidades tlen kehni, tlen tlayakanayaya motokaxtiyaya *cabecera* wan tlen sekinok *sujetos*. Ni, ipan achtowi xiwimeh, ika yolik mochitiyahki, pero teipah elki se tlamantli tlen kualli mochihi wan yeka ne masewalchinankomeh tlen indiotlakameh kalahkeh ipan sistema colonial wan onkak tlapatlalistli.

Moyawalistli tlen evangelización nohkia moitzkihtoya waya ni tlamantli pampa ne frailes doctrineros nohkia kalaktayah ipan nochi ni tlapatlalistli. Ipan chinankomeh tlen indiotlakameh kalahkeh ne teopixkemeh, wan kintlalihkeh conventos wan templos ipan nochimeh chinankomeh (ipan cabecera) wan nohkia kintlalihkeh santos ipan ni chinankomeh; wan nohkia mokalahkeh ipan tlapehpenalistli tlen cuerpos tlen república wan kiselihkeh miak tlapalewsilitli tlen gastos tlen culto.

Ika nochi ni tlamantli ne chinankomeh tlen indiotlakameh kipixkeh se yankuik tlachialistli wan kitlepanittayah iglesia. Ika nochi yaino, wan nohkia ika adoctriamientotekitl tlen okichpilmeh wan generacional tlapatlalistli, ne frailes welkeh (kemantika ika fieroh tekittl) kinmapachoseh noso axkanah kintlepanittaseh tlatlakualtilistli wan prehispánicos tlamatinih. Pero nohkia kichihkeh se kualli tekittl ken moyawalistli tlen nemilistli wan tlatemolistekittl tlen masewalnemilistli wan tlen masewaltahtolmeh nochi yaino tlawel ipatih, ken welis tikihtaseh ipan inintekih tlen fray Toribio de Motolinía wan fray Bernardino de Sahagún. Nohkia pehkeh kinchiwayah wehweyih wan yehyektzitzih conventuales kalmeh, kampa kinsetiliyah miyakeh tlakameh wan kampa kichiwayayah tekittl tlen conquista wan aculturación tlamantli.

Tlen seyok tlamantli tlen mochihi para moyolchikawas conquista elki nohkia pehki mowika waya tlatipaktli tlen kalteno, ihkatzah san ketzih mochiwayaya yani. Kehni eliyaya pampa ne metrópoli kualli kinitzkihtoyah nochimeh iposiciones americanas wan axkanah kinmalakaniyah, yeka ax weliyah nemih ewanah yon tlanamakalistli, onkayayah tlatlawalistli wan ohmeh. Ipan Kaxtillan, san onkayaya se puerto tlen tlatzkihtoya waya América wan eliyaya tlen Sevilla; ipan Yankuik Kaxtillan san Veracruz kipiaya nopa tlamantli. Pero ipan Pacífico ya kualli mochiwayaya tlanamakalistli wan Yankuik Kaxtillan pehki motlanamakiltia waya Perú wan kintekiwayaya puertos ken Huatulco wan Acapulco.

Ihkatzah onkayayah tlanawatilli, miyakeh kaxtiltekameh mopatlayayah tlen tlalli wan elihkeh 20 000 ipan tlahko tlen

xiwilpilli. Mosentiliyayah ipan tlalli tlen tlatlahko (kampa kintlalihkeh altepeme ken Antequera tlen Oaxaca wan Valladolid tlen Michoacán), axkanah yowiyayah ipan serranas wan costeras tlalli. Waya Mexko wan Puebla (wan nohkia Guadalajara ipan Yankuik Galicia wan Mérida ipan Yucatán) elihkeh wehweyih altepeme. Nopa altepeme kipiayah se cabildo nechikolistli wan se catedral wan se obispo (wan seyok nechikolistli, tlen eclesiástico), motlalankeh wehweyih kalmeh tlen europeo tlachialistli wan momoyahki nemilistli. Mexko altepetl ya tláye kanayaya, pampa nopayo onkayaya económica chikawalistli wan nohkia tlen nemilistli (motlapohki se weyi kaltlamachtiloyan ipan 1553), pero welis tkihtoseh nochimeh altepeme tláye kanayayah ipan nopa tlalli kampa kintlaltoyah. Tlen ipan ni tlalli, kawitl teipah, nikah kiskeh intendencias tlen tardía colonial kawitl wan teipah tlen elihkeh estados tlen república.

Ika nochi yaino nohkia kiski ne mestizaje tlen welis tikihtoseh tlen biológica tlamantli wan nohkia tlen nemilistli tlamantli. Ihkatzah sekinok ax kikualittayayah (ken ne frailes) ma monamikikah indiotlakameh wan kaxtiltekameh, wan ihkatzah onkayayah tlanawatilli tlen kiihtowayayah ni ome axkanah iwikal, kena pehki mowikah. Ni ome kichiwayayah relaciones sexuales tlen informales, pero nohkia sekinokeh monamiktihkeh, monamiktayah kaxtiltekameh waya indiasiwameh tlen kipiayah chikawalistli. Ipan 1550 ne nawatlahtolli wan sekinok tlahtolme nohkia kintekiwayayah kaxtiltekameh. Pero nohkia, miyakeh caciquetlakameh wan nobletlakameh pehkeh tlahtowah ika kaxtilantlahtolli, wan sekinok religiosas kaltlamachtiloyan kitlalkeh europeanemilistli, ken retórica latina, tlen weliyayah momachtiah masewalmeh tlen kipiayah chikawalistli (axkanah nochipa). Welis tikihtoseh nohkia asikoh miyakeh africanotlakameh (elihkeh 15 000 ipan tlahko tlen xiwilpilli) tlen kinwalikayayah ipan Yankuik Kaxtillan ken esclavotlakameh. Miyakeh eliyayah tlakameh wan pa nimah monamiktihkeh waya indiasiwameh.

Moyawalistli tlen mestizaje mochihi iwikal kemah mochiwayayah económicastekitl tlen yankuik ipan mesoamericana tlalli wan nochi yaino kipatlak miak tlamantli ipan itiko wan nohia ipan kalteno. Ipan kaltik, mochihi tlen ganaderíatekitl (kiniskaltiyayah vacunos wan ovinos), producción tlen trigo wan azúcar, kiniskaltiyayah okuilimeh tlen seda wan kichiwayayah explotación tlen minas tlen plata —ika nochi yaino onkak miak tlapatlalistli tlen ambiental tlamantli—; tlen kalteno, tlen tlanamakalistli waya Kaxtillan wan Perú, tlen plata, tlapalli wan manufacturas tlamantli (yoyomitl, herramientas wan mueblas tlamantli). Ipan nopa kawitl nohia kiski se yankuik pamitl tlen tekítl (ipan altepeme), mochihi yankuik medios tlen teposmimilonih (ika arriería tlen tlawel mochiwayaya), wan pehi motekiwia moneda, tlen pehtoya ipan Mexko desde ipan 1536. Ika nopa tlamantli pehi xinachtli tlen economía capitalista wan ne Yankuik Kaxtillan kalahki ipan tlanamakalistli tlen nochi tlaltipaktli.

Pampa kaxtiltekameh ewanilh eliyayah miyakeh wan nohia pampa onkayaya yankuik tlanamakalistli yeka kiskeh yankuik empresas agropecuarias tlen kinpiayah se kualli infraestructura, tekítl tlen mano tlen obra residente, kualli tlasenkawalistli pampa kinekiyah kitlaniseh miak tomih. Ne ingenios tlen azúcar tlen Cuernavaca, kampa miyakeh esclavos africanotlakameh tekitiyah, welis tikihtoseh eli se kualli tlamantli tlen ni tekítl tlen mochiwayaya. Welis moihtos ipan ni empresas tlakatihkeh ne *haciendas* tlen teipah tlawel ipatih mokuepkeh ipan tlahko rural novohispano kawitl.

Tlen último tlamantli tlen welis tikihtoseh tepalewihki para ma moyolchikawa conquista elki expansión ipan Norte tlalli. Ni tlamantli pehi ika incursiones noso exploraciones, sekinok tlen yani mochihi pampa kinekiyah asitih ipan “chikome altepeme tlen Cíbola” tlen eltoyah ipan tlatlahko continente wan kampa miak tomih onkayaya, pero tlen kualli elki pampa kinasikeh minas tlen plata ipan Zacatecas, ipan Yankuik Galicia tlalli, ipan 1548.

Ni tlamantli kichihki ma asikah ipan ni chinanko wan nopayo echkatzih (tlalli kampa san nentoyah tlapewanih wan tlaphepenanih) miyakeh tlapaltik ewanih, wan yeka motlapohkeh ohmeh, tlalli kampa tlatokayayah, wan nohkia momoyahki tlen ganaderíatekitl.

* * *

Kena melawak ipan miak tlalli tlen Yankuik Kaxtillan ayohkana onkayaya kualantli, pero kena se ome tlatewilistli: kena onkak, wan chikawak eliyayah; pero teipah nel sehkeh. Welis tikihtoseh ipan achtowi xiwimeh mochihi tlaixnamikilistli tlen masewalmeh wan kaxtiltekameh, ipan 1530 a 1560 tlen monekiyaya eliyaya ne Yankuik Kaxtillan elis más ken se temiktli tlen kipiayah conquistadortlakameh.

Para mokualtlalis nopa altepetl, welis moihtos, onkak miak tekittl, pampa miyakeh kinekiyayah kichiwaseh nopa tekittl. Ne kaxtiltekameh, kimanawiyayah se tlen eyi tekittl tlen onkayayah. Se tlen nopa tekittl kistoya achtowi, wan kipiaya ichikawalis, ken tikihtohkeh ya, ipan sistema tlen dominación indirecta tlen señorías prehispánicas wan ipan ni tekittl nohka kalaktoyah ne encomenderotlakameh, teopixkemeh wan caciquetlakameh. Ika seyok tlahtolli, welis tikihtoseh ne Yankuik Kaxtillan monekiyaya moyolchikawas ken se sociedad tlen corte señorial, mokaltzaktok wan conservadora, wan kampa tlanawatiskiah san se ome tlakameh tlen kipiayah chikawalistli. Wan nohkia, inihuantih kiihtowayayah, monekiyaya kinwentiseh ne conquistadortlakameh, ne frailes doctrinarios nohkia tekitiskiah, wan ne caciquetlakameh kichiwaskiah tekittl tlen dominación.

Pero axkanah nochimeh kaxtiltekameh kehni tlahlamikiyayah, ken ne ewanih—tlen miyakeh eliyayah—. Inihuantih kinekiyayah kipiaseh tlalli wan se nechikolistlanawatiyanih, pampa inihuantih ax kinekiyayah kintlepanittaseh ne encomenderotlakameh. Pampa miyakeh tlen inihuantih ewayayah ipan altepemeh, onkayayah cabildos wan nohkia kipiayah autonomía. Nohkia

kinekiyayah kipiaseh mano tlen obra tlen indiotlakameh, pero encomenderotlakameh, frailes wan caciquetlakameh nochi san inihuantih kipiayah ininmakoh. Tlen iglesia tlamantli kinekiyayah ma onkah obispos wan curas seculares. Kinekiyaya se Yankuik Kaxtillan iwikal ken Kaxtillan, kampa onkas se nechikolistli tlen ewanilh tlen motlapotok wan libre, wan nohkia ma onkah se dominio tlen xitlawak para welis mochiwas explotación.

Tlen eyi weyi tekittl tlen corona, ya kiihtowayaya kena temakas manoh para ma mochiwa se kualli tekittl, pero achtowi kinekiyaya kitlalis se tlen tlatlahko nechikolistlanawatiyanilh tlen tetik wan tlen axkanah san kinyekanaskia indiotlakameh nohkia kinmanawiskia nochimeh kaxtiltekameh, wan nohkia tlen tlawel kiyolchikawaskia ne corona ika miak tlapalewilistli tlen weliskia kipehpena ipan altepetl wan tlen ocupantes. Para kinyekanaseh kaxtiltekameh elki se owi tekittl, pampa nochimeh tlen panoyayah ne Atlántico axkanah tlatepanittayayah wan kinekiyayah nochi san para inihuantih.

Ne corona kimatiyaya, kena ya tlanawatiyaya, pero ax weliyaya kichiwa ma nochimeh kitlepanittakah: ax kipiaya se nechikolistlatewiyanih yon se tlen burocracia, yeka tlan kinekiyaya kintlalis tlanawatilli wan funcionarios, kintzakuilis encomenderotlakameh wan frailes noso kintlaihilis ne cabildos tlen altepemeh, monekiyaya kitekiwis político tlamantli wan axkanah nimah kwalanis. Ne real chikawalistli kena kipiaya límites wan nopa tlamantli neski ipan 1543 xiwitl pampa miyakeh ax kitlepanittakeh kemah ne corona kinekiyaya kintlalis tlen kintokaxtiyayah “Yankuik Tlanawatilli”. Ipan Perú onkak se weyi tlatewilistli kampa kimiktihkeh ne virrey tlen nopayo. Tlen Mexko, ne Antonio de Mendoza, tlachixki ika nopa tlamantli: ya axtlen kichihki ipan nopa kawitl, kinekiyaya ma pano nochi kualantli, ma sekinok motewikah wan ya kalakiskia san ken se arbitro, ya kehnopa moihliyaya. Ya kiihtohki ika nopa sistema tlen nechikolistlanawatiyanilh weliskia kisenkawas nochi kualantli wan kinyekanas nochimeh kaxtiltekameh tlen ax kitlepanittayayah ipan Yankuik Kaxtillan, wan kehnopa kiyehyekohki ipan 1549, kemah

kiasik se kualli tekittl para kinmanawis wan kinpalewis ewanih ika tlapalewistli tlen tributaria tlamantli (ika ne *repartimiento* —se obligatorio tekittl pero tlen motlaxtlawayaya—, tlen monekiyaya kichiwareh ne chinankomeh tlen indiotlakameh) pero nohkia ax kinekiyaya ma moitta nopa tlamantli ken se tlaixpanolistli tlen encomenderotlakameh. Welis moihtos ke corona kena moyolchikawayaya pampa onkayaya dinamismo económico wan ne expansión ipan Norte tlalli nohkia kimanawiyaya para welis kisenkawas nochi wan nochimeh kitlepanittaseh. Ika ni tlamantli nohkia ayohkana onkak tlatewistli waya indiotlakameh, tlen welis kena mochtoskia tlan axkanah onkatoskia tlapalewistli. Ika ne explotación, welis moihtos, mochiwayaya wehweyih explotaciones ganaderas. Nohkia ne indiotlakameh moyolchikahkeh ika dinamismo wan moyawalistli tlen altepetl, sekinok, pampa onkayaya miak tekittl wan pampa nohkia weliyayah yowi kampa weli, yahkeh ipan altepemeh noso ipan Norte tlalli. Wan welis moihtos ika nochi ni tlamantli nohkia momanawihkeh mestizotlakameh, pampa inihuantih weliyayah ewah san kampa kinekiyayah.

Tlen kemah tlanki fundacional kawitl (1560-1610)

Ne corona kikualtlalki nochi iteki wan kiyolchikahki inechikolistlanawatiyanih ipan 1560 wan 1610 xiwitl. Ipan ni kawitl onkak miak tlapatlalistli tlen kualli wan tlen axkualli, pero ika nochi yaino moyolchikahki Yankuik Kaxtillan. Kehni, nesiyaya ne altepetl yowiyaya ipan se kualli ohtli, wan axkanah mokuapoltoya ken achtowi. Pero nochi yaino, welis tikihtoseh, tlawel ipatih pampa kisenkahki se kualli tlamantli, motzahki kawitl tlen kemah moyolchikahki Yankuik Kaxtillan.

Ni kawil pehki kemah mochihihki expansión ipan norte tlalli, noso ipan Tierradentro ken moihtowayaya wankinoh. Se tlamantli tlen miak ipatih elki kemah kinasikeh minas tlen plata, tlen ika onkak económico moyawalistli, wan nohkia onkak tlapalewistli tlen

agrícolatekitl wan ganaderotekitl. Pero nochi nopa tlapalewilistli tlen onkayaya san kipalewiya ne Yankuik Galicia wan ne Mexko altepetl axkanah, wan yeka ne virreyes kikualtlalkeh seyok tekil tlen ocupación, ipan 1562, seyok nechikolistli para norte tlalli tlen Zacatecas. Ni nechikolistlanawatiyanih, ne *Reino tlen Yankuik Vizcaya* (tlen namah elih ne Durango, Chihuahua, Sonora wan Sinaloa), nesiya kipa autonomía, pero axkanah pampa tlawel tlatzkihtoya waya Yankuik Kaxtillan wan tlawel kimanawiyaya wan kipalewiya. Wan nohia iwikal mochihi ika yankuik nechikolistlanawatiyanih tlen sekinok tlalli tlen virreinal nechikolistlanawatiyanih: Nuevo León wan Yankuik Mexko. Welis moihtos nochimeh ni jurisdiccionales nechikolistli nohka eltokeh hasta ken namah.

Pampa teipah kalahkeh yankuik tlalli tlen kemah mochihi expansión ipan norte tlalli, ika yani pa nimah moyolchikahki tlatlahko tlen Yankuik Kaxtillan. Tlen tlawel ipatih tlen ni tlamantli, welis moihtos, ni tlalli axkanah kalaktoyah ipan mesoamericana tlalli, pero teipah kiyolchikahkeh se dinámica —wan teipah kampa onkaskia miak chikawalistli— weyi tlalli tlen novohispanas, tlen teipah moixmatki ken ne Bajío. Miyakeh asentamientos tlen kiskeh ipan ni tlalli teipah mokupekeh ken modelos tlen hacienda noso empresa agropecuaria, tlen ika welki mochihi colonización.

Ipan ne expansión kawitl nohia kiskeh miyakeh yankuik altepemeh ipan ne Bajío wan nohia ipan norte: Durango (1563), Santa Bárbara (1567), Jerez (1569), Celaya (1571), Zamora (1574), Aguascalientes (1575), León (1576), Saltillo (1577), San Luis Potosí (1592), Salamanca (1602), Santa Fe (1609) wan sekinok tlen namah nohka itztokeh. Wan nohia ipan ni tlalli kiskeh altepemeh tlen kinchihkeh masewalmeh tlen walayayah tlen Tlaxcala wan Michoacán desde ipan 1591.

Pampa ne kaxtiltekameh kalahkeh ipan norte tlalli onkak miak tlatewilistli wan tlaixpanolistli, wan ihkatzah axkanah chikawak mochihkeh, elihkeh tlen más wahkahkeh ipan colonial kawitl. Elki *chichimeca tlatewilistli*, kehni motokaxtihkeh tlatewilistli

waya tribus seminómadás tlen Tierradentro tlen san inihuantih monawatíyayah wan kemantika kichiwayayah incursiones. Ni tlamantli welis axkanah panotoskia tlan mochitoskia sistema tlen dominio tlen mochiwayaya ipan mesoamericana tlalli, pero ne kaxtiltekameh tlawel ax kintlepanittayayah ne tribus, pampa ax kipiayah política tlasenkawalistli yon sistema tributario, pampa yankuiké ewanih san inihuantih kinekiyayah moyolchikawaseh wan pampa kinekiyayah kinitzkiseh ken esclavotlakameh (ken panok ipan Nuevo León) ax welki mosenkawa nochi kualantli. Ne nechikolistlanawatíyanih kintlalki puestos militares noso *presidios*, pero ika yaino onkak más tlaixpanolistli wan tlatewilistli. Nochi nopa kualantli tlanki hasta kemah ne virrey marqués de Villamanrique kikualtlaki se política tlen paz ipan 1585, ipan nopa kawitl miyakeh tribus politoyayah. Ihkatzah nochi yaino ipan norte tlalli nohka onkayaya tlatewilistli. Teipah kiskeh yankuiké tlatewilistli kampa mokalakihkeh ewanih tlen norteñas sedentarias (ken panok waya acaxees ipan 1600 wan wan waya ne tepehuanes ipan 1616).

Ipan ni xiwimeh nochimeh masewalmeh tlawel tlaihyowihkeh —axkanah san tlen norte—. Seyok weyi kokolistli, welis tlen tifo (1576-1581), kimakak se demográfico puñete, wan san mokahkeh menos tlen ome millones tlen ewanih wan ika yaino polihkeh miyakeh chinankomeh tlen bajas wan costeras tlalli. Ewanih nohka miyakeh mihkeh ipan décadas tlen teipah, wan teipah ika owi sampa motlalanki. Yeka welis moihtos tonatih kemah ne kaxtiltekameh kinmawiliyayah ne tlen indoamericanatlakameh pampa tlawel miyakeh eliyayah mokahkeh tlatepotzko. Ipan 1600, wan axkanah tikittaseh diferencias tlen weyi tlalli, se tlen nawí noso makuilli ewanih tlen Yankuik Kaxtillan eliyayah kaxtiltekameh noso eltoyah asimilados ika inemilis. Miyakeh onkayayah ipan Yankuik Galicia, pero axkanah ipan Guatemala, Yucatán wan provincias norteñas, kampa kaxtiltekameh axkanah miyakeh eliyayah.

Pampa ayohkana miyakeh ewanih onkayayah onkak miak kualantli. Tlen más ipatih welis moihtos elki kinkuenihkeh ne

encomenderotlakameh, doctrienerotlakameh wan caciquetlakameh, pampa ayok tlanawatiyayah yon kipiayah chikawalistli. Tlen achtowi tikintokaxtihkeh, pa nimah nohkia kinpatlakeh pampa onkak relevo generacional, yan yeka teipah ne nechikolistlanawatiyanih ya kitlalanayaya tomih tlen tributos. Ne frailes doctrineros (tlen ininórdenes religiosas nohkia weloniyayah) inihuantih kinpatlakeh clérigos seculares dependientes tlen ne obispos. Ne caciquetlakameh, tlen wahka wan tlawel iknotzitzih eliyayah ax welkeh tlatewia waya sekinok nechikolistli wan kemah pewayaya xiwilpilli XVII ayohkana kalahkeh ipan yon se nechikolistli tlen república.

Wan nohkia elki ipan ni kawitl, ipan xiwimeh kemah tlamiyaya conquista wan kemah panok weyi kokolistli, kemah ne frailes welkeh kinchiwah tlen wehweyih tlachiwalistli obras arquitectónicas (pampa nohka mochiwayaya conquista) wan moyawalistli tlen miak tlamantli tlen tlachiwalistli: tlalpameh, retablos, esculturas, wan seyok. Ika nochi ni tlamantli tlen tlachiwalistli, tlen mochihek ipan miyakeh chinankomeh tlen indiotlakameh tlen tlatlahko Mexko (pero axkanah ipan echkapa tlalli, san ipan Chiapas wan Yucatán), wankinoh pehki tlen achtowi kapitoloh tlen nemilistli tlen colonial tlachiwalistli.

Ika nochi yani, tlen tlatlahko nechikolistlanawatiyanih, wan tlen momanawiyaya pampa ayok onkayaya nechikolistli tlen kipiaya chikawalistli kemah elki conquista, welki nel moyolchikahki wan kitlalki ne virrey, ne audiencias wan sekinok representativas tlanawatiyanih tlen corona nechikolistli. Kehni panok, welis moihtos, ika inindelegados ipan local pamitl, tlen elihkeh ne *corregidores* wan ne *alcaldes mayores*. Nochimeh inihuantih (pampa iwikal eliyayah) pa nimah kinpatlakeh nochimeh encomenderotlakameh tlen kitlalanayayah tomih tlen tributos ipan chinankomeh tlen indiotlakameh, noso motlalkeh echka tlen ne cabildos tlen Kaxtillan, para ayohkana kipiaseh autonomía. Ne control tlen nechikolistlanawatiyanih tlen tekittl tlawel ipatih elki para mochiwas regateo político waya ewanih tlen Kaxtillan.

Ne tlen tlatlahko nechikolistlanawatiyanih nohkia moyolchikahki pampa panok sekinok tlamantli. Sekinok elihkeh tlen político tlamantli, ken ne encomenderotlakameh ayok kintlepanittayayah pampa onkak se tlatewilistli ipan ni tlamantli nohkia kalahki ne Martín Cortés (ikone tlen conquistadortlakatl) ipan 1566, noso pampa kitlalkeh, makuilli xiwimeh teipah, ne Tribunal tlen Santo Oficio tlen Inquisición, ni nechikolistli miyakeh kitlepanittayayah. Nohkia ipan ni kawitl moyolchikahki burocracia, ken nesi pampa moweyichihki tekitinih tlen audiencias ipan 1568, wan ipan Tribunal tlen Cuentas ipan 1605. Sekinok tlamantli, tlen económico pamitl, elihkeh ne tlanawatilli tlen tlaxtlawalistli tlen *alcabala* ipan 1574 (tlen kiihtosnekiyaya monekiyaya onkas tlaxtlawalistli kemah motlanamakiltiyayah, san axkanah tlaxtlawayayah ne iglesia yon chinankomeh tlen indiotlakameh) wan sekinok tlamantli tlen kiyolchikahkeh tlapalewilistli tlen corona.

Nohkia ipan ni kawitl moyolchikahki se eclesiástico nechikolistli tlen axkanah moitzkihtoya waya condiciones tlen conquista wan kampa tlanawatiyaya nechikolistlanawatiyanih pampa ne papas kinmakatoyah miak tlapalewilistli ne monarcas tlen Kaxtillan (tlen motokaxtiyaya *real patronato*). Ipan ni kawitl moyolchikahkeh catedrales wan obispos tlas kamati pampa motlalanayaya diezmo, eclesiástico tlaxtlawalistli tlen nochimeh tlatokmeh tlen kintokayayah kaxtiltekameh ewanah wan tlen moweyichiwayaya pampa miyakeh eliyayah. Nohkia ipatih elki asitoh jesuitas ipan 1572, tlen axkanah mokalahkihkeh ipan administración religiosa tlen masewalmeh (san ipan norte kena) inihuantih pehkeh kinmachtiah kaxtiltekameh para ma onkah se nechikolistli tlen tlahlamikinih.

Ipan pamitl tlen tlanamakalistli motlalki se sistema tlen tzaktok wan proteccionista tlen ax kikualchihki Yankuik Kaxtillan yon sekinok posesiones tlen Kaxtillan ipan América tlalli. Nochi trasatlántico tlanamakalistli monekiyaya mochiwas san ipan se ohtli, tlen desde ipan 1561, mochihihi sistema tlen flotas, ni kiihtosneki, san mochiwayaya se viaje ipan se xiwitl kampa nochimeh barcos sentika yowiyayah, wan kintlamokuitlawiyayah

se fuerza armada, wan nochi tlen kiwikayayah mopowayayah wan kintlalwiliyayah miak tlaxtlawalistli tlen impuestos. Ipan Sevilla mokualtlalki se nechikolistli tlen tlanamakanih noso *consulado*. Tlan nopa tlanamakalistli axkaha libre eliyaya, pampa onkayayah nopa flotas más ika owi mochiwayaya. Wan yeka, teipah nohkia kiski ne contrabando.

Tlen nohkia mochiwayaya ipan ni kawitl, tlen kemah elki reinado tlen Felipe II (1556-1598), ne kaxtiltekameh kinekiyayah asitih Asia ika Pacífico. Wan kena kichihkeh, kistehkeh desde ipan puerto tlen Navidad ipan 1564, kitlapohkeh se ohtli mokahkeh ipan Manila ipan 1571. Ika ne Filipinas, tlen kiskeh ken dependencia tlen Yankuik Kaxtillan, ne tlanamakalistli ika Pacífico tlawel moyolchikahki. Miyakeh juncos chinos tlen walayayah tlen Cantón kinwikayayah ika Manila miyakeh especias, sedas wan porcelanas tlen kaxtiltekameh kinkowayayah ika plata mexicana wan kintlahkoltiyayah ipan Acapulco wan kitekiwiyayah se sistema tlen galeones anuales tlen kitlaltoya ne corona.

Acapulco tlawel ipatiyaya pampa mochiwayaya peruano tlanamakalistli, iwikal ken tlen novohispano tlanamakalistli, wan yeka tlanamakalistli ika Pacífico tlawel moyolchikahki. Kemah tlamiyaya xiwilpilli XVI ipatih tlawel tlahkok más ken tlen Veracruz wan Sevilla. Pero pampa ni tlamantli ax kinkualchiwayaya peninsulartlakameh, ne corona kikotonki tlanamakalistli tlen Perú waya Mexko ipan 1631. Chikueyi xiwimeh teipah sampa kiihtohki ma mochiwa pero axkanah onkas tlanamakalistli tlen mercancías chinas.

Ipan Yankuik Kaxtillan ika ne comercial moyawalistli kiski se tetik nechikolistli tlen mercaderes tlanamakanih. Tlen nopayo kalaktayah, iwikal ken sevillanotlakameh, kikualtlalkeh se consulado nechikolistli ipan Mexko altepetl ipan 1592. Inihuantih tlanawatiyayah tlen enlaces marítimos ipan ome océanos, tlen importaciones wan nohkia ipatih tlen nochi tlamantli. San inihuantih kipiayah mercancías wan tomih, wan yeka moyolchikahtayah. Teipah ne corona kiihtohki ipan americanas tlalli ayohkana

mochiwas sekinok tlamantli tlen consumo (ken herramientas, wino, amatl, wan yoyomitl tlen kualli) pampa ya kinekiyaya kinpalewis tekيتين kaxtiltekameh, pero tlen nelia kichiwayaya, ika nochi yaino kinyolchikawayaya ne tlanamakanih. Inihuantih, axkanah ixwiayah, wan más tomih kitlaniyah ika tekitl tlen contrabando.

* * *

Nochi ni tlamantli kiihtosneki ne conquista tlatepotzko mokahtoyaya wan namah nesiyaya se kualli sistema tlen dominación colonial. Motlalanayaya se política tlen explotación tlen recursos tlen mochiwayaya ipan nochi tlaltipaktli, wan ika yani moyolchikawayaya ne kaxtiltekameh, ni eliyaya seyok tlamantli ayohkana tlen conquistadortlakameh wan encomenderotlakameh, wan ayohkana tlen indiotlakameh, nochi ayohkana eliyaya tlen kemah mochihki evangelización. Ipan tlahko xiwilpilli XVI welis tikihtoseh moixnamihkeh ne feneciente tlaltipaktli tlen conquista, tlen tlatzkihtoya ipan Kaxtillan wan prehispánico nemilistli, waya tlen achtowi tlamantli tlen se yankuik kawitl.

Itlachialis tlen Yankuik Kaxtillan mosiahawayaya ipan nemilistli tlen pasado prehispánico, pero ni tlamantli axkanah kiihtosnekiyaya san ihkatok. Tikihtohkeh ya miak tlamantli mokotonki ipan ni kawitl, welis moihtos, welonkeh nochimeh ne caciquetatlakameh. Ipani tlen yaino, onkak miak tlapatlalistli wan yeka kiski se yankuik tlaltipaktli, kemah pewayaya xiwilpilli XVII, ni yankuik tlaltipaktli tlatepotzko kikahtoya inemilis. Ne Yankuik Kaxtillan kipiaya nawi powalli wan matlaktli xiwimeh tlen experiencia, tlen kiihtosneki, desde itlachialis, eltoya tlawel kualli. Nochi kuantli tlen prehispánico tlaltipaktli, ken ne sujeción política, ne dominio tlen económico tlamantli, ne convivencia física, ne religiosa tlapatlalistli wan sekinok, nochi nopa tlamantli welis moihtos mosenkahtoyaya, wan nohka nochi tlamantli tlen situación cononial, tlen ne kaxtiltekameh nohka kinchiwayayah san

inihuanth, welis moihtos nohkia nochi yaino mosenkahtoyaya. Tlen kitokiliseh se perspectiva tlen nacional nemilistli welis kiittaseh nochi tlamantli tlen altepetl tlen teipah mokuepki independiente ipan 1821, tlan nohkia moittas expansión tlen mochihki ipan Norte.

Moneki tikittaseh kanih eltoya ne Yankuik Kaxtillan ipan nochi tlaltipaktli. Iproducción tlen plata (iwikal ken tlen Perú) momoyawayaya axkanah san ipan Kaxtillan nohkia ipan nochi Europa, pampa nochi nopa tlapalewilistli motekiwiyaya para moxitlawas nochi tlen tlawikayaya corona wan mokowas miak tlamantli, pampa welis moihtos ne Kaxtillan ax kipiaya industrial moyawalistli. Ni moyawalistli tlen metálico tlapalewilistli tlawel kiyolchikahki economía europea wan miak tlamantli kipatlak. Ne plata novohispana nohkia motlaloyaya ipan China (kampa monedas mexicanas motekiwihkeh hasta ipan xiwilpilli XIX) wan asiyaya ipan sekinok circuitos tlen tlanamakalistli ken India wan sekinok tlalli tlen Asia. Kemah se embajada comercial japonesa asiko ipan Mexko ipan 1610, nopa tlamantli kiihtosnekiyaya ne Yankuik Kaxtillan, noso se achi tlen ya, mokueptoya se altepetl tlen tlawel ipatiyaya ipan nochi tlaltipaktli: tlawel ipatiyaya nopa tlamantli tlan tikihtoseh ne Mesoamérica tlalli tlawel wahka itztoya. Pampa tlawel mochiwayaya abundamiento, nochi tlanamakalistli axkanah eliyaya san tlen comerciales tlamantli nohkia tlen nemilistli tlamantli pampa tlawel mowikayaya waya Perú. Pero Yankuik Kaxtillan monehki sampa mokuepas kemah nesiyyaya ya tlayekanas ipan tlen cosmopolita tlaltipaktli.

Ipan ni kawitl Kaxtillan nohkia kiyehyekohki se weyi tlapatlalistli. Se tlamantli tlen kinekiyaya kichiwas ne corona kemah kiyolchikahki iaparato administrativo elki kualli kichiwas tekil para kitlalanah tomih, wan ni tlamantli tlawel monekiyaya pampa ne Kaxtillan, axkualli tlanawatiyaya, kipiaya tlatewilistli, tlawel iknotzih mokahtoya, wan kinekiyaya sampa motlalanah pampa kitlanihkeh iArmada Invencible ne inglestlakameh ipan 1588. Sekih críticotlakameh wan reformistas sociales (tlen moixmatiyayah ken

arbitristas) kinkualtlalkeh wan kintlalihkeh se ome tlanawitilli tlen itokah “arbitrios” tlen ika kinekiyaya kinkualtlaliseh nochimeh kualantli tlen onkayayah wan ma axkanah pano tlen nochimeh ipan Kaxtillan moihliyah panos: tlamis ihegemonía imperial, se tlamantli tlen kualli panoyaya eliyaya Xiwilpilli tlen Tlahkuilolistli. Altepemeh tlen norte tlen Europa tlalli inihuantih kipiayah más chikawalistli. Wan para ne posesiones americanas nopa tlamantli kiihtosnekiyaya más tomih kintlatlaniliskiah teipah.

TLEN CHIKAWALISTLI WAN AUTONOMÍA KAWITL, 1610-1760

Tlaixnamikilistli waya tlaltipaktli tlen kalteno, 1610-1650

Ika nopa eyi pamitl tlen tikittakeh ya motzahki ipan colonial nemilistli tlen welis tihtokaxtiseh proceso fundacional wan nesiyya wala se yankuik kawitl tlen chikawalistli. Kemah pehki ni kawitl, wan hasta ipan tlahko xiwilpilli, panokeh miak tlamantli.

Ipan nopa kawitl ne holandestlakameh (tlen ayohkana kinmapachtayah kaxtiltekameh), inglestlakameh wan francestlakameh inihuantih eliyayah iaxka tlen weyi mar. Nopa yankuik equilibrio tlen chikawalistli neski ipan 1621 xiwitl kemah kiski ne Holanda Nechikolistli tlen Indias Occidentales, tlen tlawel ax kinkualchiwayayah naves tlen kaxtiltekameh ipan Atlántico wan Pacífico. Ne escuadra holandesa kiitzkihki se flota tlen kiski tlen Veracruz echka tlen Cuba ipan 1628, nopa tlamantli kiihtosnekiyaya ne Kaxtillan ayok kitlepanittayah wan nohkia tlanamakanih tlen Mexko miak tomih kipoloyayah. Teipah, ipan marítimas ohtli onkayaya miak kualantli.

Nochi kehni eltoya, yeka ne arbitristas, tlen ipan 1621 asitoh ipan poder ika figura tlen conde-duque tlen Olivares (tlen eliyaya valido tlen rey Felipe IV), kikualtlalkeh se weyi tekil tlen reformastlanawatilli para nochi imperio. Ipan Yankuik Kaxtillan

nopa tekitl kiyekanaskia se virrey, ne marqués de Gelves, ya kualli kitlalanaskia tomih, kitewiskia contrabando wan nochimex intereses tlen onkayayah. Pero ni tlakatl axkualli tlanawatiyaya, ax kintlepanittayaya locales tlachialistli, wan yeka mokualanihki waya tetikeh nechikolistli tlen Yankuik Kaxtillan: ne audiencia, ne cabildo tlen Mexko altepetl, ne consulado, ne eclesiástica nechikolistli, waya sekinok. Wan kemah motewihki waya ne arzobispo wankinoh kena nochi itlakahki.

Nopa kawitl tlanki ika se weyi tlamantli tlen colonial nemilistli: ne virrey kimahkahkeh ipan 1624 ika se puñete tlen Estado tlen kikualtlalki ne audiencia, wan teipah fieroh kitotokak tlen poder ika se popular tlatewilistli. Tlamachtlistli tlen kiski tlen nopa tlamantli kiihtosnekiyaya ipan Yankuik Kaxtillan ne política tlawel tlapaltik eliyaya, wan tlan kena onkayaya se tlen tlatlahko nechikolistlanawatiyanih, ni axkanah tlawel weyi eliyayah wan axkanah weliyaya tlanawatia ipan nochi altepetl. Ne rey welis moihtos kena kitlepanittayayah pero nohkia kipiaya límites. Ne kaxtiltekameh tlen Yankuik Kaxtillan kena tlanankiliyayah wan kinekiyayah ma kintlepanittakah. Asitoyaya se kawitl para welis mochiwas se weyi tlapaltalistli, tlen yankuik, mochiwas se yankuik altepetl tlen kemah pehki Yankuik Kaxtillan: se kampa tlanawatiseh ewanih, ika tlapaltik ewanih, tlen eliskia ken ne metrópoli kampa tlanawatiskiah ne cabildos, ne clero secular, ne miltekitinih, ne minerotekitinih wan ne tlanamakanih.

Ne corona monehki kitlepanittas nochi yaino pampa axkanah kinekiyaya más kipolos; wan nohkia kinekiyaya kichiwas seyok tlamantli wan monekiyaya kipalewiseh ne locales nechikolistli. Se tlen nopa tlamantli kinekiyaya kiyolchikawas ne nechikolistli tlen *Unión tlen Armas*, se financierotekitl tlen ika kinekiyaya kinnawatis corporaciones tlen más tetikeh tlen imperio ma kipalewikah ika tomih ne corona. Nohkia mokualtlalki se naval nechikolistli para temanawis ipan Caribe, ne *Armada tlen Barlovento* (1635), ni nechikolistli kimanawiskia ne cabildo wan tlanamakanih tlen Mexko. Nohkia motlalankeh ne *situados*,

tlen eliyayah tlapalewilistli tlen ika mochiwayayah fortificaciones wan ika motlaxtawayaya tlen defensa nechikolistli ipan kalteno tlen novohispano tlalli.

Ika nochi ni tlanawatilli miak tlen plata novohispana ayohkana yowiyaya ipan Sevilla, teipah, pehki motekiwia para kinmanawiseh sekinok posesiones tlen kaxtiltekameh: Filipinas, Cuba, Santo Domingo, Jamaica, Florida. Kemah tlamiyaya xiwilpilli XVII tlahko tlen nochi tlapalewilistli tlen Yankuik Kaxtillan motekiwiwaya para mochiwas ni tekitl. Ne metrópoli kiseliyaya tlapalewilistli tlen remesas tlen Perú, tlen ipan nopa kawitl tlawel moyolchikahtoya. Yankuik Kaxtillan monekiyaya momatis ewas ika miak kuantli, ika se metrópoli tlen ax kipiaya chikawalistli, wan kichiwas seyok tekitl ipan imperio. Nochi ni tlamantli kiihtosnekiyaya, ne cabildos, tlanamakanih wan sekinok nechikolistli monekiyaya nochipaya tlapalewiseh kemah monekiskia. Pero welis tikihtoseh axkanah nochi tlawel fieroh elki, pampa nohkia welkeh moyolchikawah, ipan nopa kawitl tlen política tlamantli momaneloyaya ika local tlamantli.

Se tlamantli tlen panok tlen miak ipatih, wan kichihki miak tlapatlalistli tlen político wan económico tlamantli ipan Yankuik Kaxtillan, elki inundación tlen Mexko altepetl tlen wahkahki makuilli xiwimeh desde ipan 1629. Para ax onkas atl ipan altepetl monekiyaya drenaje tlen cuenca wan eliyaya se weyi tekitl. Motekiwihtoya miak tlapalewilistli para kintlaposeh tuneles wan canales, pero ax kaxiliyayah. Pampa onkak ne inundación onkak nohkia políticas tlanankilistli (welis moihtos, kitlateilihkeh ne virrey ya kinkotontoya nochi tekitl tlen desagüe) wan onkak demandas para moxexelos tekitl (para tlamis nopa tekitl wan mochiwas seyok) nochi ni tlamantli tlen panoyayah ax kinkualchihki chinankomeh tlen indiotlakameh tlen tlatlahko Mexko. Sekih kinekiyayah kipatlaseh altepetl achi más wahkapa, ipan atentli, pero sekhi ax kikualittakeh wan axkanah mochihi. Tlen yani Puebla moyolchikahki pampa mokuepki, ihkatzah san se tlatoktzih, tlatlahko tlen manufacturero tlanamakalistli tlen altepetl.

Seyok kualantli tlen kiski tlen nopa inundación elki ayohkana welki mochihihi sistema tlen repartimiento tlen tekittl ken mochiwayaya desde ipan 1549. Tlawel monekiyaya tekittinih para mochiwas tekittl tlen desagüe, wan yeka ne nechikolistlanawatiyanihi kinchihihi se ome tlapatlalistli ipan 1632, ayok kinmanawihhi kaxtiltekameh ika nopa tekittl. Ika owi kichihhi ne virrey, pampa kipoloyaya se arma tlen kitekiwihtoya ken se elemento tlen presión (welis moihtos, se ome xiwittl achtowi, ne cabildo tlen Puebla ax kinekiyaya tlapalewis waya Unión tlen Armas, pero kena kichihhi para kiihlihkeh kitekiliseh tlapalewilistli tlen repartimiento). Nochimeh ewanihi pa nimah moyolpitzahkeh, pero teipah nohkia moyolchikahkeh, pampa motlapohki se yankuik ohtli tlen tekittl kampa axkanah tlanawatiyaya nechikolistlanawatiyanihi, wan pampa ax onkayayah miyakeh ewanihi, tlawel nonekiyaya tekittinih.

Se último tekittl tlen saneamiento político mochihihi ipan 1640 xiwittl, se achi achtowi kemah ne reformista nechikolistli kitotokakeh tlen Kaxtillan. Ni tekittl kiyekanayaya ne Juan de Palafox, tlen eliyaya obispo tlen Puebla tlen tlawel kitlepanittayayah pampa kalaktoya ipan civil nechikolistlanawatiyanihi, wan nohkia elki virrey. Palafox kinekiyaya kisenkawas nochi kualantli tlen onkayaya ipan Yankuik Kaxtillan, pero axkanah welki wan onkak tlatewilistli, wan yeka mokuepki Kaxtillan ipan 1649 xiwittl. Chikawak motewihhi waya ne jesuitas tlen tlamanthi prerrogativas episcopales wan yaino mokuepki se weyi kualantli tlen político. Wan pampa kehnopa elki nopa reformadortehtl tlen corona tlen monekiyaya mochiwas hasta nopayo tlanki. Ne Palafox, kimanawiyaya ne clero secular, wan welis moihtos ya tlatlanki ika tekittl tle político wan social tlen kaxtiltekameh ipan Yankuik Kaxtillan.

Ne corona tlawel iknotzih mokahtoya. Yeka tlan onkaskia kualantli tlen recaudación fiscal wan sekinok, achtowi monekiyaya ya kipalewiseh. Kehni, ne corona kimanawih sekih tekittl tlen nechikolistlanawatiyanihi tlen ika onkaskia ahorros tlen tlapalewilistli wan nohkia kalakiskia tomih ihkatzah kemantika

axkualli motekiwiskia nopa tlapalewilstli. Ipan nopa kawitl monamakakeh oficios públicos, ni kiihtosneki mochiwayaya concesiones tlen administración civil noso tlen hacienda pública ken, welis moihtos, ne escribanías (noso notarías públicas), ne distribución tlen correo, tekittl tlen kalli tlen moneda, motlalanas tlaxtlawalistli tlen tributos (ni kiihtosneki, ininteki tlen corregidores wan wehweyih alcaldes) wan motlalanas alcabalas (ni tekittl kichiwayaya ne cabildo tlen Mexko wan teipah ne consulado). Nohkia monamakayaya ininteki tlen cabildos, kemantika ika nochipaya. Nochimeh nopa tekittl kinnamakiltiyayah san ahkia inihuantih weliyayah kinkowaseh, sekih ika miak tomih wan sekih axkanah. Ika ni tlamantli se ome familias novohispanas moyolchikahkeh wan teipah nohkia mokalakihkeh ipan asuntos tlen nechikolistlanawatiyanih.

Kenhi, ipan ni kawitl moittak kenihki kaxtiltekameh tlen tlakatihtoyah ipan Yankuik Kaxtillan moyolchikahkeh wan pehki tekittih ipan cargos tlen administración (pero axkanah tlen más ipatih), wan nohkia kipiayah tomih. Welis moihtos kaxtilchikawalistli kipiayah ipan estli noso herencia wan axkanah pampa tlakatihtoyah ipan se tlalli, pero ne *peninsulartlakameh* ya kipiayah seyok tlahlamikilstli wan intereses tlen ne *americanotlakameh* noso *criollotlakameh* (ika ni tlahtolli motokaxtiyaya ewanih tlen kipiayah tlapaltik proporciones tlen koyotl estli). Tlen achtowi kipiayah chikawalistli para kinkowaseh tlen más kualli tekittl, pero axkanah nochipaya, wan pampa ne Kaxtillan axkanah weliyaya tlanawatis ipan nochi, ne tlen achtowi weliyayah kichiwah miak tlamantli.

Ipan ni kawitl nohkia moxochitihki nemilistli. Kiskeh miyakeh kaltlamachtiloyan (ken tlen jesuitas) wan nohkia kiskeh ne weyikaltlamachtiloyan, wan onkayayah caudales tlen kintekiwiayah para kinchiwaseh wehweyih catedrales, teokalmeh wan kalmeh ipan altepemeh, kinchihkeh tlapalmeh wan miak tlachiwalistli, mochihi tlahkuilolistli wan tlatzotzontli tekittl, wan sekinok. Mokahki tlatepotzko tlen conquista tlayekchiwalistli wan namah onkayaya se tlen yankuik, tlen altepetl. Ipan ni tekittl kiskeh

tlen mestizaje nemilistli, welis tihtokaxtiseh iteki tlen Fernando de Alva Ixtlilxóchitl (achtowi ipan 1625), tlen kitlepanittayaya prehispánico nemilistli, iwikal ken ne xochitlahtolli ken ne *Grandeza mexicana* tlen Bernardo de Balbuena, tlen kitlalanayaya itlachialis tlen Yankuik Kaxtillan. Seyok tlamantli tlen novohispana tlachialistli elki onkak miyakeh conventos tlen monjasiwameh ipan nochi xiwilpilli XVII, tlen órdenes, axkanah eliyayah ken tlen tlakameh, eliyayah san contemplativas, ni kiihtosneki axkanah mokalakiyayah wan mokaltzaktoyah.

Ika último, axkanah moilkawas tekittl tlen ipan norte, tlen teipah kiselki miak tlapalewilistli ipan 1631 kemah kiasikeh plata ipan Parral. Ipan ni kawitl mochihki weyi expansión ipan Sinaloa wan Sonora ika ne *misiones*, wehweyih kalmeh tlen kintlaliyayah ne franciscanos wan jesuitas wan tlen ika kinekiyayah kipatlaseh itlaneltokilis tlen masewalmeh. Ne misiones kualli tekitiyayah wan eliyayah ken chinankomeh tlen indiotlakameh tlen onkayayah ipan tlatlahko tlen altepetl, kehnopa mosenkahtoyah. Sekih tlen ni misiones kualli kichihkeh ininteki, pero sekih axkanah welihkeh wan yeka kitekiwihkeh tlaixpanolistli para nohka kinpixtoseh ininneófitos; wan nohkia onkak tlatewilistli, ken panok waya ne tarahumaratlakameh ipan 1648. Nohkia ipan nopa kawitl ipan norte kiskeh yankuikah presidios noso puestos tlen tlatewiyanih wan nechikolistli tlen ewanih.

* * *

Yankuik Kaxtillan kalahki ipan se kawitl kemah tlawel moyolchikahki wan kipiaya itlachialis. Tlen ika tipewaseh, yon se piezas tlen corona kintlalki ipan estructura tlen poder kipixki nochi chikawalistli para san ya tlanawatis. Kena welis moihtos moyolchikahtoya tlen tlatlahko nechikolistlanawatiyanih, pero onkayayah competencias wan ne jurisdicciones tlen virreyes axkemah mosenkahkeh, wan nohkia onkak kualantli waya eclasiásticas tlanawatiyanih wan inquisición wan nohkia waya

cabildos. Welis moihtos axkanah onkayaya san se autoridad ken desde kemah itztoya Cortés, pero más axkualli elki pampa onkak jurídicastlanawatilli (tlen axkualli tlanawatilli) tlen kinmanawiyaya instituciones tlen nechikolistlanawatiyanih. Wan tlan nochi yani axkanah miak eliyaya, ne corona kemantika kichiwayaya se paxalolistli, kititlaniyaya se funcionario tlen Kaxtillan para ma yowi tlachiatl wan tlamokuitlawiti. Axkemah mosenkahki tlan ne tepaxalowanih monekiyaya kintlepanittaseh sekinok tlanawatiyanih. Ne Palafox, welis moihtos, ya elki tepaxalohketl wan nohkia virrey. Wan nohkia nikah welis kalakis hasta kanih tlamiyayah linderos wan términos jurisdiccionales. Ika nochi ni tlamanti welis tikihtoseh onkayaya se sistema tlen pesos wan contrapesos kampa onkayayah miyakeh pamitl tlen tlachialistli wan kampa nohkia nesiyaya onkayayah miyakeh intereses, welis moihtos kena onkayaya se suprema tlanawatihketl, pero tlen ax nochimeh kitlepanittayayah.

Ne corona axkanah kiasihtoya ipan Yankuik Kaxtillan se tlalli kampa kitlalis nechikolistlanawatiyanih tlen kinekiyaya. Pampa welis moihtos, kemantika kena weliyaya tlanawatia wan kemantika axkanah, wan yaino axkanah kiamatiyaya. Pero nohkia welis tikihtoseh achi kualli eliyaya. Ne sistema tlen pesos wan contrapesos nohkia kipalewiya: yeka axkanah san molwi kinpiaya ininposiciones desde wahkakia.

Tlen achtowi, welis moihtos nopa sistema axkanah san ihkinoh kistoya pampa tlatzkihtoya ipan se tlachialistli tlen poder tlen hispánico tlatipaktli, kampa ne autoridad kichiwayaya justicia wan nohkia acción ejecutiva. Temakas justicia eliyaya iteki tlen weyi tlanawatihketl rey, wan ininwampoyowah wan delegados—desde ne virreyes hasta ne corregidores wan wehweyih alcaldes—nochimeh inihuantih monekiyaya kichiwaseh nopa tekitl. Yeka nohkia kintokaxtiyayah *jueces*. Ika tlanawatilli mosenkawayaya miak kualantli wan ne funcionarios monekiyaya kintlepanittaseh wan kualli kintekiwiseh. Tlanawatiyanih monekiyaya kintlepanittaseh nochi tlanawatilli tlen onkayayah ipan *juicios tlen residencia*, tlen ika

nochimeh tlayekananih tlen corona, nohkia ne virreyes, kalaktayah ipan se censura pública kemah tlamiyayah tekutih. Miyakeh tlen inihuantih kinixpantihkeh pampa kichihkeh tlaixpanolistli; sekinok welkeh cholowah. Ihkatzah kipiaya imperfecciones, ipan ne sistema axkanah onkak tiranía, wan kemah kena, pa nimah kisenkawayaya.

Tlen seyok tlamantli, pampa onkayaya ne sistema tlen pesos wan contrapesos ax monekiyaya onkas se régimen autoritario ika se nechikolistli tlen tlatewiyanih, pampa ne Kaxtillan axkanah weltoskia kichiwa nopa tlamantli para tlawel weyi eliyaya imperio. Welis moihtos ni tlahlamikilistli iwikal eliyaya ken tlen kichihki sistema tlen dominio indirecto tlen señorios prehispánicos.

Moneki tikihtamiktoseh nopa tlahlamikilistli tlen ewanih tlen hispánico tlaltipaktli tlen nopa xiwimeh eliyaya tlen asociación corporativa. Ni tlamantli kiihtosneki tlakameh kipiayah chikawalistli pampa kalaktayah ipan se olochtli wan teipah weliyayah kalakih ipan tlen político mawiltlistli. Yankuik Kaxtillan moyolchikahki pampa nohkia nochimeh tlen icorporaciones moyolchikahtoyah wan kualli tekitiyayah: ne audiencia, ne cabildos, ne consulado, ne religiosas nechikolistli, ne chinankomeh tlen indiotlakameh, ne weyikaltlamachtloyan, ne nechikolistli tlen tlayekchiwanih wan sekinok. Sesen nechikolistli, kipiayah personalidad legal, wan kinmanawiyayah nochimeh tlen kalaktayah ipan nopa nechikolistli, welis tikihtoseh tekitiyayah iwikal ken ne corona. Pero nohkia welis moihtos nochimeh tlen ni nechikolistli axkanah iwikal eliyayah, tlapaltik tlahlamikilistli kipiayah. Ipan Yankuik Kaxtillan onkak se ome kualantli tlen ni nechikolistli, desde ipan xiwilpilli XVII, tlen criollotlakameh wan peninsulartlakameh.

Ne político mawiltlistli kinyolchikahki criollotlakameh pampa momanawiyayah ipan nechikolistli tlen kualli. Nohkia mopalewihkeh ika económico tlamantli. Ne Yankuik Kaxtillan tlen achtowi tlahko xiwilpilli XVII nel moyolchikahtoya wan kitlalanayaya tlen kitoktoya —noso, welis moihtos, ne kaxtiltekameh—. Ne mineriatekitl nohkia motlalantoya wan pampa mokalaktoya toromeh, trigo wan sekinok especies tlamantli nohkia

mochiwayaya tlen manufactureratekitl tlen europea tlalli. Ipan ni kawitl onkayayah miyakeh molinos tlen trigo kampa mochiwayaya miak harina wan kikuayayah pantzih miyakeh novohispana ewanilh, wan nohkia miyakeh decenas tlen trapich wan ingenio kichiwayayah miak tzopelik. Ne *obrajes*, wehweyih kalmeh kampa mochiwayaya yoyomitl, tlen lana, onkayayah más tlen se centenar wan ipan sesen tekitiyayah ompowalli wan matlaktli tekitinih. Yeka welis moihtos eliyaya se kualli kawitl, ne Yankuik Kaxtillan kitlalanayaya tlapalewilistli ipan se ome pamitl tlen tekitl: tlen tlanamakalistli, wan nohkia, ipan ultramarino tlanamakalistli. Sekih chinankomeh tlen indiotlamameh nohkia moyolchikawayayah, pampa nohkia kalaktoyah ipan tekitl tlen tlanamakalistli tlen mochiwayaya, kualli kinnamakayayah nochimeh ininproductos (ken ne grana cochinilla) noso tekitiyayah ipan arrieriatekitl wan tlen teposmimilonih.

Pero nohkia welis moihtos ipan kawitl ne corona tlaihyowiyaya. Miak kuantli kipiaya wan nohkia ax kipiaya tomih: ya san kitlachiltoya kanih welis kitlalanas tlapalewilistli. Yeka kintlalki tlahtlawalistli tlen impuestos, contribuciones tlen seyok wan kinnamakak oficios tlen metrópoli, ika nochi yaino kentzih moyolchikahki, pero nohkia monehki temakas se achi tlen ichikawalis —se chikawalistli tlen ika kichihtoya pampa motewihtoya waya encomenderotlakameh, doctrienerotlakameh wan caciquetlakameh ipan xiwilpilli XVI— ne burocracia tlen tlatlahko pampa kalaktoyah tlanamakanih, cabildos wan oligarquías locales. Kehni, ne nechikolistlanawatiyanih miak tlahtlahki para welis moyolchikawas: monehki moxexelos chikawalistli, tlen desde novohispana tlachialistli, nopa kiihtosnekiyaya onkas autonomía. Nohkia welis tikihtoseh ne Kaxtillan eliyaya dependiente tlen iposiciones americanas para kitlepanittaseh ipan nochi taltipaktli, yeka welis moihtos ne Yankuik Kaxtillan kualli moyolchikawayaya ipan ni kawitl —noso san ewanilh tlen kipiayah tomih—.

Kemah moxochitih wan tlanki (1650-1715)

Yankuik Kaxtillan kiyehyekohki miak wan weyi tlapatlalistli ipan segundo cuarto tlen xiwilpilli XVII, ihkatzah sekih tlen nopa tlamantli nesiyya kena panos desde achtowi. Ni kawitl tlen novohispana nemilistli kiihtowa kena onkak moyawalistli, pero nohkia techilia teipah tlanki.

Welis tikihtoseh ipan ni kawitl —tlen mochitiwaltoya desde achtowi— onkayaya moyawalistli wan se kualli tlachialistli, pampa welis moihtos onkayaya europeanemilistli ipan tlahkuilolistli wan ipan polifónica tlatzotzontli, wan nohkia ipan seyok ladh, mochihi tlayekchiwalistli tlen novohispano tlamantli, ken ipan architecturatekitl. Ne siwaxochitlahtohketl sor Juana Inés de la Cruz, tlen miak tlahkuilohki ipan 1680 wan 1695 xiwitl, tlawel ipatih eliyaya wan kitlepanittayaya ipan castellana tlahkuilolistli, wan ihkatzah axkemah pankiski tlen Mexko, nochi itlahlamikilis wan tlen kiihkuilohki motlepanitta ipan nochi taltipaktli. Onkak moyawalistli tlen tlatzotzontli tlen kichihken ne cabildos eclesiásticos. Welis moihtos ne architecturatekitl nohkia tlawel moyolchikahki ipan ni kawitl ipan altepeme. Ne iglesia nohkia moyolchikahki pampa kiselki tlen kualli tlalli wan nopayo kinchihki tlen kualli planteamientos arquitectónicos, tlen ika barroca tlahlamikilistli, tlen tlawel yehyektzih eliyaya ken tlen wahkakia (wan tlatzitzikatok eliyayah) conventos tlen ne frailes mendicantes. Welis tikihtoseh ipan ni kawitl ne religión ya tlayekanayaya —wan tlatzakuiiyaya— ipan pamitl tlen nemilistli, pero nohkia onkak científicotlahlamikilistli, ipan mineriatekitl, ipan cosmografiatlamachtistli wan ipan matemáticatlachtistli, nochi yaini welis tikittaseh ipan inintekih tlen fray Diego Rodríguez wan Carlos de Sigüenza y Góngora.

Nohkia ipan ni kawitl moyolchikahkeh miak tlamantli tlen nemilistli tlen welis tikintokaxtiseh novohispanos eliyayah, wan nohkia desde se tlachialistli tlen namah welis tikintokaxtiseh eliyayah tlen Mexko: ken ne cocina, ne yoyomitl, ne mobiliario,

ne tlahtolli, ne popular tlatzotzontli, ne mihtotilistli wan miak tlamantli. Welis tikihtoseh ipan nochi ni tlamantli onkak se mestizaje cultural kampa momanelohkeh tlen prehispánicos wan tlen kaxtiltekameh tlahlamikilistli, pero nohkia tlen asiáticos wan africanos (nikah welis tikintokaxtiseh motekiwiyyah ne sedas wan marfiles, ipan cerámica poblana wan ne fuegos tlen artificio, pampa motekiwiyya ne canela, noso sekih tlamantli tlen tlatzotzontli). Miyakeh africano esclavotlakameh tekitiyyah ipan kalmeh. Nochi ni tlamantli tlen nemilistli kipatlak iixko tlen yolistli. Kehni, welis tikihtoseh, ne nawatlahtolli tlen tlahko xiwilpilli XVII ayohkana iwikal eliyaya ken tlen prehispánico kawitl. Wan nohkia onkak sekinok tlen ambiental tlamantli: ne moyawalistli tlen ganaderíatekitl kichihki ma onkah se cultural tlatewilistli (pampa masewalmeh kitekiwiyyah ne lana wan nohkia kikuayayah nakatl, yeka mopatlak tlen itlakualis wan ken motlakentiyayah), wan nohkia ne yolkameh, ika inindetritus, miak kinpatlakeh miyakeh agroecosistemas.

Nohkia moyolchikahkeh ipan ni kawitl ne novohispananemilistli wan teomatilistli, tlen eliyayah tlen advocaciones marianas. Tlen nochimeh tlen onkayayah, tlawel motlalanki tlen Tonantzihi Guadalupe, desde ipan 1648, kemah pehki mosenmoyawa ipan nochi Yankuik Kaxtillan kemah kipixki isantuario ipan tlatentli tlen Mexko altepetl.

Ipan económico tlamantli moneki moihekuiilos, ika se ladoh, onkak moyawalistli tlen nochi tlen tikihtohkeh ya, wan ipan seyok ladoh, moyolchikahki se mercado tlen ax kipiaya tekittl —tlen axkanah tlatzkihtoya waya prácticas tributarias— wan kinmanawiyaya empresas agrícolas tlen kinyekanayayah kaxtiltekameh noso sekih nechikolistli ken ne conventos noso jesuitas kaltlamachtiloyan —tlen mochihek wehweyih propietarios—. Ni mochihi pampa onkak tlanawatilli tlen repartimiento ipan 1632 wan mosenmoyahki ne moneda. Ne tekitinih, tlen miyakeh walayayah tlen chinankomeh tlen indiotlakameh, tekitiyyah para ma kintlaxtlawakah. Ne tlatokmeh kalahkeh ipan wehweyih

tlanamakalistli kampa onkayaya miak tlamantli, nochi yaino axkanah iwikal eliyaya ken ipan conquista kawitl.

Nochi ni tlamantli kichihkeh ma mokualtlalikah wan ma mosenmoyawakah ne haciendas. Ipan ne haciendas momaneltoyah miak pamitl, tlen propiedad raíz, empresa agropecuaria wan asentamiento fijo tlen ewanilh. Ayohkana iwikal eliyayah ken tlen achtowi, pampa ayohkana kinpiayah tekitinih esclavotlakameh (sekih nohka kinpiayah) noso tlatzkihtoya waya tlen colonización tlamantli, namah tekitinih eliyayah libres wan nohkia momanelohkeh waya chinankomeh tlen indiotlakameh ipan weyi tlalli tlen tlatlahko altepetl. Ni yankuikah haciendas, tlen tlawel ipatih elihkeh ipan medio rural novohispano, moyolchikahkeh pampa miyakeh ewanilh libres, tlen kipiayah mestiza estli, kitemowayayah kanih mochantlaliseh, noso ewanilh tlen chinankomeh tlen indiotlakameh kinkatewayayah (san se tlatoktzih noso ayok mokuelpayayah) pampa kitemowayayah se tekitl tlen achi más kualli noso pampa ax kinekiyayah tlaxtlawaseh tributo. Kehni, mokuelpayayah ken *peontekitinih*, ni kiihtosneki, asalariados tekitinih tlen ewayayah ipan nopa tlalli kampa eltoyah empresas wan pampa kinmanawiyayah (pampa ipan nopa kawitl ax onkayayah miyakeh tekitinih). Nohkia, ne propietariotlakameh más kinweyichiwayayah ininposesiones pampa kinkowiliyayah inintal ne vecinos chinankomeh. Inihuantih wan waya ne haciendas kualli mowikakeh ipan se centenar tlen xiwimeh.

Ihkatzah ne haciendas kipiayah weyi tlalli, axkanah nochimeh eliyayah wehweyih propiedades. Ipatih eltoya ipan producción wan nohkia ipan tlalli. Wan nohkia axkanah nochimeh propiedades rurales eliyayah haciendas. Ne propietariotlakameh, ika ininkuentah, eliyayah se heterogéneo nechikolistli. Nikah kalaktoyah miyakeh ewanilh tlen tlatlahko wan sekih clérigos, casi nochimeh eliyayah criollotlakameh wan mestizotlakameh (ax momatiyaya ahkia inihuantih), pero nohkia onkayayah sekinokeh caciquetlakameh tlen chinankomeh tlen indiotlakameh. Nohkia kalaktoyah tlanamakanih wan acaudalados minerotekitinih (criollotlakameh

wan peninsulartlakameh) tlen kinpiayah makuilli noso chikuase haciendas, wan nohkia eclesiásticas nechikolistli —órdenes religiosas (axkanah ne franciscanos), jesuitas kaltlamachtilyan, wan conventos tlen monjas— tlen kinkohtoyah miyakeh propiedades wan kiselihtoyah donaciones piadosas. Nochimeh ni instituciones nohkia kinpiayah fincas urbanas wan ika nochi tlapalewilistli tlen kipiayah nohkia kichiwayayah funciones crediticias. Miyakeh propiedades rurales eltoyah hipotecadas wan ika yaino momanawiyayah.

Tlen seyok tlamantli tlen ni moyawalistli tlen mochiwayaya, ne chinankomeh tlen indiotlakameh tlen nochimeh novohispanas tlalli kalahkeh ipan se kawitl tlen tlaxolewalistli kemah pewayaya tlahko xiwilpilli XVII. Ne chinankomeh, tlen eliyayah herederos tlen señoríos prehispánicos pero tlen ayok tlatzkihtoyah waya caciquetlakameh, mosexelohkeh ika secciones noso dependencias (sujetos wan barrios) ax kintlepanittayayah tlen república nechikolistli pampa kinekiyayah kinkualtlaliseh tlen inihuantih, iwikal ken tlen achtowi eliyayah. Ne nechikolistlanawatiyanih kena kitlepanittak nopa tlamantli wan yeka onkayayah makuilli noso chikuaseh kuekuetzitzih chinankomeh tlen indiotlakameh kampa makuilli powalli tlatepotzko onkayaya setzih. Welis tikihtoseh ika ni tlamantli miyakeh chinankomeh kena moyolchikahkeh —welis moihtos, momanawiyayah ipan ipropiedad corporativa—, pero nohkia ni tlamantli ax kinkualchihki pampa tlanki política tlatlepanittalistli tlen kipiayah, nikah moittayaya tlen conquista kawitl wahka tlatepotzko makahtoya.

Ne chinankomeh tlen indiotlakameh ax kinkualchiwayaya onkayaya miak tlapatlalistli. Ipan tlahko tlen xiwilpilli XVII moittak ne nechikolistlanawatiyanih axkualli tlanawatiyaya pampa onkayayah tlaihyowilistli, acaparamiento wan sekinok tlen axkualli tlamantli. Se tlamantli tlen axkualli wan tlen miyakeh corregidortlakameh wan wehweyih alcaldes kichiwayayah eliyaya: ne *repartimiento tlen mercancías*, tlen ika kinamakayaya ika fuerzah (ika patiyoy) miyakeh productos tlamantli ipan chinankomeh tlen

indiotlakameh. Ika ni tlamantli mochiwayaya explotación tlen tekítl, pampa ne ewanìh ika fuerzah kikowayayah ikpatl wan teipah nohkia ika fuerzah tlanamakayayah (ika axkanah ipatih) yoyomitl. Ni tlamantli motlepanittayaya ken se tlaxtlawalistli tlen monekiyaya kichiwaseh ne masewalchinankomeh wan nohkia ken se tlaxtlawalistli para ne funcionarios (tlen ax kiseliyaya tlaxtlawaslitli noso san kikohtoyah). Nopa eliyaya se tlaixpanolistli wan yeka kemantika onkayayah kualantli wan tlanankilistli. Nohkia ipan ni kawitl onkak kualantli wan tlatewilistli ipan sekih weyi tlalli (Tehuantepec, ipan 1660) wan urbanos tlatewilistli (México, ipan 1692) ni tlatewilistli fieroh elihkeh wan onkak repercusión política. Ne bandolerismo tlamantli, tlen achtowi axkanah moixmatiyaya, tlawel momoyahki ipan ohmeh. Tlan kena welis tikihtoseh ipan seyok kawitl, tlaixpanolistli tlen poder kichihkeh ma onkah tlatewilistli tlen chinankomeh tlen Yankuik Mexko ipan 1680 xiwitl, wan ika yaino ne kaxtiltekameh kintotokakeh tlen nopa provincia wan welkeh mokupeh hasta matlaktli xiwimeh teipah. Kena melawak ne Yankuik Mexko eliyaya se marginal tlalli, pero nopa tlamantli tlawel ipatih: kipolki expansión tlen mochiwayaya ipan tlalli tlen norte, wan nohkia kemah pehki se kawitl kemah ne imperio, ika miak tlamantli, kiyehyekohki sekinok puñetes tlen chikawak.

Ne francestlakameh, tlen ipan nopa kawitl ax kitlepanittayayah Kaxtillan (pampa ontlantoya se tlatewilistli tlen makuilli xiwimeh wan pa nimah pewaskia seyok), chikawak kalakiyayah ipan Norteamérica. Ipan 1685 ipan se kuekuetzih tlalli tlen costa texana kalahki se expedición francesa pero ewanìh mihkeh pa nimah. Wan pampa ne corona eltoya tlawel susceptible tlen panoyaya ipan ni tlalli tlen continente, pa nimah tlanankilki. Kichihki, tlen seyok tlamantli, se avance ipan Coahuila (ika yani mochihihi fundación tlen Monclova ipan 1689) wan moyolchikahkeh sekinok establecimientos militares. Pero nochi yaino axkanah welkeh kitzakuiliah se tlamantli tlen tlawel ipatih elki teipah: ne fundación tlen colonia francesa tlen Luisiana. Kaxtillan tlanankilki ika

ocupación tlen Baja California, tlen kichiwayayah ne jesuitas desde ipan 1697 pampa kinekiyayah kisenmoyawaseh ininmisiones, se tekittl tlen kualli kichihkeh.

Tlan welis tikihtoseh ipan norte tlalli ne corona kipiaya miak kualantli, más kimawiliyaya pampa tlatewiayah ne inglestlakameh, francestlakameh wan holandestlakameh. Inihuantih kalakiyayah ipan Caribe ika ininpiratas noso inincorsarios, tlen tlatewihkeh ipan Veracruz wan Campeche ika estli wan tlittl ipan 1683 wan 1685. Yon tomih tlen ne sitiados yon tlatewiyanih tlen kaxtiltekameh ax kintzakuihkeh ne inglestlakameh ma kalakikah ipan Jamaica ipan 1655, wan makuilli xiwimeh teipah nohkia kalahkeh ipan oriente tlalli tlen Tabasco (kampa eltoya Laguna tlen Términos, kampa ewayayah hasta ipan 1716), wan nohkia ipan Belice, kampa nochipaya mokahkeh. Nohkia kalahkeh se tlatoktzih ipan La Habana ipan 1692. Welis moihtos ne kaxtiltekameh tlawel fieroh kintewiyayah wan miak tlalli kipoloyayah, san kentzih moyolchikahkeh ipan 1697 pampa kitlanihkeh se reducto maya tlen eliyaya independiente ipan Tayasal, ipan iyolo tlen Petén.

* * *

Nopa tlamantli tlen ne Yankuik Kaxtillan kemah tlamiyaya xiwilpilli XVII kipiaya ome asentamientos ingleses itiko tlen inincostas eliyaya se tlamantli tlen tlawel ipatih. Nopa kiihtosnekiyaya ne kaxtiltekameh ax kipiaya marítimo chikawalistli wan altepemeh tlen ax kitlepanittayayah tlawel moyolchikawayayah. Yankuik Kaxtillan, tlen seyok tlamantli, moyolchikawayaya pampa pankisayaya tlen fundacional kawittl. Nochi tlamantli tlen panoyaya ipan kalteno tlaltipaktli nohkia kimakiliyaya.

Pero axkanah tlawel. Pampa ne intromisiones inglesas kalakiyayah ipan tlalli tlen altepetl kampa tlatzitzikatok eltoya desde kemah tlamiyaya xiwilpilli XVI, wan nohkia Yankuik Kaxtillan kichiwayaya expansión ipan norte tlalli, axkanah echkatzih eltoya tlen centroamericano tlaltipaktli yon tlen Yucatán. Tlan

mokalakiyaya ipan tlen Caribe tlamantli eliyaya pampa ne corona ihkinoh kinawatiyaya. Kena motemahmatihki pampa kipolki Yankuik Mexko wan pampa monechkawiyayah francestlakameh ipan litorales tlen noroeste, wankinoh kena pa nimah tlatewihki. Nochi yaino ax kikualchiwayaya ne tlatentli, pero axkanah tlatlahko tlen Yankuik Kaxtillan, nopayo eliyaya seyok tlamantli.

Ihkatzah miak tlamantli panoyayah ipan kalteno tlaltipaktli, ne Yankuik Kaxtillan moyolchikahtoya ken se altepetl tlen tekitiyaya itiko wan ken se mokaltzaktoya. Ne costas wan litorales mokawayayah kalteno pampa nopayo ax weliyaya nochiwa marítimo tlanamakalistli wan ipan Veracruz, Campeche wan Acapulco. Seyok tlamantli pampa axkanah mochiwayaya tlanamakalistli ipan mar eliyaya pampa kinmawiliyaya ne piratatlakameh.

Ne Yankuik Kaxtillan ayohkana kichiwiwiliyaya kuentah oriental tlalli: ne Tabasco, Yucatán, wan frontera waya Guatemala. Ne ocupación inglesa tlen Belice wan Laguna tlen Términos elki tlamantli tlen ax ipatih. Tlanamakalistli tlen mochiwayaya waya Guatemala (kampa kalaktoya ne Chiapas), tlen tlawel ipatih eliyaya ipan xiwilpilli XVII, pa nimah pehki temo. Ipan ne costera tlalli tlen Soconusco, tlen tlatzitzikatok mokahtoya pampa onkak epidemias, onkak miak jurisdiccionales kualantli tlen axaka kinsenkahki. Ipan Yucatán tlalli, ya nesiyaya mochiwayaya seyok tlamantli, eliyaya se provincia tlen axkanah tlatzkihtoya waya nochi altepetl. Ni provincia kinawatiyaya ne Mexko tlen judicial wan eclesiástica tlamantli, inechikolistlanawatiyanih kitlepanittayaya ne virrey, pero nochi tlen yucatecos tlamantli mochiwayaya ika autonomía, wan tlan tlawel weyi eliyayah, mosenkawayayah xitlawak ipan Kaxtillan. Ne economía tlen provincia nel mokaltzaktoya wan kipiaya estructuras tlen wahkakia, ken ne encomienda. Ne virreinal nechikolistlanawatiyanih axkanah más mokalakiyaya ipan ni tlamantli.

Ne fronteras tlen kalteno tlen norte (tlen ipan ni kawitl moixmatiyayah ika tokayotl Septentrión) axkanah mosenkahtoyah wan san ihkinoh eltoyah. Onkak seyok kuesolli pampa kalahkeh

atapascanos indiotlakameh ipan norte tlalli tlen continente —tlen motokaxtiah apachetlakameh—. Ne nechikolistlanawatiyanih kitekiwihki miak tomih para tlamokuitlawis. Kichihki miak tekittl para tlamokuitlawis wan tlasenkawas ipan Septentrión ken ne cadena tlen presidios noso militares nechikolistli tlen Texas a Sonora, nochi nopa tekittl welis tikihtoseh axkanah kualli kiski, pampa tekitinih axkualli kichiwayayah ininteki. Ihkatzah axkualli mochihki ni tekittl, welis moihtos nikah momachtihkeh miyakeh tlakameh tlen teipah kalahkeh ipan oficiales nechikolistli tlen nechikolistlatewiyanih wan nohkia kinpixkeh kualli tekittl ipan nechikolistlanawatiyanih. Ipan ne tlalli tlen Septentrión onkayayah miak kualantli tlen monekiyaya mosenkawas, yeka nochi yaino teipah tlawel ipatih elito ipan Yankuik Kaxtillan.

Pero ihkatzah ni tlalli kena ipatih eliyaya, ne Septentrión nohka eliyaya se marginal tlalli iwikal ken ne costas wan ne frente oriental tlen Yankuik Kaxtillan. Ni altepetl, sampa tikihtoseh, tekitiyaya itiko. Nochimeh altepemehe tlen ipatih, ne dinámicas tlalli, ne ohmeh tlen teposmimilonih, ne tlayekchiwalistli tlamantli, ne tlapalewilstli, ne ewanih, nochi eltoyah ipan altiplano tlen tlatlahko Mexko. Ni tlamantli tlen kenihkatzah mosenkahtoya novohispano tlalli, tlen pehki ipan xiwilpilli XVI wan mosenkahki ipan tlen XVII, nohka nesi namah ipan geografía tlen altepetl. Onkah tlen climáticas wan ambientales tlamantli tle ika welis tikumachiliseh ni tlamantli, tlen walah tlen kemah pehki Yankuik Kaxtillan ipan tlalli tlen Mexko-Tenochtitlan, pero nohkia ipatih ne corona kikualtlalki se sistema tlen tlanamakalistli tlen eliyaya restrictivo wan motzaktoya.

Welis moihtos ihkinoh eltoyah Yankuik Kaxtillan ipan nopa kawitl, echka kipiaya ome xiwilpilli desde kemah pehtoya wan se centenar tlen xiwimeh tlen mochikahtoya. Ipan altepetl ixnesiyayah weyi tlalli tlen mochihtoyah desde ipan colonial kawitl. Sekih nohka kinpiayah sistemas espaciales iwikal ken tlen eliyayah ipan prehispánico kawitl, ken panoyaya ipan Mixteca Alta wan ipan miyakeh serranas tlalli, pero sekinok eliyayah coloniales desde

kemah pehkeh wan moyolchikahkeh, ken ne Valle tlen Puebla. Tlen ni nochimeh, yon se elki tlawel conspicua wan dinámica ken ne Bajío, tlen tlakatihki kemah pehki mochiwa avance ipan Septentrión pero teipah pa nimah kalahki ipan tlatlahko tlen altepetl. Kemah pewayaya xiwilpilli XVIII ne Bajío eliyaya se weyi tlalli kampa onkayayah miyakeh ewanilh, urbano moyawalistli, agrícolatekitl wan tlapatlalistli tlen ewanilh, ni weyi tlalli teipah tlawel ipatih elito ipan inemilis tlen Yankuik Kaxtillan.

Itlamia kawitl (1715-1760)

Ne dinástico tlapatlalistli ipan Kaxtillan mochihki kemah itrono, tlen ax kipiaya iaxka, panok tlen kalli tlen Austria (noso tlen Habsburgo) ipan tlen Borbón, tlen nohkia tlanawatiyaya ipan Francia: tlen yankuik rey tlen Kaxtillan, Felipe V, eliyaya iixwi tlen Luis XIV. Ni tlamantli tlatemahmatihki ipan Kaxtillan, pero axkanah ipan Mexko, noso axkanah neski pa nimah. San teipah kemah panokeh se ome xiwimeh, ipan 1715, neski walayaya se yankuik kawitl. Asik se yankuik kawitl tlen novohispananemilistli —tlen última tlen tisaniloseh ipan ni kapitoloh— nikah kalahkeh miak tlamantli tlen política europea.

Ne España wan Francia axkanah mowikayayah pero teipah kena welkeh mosenkawah. Tlen seyok ladoh, waya Inglaterra axkualli mowikayaya wan onkak tlatewilistli, tihpewaltiseh ika se tlatewilistli tlen tlawel wahkahki wan kampa ni altepetl kalahki elki tlen sucesión española. Ne tratado tlen Utrecht, tlen ika tlanki ni tlatewilistli ipan 1713, kichihki sanción tlen kalli tlen Borbón ipan Kaxtillan, pero nohkia tlanawatihki ma kinmakah concesiones tlen tlanamakalistli ne inglestlakameh. Inihuantih kiselihkeh, desde wankinoh, se kualli kuasiya noso xitlawalistli para kinwikaseh africanos esclavotlakameh ipan América tlalli.

Ipan Kaxtillan ipan nopa kawitl monekiyaya kentzih mokualtlalis ne rígido sistema tlen kiyekanayaya ne trasatlántico

tlanamakalistli. Ne control tlen tráfico marítimo yahki tlen Sevilla ipan Cádiz wan mokualtlalkeh se ome tlamantli tlen sistema tlen flotas; wan nohkia, para onkas kualli control tlen tlapatlalistli, onkak ferias tlen tlanamakalistli ipan xiwimeh tlen mochiwayayah kemah asiyayah convoyes ipan americanas tlalli. Ne feria novohispana mochihi ipan Jalapa desde ipan 1728. Pero nochi yani welis tikihtoseh axkanah kisenkahkeh se tlamantli tlen moweyichiwayaya ipan xiwimeh: ne inglestlakameh kitekiwayayah ne *asiento* tlen esclavotlakameh (tlen ipan Yankuik Kaxtillan axkanah moweyichihki) para kinkalakiseh géneros europeos wan pa nimah kikualtlalihkeh se kualli sistema tlen contrabando. Ika yaino kitlaniyayah miak tomih tlen tlanamakalistli tlen posesiones tlen kaxtiltekameh ipan América tlalli. Ipan metrópoli tlawel onkayayah restricciones tlen tlanamakalistli wan nochi yaino kichihtoya ipan Yankuik Kaxtillan ma onkah se fértil tlalli kampa welis mochiwas ni tlamantli.

Se yankuik tlatewilistli waya Inglaterra ipan 1739 kiwalikak miak kualantli ipan tlanamakalistli pamitl, nikah welis moihtos ne flotas nel moketzkeh ipan 1754. Tlen tlawel ipatih tlen ni tlamantli elki, pampa ax onkayayah flotas, ne tlanamakalistli mochihi ika barcos sueltos tlen itokayayah *navíos tlen registro*, tlen ika motlalki se kualli tekittl, wan tlen motekiwiskia teipah, para onkas liberación tlen tráfico tlen tlanamakalistli.

Tlen tlanamakalistli tlamantli axkanah san nopayo onkak tlapatlalistli. Ne corona pehki kichiwa se tekittl ipan 1714 para kinkualtlalis nochimeh agencias tlen nechikolistlanawatiyanih tlen kiyekanayayah tlen americanos tlamantli. Ipan teipah sempoalli xiwimeh kiyekankeh Yankuik Kaxtillan ome virreyes (ne marquestlakameh de Valero wan Casafuerte) tlen kiyolchikahkeh nechikolistlanawatiyanih wan kikualtlalkeh nochi tlen axkualli eltoya. Tlen teipah virreyes achi kualli más tlahlamikiyayah ken tlen achtowi. Welis moihtos onkak tlapatlalistli ipan estilo wan ipan tlahtolli tlen nechikolistlanawatiyanih wan welis moihtos ne burocratización moweyichihki.

Se tlamantli tlen tlawel ipatih elki mokuatlalki ne Tribunal tlen Acordada ipan 1719. Ika yaino mokuatlalki tlen achtowi policial nechikolistli efectivo ipan altepetl, wan mochihihi pampa onkayayah miyakeh salteadortlakameh ipan ohmeh tlen Yankuik Kaxtillan. Pero welis tikihtoseh tlawel ipatih elki pampa eliyaya se yankuik filosofiatlahlamikilistli tlen nechikolistlanawatiyanih pampa monekiyaya onkas se weyi tlanawatihketl tlen nohkia monekiyaya moyolchikawas para kitlepanittaseh nochimeh. Moneki tikihtoseh ipan Yankuik Kaxtillan ipan nopa kawitl san eltoyah ne guardia tlen virrey wan sekinok nechikolistli tlen milicias locales, sekih eliyayah eventuales wan sekih kualli mosenkahtoyah, inihuantih tlamokuitlawiyayah ipan costas wan ipan fronteras norteñas (noso ihkinoh nesiyya). Pero ipan yon se ax kalaktoyah tlen kualli tlatewiyanih, ax mosenkahtoya ken se kualli nechikolistlatewiyanih tlen yankuik.

Seyok weyi tlamantli tlen panok elki weyi kokolistli tlen tifo, noso *matlasawatl*, tlen panok tlen 1736 a 1739, ni kokolistli axkanah miyakeh kinmiktihki ken tlen xiwilpilli XVI pero achi más mosenmoyahki pampa mochiwayaya tlanamakalistli tlen bienes wan tlen tlakameh. Ni weyi kokolistli axkanah kipatlak demográfica moyawalistli, tlen motlalanayaya desde ipan tlahko tlen achtowi xiwilpilli, pero kena kipatlak tlen económica pamitl pampa onkak intervención oficial ika miak tekittl para welis mosenkawas nopa kokolistli, ika yaino welis tikihtoseh ne nechikolistlanawatiyanih moyankuiliyaya wan yeka kichiwayaya miak tekittl.

Moneki tikihtoseh ipan 1750 xiwitl ewanah ipan Yankuik Kaxtillan eliyayah más tlen nawi wan tlahko millones, wan tlen nochimeh tlahko walayayah tlen chinankomeh tlen indiotlakameh (ni kiihtosneki, tlen eliyayah tributarios wan waya inindependientes) wan nopa sekih eliyayah criollotlakameh wan mestizotlakameh (noso mulata wan tlalpaltikeh ewanah, tlen kintokaxtiyayah ewanah tlen *casta*). Tlen nochimeh ni ewanah sekih nechikolistli axkanah wehweyih eliyayah. Tlen africanotlakameh, kampa kalaktoyah esclavotlakameh wan libertotlakameh, san eliyayah 10000, wan tlen

peninsulares kaxtiltekameh san eliyayah 20 000. Ipan sekih tlalli, ken ipan Bajío, Yankuik Galicia wan Norte, ne mestizotlakameh miyakeh eliyayah.

Miyakeh mestizotlakameh wan mulatotlakameh itztoyah ipan medio rural yeka onkayayah miyakeh libres ewanilh tlen nohkia eliyayah tlen kuekuetzitzih propietarios (ni kiihtosneki, ax eliyayah tributarios wan akkanah kalaktoyah ipan chinankomeh tlen indiotlakameh yon ipan haciendas). Ni ewanilh moixmatiyayah ika tokayotl *rancherotakameh* pampa ewayayah ipan *ranchos* noso ipan kuekuetzitzih chinankomeh. Sekih eliyayah arrendatarios tlen tlalli tlen haciendas. Kemantika, ni rancherotlakameh, moihliyah monekiyaya kinsenkawaseh ininasentamientos, wan yeka mosenkawayayah ken chinankomeh tlen indiotlakameh —ihkatzah axkanah nelia eliyayah chinankomeh tlen indiotlakameh—. San kenihkatzah eliyayah, wan pampa miyakeh kinchihkeh miak tlapatlalistli ipan estructura tlen ewanilh, tlen tlawel tlapaltik eliyaya, ipan medio rural.

Ipan ni kawitl tlen novohispana yolistli tlawel ipatih nochi tlen panok ipan norte tlalli, wan axkanah san pampa onkak moyolchikahki tlen minerotekitl tlen teipah tihtlachiliseh. Nohkia moneki moihtos tlen misioneratekitl, tlen jesuitas tlen itztoyah ipan Sonora wan ne franciscanos ipan Texas (tlen elki nel colonizado ipan 1715 xiwitl). Inihuantih kichiwayayah religiosatekitl wan kisenkawayayah política local, pero nohkia sekih tlen ni misiones moyolchikahkeh ken estables chinankomeh wan populosas eliyayah, wan yeka miyakeh ewanilh yahkeh ewatoh echka kampa eltoyah (pero nopa tlamantli ne misionerotlakameh axkanah kikualittayayah). Pehkia onkah miak tlanamakalistli, wan nopayo kalahkeh miyakeh nechikolistli tlen yaquitlakameh, ópatatlakameh, tarahumaratlakameh wan sekinok mestizotlakameh tlen tlapaltikeh eliyayah.

Nohkia ipan norte tlalli tlawel ipatih elki ne ocupación tlen Tamaulipas noso Nuevo Santander desde ipan 1748, tlen moneki tlen san ya tisaniloseh ika ome tlamantli. Tlen achtowi ika nopa

tlamantli motemitihki se tlalli kampa ne expansión ax weltoya kalaki, wan ika yaino onkak miyakeh kuekuetzitzih chinankomeh. Tlen teipah, ika yaino kiski se yankuik modelo tlen colonización, tlen kiyekanayaya ne nechikolistlanawatiyanih, ika militares tlamantli: nopayo moneskayotiyaya espíritu innovador tlen ika tekitiyayah tlanawatiyanih.

Ika nochi, axkanah miyakeh ewanih onkayayah ipan norte tlalli wan wehweyih latifundios inihuantih tlanawatiyayah ipan wehweyih tlalli kampa axaka itztoyah. Ika nochi yani kiski se tlamantli tlen yolistli, tlen teipah moixmatki, ken norteña yolistli, tlen axkanah eli iwikal ken tlen yolistli tlen tlatlahko altepetl. Kena welis tikihtoseh ni tlamantli, pero nohkia nelia axkanah nochimeh ewayayah iwikal ipan norte tlalli, pampa onkak miak tlapatlalistli ipan inemilis tlen ne norte tlalli. Se tlamantli tlen yaino elki ne caso tlen excepción tlen onkak ipan weyi tlalli tlen Nayar (ni kiihtosneki, ne sierra tlen coratlakameh wan huicholtlakameh), tlen eliyaya se enclave tlen tlatlahko kampa axkanah weltoyah tlanawatiyah kaxtiltekameh wan kalahkeh hasta ipan 1722 xiwitl. Welis moihtos, iwikal ken sempoalli wan makuilli xiwimeh tlatepotzko ipan Petén, ne nechikolistlanawatiyanih namah kena kichiwayaya tlen ax kichihtoya.

Pero nochi tekitl tlen achtowi monekiyaya mochiwas tlawel ika patiyo mochiwaskia wan ne económica pamitl tlen corona tlawel tlaihyowiyaya. Se tlamantli tlen kualli eliyaya, Yankuik Kaxtillan ya kena moyolchikawayaya ika tlanamakalistli, tlakualistli tlen milli, wan nohkia pampa mochiwayaya minerotekitl, pampa kinasitoyah yacimientos tlen plata axkanah san ipan norteñas chinankomeh, ken Guanaceví, Cusiuhiriáchic, Batopilas, Chihuahua wan Álamos, nohkia ipan tlalli tlen echka eltoyah tlen tlatlahko altepetl, ken Guanajuato, Real tlen Monte wan Taxco. Miak tlapalewelistli kisayaya ipan ni minas wan ika nochi yaino ne metrópoli moyolchikahki pampa kiseliyaya miak tomih.

Ne corona nochipaya kitemoyaya kanih kitlalanas tomih, wan yeka kinnamakayaya oficios públicos, wan teipah kinnamakak tlen

más wehweyih posiciones tlen tlawel ipatiyayah, ken ne audiencias. Ika nopa tlamantli moyolchikahkeh criollotlakameh wan nohkia mosenkahkeh waya sekinokeh. Nohkia ipan nopa kawitl ne corona kitlapohki se ohtli para onkas wan mokowas títulos tlen nobleza. Ika yaino más moweyichihki desigualdad tlen onkayaya ipan tlapaltik estructura social novohispana (tlen achtowi tlen 1700 san kipiaya eyi familias tituladas, teipah elkeh matlaktli wan nawi ipan 1759). Ipan nobleza kalaktoyah minerotlakameh, miyakeh peninsulartlakameh, noso tlakameh tlen kualli tekitihtoyah —wan kipiayah tomih— ipan chikawak tekitl tlen Septentrión.

* * *

Ipan tlahko tlen xiwilpilli XVIII, Yankuik Kaxtillan eliyaya se altepetl tlen kualli moyolchikahtoya wan welis nopayo kinasiskia, ihkatzah onkayaya situación colonial, miyakeh tlamantli tlen itlachialis tlen teipah moixnextihkeh ipan independiente Mexko. Pampa moyolchikawayaya se nacional tlachialistli, noso ipan términos generales, se tlen “americana”, yaino kimawiliyaya criolla wan mestiza nemilistli. Historiadortlatemowanih tlen kintlalankeh indigenistastlahlamikilistli tlen onkayayah ipan xiwilpilli tlen achtowi, ken ne José Joaquín Granados Gálvez, sampa kintlalankeh wan kinyolitihkeh, tlahlamikistli tlen weyi nación tolteca —kemah pehki nemilistli tlen “Anáhuac tlalli”— wan tlen legítima monarquía noso “Imperio tlen Mexko”. Wan teipah motokaxtihki ken “mexicana” ne nacionalidad tlen motlalanayaya ipan Yankuik Kaxtillan.

Pero tlen kinekiyayah kikualtlaliseh se identidad san eliyayah se ome tlakameh tlen élite intelectual —san eliyayah mil ewanilh—. Tlen miyakeh ewanilh ya axtlen moihliyah tlen ni tlamantli, pampa elemental tlamachtilistli axkanah nochimeh kipiayah wan nopayo ax moittayaya históricos tlamantli. Pampa axkanah onkayaya tlahlamikistli axkanah kiihtosnekiyaya ax onkayayah denominadores comunes, miyakeh tlen yani tikinittakeh ya. Tlatlepanittalistli

tlen Tonantzi Guadalupe, tlen moweyichwayaya, elki se kualli catalizador tlen tlahlamikilistli. Pero ne identidades tlen más tetikeh kinpiayah sentimientos regionales, wan ne masewalmeh, ipan individualidad tlen chinankomeh, tlen ihkatzah tlapaltikeh nohkia eliyayah se referente básico, wan kemantika san ya, tlen yolistli wan tlen nemilistli. Ne tlachialistli tlen nechikolistli, welis tkihtoseh tlawel mochikahtoya, wan tlawel ipatiyaya ipan nopa kawitl tlen tisaniltikateh.

Ipan económico pamitl nesiyaya, onkayaya chikawalistli pero nohkia miak kualantli. Nochimeh insumos wan productos tlen motekiwayayah ipan mineratekitl motlaloyayah ipan nochi altepetl, ne operaciones tlen crédito —tlen momanawiyayah ipan libranzas, consignaciones, pagarés wan sekinok tlamantli— mosenmoyahtoyah, wan hipotecas tlen kimanawiyayah agropecuariatekitl kinnechikowayayah urbanos nechikolistli waya nochimeh weyi tlalli. Pampa monekiyaya nakatl ipan altepemeh kinwikayayah toromeh tlawel wahka desde ipan Sinaloa hasta ipan Mexko altepetl. Welis moihtos mochiwayaya se weyi tlanamakalistli tlen ika teipah mochihki se entramado global. Pero, tlen seyok tlamantli tlen económica pamitl nohkia tikihtoseh, nochimeh tlatokmeh wan manufacturas san monamakayayah ipan tiankistli tlen onkayayah ipan weyi tlalli, wan yeka axkanah iwikal mochiwayaya nopa tlamantli. Wan nohkia, ipan ranchos wan chinankomeh tlen indiotlakameh, economía tlen mochiwayaya eliyaya san tlen subsistencia.

Ne redes tlen comunicación kena miyakeh onkayayah welis tikihtoseh; pero nohkia axkanah. Ika se ladoh, echka ipan nochi Yankuik Kaxtillan ewanilh weliyayah nehnemiseh noso ika montura ipan miyakeh veredas noso ohmeh tlen herradura tlen tlawel miyakeh onkayayah (tlanempa noso altepemeh) san axkanah ipan kuatitla noso kampa tlatzitzikatok eltoya, wan san ax weliyayah panoseh kemah tlawel tlaawetziyaya. Tlen seyok, ohmeh carreteros, puentes wan tlen sekinok para mochiwas transporte tlen mercaderías ax miyakeh wan fierotikeh eliyayah wan onkayayah san ipan Norte

wan tlatlahko tlen altepetl. Welis moihtos ewanilh kena kualli weliyayah nehnemih pero ne bienes axkanah.

Tlan tikinmaneloseh nochi tlen onkayaya waya ni tlamantli tlen movilidad tlen ewanilh, ne Yankuik Kaxtillan tlen tlahko xiwilpilli XVIII tlapaltik eliyaya. Ne pamitl tlen ewanilh tlen ipan kawitl tlen conquista —kaxtiltekameh wan indiotlakameh— nohka nesiyyayah ipan sekinok nechikolistli tlen ewanilh. Pero, san nopayo, pampa ipan miyakeh ladoh ni pamitl tlen ewanilh ayohkanah motekiwiyyayah: nochimeh ewanilh welis tikihtoseh mosenmaneltoyah yeka ayohkana monekiyaya moxexeloseh ika pamitl, momaneloyayah ika racial wan nemilistli tlamantli. Onkayaya tlanawatilli para motlepanittas nopa tlamantli, ewanilh tlapaltikeh eliyayah. Pero tlen nelia mochiwayaya ipan ni kawitl tlen colonialnemilistli pankisayayah nechikolistli tlen ewanilh tlen moxexelawayayah pampa kipiayah tomih wan axkanah ika seyok tlamantli. Yeka welis moihtos onkayayah ricotlakameh wan iknotlakameh —ax miyakeh tlen achtowi, nel miyakeh tlen teipah—, inihuantih axkanah iwikal tlen kinekiyayah wan yeka nochi yaini tlawel ipatih elki ipan últimos xiwimeh tlen nemilistli tlen Yankuik Kaxtillan, pero moneki moihtos nohkia kena mosenkahkeh wan monechikohkeh sekinok nechikolistli tlen kipiayah tomih waya ne tributarios, peontlakameh, rancherotlakameh, tlayekchiwanilh wan iknotekitinih tlen nechikolistlanawatiyanilh wan tlen iglesia. Nochimeh ni diferencias socioeconómicas moweyichihkeh pampa ne corona ayohkana tekitiyaya para onkas tlatlepanittalistli wan justicia, pampa san ya kinekiyaya moyolchikawas wan tlanawatis, wan nohkia miak tomih kiselis para ihkinoh moixwis.

IKA TLAMI

Kaxtillan miak tlamantli kinpolki pampa kipalewihki ne Francia contra Inglaterra ipan Tlatewilistli tlen Chikome Xiwimeh (1756-1763), ni europeo tlamanti miak ipatih teipah ipan continente

americano. Ne inglestlakameh kalahkeh ipan ne Habana ipan 1762 xiwitl wan ika yaino mokotonki sistema tlen flotas wan ne Kaxtillan nechikolistlanawatiyanih mokuesowayaya. Kemah mowasanki paz, Kaxtillan sampa kitlalanki ne Habana wan welki kichiwa tlanamakalistli, pero nopa tlamantli tlawel fieroh kimachilki. Iwikal ken panok kemah kipolki ipan tlatewelistli tlen Armada Invencible ipan 1588, ipan Kaxtillan onkayaya kuesolli pampa monekiyaya mokualtlalis nochi tlamantli tlen imperio wan sampa petlanis ken achtowi. Wan nohkia, iwikal ken ome xiwilpilli tlatepotzko, ne corona momanawihki ika iposiciones ultramarinas. Pero, san tlen nopa similitudes, ipan nopa kawitl miak tlamantli mopatlatoyah. Tlen achtowi tlamantli, ne potencias europeas kipatlatoyah itlachialis tlen poder wan tlen Estado, kinkahtoyayah miyakeh patrimonialistastlahlamikilistli para onkas seyok tlamantli tlen motokaxtiyaya ken “despotismo ilustrado”, ni kiihtosneki, monekiyaya se autoritario nechikolistlanawatiyanih, tlen tlatlahko, tlen kualli, racionalista wan tlen kichiwaskia material moyawalistli, wan kiyolchikawaskia ibase fiscal. Nohkia, ipan 1759 ne trono tlen Kaxtillan kitekiwiya se monarca tlen eliyaya activo, Carlos III. Ya waya iministros kichiwaskia miak tlapatlalistli wan tlanawatilli, wan kinpatlaskia nohkia tlanawatiyanih. Se yankuik generación tlen funcionarios, tlen tlakatihtoyah ipan Kaxtillan wan miyakeh kipiayah militartlamachtilistli wan tlahlamikilistli tlen Septentrión tlamantli, nochimeh inihuantih kipatlakeh ne burocracia colonial, tlen ne flamantes ilustrados ax kikualittayayah pampa eliyaya ineficiente wan corrupta. Wan ax kitlepanittayayah miyakeh posiciones eltoyah ininmakoh tlen criollotlakameh.

Tlan tikihtoseh ne Yankuik Kaxtillan ipan xiwilpilli XVII kena kipiayah kentzih autonomía, wan weltoya kichiwa miak tlapalewilistli tlen kichiyayaya ma mokawa ipan americano tlalli, ne corona kichihki miak tlamantli wan tlapatlalistli pampa kinekiyaya nochi nopa tomih san para ya. Yeka sekiah historiadortlatemowanih kintokaxtiah ni xiwimeh tlen tlahko xiwilpilli XVIII ken nopa

kampa ne ilustrado nechikolistlanawatiyanih, inihuantih ihkinoh kiittayayah, kikotonaskia impotencia kawitl wan pewaskia se yankuik kawitl tlen tlanawatiyanih wan tlanawatilli.

BORBÓNICAS TLANAWATILLI

LUIS JÁUREGUI

Kemah pehki xiwilpilli XVIII, nopa corona tlen Kaxtillan kichihki miak tlapatlalistli ipan americanas tlalli kampa tlatlantoya. Ipan achtowi tlahko xiwilpilli, axkanah miak tlanawatilli kinchihki, pero teipah kena kinchihki miak tlanawatilli tlen moixmatih ken “borbónicas tlanawatilli”. Nochi nopa tlanawatilli tlen kinchihtoyah eliyayah pampa nopa borbónicatlanawatiyanih tlen Kaxtillan inihuantih kinekiyayah tlanawatisah ipan nochi América tlalli —kampa más kinekiyayah eliyayah ipan Yankuik Kaxtillan, tlalli tlen miak ipatiyaya— kehnopa pehki tlapatlalistli wan wahkahki se xiwilpilli.

Nopa borbónica tlapatlalistli eliyaya se tlamantli tlen tlahlamikilistli wan tlen chikawalistli tlen moixmati ken *Ilustración*. Nopa ilustrado tlapatlalistli kehnopa itokayaya pampa kineltokayaya tlahlamikilistli tlen tlakameh, ax kintlepanittayaya nemilistli, ax kikualittayaya ignorancia, kimanawiyaya científicotlahlamikilistli wan tecnológicotlahlamikilistli, ika nochi yaino kinekiyaya kichiwas miak tlamantli para kipatlas taltipaktli wan nohkia para kualli itztoseh nochimeh wan ax onkas kualantli. Ika se ome tlahtolli tikihtoseh, nopa *Ilustración* kitokiliyaya se reformistatlahlamikilistli. Nopa tlamantli kichihkeh nochimeh kaxtilantlanawatiyanih ipan xiwilpilli XVIII, yeka nopa tlanawatilli moixmatiyaya ken “despotismo ilustrado”.

Ipan yankuik altepetl nopa tlahlamikilistli tlen Ilustración axkanah xitlawak kalahki pampa nikah onkayaya tradicionaltlahlamikilistli, wan yeka kikalakihkeh aristocracia, tlanawatiyanih wan eclesiásticotlanawatiyanih; se tlen yani elki Benito Jerónimo Feijoo, tlen ika itlahtol kiihtohki —pampa kitlepanittayaya fe católica— onkayaya axkualli tlahlamikilistli. Itlahkuilol tlen teopixketl Feijoo miyakeh kipohkeh pampa kitlepanittayayah. Borbontlanawatiyanih inihuantih san kinekiyayah tlanawatiseh wan nopa kiihtosneki kichiwayayah despotismo ilustrado. Inintlanawatiyanih tlen Carlos III (1759-1788) wan tlen ikone Carlos IV (1788-1808) inihuantih kinekiyayah ma onkah reformista tlamantli; nohkia kisemoyahkeh tlahlamikilistli tlen Ilustración ipan nechikolistli tlen itokah Sociedades Económicas de Amigos del País wan nohkia kichikawaltihkeh prensa periódica.

Ipan América tlalli nochi nopa yankuik tlahlamikilistli kalahki ipan ilustrada nechikolistlanawatiyanih tlen kipiaya se weyi tlanawatihketl monarca tlen nochimeh kitlepanittayayah. Yeka, ipan teipah xiwimeh mochihi miak tlapatlalistli ipan virreinal nechikolistlanawatiyanih; tlen más ipatih mochihi ipan 1760 wan 1808 xiwitl wan moixmatih ken “borbónicas tlanawatilli”. Nochi ni tlamantli mochihi pampa nopa imperial nechikolistlanawatiyanih kinekiyayah ma onkah chikawalistli wan kehni nopa monarquía kiplas miak tomih, yeka onkak miak tlapatlalistli tlen fiscales tlamantli, tlen tlatewilistli wan tlen tlanamakalistli, wan tlen moyawalistli. Nohkia onkak tlapatlalistli para kualli itztoseh indiotlakameh wan momoyahki nemilistli. Tlen ni último tlamantli nopa corona kena mokalakihki pampa kintitlanki desde ipan Europa tlamachtiani tlen tlapalewihkeh ipan ciencias, tlayekchiwalistli wan industria. Pero nohkia nopa americanotlakameh tlapalewihkeh para ma onkah yankuik tlahlamikilistli pampa nohkia kiseliheh miak tlahlamikilistli tlen yankuik wan tlen revolucionariatlahlamikilistli. Ika ome tlamantli tlen nemilistli wan chikawalistli nopa criollotlakameh kiittakeh para kaxtiltekameh axkualli tlanawatiyayah wan tlawel

tlaixpanoyayah. Yeka nopa kawitl kemah mochihki borbónicas tlanawatilli ipan Yankuik Kaxtillan tlawel ipatih pampa nopa altepetl mochikawaltihki wan pampa motlapohki se ohtli tlen atlántico tlaltipaktli; nohkia elki se kawitl kemah onkak miak kualantli wan nochimeh ewanilh kiittakeh axkanah iwikal eliyayah.

SE TLACHIALISTLI TLEN NOCHI

Ipan Yankuik Kaxtillan nopa reformismo tlen borbontlakameh pehki ika eyi paxalolistli (paxalolistli tlen tlakameh wan ipan oficinas) tlen tlanawatihki Felipe V (1700-1746) wan tlen kiihtosnekiyaya nopa corona kimatiyaya ipan virreinato miak kualantli onkayayah. Ipan altepetl kena onkayaya chikawalistli, wan yeka mochihki tlapatlalistli tlen administrativo tlamantli pampa corona kinekiyaya tomih para kinchiwas weyi tlapatlalistli. Tlen achtowi tlapatlalistli motokaxtihkeh “kisentiliseh tomih tlen reales”, ni tlamantli kiihtosneki, kinpanoltiseh nochi tlapalewilistli tlen tlaxtlawayayah ewanilh ne funcionariostlanawatiyanilh tlen weyi tlanawatihketl.

Ipan La Habana kalahki inglesa nechikolistlatewiyanih ipan 1762 xiwitl wan pehki se yankuik kawitl tlen reformas tlapatlalistli, más chikawak ken tlen achtowi; wan nopa tlamantli welki mochihki pampa asihtoya, ipan trono nopa Carlos III tlen Borbón. Nopa tlakatl kena kimatiyaya kenihkatzah kualli tlanawatis pampa momachtihmaya; wan yeka kichihki tlapatlalistli tlen político-administrativa tlen nopa virreinatos, pampa kinpiayah miak tlamantli tlen wahkakia tlen kemah tlamiyaya xiwilpilli XVI. Ipan nopa kawitl panok miak internacional tlamantli wan nohkia onkak tlatewilistli. Wan yeka, nopa Carlos III kichihki tlapatlalistli tlen kenihkatzah momanawiseh tlan onkaskia tlatewilistli, ipan Caribe wan nohkia ipan norte tlen Yankuik Kaxtillan, wan nohkia kinekiyaya nochi tlanawatilli wan chikawalistli ma kinpia weyi tlanawatihketl imako. Para welis mochiwas ni ome tlamantli

monekiyaya miak tomih, yeka nohkia mochihi se weyi tlapatlalistli tlen tlanawatilli ipan administración tlen real hacienda.

Ipan xiwilpilli tlen panotoyayah onkak miyakeh virreytlanawatiyanih, pero tlen tlanawatihkeh ipan Yankuik Kaxtillan kemah tlayekanayaya Carlos III tlawel tlahlamikiyayah: yon se eliyaya nobletlakatl wan nochimeh eliyayah tlanawatiyanih pampa tekitihtoyah; wan tlen más ipatih, nochimeh kinekiyayah ma mopatla nochi imperio wan nohkia Yankuik Kaxtillan. Miak tlamantli mochiwayayah, wan teipah corona tlen Kaxtillan tlanawatihki ipan tlahko tlen 1770 xiwitl ma mochiwa se inspección ipan nochimeh cajas reales tlen Yankuik Kaxtillan: kemah tepaxalohki nopa José de Gálvez (1765-1771). Kemah ni tlakatl kitokaxtihkeh ministro tlen Indias ipan 1776, ipan Yankuik Kaxtillan pehki mochiwa nochi tlapatlalistli tlen nopa tlanawatihketl kiihtohki monekiyayah. Ipan ni kawitl nohkia pehki kinchiwah virreinales nechikolistli tlen ika momanawiskia wan mochihi nopa Comandancia General de las Provincias Internas (1776). Nohkia ipan nopa kawitl monekiyaya nopa virrey axkanah san ya tlanawatis wan pehki tlapatlalistli ipan administración provincial kemah motlalkeh intendentetlakameh wan subdelegadotlakameh (1786).

Ihkatzah achtowi chikawak mochiwayayah nochi ni tlapatlalistli, pampa mihki Gálvez ipan 1786 —wan pampa asiko ipan trono Carlos IV, tlen monekiyaya kikualtlalis miak kualantli— nochi nopa tlamantli tlen borbónico tlapatlalistli achi sehki wan ayohkana mochihi ken achtowi monekiyaya mochiwas. Ika económico tlamantli welis tikihtoseh, nopa economía tlen novohispana tlalli ax weliyaya mochikawaltia ken ome décadas tlen panotoyayah, wan nopa panok pampa nopa real hacienda, ya kitekiwiyyaya miak tomih tlen nochimeh novohispanotlakameh, wan kemah kitlamihki nopa tomih, iwikal ken ipan xiwimeh tlen panotoyayah, pehki kintlatlanilia tlapalewilistli sekinok altepeme wan pampa, nohkia onkayaya kualantli waya sekinokeh altepeme, Yankuik Kaxtillan “momanawihki” ika nopa tlamantli tlen motokaxtia “neutral tlanamakalistli” (1796-1802 y 1804-1808).

Nopa borbónicas tlanawatilli nohkia kipatlakeh tlamantli tlen tlakameh wan nemilistli. Ipan ni kawitl nochimeh ewanilh fieroh kimachilihkeh kenihkatzah tlanawatiyayah kaxtiltekameh; pampa san se ome ewanilh kipiayah tomih wan nohkia inihuantih tlaihyowiyayah, wan ika owi kipalewiayah corona. Nopa criollotlakameh, ihkatzah kualantoyah ipan nopa kawitl, nohkia kiselihkeh tlapalewilistli pampa kiskeh nechikolistli tlen nemilistli wan motlapohkeh ohmeh tlen atlántico taltipaktli. Masewalmeh nohkia tlawel tlaihyowiyayah pampa kaxtiltekameh kinmapachtayah, wan tlawel tlaihyowihkeh, ipan miyakeh xiwimeh tlen 1785-1787 wan 1808-1810. Kemah pewayaya achtowi década tlen xiwilpilli XIX, Yankuik Kaxtillan eliyaya ken se caja kampa nopa kaxtilantlanawatihketl kiku iyaya tomih, pampa kena onkayaya. Kemah tlamiyaya borbónico kawitl nopa corona tlawel kinmapachtayah novohispanotlakameh wan yeka tlawel iknotzitzih eliyayah wan teipah ayohkana welki momoyawa colonia wan Mexko independiente. Tlen axkanah kichihkeh Kaxtillan nechikolistlanawatiyah wan tlen últimos virreyes elki axkanah kimiktihkeh temiktli tlen kipiayah novohispanotlakameh pampa inihuantih moihiyah kena kualli itztoskiah teipah.

Ika nopa tlachialistli tlen nochi tlapatlalistli tlen kinchihkeh nopa borbones ilustrados welis tikuamachiliseh kenihkatzah elihkeh últimos xiwimeh tlen Yankuik Kaxtillan wan kenihkatzah elihkeh achtowi decenios tlen Mexko independiente. Welis tikihtoseh, ipan kawitl kemah onkak borbónicas tlanawatilli motlalki nochi nopa divisiones geográficas tlen kipiaskia se achi tlalli tlen Mexko republicano, wan nohkia ipan nopa kawitl tlakatihkeh nochimeh kualantli tlen kaxtiltekameh, wan nohkia welis tikihtoseh kemah tlawel kualli mochikahtoya borbónica tlamantli ipan Yankuik Kaxtillan nohkia pehki weloni chikawalistli tlen Mexko independiente.

TLEN ACHTOWI BORBÓNICAS TLANAWATILLI

Ne imperial nechikolistlanawatiyanih tlen Kaxtillan kiittayayah tlawel axkualli eltoyah tlen kipiayah ipan América tlalli. Wan yeka walahkeh eyi weltah (1710-1715, 1716 y 1729-1733) wan kiihtohkeh moneki mopatlas nochi tlamantli: welis tikihtoseh, desde ipan 1711 kiniltoyayah ne metropolitanatlanawatiyanih nopa renta tlen alcabalas (tlaxtlawalistli tlen kemah panoyaya se tlamantli ipan *alcabalatorio tlalli*) kinmakaskia más tomih tlan ipan nopa tlamantli tlanawatiskia se funcionariotlakatl tlen corona wan axkanah kimakaskia nopa tekittl se corporación (tlen tlanamakanih noso cabildos civiles). Pero nochipaya onkayaya se kuantantli, pampa ne virreyes kimakayayah nopa tekittl se corporación wan axkanah mokawayaya imako tlen corona.

Para nopa tlamantli tlen alcabalas, pero nohkia para nochi tlamantli tlen rentas (kalli tlen tomih, tlaxtlawalistli, pólvora, tabaco, naipes, xitlawalistli tlen ensaye, bulas wan oktli), pehki mopatla nochi yaino ipan 1732 pampa asikoh ipan corona tlanawatiyanih tlen tekitiskiah ipan Kalli tlen Tomih tlen Mexko altepetl; yani kiihtosnekiyaya ayohkana monamakaskiah. Tekittl tlen centralización tlen rentas mochtitiahki ipan nochi xiwilpilli; se tlamantli tlen tlawel ipatih elki nopa alcabalas kalahkeh ipan administración fiscal novohispana, se tlapatlalistli tlen wahkahki miyakeh xiwimeh (1754-1776) wan tlen teipah achi mokotonki pampa kehnopa tlanawatihki tepaxalohketl Gálvez. Nopa centralización tlamantli kiihtosnekiyaya ayohkana “monamakas” tekittl tlen ahkia kitlalanas tomih ipan entidades particulares, wan yeka ne corona ya monekiyaya kichiwas nopa tekittl, wan kehnopa achi miyak tomih motlalanaskia wan axkanah tlawel patiy mochiwaskia nopa tekittl.

Para ne corona welki kichiwas nopa centralización tlen rentas monehki kitekiwis miak tomih, wan nohkia monehki kiyolchikawas nochi estructura administrativa tlen erario novohispano. Welki mochihihi nopa tlamantli pampa ne economía virreinal mochihahtoya

desde kemah tlamiyaya xiwilpilli XVII. Wan pampa axkanah miak tlaxtlawayaya tlen impuestos, minatekitl nohkia moskaltihki hasta ipan 1750 xiwitl; ken pano ipan nochi economía, mokuatakanki ipan tlahko xiwimeh tlen xiwilpilli; pero teipah tlawel chikawak moskaltihki ipan 1770 wan 1780 xiwitl.

Ihkatzah tlawel patiyo kiski nopa tekittl, nesiyya kena kualli, wan ipan tlahko xiwilpilli, pehki kalaki miak tomih ipan erario novohispano. Ne Kaxtillan kiselihki se puñete kampa tlanawatiyaya ipan atlántica tlalli kemah tlamiyaya Weyi Tlatewilistli tlen Chikome Xiwitl (1756-1763) ika nopa tlamantli pa nimah mochihi tlapatlalistli. Ayohkana kalakiyaya miak tomih, pampa waya La Habana, nohkia wetztoyaya Manila ipan Filipinas, yeka wahkahki miak xiwimeh axkanah asiyaya ne galeón tlen walayaya tlen Lejano Oriente wan axkanah kalakiyaya tomih ipan erario novohispano. Seyok tlamantli, monekiyaya tomih para kintitlaniseh tlatewiyanih ipan Antillas Mayores tlalli, tlawel monekiyaya ipan puerto tlen La Habana. Ipan ni tlalli tlatlantoyah inglestlakameh wan monechkawihtoyah kampa onkayaya miak tomih, tlen eliyaya Yankuik Kaxtillan; wan yeka, ipan 1764 mochihi se amatekitl para kichikawaltiseh Veracruz, monekiyaya nopa ohtli kualli eltos para yaseh hasta ipan Mexko altepetl wan nohkia tlamokuitlawiseh veteranas wan milicianas tlatewiyanih. Ipan noviembre tlen nopa xiwitl asiko ipan Yankuik Kaxtillan tlen achtowi permanente nechikolistlatewiyanih —ne Regimiento tlen América— tlen kinyekanayaya tlatewihketl Juan de Villalba.

Ipan nopa kawitl, nohkia mokualltaliyaya se paxalolistli para moittas nochi administrativa tlamantli wan judicial tlamantli tlen virreinato. Nopa tekittl kichiwaskia ne malagueñotlakatl José de Gálvez.

WEYI PAXALOLISTLI IPAN TRIBUNALES
WAN CAJAS REALES TLEN
YANKUIK KAXTILLAN

Nopa tepaxalohketl Gálvez kinawatihkeh axkanah san ma tlachia; nohkia kimakakeh manoh para ma ka kipatla nochi tlen monekiyaya mopatlas. Ome tlamantli kiihlhkeh monekiyaya mopatlas: monekiyaya kalakis miak tomih ipan erario novohispano wan ax onkas tlaixpanolistli wan dispendos wan kehnopa kualli mochiwaskia tekittl tlen rentas. Para welis mochiwas tlen achtowi tlamantli, nopa tepaxalohketl kichihki se tlamantli itokah establecimiento tlen monopolio real tlen tabaco. Nopa kiihtosnekiyaya ne corona san ya kichiwas nopa tekittl, kitokas, kitlalanas wan kinamakas nopa tabaco, ken cigarrillos pampa ipan Yankuik Kaxtillan miyakeh siwameh tlachichinayayah. Nopa tekittl tlen tabaco miak tomih kikawayaya ipan virreinato, wan nohkia nopa minatekittl. Seyok tlamantli tlen mochihi, Galvéz nohkia kikualtlalki tlanamakalistli tlen wino tlen owatl, pampa ax weliyaya mochiwas nopa tekittl wan ax weliyaya monamaka, wan kehnopa axkanah kiseliyaya tomih nopa tlanawatihketl. Wan nohkia, ne tepaxalohketl kitlalki nopa Contaduría General tlen Propios wan Arbitrios, tlen ika ne corona ya tlanawatiskia ipan nochimeh chinankomeh, villas wan núcleos urbanos. Ika nopa tlamantli nochi tomih kalakiskia san ipan arcas reales wan, ihkatzah axkanah nelia eliyaya tlen weyi tlanawatihketl, miak xiwimeh teipah se ome kena kinekiyaya kiitzkiseh nopa tomih kemah tlawel monekiyaya tlapalewilistli para mochiwas imperiales tlatewilistli.

Teipah tlanawatihki ne virrey Francisco de Croix (1766-1771), ya kualli mowikayaya waya Gálvez, iwikal tlahlamikiyayah wan yeka kipaxaloko. Inome yahkeh tlachiatoh ipan Nuevo Santander, pampa desde kemah pehki (1748) axkanah kichiwiltoyah kuentah. Nohkia kehnopa, se ome metztli teipah nopa tepaxalohketl yahki tlachiato ipan weyi tlalli tlen noroeste novohispano; ipan nopa tlalli monekiyaya onkas miyakeh ewanih, axkanah onkas kualantli waya

indiotlakameh wan mochiwas chikawak tekittl ipan yacimientos mineros.

Pero ipan nopa kawittl, tlaxtlawalistli tlen erario virreinal tlawel weyi eliyaya, wan kehnopa eliyaya pampa tlaxtlawayaya miak tomih tlen situados (kiihtosneki tomih tlen tlaxtlawayaya para momanawiseh) wan nohkia para kinsewis tlatewilistli tlen 1767, tlen onkayayah pampa kintotokakeh jesuitas, yani tlamantli tikittaseh teipah.

Ne tepaxalohketl kichihki iteki, ya tlachiato ipan nochimeh cajas reales wan tribunales, kinixpantihki tlen axkualli tekitiyayah, sekih kintotokak, wan tlan nohkia monekiyaya kintzahki oficinas, ken nopa tesorería tlen Acapulco tlen san tekitiyaya eyi metztli ipan se xiwitl. Wan para kalakis miak tomih ipan erario real, Gálvez wan Croix kimanawihkeh wan kichihkeh se tekittl tlen nesiyaya axkanah kikualchiwas ne corona: kitemowihkeh keske ipatih nopa azogue (tlen eliyaya se monopolio real) para kehnopa onkas tekittl tlen minería, pampa tlawel monekiyaya ni tlamantli para welis mokualtalis nopa mineral argentífero. Ken sekinok tekittl tlen Gálvez, yani teipah neski tlawel kualli wan tlawel monekiyaya para onkas chikawalistli, wan teipah nohkia pampa pehki kalaki miak tomih ipan real hacienda.

* * *

Nopa regalismo kiihtosneki ayohkana motlepanittas eclasiástica tlanawatihketl pampa san rey ya tlanawatis, kehnopa mochihihi ipan borbónico nechikolistlanawatiyanihi. Para Carlos III waya iministros, nopa iglesia axkanah monekiyaya kiplas chikawalistli. Yeka monekiyaya nel tlamis nopa tlahlamikilistli tlen kiihtowayaya ne rey eliyaya itata wan iglesia eliyaya inana tlen familia hispánica, kehnopa mochiwaskia masculina tlamantli tlen política, kampa tlanawatiskia san ne rey. Ne ilustrados tlahkuilowanihi wan políticotlakameh ipan Xaxtillan kimanawihkeh wan kikualittakeh nopa tekittl tlen monekiyaya mochiwas. Nopa tekittl ax weltoskia

mochiwas tlan axkanah tlapalewitoskia se nechikolistli tlen iglesia, tlen itokayaya jansenista. Elki ni nechikolistli tlen kiihtohki eliyaya extravagantes, sobredoradas wan ax kinkualittayaya teokalmeh tlen barroco tardío, pampa kimanawiyaya sencillez wan sobriedad tlen estilo neoclásico. Nohkia elihkeh ne jansenistas, tlen ipan Europa wan ipan América, chikawak kintewihkeh jesuitas —tlen kitlepanittayayah ne papa wan kinekiyayah inihuantih monawatisesh wan axkanah kinnawatis obispos.

Teipah kintotokakeh jesuitas tlen Yankuik Kaxtillan, wan nopa tlamantli axkanah mochihi san ihkinoh san pampa onkayaya se tlahlamikilistli ipan virreinato, mochihi pampa onkayaya se tlanawatilli tlen kikixtihki ne monarca tlen Kaxtillan kemah pewayaya 1767 xiwitl, wan ika yanopa monekiyaya tlamis nochi religiosa tlamantli pampa tlawel kitlepanittayaya papa.

Ne jesuitas ipan Yankuik Kaxtillan kena kipiayah miak tlamantli wan miak tlalli kampa tlatokayayah; nohkia eliyah weyi terratenientes ipan altepeme; kipiayah chikawalistli ipan virreinato pampa inihuantih tlamachtiyayah. Inihuantih kinmacthiyayah momachtianih ika se pamitl wan teipah ni momachtianih axhlen kiihtowayayah pampa san tlakakiyayah; wan axkanah monekiyaya ihkinoh ipan xiwilpilli XVIII, kemah nopa ciencia wan filosofía yankuik pankisayayah, ni tlamantli ax kikualittayaya ne Inquisición.

Kemah kiselihkeh nopa real decreto, wan pampa ne Gálvez wan Croix tlen iwikal tlahlamikiyayah, ika nochi yaino pa nimah kintotokakeh religiosotlakameh wan axkanah onkak kualantli, pampa kehnopa tlanawatiyaya monarca: “kehni... kimatisesh nochimeh ewanilh tlen kinnawatia weyi monarca tlen mosewitok ipan trono tlen Kaxtillan tlakatihkeh para axkanah moliniseh, san tlakakiseh wan kitlepanittaseh ne weyi soberano”. Pampa kitotokakeh nopa Compañía tlen Jesús onkak se ome kualantli tlen ewanilh, noso kehnopa moihtohki wankinoh. San Luis de la Paz, San Luis Potosí, Guanajuato wan Valladolid tlen Michoacán nopayo yahki tepaxaloto ne tepaxalohketl Gálvez (tlen kinawatihtoya ne

virrey) yahki kinahuato pampa ya tlawel kitlepanittayaya corona wan kinekiyaya nochimeh ma nohkia kitlepanittakah wan ma axkanah onkah kualantli.

Nopa tlamantli tlen jesuitas ipan 1767 xiwitl elki se weyi puñete tlen corona kimakak ne privilegio eclesiástico. Seyok elki nopa tlanawatilli tlen kiski wan tlen ika ne Estado weliyaya kintlaihilis wan kintzakwas tlakameh tlen clero tlen axkanah kitlepanittayayah civil tlanawatilli. Pampa kintotokakeh jesuitas sekinokeh ax kikualittakeh, eliyayah tlen momachtiyayah ipan jesuitas kaltlamachtilyon ipan sempoalli wan se chinankomeh tlen Yankuik Kaxtillan desde Chihuahua hasta ipan Mérida, inihuantih momachtihkeh miak tlamantli ken gramática latina wan weyi tlamachtistli tlen filosofía wan ciencias. Tlen teipah “puñete” kinasik nochimeh novohispana ewanilh, kinasik ewanilh tlen iknotzitzih wan tlen axhlen kimatiyayah, pampa inihuantih tlawel kintlepanittayayah teopixkemeh. Kehni nochi borbónica tekitt tlen mochihihi kena kimapachki iglesia wan nohkia régimen colonial.

* * *

Kawitl kemah tlawel mochi kawaltihki wan onkak miak tomih ipan Yankuik Kaxtillan pehi ipan década tlen 1770, teipah kemah axkanah weliyaya motlalana, wan tlen kiihtowah estadísticas, pehtoya ipan 1750 xiwitl. Nochi ni tlamantli panok kemah tlanawatiyaya ne virrey Antonio María de Bucareli (1771-1779). Nopa chikawalistli mochihihi pampa onkayayah miyakeh ewanilh: ipan 1742 wan 1810 ewanilh ipan Yankuik Kaxtillan panok tlen 3.3 a 6.1 millones tlen ewanilh, miyakeh tlen ni ewanilh eliyayah masewalmeh. Achi miyakeh tlen ni masewalmeh ewayayah ipan masewalchinankomeh noso ipan 4 682 chinankomeh kampa nochimeh ewanilh eliyaya 2 000 wan 3 000 ewanilh tlen nochimeh.

Ihkatzah miyakeh ewanilh ewayayah ipan ruralchinankomeh, nopa villas, “ken se kuekuetzitzih altepemeh” wan weyi altepemeh

miyakeh kiskeh ipan nopa kawitl. Ne intendencia tlen Mexko, kampa eltoya capital virreinal, nopayo onkayayah miyakeh urbana ewanilh; nohkia iwikal eliyayah intendencias tlen Guanajuato wan Puebla. Axkanah kehnopa eliyayah Oaxaca wan Guadalajara (tlen namah eli estado tlen Jalisco) pampa nopayo nohka eliyaya rural, pampa axkanah onkayayah miyakeh concentraciones urbanas wan tlan onkayayah eliyayah san setzih noso ome ipan sehse intendencia. Nohkia iwikal panoyaya ipan provincias tlen Valladolid (Michoacán) wan Veracruz.

Tlen kenihkatzah eltoyah nochimeh ewanilh, tlen achi miyakeh eliyayah telpokameh tlen ayikana kiaxitiyayah 16 xiwitl; tlen keske xiwitl yoltayah koyomeh eliyaya 55 wan 58 xiwitl, wan masewalmeh wan tlakameh tlen castas inihuantih axkanah miak yoltayah. Moneki tikihtoseh ne virreinaltlanawatiyanilh kena moihliyah monekiyaya mokualltlalis miak tlamantli para kualli itztoseh nochimeh ewanilh, pampa —tlawel monekiyaya tlatlepanittalistli— nopa kokolismeh miyakeh kinmahatoyah tlen iknotzitzih, wan nopa tlamantli axkanah tlapalewiyaya para onkas chikawalistli tlen económico virreinal. Monekiyaya mochiwas miak tlamantli wan miak tekittl para kualli itztoseh nochimeh ewanilh tlen ewayayah ipan altepemeh tlen intendencias, wan yeka chikawak tekittihki ne segundo virrey Revillagigedo (1789-1794). Ya kintlalki miak mihkatlalpan, ax weliyah kintlaltokaseh ewanilh ipan teopan, se tlanawatilli tlen pestetl tlen kintekiwihtoyayah, tlanawatilli tlen lazaretos, wan seyok. Teipah, ipan 1802 asito ipan virreinato tlatzopintli tlen viruela kokolistli. Kampa kintzopinihkeh nochimeh ewanilh elki ipan curatos wan ne clero ya kichihki nochi nopa tekittl tlen monekiyaya.

CHIKAWALISTLI TLEN VIRREY WAN TLANAWATILLI
TLEN INTENDENTES

Nohkia monehki mochiwas seyok tlamantli, ne Bucareli kikotonki nochi tlapatlalistli tlen kinekiyaya kichiwas Gálvez ipan Yankuik Kaxtillan. Wan kena nelia tlen moihliyaya, pampa kemah ya pehki tlanawatia axkanah onkayaya miak tomih ipan real hacienda wan tlawel miak tlawikayaya, achi miak tlen situados. Makuilli xiwitl teipah kena welki motlalana pampa mochihi miak wan kualli tekittl, onkayaya chikawalistli. Ni tekittl welki mochihi pampa onkak achtowi dilación, wan teipah ayohkana onkak intendentes ipan virreinato kemah ya tlanawatiyaya.

Se tlamantli walayaya tlen Francia tlen xiwilpilli XVII, eliyaya nopa sistema tlen intendencias tlen mochiwayaya kipiaya miak xiwitl ipan sekinok virreinatos americanos. Kemah tepaxaloko, Gálvez kinekiyaya kintlalis intendentes —tlanawatiyanih tlen provincia wan subdelegados —subordinados tlen monekiyaya kintlepanittaseh ne alcaldes mayores—. Pero Bucareli ya axkanah kikualittayaya ni tekittl wan kinekiyaya kichiwas seyok tlamantli, wan nohkia pampa nopayo kalaktoya se político tlamantli pampa ika nopa yankuik tekittl ne virrey ayohkana kipiaskia miak chikawalistli: yani kinekiyaya kichiwas Gálvez.

Ne virreyes kichiwayayah miak tekittl, eliyaya juez tlanawatiyanih, tomiahkokuiyanih, tlamokuitlawiyanih, tomitlalananih, capitán general, para kichiwaseh inintekih kinpalewiyyah sekinok tekittinih tlen itokayayah corregidores noso alcaldes mayores. Ni tekittinih tlen corona axkanah kintlaxtlawayayah (noso san pilkentzi), yeka kichiwayaya seyok tekittl tlen axkanah monekiyaya kichiwaseh. Se tekittl eliyaya *kiwikayaya mercancías tlamantli*, ni kiihtosneki ne alcaldes mayores, eliyayah ken koyomeh tlen tlanamakanih tlen consulado tlen Mexko, inihuantih kinnamakiltiyayah ne masewalmeh miyakeh mercancías tlamantli tlen walayayah tlen wahka noso tlen producción virreinal ika patiyó, wan masewalmeh kinnamakiltiyayah miak tlamantli tlen kipiayah axkanah patiyó. Ni

tlamantli ax kikualittayaya se ilustrado tlanawatihketl pampa san ya kinekiyaya kinnawatis nochimeh ewanih, wan nopa alcaldes axkanah tlamokuitlawiyayah para kualli ma mochiwa nopa tekintl, inihuantih kichiwayayah seyok tlamantli.

Nopa tekintl tlen kinekiyaya kichiwas Gálvez eliyaya se nechikolistli tlen tekitinih tlen kipalewiskia ne virrey; matlaktli wan ome tlakameh tlen kitlalanaskiah tomih, kichiwaskiah tlanawatilli, kichiwaskiah milicias wan tlanawatiskiah ipan altepemeh wan chinankomeh tlen ijurisdicción. Sehse tlen ni tekintl itokayaya *causas*: kehni, ne intendentes monekiyayah kinixmatiseh causas tlen hacienda, tlen tlanawatilli, tlen tlatewilistli wan tlen policía (ipan nopa kawitl ni tekintl eliyaya se weyi tlamantli axkanah ken namah). Tlen seyok tlamantli, Gálvez nohkia kinekiyaya kintitlanis tlatewiyanih ipan zona norte tlen virreinato wan kinekiyaya kichiwas se oficina kampa san kinchiwaskia fiscales tlamantli: ne Superintendencia tlen Real Hacienda. Ika nopa ome tlamantli kinekiyaya kikixtilis chikawalistli ne virrey. Nochi ni tlamantli ax kinkualittayaya Bucareli wan kinkotonki kemah tlanawatiyaya, nohkia ne ministro tlen Indias tlen Xaktillan ax kinkualittayaya wan pampa Yankuik Xaktillan chikawak motlalanayaya. Ipan 1776, José de Gálvez kitokaxtihkeh tlanawatihketl tlen Ministerio tlen Indias. Desde wankinoh wan hasta kemah mihki matlaktli xiwitl teipah mochihi ipan Yankuik Xaktillan nochi tlen ya tlanawatihki. Kehni, ne virreinato kiyehyekohki miak tlapatlalistli desde kemah ne malagueñotlakatl pehki tlanawatia. Welis tihtokaxtiseh, ipan 1776 mochihi ne Comandancia General tlen Provincias Internas tlen tlawel tlapalewihki para ma onkah chikawalistli material, demográfico wan nemilistli tlen miyakeh nortehños tlalli, ihkatzah panok nochi yani nopa virrey nohka tlanawatiyaya ipan Mexko altepetl.

Tlen últimos xiwimeh tlen decenio tlen 1770 onkak miak tlapatlalistli. Se tlamantli tlen mochihi, ne Yankuik Xaktillan weliyaya motlanamakiltia waya sekinok chinankomeh, ihkatzah san waya Perú wan Nueva Granada. Tlen seyok, tlen administrativotekintl,

ne Gálvez kimakak seyok puñete ne virrey pampa kichihki ne Superintendencia tlen Real Hacienda, tlen kiyekanayaya se iwampo. Ni tlamantli mochihki pampa monekiyaya motlalis se “dominio tecnócrata” tlen kipalewiskia ne metropolitano nechikolistlatewiyanih. Ni tlamantli kiihtosnekiyaya moxolewas tekittl tlen tomitlalananih wan virrey waya itekitinih ayohkana weliyayah temakaseh tomih, kehni san eliskiah *jueces*, wan kinmakaskiah tlapalewilstli ne nechikolistli tlen funcionarios—superintendente tlen hacienda wan intendentes—. Ni tekittl axkualli mochihki pampa axkualli mokualtlaltoya wan ipan teipah xiwimeh kiittakeh kipiayah miak vacíos legales para welis mochiwas.

Pampa monekiyaya mochiwas tecnócratatekitl, ne Ordenanza tlen Intendentes asiko ipan Yankuik Kaxtillan—tlen último virreinato kampa mochihki— kemah mochiwayaya se weyi tlapatlalistli: apenas kikualtlaltoya kemah mihki ne ministro tlen Indias José de Gálvez (1787), wan kemah kualli mochiwayaya (1788) nohkia mihki Carlos III, tlen más kualli reformador tlen borbontlakameh. Ihkatzah nochi yaino kena onkayaya tlanawatilli wan monekiyaya nochimeh kitlepanittaseh ne virreinato wan axkanah onkas kuantantli ken wahkakia. Moihtowayaya ipan ordenanza, sehse tlen matlaktli wan ome intendencias (Durango, Guadalajara, Guanajuato, Mérida, México, Oaxaca, Puebla, San Luis Potosí, Sonora/Sinaloa, Valladolid, Veracruz wan Zacatecas) kinmakaskia miak jurisdicciones tlen achtowi onkayayah (gobernaciones, wehweyih alcaldías wan corregimientos), sehse kintokaxtihkeh *distrito*. Nochi nopa intendencialtekitl axkualli mochihki pampa onkak miak técnicos kuantantli, wan onkak yaino pampa tlen kikualtlalkeh nopa tekittl ax kimatiyayah hasta kanih tlamiyayah sehse jurisdicción. Wan yeka axkanah welki mokualtlalia virreinal tlalli. Ihkatzah yaino panoyaya, ne intendencias borbónicas tlawel ipatih eliyayah pampa ika moxexelohki tlalli wan mochihki constitución republicana tlen Mexko.

* * *

Ipan nawi powalli xiwimeh onkak miak chikawalistli, wan onkayaya yani pampa motlalanayaya economíatekitl, ihkatzah axkanah nochi iwikal motlalanayaya. Ne virrey Matías de Gálvez, iikni tlen ministro tlen Indias, tlanawatihki ma mochiwa ipan Mexko altepetl ne Real Academia tlen Bellas Artes tlen San Carlos wan nohkia pankiski se amaperiódico itokah *La Gaceta de México*. Tlen urbanística tlamantli, ni virrey kixexelohki capital ika cuarteles wan kintlalki alcaldes tlen barrio. Ikone tlen ni tlanawatihketl, Bernardo de Gálvez (elki virrey ipan junio tlen 1785 wan noviembre tlen 1786), tlanawatihki ma motlali tlawilli ipan Mexko altepetl iwikal ken tlen Madrid altepetl.

Ipan seyok lado, pampa tlawel monekiyaya mochiwas ilustradotekitl wan pampa mochiwayayah miyakeh expediciones científicas, ne virrey Manuel Antonio Flores (1787-1789) pehki kikualtlalia ipan Mexko altepetl ne Jardín Botánico, tlen teipah kitlamihki, ne segundo virrey Revillagigedo. Tlen ni último nohkia pehki kichiwa ne Colegio tlen Minería, kinawatihki ma kichiwa ni tekittl ne valencianotlakatl Manuel Tolsá. Ipan ni weyi kalli momachtiyaya weyi tlamachtilistli tlen yankuik ciencias wan nohkia tlamachtilistli tlen itokah técnicas experimentales. Ni weyi kalli, tlen motlamihki ipan 1811, namah nohka eli se tlen más weyi wan yehyektzih kalli tlen onkah ipan Mexko altepetl.

MOPATLAK OHTLI. XIWITL TLEN NOVENTA

Borbónico modernizadortekitl kitemoyaya ma onkah centralización tlen chikawalistli. Pero Ordenanza tlen Intendentes ken se axkualli mochihtoya; pampa tlen kinekiyaya ne corona eliyaya ma kualli mochiwa nochi tekittl tlen virreinato. Ika ni ordenamiento nochimeh yankuik funcionarios kinpatlakeh alcaldes mayores/corregidores.

Ipan ni yankui tekítl ax weliyaya mochiwa repartimiento tlen mercancías, pampa nopa subdelegados kena kitlaniyayah tomih wan axkanah eliyayah ken alcaldes mayores. Ipan sekinok tlalli kena ayohkana mochihihi repartimiento; pero ipan sekinok tlalli ax welki mochihihi, nohka mochiwayaya, san mopatlak itokah. Ne intendentes wan subdelegados asikoh para kinnawatisesh miyakeh novohispanos ewanih, wan yeka nopa ordenanza wan sekinok tlanawatilli miyakeh ax kinkualittayayah; ipan 1876 mihki José de Gálvez, tlen tlawel kimanawiyaya nochi yaino, wan yeka ne corona ax weliyaya kualli tlanawatis. Kehni, achtowi kemah ne ordenanza nel kualli mochihihi, sekih kiihtowayayah axkanah kualli eliyaya wan monekiyaya tekítl wan tlanawatilli tlen achtowi, wan yeka nochi nopa ordenamiento wan nohkia se ome tlanawatilli tlen más ipatiyayah nel sehkeh.

Pampa kintlalihkeh ne intendencias wan subdelegaciones wan nohkia mochihihi centralización tlen rentas tlen pehtoya ipan achtowi xiwimeh, kualli eliyayah para mochiwas recaudación fiscal tlen teipah tisaniloseh. Ihkatzah kehnopa, kemah nel pehki nopa tekítl, ika owi mochiwayaya pampa onkayayah miak owihkayotl. Wan kehnopa elki pampa, ne segundo Revillagigedo, tlen más ilustrado tlen virreyes tlen Carlos IV, ya kinmanawiyaya intendencias pero ax kikualittayaya kipolos chikawalistli. Motlepanittak ni tlahlamikilistli wan teipah tlen 1789 nochimeh iniciativas tlen intendentes monekiyaya kinkualittas ne mandatario virreinal. Tlen seyok tlamantli, nopa circunscripción tlen tlalli tlen nopa matlaktli wan ome intendencias novohispanas axkanah monamihki waya tlen obispos wan tlen jurisdicciones tlen sekinok rentas centralizadas. Ika nochi yani welis tikihtoseh nopa intendencias “tiotlahka asitoh”, pampa ipan Yankuik Kaxtillan onkayaya se rentístico teposkali wan namah nohkia onkayaya tlen intendentes. Welis tikihtoseh onkayayah miak owihkayotl ipan nopa kawitl, welis tihtokaxtiseh tlen kipiayah intendentes tlen San Luis Potosí wan Zacatecas kemah tlahko tlen ni alcabalas eliyayah iaxka tlen intendencia potosina. Ni kuantli mochiwayaya más weyi tlan

tikihtoseh nopa ome intendentes monekiyaya kitlepanittaseh ne Dirección General de Alcabalas y Pulques (ipan Mexko altepetl), kemah ipan tlanawatilli moihtowayaya monekiyaya kitlepanittaseh san Ministerio de Hacienda (ipan Kaxtillan), wan teipah tlen tlapatlalistli tlen Revillagigedo ipan 1789, nohkia ne virrey tlen Yankuik Kaxtillan. Ika ni tlamantli onkak miak kualantli waya intendentes wan administración central tlen virreinato.

Ihkatzah miak kualantli onkak, welis tikihtoseh nopa reformistatekitl kena kualli mochihki. Onkah tlamantli tlen techilia, ipan 1765 wan 1804 onkak miak rentas reales. Kehni elki pampa panok miak tlamantli: onkak miak tlaxtlawalistli tlen impuestos (tlen eliyayah ordinarios noso extraordinarios); motlalanki tasas tlen impuestos; onkak más presión fiscal, pampa onkak administrativos tlapatlalistli, wan pampa moskaltihki económicotekitl. Tlawel kualli kiski nochi pampa onkayayah chikawalistli wan tomih; welis tikihtoseh novohispanotlakameh tlaxtlawayayah 70% más impuestos per cápita tlen ewanilh tlen ewayayah ipan metrópoli.

Ipan decenio tlen 1790 novohispana ewanilh tlawel etik kimachilihkeh nopa carga fiscal. Nopa corona ayohkana weliyaya kikixtia tomih tlen impuestos ordinarios. Wan yeka, pampa ne imperio tlen Kaxtillan kalahki ipan se ome tlatewilistli (ne tlatewilistli waya franceses ipan 1793 wan tlatewilistli waya Inglaterra ipan 1796), ne corona monehki tlahtlanis ma kitlanetika tomih wan donativos. Ni axkanah eliyayah ken impuestos tradicionales pampa ne monarca monekiyaya teipah nohkia tlaxtlawas réditos tlen tlapalewilistli tlen kitlanetiyayah.

Wan kehni eliyaya hasta kemah mochihki independencia; ne rey kintlaxtlawayayah ne “tomitlalananih” tlen más ipatiyayah tlen virreinato: ne consulado tlen Mexko, tlen yankuik kinchihtoyah (1795) consulados tlen Veracruz wan Guadalajara wan ne Tribunal tlen Minería. Pero kemah tlawel monekiyaya tomih, ne monarca waya iintendentes, nohkia kiitzkihkeh tomih tlen axkanah inaxka eliyayah pero tlen inihuantih kitlamokuitlawiyayah. Ni tomih eltoya ipan cuentas tlen propios wan arbitrios (tomih tlen chinankomeh,

villas wan núcleos urbanos), tomih tlen masewalchinankomeh (“tlapalewilistli” tlen ika momanawiskiah), montepíos (tomih tlen funcionarios civiles wan tlen inisiwawah tlatewiyanih tlen miktoyayah), wan seyok. Nochi ni tomih ayok kemah mokupeki —wan nohkia axkanah motlaxtlahki réditos—. Sekinok cuentas tlamopolihkeh ipan liberal kawitl (1808-1814; 1820-1821), wan sekinok sampa yankuik pehkeh teipah tlen 1821 xiwitl.

MOYOLCHIKAWALTIHKI VALES REALES WAN ECONOMÍA NOVOHISPANA

Se tlen financieras owihkayotl tlen tlawel kikuesowayaya ne corona elki kemah monehki “kikualtlalis” ipatih tlen miyakeh amameh tlen tlawikalistli tlen kinwasanihtoya ne rey (itokah vales reales) tlen motlaloyayah, iwikal ken tomih, ipan Kaxtillan.¹ Nopa tlamantli tlen tihtokaxtiseh “consolidación tlen vales reales” kitemoyaya, ipan metrópoli, nopa iglesia ma kinamaka nochi tlen kipiaya wan “ma kitlaneti” nopa tomih ne real erario. Ipan Yankuik Kaxtillan ne iglesia ayok kipiaya miak tlamantli wan nopa haciendas jesuitas eltoyayah imako tlen real hacienda wan itokayayah *temporalidades*. Kena kipiaya tomih tlen kimakayayah ricotlakameh wan iknotzitzih pampa kichiwayaya misas. Ne Juzgado tlen Capellanías wan Obras Pías kitlanetiyaya ni tomih para ma welikah tekitikah haciendas, ranchos wan obras. Yaya ni tomih monekiyaya “kitlalanis” iglesia tlen kitlawikiliyayah, para teipah “kitlanetis” ne real hacienda.

¹ Ni tlamantli kiihtosneki, ne monarcatlanawatihketl kintlatlanilki tomih ne súbditotlakameh wan kinmakak vales reales (eliyayah amatzitzih tlen kinwasanihtoya ne rey wan ipatiyayah). Ni amatzitzih kintekiwiayah tlakameh kewak neltomih. Achtowi, kena ipatiyayah. Teipah tlawel temok ipatih pampa miak onkayayah. Ne corona kinekiyaya “kikualtlalis ipatih” pampa welis miyakeh ayohkana kinekiskiah kinseliseh noso kena peroh axkanah ika patiyó, wan tlan yaino panoskia ne corona ayohkana weliskia kintlatlaniis tomih ne tlakameh, ayohkana ika nopa amatzitzih.

Nopa tlanawatilli tlen Consolidación tlen Vales Reales mochihihi ipan Yankuik Kaxtillan kemah tlamiyaya 1804 wan tlawel axkuali elito: axkanah onkayaya miak crédito wan tlen capital para ma tekitikah miyakeh unidades tlen producción; nel tlanki nochi fondos tlen ahorros, wan miyakeh tlakameh wan instituciones kipolkeh nochi inintomih. Nopa tlanawatilli moketzki kemah pewayaya 1809 pampa onkak se golpe de Estado contra virrey José de Iturrigaray (1803-1808); pero pampa mochihihi nopa tlamantli teipah miak kualantli onkak wan ika owi sampa motlalanki economíatekitl wan tlawel wahkahki.

Kehni welis moihtos, ipan Yankuik Kaxtillan ipan borbónica kawitl miak tomih kixitihkeh, wan nopa kiihtosneki ipan nopa altepetl kena mochikahtoya economíatekitl, motlalanayaya pero nohkia miak tlachtehkeh metropolitanatlanawatiyanihi. Ipan nopa altepetl miak ewanihi onkayayah wan yeka monekiyaya ma onkah tlanamakalistli. Wan pampa onkayayah miyakeh ewanihi nohkia miak tlamantli motlanamakiltiyayah, wan ika yani nohkia mochikawaltihki agropecuariatekitl. Kehni, ipan ni kawitl welis tikittaseh nopa agriculturatekitl achi más mochiwayaya ipan tiankistli tlen altepemeh, wan axkanah ipan mineratekitl. Tlen ni último, ika ikuentah, kualli motlalanki kemah pewayaya 1772, wan wahkahki hasta ipan 1795. Tlen mineríatekitl nohkia momoyahki pampa kipalewihki ne corona: kualli ipatiyah azogue wan pólvora wan axkanah tlaxtlawayayah alcabala nochi tekitl tlen ika yaino mochiwayaya. Seyok tlamantli tlen ika welis tikumachiliseh kenihkatzah moweyichihki minerotekitl elki pampa onkak liberalización tlen tlanamakalistli tlen ipan nopa kawitl pehkeh kiyehyekowah posesiones americanas. Wan pampa axkanah miak tlapalewistli kisayaya tlen tlanamakalistli, miyakeh tlanamakanih pehkeh kinkalakiah inintomih ipan explotación tlen yacimientos mineros.

Ihkatzah ipan nopa kawitl mochiwayaya miak tlamantli tlen tlanamakalistli, moneki tikihtoseh ipan nopa kawitl axkanah mochihihi *yon se novohispano* tiankistli. Kena onkayayah miyakeh

tiankistli kampa mochiwayayah nochi tlen motekiwayayah ipan weyi tlalli. Kehni, welis tikihtoseh, ne intendencia tlen Oaxaca ya kitokayaya sintli tlen nopayo mokuayaya, wan axkanah kiwikayayah hasta ipan intendencia tlen Durango. Pero kena onkayayah se ome tlamantli tlen tlawel monekiyayah kinwikaseh desde wahka wan ihkatzah patiyo kisayaya, kinwikayayah ipan fierotikeh ohmeh wan patiyo tlaxtlawayayah alcabalatorios. Ni tlamantli eliyayah ne plata, sekinok textiles wan wino; wan más ipatih eliyayah nochi tlamantli tlen kinwalikayayah tlen wahka, tlen kalakiyayah ika Veracruz, wan tlen monamakayayah ipan Chihuahua wan ipan norte tlalli. Nopa tlanamakalistli tlen miak tlamantli tlen walayayah tlen wahka welki mochihki pampa motlapohki tlanamakalistli tlen kalteno, tlen tlawel momoyahki ipan 1789, wan nohkia welki mochihki pampa onkak *tlanamakalistli* neutral tlen monehki kitlepanittas Kaxtillan pampa Inglaterra kintzaktoya ininpuertos kemah ni ome altepeme motewihkeh. Ni tlamantli tlen tlanamakalistli mochihki pampa ne corona tlen Kaxtillan kinmakak manoh altepeme tlen axkanah kalaktayah ipan tlatewilistli ma kalakikah wan ma pankisakah ipan puertos novohispanos. Nochi ni tlamantli mochiwayaya para ne azogue welis asiti ipan virreinato wan metropolitanatlawatiani kitekiwiskiah tomih tlen kisayaya tlen ni colonia. Kehni mochiwayaya ni tekitl: rey tlen Kaxtillan kitlatlaniliyaya tomih se financiero, welis tikihtoseh tlen francés, wan ni kitlaxtlawayaya ipan tesorería tlen Mexko altepetl, kampa onkayayah tlapalewilistli tlen impuestos ordinarios, préstamos, donativos, wan teipah kemah onkak tlanawatilli tlen consolidación tlen vales reales, ne iglesia, tlen kitlalanayaya tomih tlen novohispanotekitinih para kitlanetis ne rey. Nochi ni tlapalewilistli mokahki ipan arcas francesas tlen Napoleón Bonaparte, pampa onkak se tlasenkawalistli waya monarquía tlen Kaxtillan (1803) para kipalewis kemah tlatewiskia waya Inglaterra. Kehni, miak tlapalewilistli tlen novohispanos motekiwihi para motlaxtlawas se tlatewilistli kampa ax kipiayah tlatlakolli ewanilh tlen virreinato.

Ika itiko, Yankuik Kaxtillan kipiaya se tiankistli tlen kualli. Ne Bajío wan Michoacán nohka tlanamakayaya miak tlamantli para welis mochiwas mineríatekitl wan nohkia tlanamakayaya manufacturas ipan altepeme tlen virreinato wan ne Antillas. Puebla tlanamakayaya harinas ipan ni weyi tlalli, wan teipah norteamericana tlanamakalistli kikotonki pampa onkak neutral tlanamakalistli, tlen itextil tlanamakalistli asito ipan Zacatecas, Sinaloa, Durango, Oaxaca wan Guatemala.

Ipan ni kawitl onkayayah miyakeh ewanih wan nohkia moweyichihki altepetl tlen intendencia tlen Guadalajara wan tlawel ipatiyaya ipan economía novohispana; ipan ni kawitl mosemoyahkeh inincentros manufactureros wan mochiwayaya miak tlamantli tlen tlanamakalistli kampa nohkia mokalakiyayah masewalchinankomeh. Guadalajara tlawel motlalanki ipan ni kawitl pampa kipalewihki ne Consulado tlen Comerciantes tlen nopa altepetl, tlen mochihtoya ipan 1795 xiwitl. Axkanah iwikal eliyaya ken tlen Mexko, ni nechikolistli desde kemah pehki kitlalki wan kichihki liberales tlanamakalistli. Ika yaino mochiwayaya tlen más weyi feria ipan Yankuik Kaxtillan, tlen San Juan tlen los Lagos, tlen kipalewiyaya consulado tapatío para weliyaya mochiwa, nopayo yowiyaya motlatlakowiliah zonas mineras wan altepeme tlen wahka norte tlalli. Tlen ni último, eliyaya tlen noroeste, wan teipah momoyahki pampa kinasik yankuik yacimientos mineros.

Ika seyok tlamantli, ieconomía tlen intendencia tlen San Luis Potosí (kampa namah eltokeh San Luis Potosí, Coahuila, Nuevo León, Tamaulipas wan se achi tlen Texas) motlalanki pampa moweyichihkeh ialtepeme, kampa eltoyah Saltillo, Monterrey wan sekinok chinankomeh tlen colonia tlen Nuevo Santander. Axkanah kipiayah miak yacimientos mineros, san tlen kampa namah eltok San Luis Potosí, ieconomía tlen ni weyi tlalli axkanah chikawak momoyahki pampa ya kichwayaya especialización tlamantli tlen ika kualli mowikayaya waya tlatlahko tlen virreinato; miak ipatiyaya ganaderíatekitl wan nochi tlamantli tlen nopayo

kisayayah, nopa tekítl mochiwayaya ipan Mexko altepetl, valles tlen tlatlahko wan ne Bajío, kemah tlamiyaya xiwilpilli onkayaya se weyi tiankistli. Nohkia kehni eltoya se achi tlen norte tlalli tlen Oaxaca tlen kinamakiltiyayah toromeh wan azúcar ne tiankistli tlen tlatlahko. Ipan ni intendencia, ipan tlalli tlen Mixteca Alta, nohka mochiwayaya tekítl tlen tlapalli tlen grana cochinitla wan tlen monamakayaya ipan sekinokeh altepemeh kampa tlawel kinekiyayah; yeka ipan ni tlalli axkanah tlanki nopa repartimiento tlen mercancías tlamantli pampa nopayo onkayaya tomih wan yeka axkanah motlepanittayaya ne mandato real. Valles tlen kiyawaltayah altepetl tlen Oaxaca kinamakiltiyayah miak tlamantli tlen ni última wan tlanamakayayah ipan tlalli tlen istmo, Chiapas wan Guatemala. Yucatán ya kiselki se teiknelistli tlen corona tlen ax onkayaya ipan nochi Yankuik Kaxtillan; ni kiihtosneki kimak libertad tlen tlanamakalistli ipan 1770, wan ipan provincia nopa eliyaya se xitlawalistli tlen axaka kipiaya, wan yeka nohkia onkak miak kualantli ipan xiwilpilli XIX pampa sekih ax kikualittayayah. Desde ipan puerto tlen Campeche, Yucatán kinamakiltiyaya miak tlamantli ne virreinato, Cuba wan Nueva Orleans; pampa miyakeh ewanilh onkayayah nohkia kinkowiliyaya miak tlamantli ni altepemeh wan ipan sekinok weyi tlalli.

NE SENTIMIENTO NACIONALISTA NOVOHISPANO

Ipan ni kawítl onkak miak tlapatlalistli ipan nechikolistlanawatiyanilh, onkak yankuik tlamachtistli, kalmeh tlen nemilistli wan motlapohki —ihkatzah motlatiyaya— europeo wan norteamericanotlahlamikilistli, wan nohkia tlapatlalistli tlen económicas tlamantli, kipatlakeh itlahlamikilis tlen novohispanos. Wan kenihkatzah axkanah mochiwaskia kehnopa tlan ipan nochi nopa kawítl onkak kualantli tlen política tlen Kaxtillan wan tlen kinekiyaya virreinato. Kemah pehki, achtowí tlen noventa xiwimeh, mochihi miak tekítl tlen miak tlamantli, welis tihtokaxtiseh,

públicastekitl wan kinkualtlalkeh kalmeh tlen nemilistli. Ni kawitl tlanki kemah ne corona kimawiliyaya asiskiah ipan Yankuik Xaxtillan yankuik tlahlamikilistli tlen Revolución francesa. Ipan decenio tlen noventa xiwimeh pehkeh axkualli mowikah peninsulartlakameh wan norteamericanotlakameh wan pehki mokualaniah. Ipan nopa kawitl pehki motekiwich tlahtolmeh ken libertad, progreso wan nación. Ipan nopa kawitl novohispanos kipatlakeh miak itlahlamikilis. Ipan Xaxtillan moihtowayaya ipan América tlalli axtlén mochiwayaya wan ax onkayaya kualli tlahlamikilistli, pero desde ipan tlahko xiwilpilli ipan virreinato motlepanittayaya ipan miyakeh amatekitl itlahlamikilis tlen ewanilh pampa tlawel tlahlamikiyayah wan kinchiwayaya miak tlachiwalistli.

Ne borbónico tlapatlalistli kichihki miak tlamantli para kikualtlalis sentimiento criollo, pampa ipan miyakeh kaltlamachtilyan tlen yankuik kinchihtoyah (ne Academia tlen Bellas Artes tlen San Carlos, ne Tribunal wan ne Colegio tlen Minería, ne Real Jardín Botánico) nopayo tlanawatiyayah peninsulares wan criollos san tlepalewiayah. Nohkia burocráticotlanawatiyanih eliyayah peninsulares. Pero ipan ni tlamantli kemantika achi kualli mowikayayah, welis tikintokaxtiseh intendentes wan locales nechikolistli tlen kipiayah chikawalistli; mononotzayayah wan mosenkawayayah kemah monekiyayah momanawiseh. Kemah elki kawitl tlen nelia, kemah pehki tlatewilistli tlen independencia, ne burócratatlakameh kena kintlepanittayayah peninsulartlanawatiyanih.

Se tlamantli tlen ika tikumachiliseh kenke onkayaya sentimiento nacionalista elki pampa onkak neutral tlanamakalistli wan ihkinoh novohispanos moixnamihkeh waya extranjeros, wan ika yaino kiittakeh kena ipatiyayah. Ihkatzah axkanah moneltokas, ni tlamantli kipewaltihki se virrey tlen axkualli tekithki ipan colonial kawitl, José de Iturrigaray, pampa kinchihki milicias nechikolistli (militares nechikolistli kampa kalaktoyah ewanilh tlen provincias). Ni tlamantli mochihki para kimanawiseh

Yankuik Kaxtillan pampa motewiyayah Kaxtillan wan Inglaterra nopa tlatewilstli pehtoya ipan 1804, nopa tlamantli kichihki ne novohispanos ma motlepanittakah pampa kualli tlatewiyayah.

Kehni eltoya nochi, tlen últimos borbónicos xiwimeh (1808-1809) elkeh tlawel owi: panok miak tlamantli tlen axkualli, ne virreinato ayohkana kipiaya tomih wan ewanilh pehkeh mosisiniah pampa nochi tlawaktok eltoya ipan nopa xiwitl. Nopa tlanawatilli tlen consolidación kinpatlak miak económicos tlamantli, wan yeka nochimeh novohispana ewanilh ayohkana kineltokayayah ne virreinal wan ne metropolitano nechikolistlanawatiyanilh. Tlen achtowi aviso (1808) elki nopa tlatewilstli tlen revolución liberal tlen monekiyaya mochiwas ipan Valladolid tlen Michoacán. Wan teipah (1810) pehki se weyi tlatewilstli tlen wahkahki. Ihkatzah nochi yani panok, ipan nopa kawitl tlen borbónicas tlanawatilli onkak miak chikawalistli wan moyawalistli tlen nemilistli tlen axkanah moittaskia ipan makuilli powalli xiwimeh teipah.

KEMAH PEHKI INDEPENDENCIA WAN MOCHIHKI CONSOLIDACIÓN REPUBLICANA

JOSEFINA ZORAIDA VÁZQUEZ

Nikah moihkuilowa tlen panok ipan 1808 hasta 1876 xiwitl, ni kiihtosneki, nochi tlen panok kemah moxitonkeh mexkoewanih, kemah mopewaltihki se Estado nacional wan kemah motlamiltihki república, teipah kemah kintlankeh francestlakameh wan kinekiyayah ma onkah monarquistatlanawatilli. Ipan ni kawitl pehki mosemoyawah liberalismo wan nacionalismo ipan nochi altepemeah wan mokualtlalkeh wan pankiskeh Estados-nación, kampa achtowi panok ni tlamantli elki ipan iberoamericanas altepemeah.

Nopa tlatewilistli norteamericana wan francesa, teipah mosemoyahkeh ipan colonias iberoamericanas, kikalakihkeh miak tlamantli wan tlahlamikilistli ipan Estados. Nochi ni tlahlamikilistli, moixmatiyaya ken liberales ipan 1812 xiwitl, ax kikualittayaya san ma onkah monarquías, pampa nochi tlakameh wan siwameh inihuantih monekiskia tlanawatiseh wan kiihtoseh ahkia tlanawatis, wan monekiyaya onkas eyi pamitl tlen tlanawatilistli: legislativo, ejecutivo wan judicial, ihkinoh kualli itztoseh nochimeh wan kipiaseh kanih momanawiseh. Telpokameh wan ichpokameh weliyayah tlawasaniseh wan kiihtoseh ahkia kinnawatis, kehni mokuipayayah ciudadanos. Nochi ni yankuik tlamantli wan yankuik tlahlamikilistli kipatlak itiko altepemeah wan nohkia

ken mowikayayah waya sekinokeh altepemeh, ayohkana san se ome tlanawatiyayah wan tlanamakayayah, namah monekiyaya nochimeh weliseh tlanamakaseh, onkas kualli tlanawatilli tlen ika mopalewiseh nochimeh, motlatlepanittas nochi tlaneltokilli, motlepanittaseh tlakameh wan motlepanittas atlanawatilli tlen altepemeh, ihkatzah onkas tlatewilistli. Nochi ni tlen motlapak owi wan wahkahki, axkanah nimah wan xitlawak mochihi, miak tlamantli panok ipan independencias iberoamericanas pampa eliyaya se yankuik kawitl.

Ipan Yankuik Kaxtillan mopatlak miak tlamantli pampa onkak yankuik tlanawatilli wan tlahlamikilistli “modernizadores” tlen borbónicas, mopatlak ken mowikayayah tlakameh, mopatlak políticas wan mopatlak económicas tlen mokualtaltoya ipan ome xiwilpilli, ika nochi yani nochimeh novohispanotlakameh mosisinihkeh wan kinekiyayah moxitomaseh pampa ax kikualittayayah kenihkatzah tlanawatiyayah ipan altepetl, pampa miak tomih kintlatlaniliyayah nochimeh. Kehni, postehki monarquía ipan 1808 xiwitl wan pehki tlatewilistli liberal española, teipah mosanilos tlen yani tlamantli, wan kehnopa welki mochiwa independencia, pampa americanotlakameh welkeh kiihtowah kenihkatzah ax kintlepanittayayah wan kimachilihkeh constitucionalismo liberal español, ni yankuik tlamantli kalahki ipan tlahlamikilistli político americano ipan ompowalli xiwitl tlen yolistli nacional.

Iwikal ken sekinok virreinatos hispanoamericanos, ipan Yankuik Kaxtillan nopa independencia welki mochihi pampa onkak se weyi tlatewilistli, yeka nopa Estado mexicano tlakatki yamanik, miak tlawikayaya, ax onkayaya tomih wan nochimeh tlakameh axkualli mowikayayah. Nohkia sekinokeh altepemeh kinekiyayah kitlachtekiliseh pampa kiittayayah nopayo onkah tomih. Ihkatzah onkayaya miak kualantli, nohkia onkayaya yolchikawalistli, teipah ika owi pankiskeh ome proyectos tlen nación tlen chikawak tlatewihkeh wan nopa esquema republicano liberal tlatlanki.

TLATEWILISTLI TLEN INDEPENDENCIA

Ipan sociedad novohispana kalaktoyah miyakeh tlakameh. Tlen nochimeh, san 17.5% eliyayah peninsulartlakameh wan criollotlakameh, ininkonewah, ewayayah ipan altepeme. Tlen peninsulartlakameh ax miyakeh eliyayah, nopayo kalaktoyah burócratas wan tlen nochipaya nopayo ewayayah. Tlen criollotlakameh miak momachtihtoyah wan tlen 5% kipiayah miak tomih, sekih nohkia kipiayah títulos nobiliarios; wan nohkia nikah kalaktoyah chinankotlakameh, tlanamakanih, tomichiwanih, tlanawatianih, religiosotlakameh wan militartlakameh, tlen kinekiyayah inihuantih tlanawatisesh. Tlen nochimeh, 60% eliyayah masewalmeh, inihuantih kimatiyayah kenihkatzah mosentiliseh. Nohkia onkayayah masewalmeh tlen sanilowayayah kaxtilantlahtolli, nopayo kalaktoyah rikotlakameh, weyi tlanawatianih wan tlanamakanih, miyakeh san itlahtol sanilowayayah, miak tekitiyayah wan tlaxtlawayayah tributo. Pampa mopatlak kawitl wan momoyatiahki hacienda miyakeh tlen inihuantih momanawihkeh waya peontlakameh. Echcaya tlen 22% eliyayah castas, tlen momaneltohyah waya kaxtiltekameh, criollotlakameh, masewalmeh, negrotlakameh, mulatotlakameh wan mestizotlakameh, nochimeh inihuantih ax kipiayah tomih, ax weliyayah tlanawatisesh wan ax weliyayah tlamachtiseh. Yeka kichiwayayah nochi tlen chikawak wan axkualli tekittl: minerotlakameh, sirvientetlakameh, artesannotlakameh, capataztlakameh, arrierotlakameh wan mayordomotlakameh. Sekih yahtoyah ipan norte kitemotoh tomih wan sekih tlen ni eliyayah mendigotlakameh, léperotlakameh wan malhehortlakameh tlen miyakeh onkayayah ipan altepeme wan kampa mochiwayaya minatekitl. San 0.5% eliyayah negrotlakameh, inihuantih eliyayah esclavotlakameh wan kichiwayayah owatekitl.

Ipan Mexko altepetl nochi kualli eltoya, kemah ipan 8 tlen junio tlen 1808 xiwitl momatki Carlos IV kiihtohki ikone Fernando namah ya tlanawatis. Mokualtlaliyaya nochi para mochiwas ni

ilhwiłt wan seyok tlamantli momatki: corona namah eltoya imako Napoleón. Nochimeh motemahmatihkeh pampa moihliyyah namah tlen panos ipan Yankuik Kaxtillan.

Nochi ni tlamantli panok pampa Napoleón tlatewiyaya waya Gran Bretaña, kinekiyaya kitzakuilis nochi, yeka nohkia kinekiyaya ma Kaxtillan kinkawah ma panokah nechikolistlatewiyanih tlen francestlakameh ipan inintlal pampa kinekiyayah kimahawaseh Portugal, tlen tlatewiyayah waya británicotlakameh. Napoleón kimakak corona iikni José, achtowi kichihki se nechikolistli waya tlanawatiyanih kampa kinmakak kaxtiltekameh se amatlanawatilli kampa moihkuilohtoya inihuantih kipiah xitlawalistli wan iwikalistli, wan nohkia para americanotlakameh.

Kaxtiltekameh ax kikualittakeh nopa tlamantli wan mosisinihkeh wan kiihtoheh tlatewihse. Monechikohkeh wan mononotzkeh kenihkatzah mosenkawaseh, yeka kiihtoheh mochiwas san se weyi tlasentilistli. Ni tlasentilistli axkualli elki, yeka mochihihi seyok yankuik wan onkak tlaphepenalistli a Cortes (ni kiihtosneki kampa kalaktoyah tekiwameh tlen noblezatlakameh, clerotlakameh wan chinankotlakameh), nochimeh inihuantih mokuanehnemilihkeh kenihkatzah elis yankuik tlanawatilistli ipan imperio kemah axkanah itztos nelrey.

Ihkatzah novohispanotlakameh kiihtohtoyah kena kitlepanittaseh Fernando VII, ne ayuntamiento tlen Mexko wan sekinokeh tlen imperio, kiihtoheh pampa ax itztok rey namah tlanawatis ne reino, wan monekiyaya mosentiliseh nochimeh ayuntamientos wan kichiwaseh seyok tlanawatilli. Ne virrey José de Iturrigaray kiihtoheh kena, pero sekinokeh tlen tlatzkitoyayah ipan real acuerdo (kampa tlanawatiyaya ne virrey) kiihtoheh axkanah pampa welis nochiwas independencia. Sekih kineltokayayah ni tlamantli, pampa moihliyyah ne reino kipiaya miak tomih wan welis kinmakas wan kualli itztoseh, pero achi miyakeh kinekiyayah nel nelia moxitomaseh pampa nopa eliyaya se xitlawalistli.

Kehnopa panok wan kemah nopa reino kinekiyaya kichiwas seyok nechikolistli iwikal ken península, sekih burócratatlakameh

wan tlanamakanih kikualtlalkeh se golpe de Estado. Ipan tlahoyowal tlen 15 tlen septiembre tlen 1808, 300 tlakameh tlen kinnawatiyayah ne ricotlakatl Gabriel de Yermo kalahkeh ipan palacio wan kiitzkihkeh virrey waya iteixmatkawa. Nohkia kinitzkihkeh tlanawatiyanih tlen ayuntamiento. Nohkia ipan kalli kampa mosentiliyayah moihtowayaya namah elis virrey se militartlakatl tlen nel piltetatzih. Nopa golpe ax kitlepanittayaya xitlawalistli wan motekiwiyyaya tlatewilistli. Nochi tlen kichihkeh peninsulartlakameh kinyolpachkih criollotlakameh wan inihuantih pehkeh mononotzah kemah ax kinittayayah, nochi ni panok kemah tlawaktoya wan ax onkayayah xinachmeh. Ipan nechikolistli tlen Sevilla kiihtohkeh elis virrey ne arzobispo Francisco Xavier Lizana, wan teipah kiski tlen achtowi conspiración ipan Valladolid. Ax wahkahki kixoxoletzkeh, pero ne arzobispo-virrey san kintotokak ahkia inihuantih kalaktayah. Nopa conspiración asitoyaya ipan Querétaro, kampa miak ohtli moixnamikiyayah. Ipan icha tlen corregidortlakameh Miguel wan Josefa Domínguez mochiwayayah “tertulias literarias” kampa asiyayah capitantlakameh Ignacio Allende wan Juan Aldama, sekih sacerdotetlakameh, tlanamakanih wan cura tlen Dolores, Miguel Hidalgo, se tlakatl tlen tlamatiyaya wan eliyaya exrector tlen Colegio tlen San Nicolás tlen Valladolid. Tlen motlatinemiyayah kinekiyayah kipewaltiseh se tlatewilistli ipan diciembre, kemah nohkia mochiwayaya feria tlen San Juan tlen los Lagos, pero kintlateilihkeh, wan yeka Allende, Aldama wan Hidalgo pehkeh tlatewiyah. 16 tlen septiembre eliyaya domingo, onkayaya misa, wan kemah mosentiltayah feligrestlakameh kinilihki ma momanawikah wan ma kintewikah axkualli tlanawatiyanih. Peontlakameh, tlaltekitinih wan artesanotlakameh, waya ininsiawawah wan ininkonewah, kiitzkihkeh wapalmeh, tlen ika tekitiyayah, wan kitokilihkeh ne cura.

Nopa yowalli, tlen tlatewiyayah tlatlankeh ipan San Miguel el Grande wan teipah ipan Celaya, nochimeh kitokaxtikhkeh generalísimo ne Hidalgo wan teniente general ne Allende. Ipan santuario tlen Atotonilco, Hidalgo kinmakak tlatewiyanih tlen

achtowi bandera: se ixkopinkayotl tlen tonantzih Guadalupe. Ome semana teipah, insurgentetlakameh echkaya kalakiskiah ipan altepetl tlen Guanajuato. Hidalgo kiihlihki ne intendente Juan Antonio Riaño ma ayohkana tlatewi, ax kinehki wan mokaltzahki ipan alhóndiga tlen Granaditas waya ricotlakameh wan itomih. Hidalgo kiihtohki ma tlatewikah, wahkahki nopa tlatewilistli wan tlatlankeh, teipah tlatewiyanih kalahkeh ipan alhóndiga wan fiero kinmiktihkeh nochimeh, Hidalgo wan Allende axtlen welkeh kichiwah. Tlen nopa panok sekinokeh ax kikualittakeh wan yeka wahkahki para tlatlankeh.

Ipan nopa tonatih asitohyaya ipan altepetl se convocatoria para kinpehpenaseh 17 diputadotlakameh tlen kiyekanaseh Yankuik Xaxtillan ipan Cortes de Cádiz, nopa tlamantli ax kikualittakeh miyakeh. Kipatlak arzobispo ne Francisco Xavier Venegas, tlen elki virrey se ome tonatih achtowi kemah pehki tlatewilistli, ya pehki tlatewiya ihkatzah ax momatliyaya ipan reino. Nimah kiihlihki ne general Félix María Calleja ma yowi kampa Mexko wan ma kikuiti tonantzih tlen Remedios ipan ne altepetl.

Ihkatzah onkayaya temahmatilli, nopa tlatewilistli mosemoyahki ipan nochi novohispano tlalli. José María Morelos, cura tlen Carácuaro, moixtlalito waya Miguel Hidalgo wan ya kinawatihki ma tlatewiti Acapulco. José Antonio Torres tlatewito Guadalajara wan kehni mochihi ipan miyakeh altepemeh. Nopa Manuel Abad y Queipo, tlen eliyaya obispo electo tlen Valladolid, kinekiyaya ma ax onkah kuantantli wan nopa novohispanotlakameh ma kualli itztokah, ya ax kikualittayaya tlatewilistli wan kitotokak Hidalgo. Kemah kimatki insurgentetlakameh nehnemiyayah asitih Valladolid, ya cholohki wan tekiwameh kiihtohkeh ma panokah pampa ax kinekiyayah ma kinmiktikah iwikal ken Guanajuato wan nopa tlaneltokillitlanawatiyanih sampa kiselihkeh ne don Miguel.

Kemah tlamitia octubre, tlatewiyanih tlen Hidalgo itztoyah ipan las Cruces tepetl, ehkatzih ne Mexko altepetl, ipan tonatih 30 tlen octubre nochimeh tlakameh tlatewihkeh wan kintlanihkeh

se mil realistas criollotlakameh. Altepētl moyolpitzahki. Hidalgo kinekiyaya mononotzas waya virrey wan teipah kinihlihi nochimeh ma mokuepakah, ax tihmati kenke: ¿pampa ax kipalewihkeh masewalchinankomeh tlen valle tlen Toluca? ¿Motemahmatihtoya ika tlen kichihki ipan Guanajuato? ¿Moihliyaya kitlaniseh tlatewiyanih tlen Calleja? Teipah ayohkana tlatlanki kemah tlatewiyaya, se ome tonatih teipah insurgentetlakameh tlatewihkeh waya realistatlatewiyanih ipan Aculco wan ax tlatlankeh. Allende, mosisinihi pampa Hidalgo ayohkana kualli tlanawatiyaya, teipah yahki Guanajuato, wan cura kiitzkihki ohtli Guadalajara.

Ipan altepētl ika pakilistli kiselihkeh Hidalgo. Ya asito ika weyi tokayotl tlen alteza serenísima, moihlihi kenihkatzah tlanawatis, kiihtohki ma mosemoyawa nopa tlatewilistli, kiihtohki ma mochiwa nopa periódico itokah *El Despertador Americano*, kiihtohki ayohkana onkas esclavitud, masewalmeh ayohkana tlaxtlawaseh wan weliseh tlanamakaseh, wan kiihtohki comuntlalli san masewalmeh kintekiwiseh. Nohkia tlanawatihki ma kinmiktikah kaxtiltekameh tlen kintzaktayah. Ax wahkahki Allende sampa mokuepki, pampa ayohkana welki tlatlanki, nohkia tlatewiyanih tlen Calleja wan tlen José de la Cruz, tlen onasitohya tlen Xaxtillan, nehnemiyayah asitih Guadalajara. Ihkatzah moihliyaya axkualli momanawiseh, Allende kiihtohki moneki tlatewiseh. Wan nochi axkualli elito, ipan 17 tlen enero tlen 1811 ipan puente tlen Calderón, 5 000 realistas kintlankeh 90 000 insurgentetlakameh.

Tlanawatiyanih tlen insurgentetlakameh cholohkeh wan teipah yahkeh ipan norte kitemotoh norteamericana tlapalewilistli. Ipan hacienda tlen Pabellón, Allende waya Aldama kikixtilihkeh kuatopilli Hidalgo, wan ipan Saltillo mosenkahkeh Ignacio López Rayón ya kiyekanas tlatewilistli. Teipah onkak se tlakakayawalistli tlen ika kinitzkihkeh Allende, Aldama, Hidalgo wan José Mariano Jiménez, teipah kinwikakeh Chihuahua kampa kintzahkeh. Hidalgo kiihtohki kena kipiaya tlatlakolli pampa onkak tlatewilistli wan ya tlanawatihki ma kinmiktikah kaxtiltekameh “ihkatzah ax weliyayah momanawiseh”. Inintzontekoh tlen nopa nawi

tlanawatiyanih kintitlankeh Guanajuato, motlalkeh ipan nawi esquinas tlen alhóndiga de Granaditas, tlatewilstli chikawak kimakiltoyaya ne virreinato wan melawak pa nimah mikiskia, kitlapanki tlanawatilistli colonialyotl wan nohkia kimakilki ne economía wan administración fiscal.

Ihkinoh, ne Cortes tlen Xaxtillan mosentiliyayah ipan Cádiz, pampa kinekiyayah kiyankuiliseh tlanawatilli pampa ax itztoya nopa rey. Nochi tlamanli tlen panoyaya ipan Cortes tlen península kimatiyayah novohispanotlakameh wan mokuanehnemiliyayah. Miak sasanilli onkak wan mochihi Amatlanawatilli tlen 1812, tlen monextihki ipan Mexko ipan septiembre. Ika ni yankuik weyi amatlanawatilli motlaliyaya se monarquía constitucional, tlen kipiaya miak pamitl, ayohkana onkas tlaxtlawalistli, onkas masewaltlanawatiyanih (chikuase ipan Yankuik Xaxtillan) wan ayuntamientos constitucionales ipan nochi altepetl kampa itztoseh se mil tlakameh, ika yani monekiyaya ma nochimeh kualli itztokah, ma ayohkana onkah kualantli, ma ayohkana onkah temahmatilli, wan ma momanawikah. Ayohkana onkayayah virreyes, san políticotlanawatiyanih. Criollotlakameh kikualittayayah nopa yankuik amatlanawatilli pampa nopayo moihkuilohtoya inihuantih kipiah xitlawalistli, pero inihuantih temikiyayah nel nelia moxitomaskiah.

Americanotlakameh kitekiwihkeh xitlawalistli tlen sasanilli para kiihkuiloseh itlahlamikilis ipan periódicos wan ipan sekih pilamatzitzi, Venegas kitzahki nochi yaino. Nohkia Calleja tlatewiyaya waya insurgentetlakameh wan kintlanki, yeka kitokaxtihkeh políticotlanawatihketl, wan kipatlak Venegas. Calleja kisemoyahki amatlanawatilli para ma ayohkana onkah tlatewilstli, wan teipah kixoxoletzki kemah elki weyi tlanawatihketl Fernando VII ipan 1814, pampa kitzakuiliyaya. Kehni, novohispanotlakameh kentzih kimachilihkeh wan kikuamachilihkeh tlen kiihtosneki eliseh ciudadanos.

Rayón kinyekanayayah insurgentetlakameh, wan kitlalki se Suprema Junta Gubernativa tlen América. Tlakameh tlen

“Guadalupes” kinpalewiyayah insurgentetlakameh, kintitlaniliyayah tomih, tlahlamikilisti wan chikawalistli, teipah Calleja ax wahkahki kintotokak ne Zitácuaro. Ipan nopa kawitl onpankisayaya seyok tlatewihketl itokah cura Morelos. Ya eliyaya se arriero wan kualli kiixmatiyaya nochi ohtli wan tlakameh, ya kikualtlalki se nechikolistli tlen tlatewiyanih, axkanah miyakeh eliyayah, peroh nel kualli tlatewiyayah, nopa tlakatl tlawel tlahlamikiyaya wan miak tlamantli kichiwayaya. Tlatewiyaya waya Hermenegildo Galeana, wan Mariano Matamoros, iwampoyowah tlen tlawel kinikneliyayah, wan nohkia kitokiliyayah Nicolás Bravo, Manuel Mier y Terán, Guadalupe Victoria wan Vicente Guerrero, yeka tlatlanki ipan Chilpancingo, Tixtla, Chilapa, Taxco, Izúcar wan Cuautla. Nikah tlatewihki waya Calleja wan tlaihyowihki ome metztli, ika owi cholohki. Insurgentetlakameh tlatewiyayah wan san kampa weli tlatlankeh, yeka Morelos kiihtohki moneki mochiwas se nechikolistli tlen tlanawatiyanih wan mosenkawaseh. Nopa nechikolistli pehki ipan 14 tlen septiembre tlen 1813 ipan Chilpancingo kemah mopohki nopa “Sentimientos a la Nación”, kampa Morelos kiihtohki América tlalli ax kiilpitokeh, tlakameh inihuantih tlanawatisesh wan tlanawatilistli moxolewas ika eyi pamitl, onkas tlanawatilistli wan tlapalewilistli para nochimeh. Teipah kemah kiwasanihkeh xitlawalistli tlen independencia, nopa nechikolistli tlen tlanawatiyanih kimakak kuatopilli tlen ejecutivo ne Morelos, kitokaxtihkeh Siervo de la Nación. Nopa weyi amatlanawatilli kiihkuilohki nechikolistli tlen tlanawatiyanih wan moitzkitohya waya amatlanawatilli tlen Kaxtillan tlen 1812, monextihki ipan Apatzingán ipan 22 tlen octubre tlen 1814. Nechikolistli tlen tlanawatiyanih teipah ax kitlepanittakeh Morelos wan kikixtilihkeh nochi. Tlatewilistli nohka yoltaya; Morelos tlatlanki ipan Acapulco, kipolki ipan Valladolid, wan kiitzkihkeh ipan 5 tlen noviembre tlen 1815; teipah kitzahkeh wan kimiktihkeh ipan 22 tlen diciembre ipan San Cristóbal Ecatepec.

Ipan nopa kawitl ipan reino onkayaya miak kuesolli pampa wahkahkia tlatewiyaya. Ax onkayaya tomih. Insurgentetlakameh

ipan miak chinankomeh wan altepemehtlatlantohyah, yeka axkualli eltoya nochi. Tlen moyolchikahkeh wan moricotihkeh elihkeh nopa tlanawatiyanihtlen tlatewiyaniht—insurgentetlakameh wan realistatlakameh— san inihuantih moyolchikahkeh. Ipan Yankuik Kaxtillan nesiyya ayohkana onkah kualantli, kaxtilantlanawatiyanihtmoihlihkeh ayohkana kualli tlatewiseh wan monekiyaya moikneliseh. Juan Ruiz Apodaca kitokaxtihkeh virrey ipan 1816 wan nimah kiihtohki ya kinpalewis insurgentetlakameh, sekinokeh kiihtohkeh kena. Nesiyya nochi kualli eltok, wan ipan 1817 padre Servando Teresa de Mier wan kaxtiltlakatli Francisco Xavier Mina sampa kinehkeh tlatewiseh wan moxitomaseh, axtlen panok. Ika 300 tomitlaniyaniht, Mina kalahki ipan Bajío, pero kitlanihkeh realistlatewiyaniht wan nohkia kimiktihkeh ipan 11 tlen noviembre tlen nopa xiwitl. Mier ya kitzahkeh ipan San Juan de Ulúa.

Axaka kinekiyaya kitlepanittas corona pampa axkualli tlanawatiyya, wan ipan enero tlen 1820 onkak se weyi kotontli para welis mochiwas independencia. Ipan península, tlatewihketl Rafael de Riego kiihtowayaya ma sampa motlali Amatlanawatilli tlen 1812, wan ma motlali nimah ipan enero wan ma kiihto nopa rey kena kitlepanittas, kena kehnopa mochihihi wan kinnonotzkeh nochimeh pampa onkas tlaphepenalistli a Cortes.

Ipan nopa kawitl nochimeh tlawel siatokeh eliyayah, ipan Yankui Kaxtillan nochi mopatlatoya wan nohkia peninsulartlakameh kinekiyayah ma onkah independencia, nochimeh yaino kinekiyayah. Weyi tlanawatiyanihtlen tlatewiyanihtwan iglesiatlanawatiyanihtnohkia kinekiyayah, pampa moihliyah nopa yankuik Cortes kinkixtilis ichikawalis. Sekinokeh nechikolistli kinekiyayah seyok amatlanawatilli tlen reino, wan sekinokeh kinekiyayah ma motlali se república. Pampa motlalki nopa yankuik tlanawatilli kinxitonkeh nochimeh insurgentetlakameh tlen kintzaktoyah wan sampa nochimeh tlakameh wan siwameh welkeh mononotzah wan pankiskeh miyakeh amochmeh wan amameh. Nohkia onkak tlasentilistli para kinphepenaseh diputados a Cortes, diputados

tlen chinankomeh wan ayuntamientos constitucionales, ika yaini sampa mokualanikkeh.

Kemah nochi kehni tlaeltoya realislakameh kiihtohkeh ma sampa tlatewikah wan moxitomakah. Yaino kinekiyaya kichiwas Agustín de Iturbide, se criollotlakatl tlen tlakatki ipan Valladolid, kinekiyaya ma moxitomakah wan ma ax onkah tlatewilistli. Ipan 1815 kiihtohki ya kimati kenihki weliskiah moxitomaseh, monekiyaya sansehko tlatewiseh ome americanechikolistli tlen tlatewiyanih. Nopa Agustín axkemah kipoltoya yon se tlatewilistli, san se weltah kitlateilikkeh wan mokotonki nochi iteki wan yeka ayok tlen kichihki. Ya miak tlatewihtoya wan tlawel mokuanehnemiliyaya nochi tlen panoyaya, ni tlakatli nohkia kinixmatiyaya miyakeh tlakameh wan kualli waya mowikayaya novohispanotlakameh, nochi ni tlamantli mokuanehnemiliyaya wan moihliyaya kenihkatzah moxitomaseh wan axkanah tlatewiseh. Pampa kualli iteki wan itlahlamikilis sekinokeh tlakameh tlen ax kinekiyayah amatlanawatilli monechkawitoh, pero nopa tlakatli ax kinahki tekitis san waya inihuantih pampa ya kinekiyaya tekitis waya nochimeh. Teipah Apodaca kiihlihki kimakas kuatopilli wan ya tlayekanas ipan sur wan welis kimapachos Guerrero, Iturbide moihlihki tlawel kualli nopa tlamantli wan yeka nohkia kinyolmelahki novohispanotlakameh tlen tlanawatiyayah wan yowiyayah Kaxtillan.

Iturbide moihliyaya kena kitlanis Guerrero, pero axkanah welki kichiwa wan yeka kiihlihki ma tlatewikah sansehko. Guerrero nohkia moihliyaya itztok iselti wan monekiyaya ni tlamantli: weliskiah moxitomaseh tlan tlatewiskiah waya se realistatlanawatihketl. Achtowi axkanah nel kineltokayaya pampa wahkakia waya motewihki, pero nopa Iturbide kiihlihki kimakas miak tlamantli wan kehnopa kiihtohki kena, yeka kinihlihki nochimeh tlatewiyanih namah ya kinyekanas wan ma kitokaxtikah “weyi tlanawatihketl tlen nacionaltlatewiyanih”.

Iturbide kinekiyaya ma nochimeh kineltokilikah, yeka kiihtohki onkas eyi garantías: tlaneltokilli, tlapalewilistli wan

independencia, nochi ni eltoya ipan empeños criollos tlen 1808 wan tlen insurgentetlakameh; tlen tlapalewistli kinekiyaya kinyolsewis peninsulartlakameh. Ipan 24 tlen febrero tlen 1821, ipan Iguala, mochihi seyok amatekitl. Kintitlanilihkeh amameh ne rey, nochimeh tlamokuitlawiyanih wan nochimeh realstatlanawatiyanih wan insurgentetlanawatiyanih. Nopa amatekitl ika pakilistli kiselihkeh tlakameh wan tlatewiyanih, san axkanah kikualittakeh weyi peninsulartlanawatiyanih.

Ipan nopa kawitl kemah nochi yaino panoyaya, ipan Madrid, novohispanotlanawatiyanih kisewihkeh se liberaltlakatl itokah Juan de O'Donojú ya elis weyi tlayekanketl tlen Yankuik Kaxtillan. Nohkia kikualtlalihkeh se amatekitl tlen federalista ipan junio tlen 1821, pero ax kikualittakeh wan axkanah kiselihkeh, yeka yahkeh. O'Donojú asiko Veracruz ipan julio, kemah tlatewistli tlen Iguala mosemoyatoyaya ipan nochi virreinato, kehnopa moihlihi axaka kiketzas nopa independencia. Yeka kinyolmelahki altepetlanawatiyanih axtlen welis kichiwas: "tohuanth timachiltokeh ya tlen pano kemah nochimeh tlakameh kinekih independencia". Teipah kinehki mononotzas waya Iturbide, inihuanth kiwasanihkeh amatlanatawilli tlen itokah Tratados de Córdoba kampa moihkuilohtoya independencia wan pewalistli tlen Imperio Mexicano, nohkia moihkuilohtoya nopayo nohka moitzkitok waya Kaxtillan pampa kiyekanayaya se tlakatl tlen dinastíatlanawatiyanih. Nimah, O'Donojú kinehki ma nopa tlatewiyanih tlen itztayah ipan altepetl ma ayohkana tlatewikah, ma kinmalakanikah inintepos, wan kehnopa ipan 27 tlen septiembre tlen 1821 ipan nopa altepetl kinselihkeh ika xochiwitolli wan ika miak pakilistli ne tlatewihketl Iturbide, Guerrero wan Ejército Trigarante. Ika nehnemilli, tlatopontli wan wikalistli nochimeh yolphakeh pampa welki mochiwa independencia, ihkatzah momatiyaya nohka onkayaya kualantli waya realistlakameh wan insurgentetlakameh.

MOYANKUICHIHKI ESTADO MEXICANO

Tlatewilstli wan Amatlanawatilli tlen 1812 kichihtoyah ma onkah miak kualantli ipan Yankuik Kaxtillan, kipiaya miak tlalli pero ax onkayayah miyakeh tlakameh, wan ipan norte walayaya expansionismo tlen Estados Unidos. Ihkatzah onkayaya miak kualantli, axkanah sansehko tekitiyayah, mokualaniyayah, tlawikayayah miak tomih 45 millones tlen pesos wan ax onkakayah kualli tlanawatiyanih, nopa altepetl moyankuichiwayaya. Nopa tlakatl O'Donojú ya tlapalewiya para moyankuichiwas Estado, pero mihki ipan octubre wan ayohkana welki tlapalewia, tlawel kualli tlayekanketl eliyaya. Kehni, kemah tlanki ilhwitl, nopa altepetl miak tekittl kipiaya, monekiyaya kitlamokuitlawis nochi tlalli, kitlalanas tomih, kinihlis nochimeh tlakameh wan siwameh ma kitlepanittakah wan nohkia kichiwas ma kitlepanittakah nochimeh altepemeh tlen tlaltipaktli para kualli mowikaseh.

Iturbide kichihki se yankuik nechikolistli itokah Junta Provisional Gubernativa waya sekih iwampoyowah pero ax onkayayah insurgentetlakameh, nohkia waya makuilli tlakameh tlen kiskeh ipan tlasentilistli. Iturbide, eliyaya tlanawatihketl, wan pa nimah kiihtohki moneki mosentiliseh wan kiittaseh ahkia inihuantih eliseh tlanawatiyanih diputados para ne nacionalnechikolistli kampa moihtuilos amatlanawatilli tlen imperio, pero ax kitlepanittayaya amatlanawatilli tlen 1810 para kintlaliseh diputados a Cortes, yeka moihtihki san se ome tlanawatiyanih eliseh. Kehnopa kintlalihkeh diputados, wan nopa nechikolistli pehki tekitti ipan 24 tlen febrero tlen 1822. Ipan nopa tonatih momatki ne capitania tlen Guatemala ininwaya tlatzkis pampa ax kipiaya tomih wan kitemoyaya kanih momanawis; nohkia momatki seyok tlamantli tlen axkualli: nopa Cortes ax kintlepanittayaya Tratados de Córdoba. Pa nimah monarquistatlakameh pehkeh mokualaniyah waya tlen kinekiyayah kisewiseh Iturbide.

Nochi owi eliyaya. Motemowihki tlaxtlawalistli wan ika owi motlalanayaya tomih, sekinokeh nohkia moihtiyayah pampa

moxitonkeh ayohkana tlaxtlawaseh yontle, ax onkayaya tomih. Tlawel monekiyaya tlapalewilstli para kintlaxtlawaseh tekitinih wan tlamokuitlawiyanih, yeka monekiyaya monechikoseh wan kiittaseh kenihkatzah kikualtlaliseh nochi kualantli tlen onkayayah, wan nohkia monekiyaya kiihkuiloseh amatlanawatilli, yeka ika owi mochihi. Iturbide nohkia ax welki kikualtlalia nopa kualantli wan motewihki waya tlanawatiyanih congresistas, wan kiihtohki ayohkana tekitis. Miyakeh kitlepanittayayah wan ax kinekiyayah ma yowi, yeka nopa sargento Pío Marcha kinihlihki tlawewiyanih Celaya ma yakah moahomanatih ipan yowalli tlen 18 tlen mayo wan ma kuatatzikah “¡Viva Agustín I, tlayekanketl tlen Mexko!”. Nochimeh tlakameh wan siwameh kikualittakeh ni tlamantli wan nohkia kiihtohkeh monekiyaya mononotzaseh tlanawatiyanih tlen yaino. Tlanawatiyanih kiihtohkeh kenah wan mosentilihkeh ipan nopa yowalli wan pa nimah kiihtohkeh ya elis tlen tlanawatis.

Insurgentetlakameh republicanos mosisiniyayah wan ax kinekiyayah kiittaseh, ihkatzah kehni Iturbide mosewihki ipan 21 tlen julio, pero ax kipiaya miak chikawalistli ken eliyaya tlanawatihketl tlen regencia. Asiko Mier tlawel kualantok, teipah kemah kimalakankeh ne San Juan de Ulúa, wan pehki mosentilih waya sekinokeh kemah ax kinittayayah. Tlayekanketl kintzahkih tlen ax kitlepanittayayah, wan teipah mochihi se weyi kualantli ika yaino wan tlanawatiyanih diputados kiihlihkeh ma kixoxoletza nopa nechikolistli. Wan moxoxoletzki ipan 21 tlen octubre, Iturbide kipatlak ika seyok itokah nacionalnechikolistli instituyente, tlen kiski ipan yaya nechikolistli.

Ni tlamantli wan nohkia pampa onkayaya temahmatilli ipan chinankomeh pampa moihtowayaya Iturbide ayohkana kualli tlanawatiyaya, wan pampa miak tlawikayaya, nochi yaino kitekiwihki se telpokatl brigadier itokah Antonio López de Santa Anna para moketzas. Ipan 2 tlen diciembre tlen 1822, ipan Veracruz, ax kitlepanittak Iturbide, kiihtohki sampa ma motlali congresonechikolistli wan se republicanonechikolistli tlen tlanawatis. Nopa amatekitl ax miyakeh kikualittakeh, pero

kena kikualittakeh nechikolismeh tlen motlatinemiyayah wan masónicas, teipah mosentilihkeh waya tlatewiyanih, wan ipan 2 tlen febrero tlen 1823 kikixtihkeh amatekitl Plan de Casa Mata. Ika yaini kinekiyayah kitlaliseh se *yankuik* nechikolistli, wan pampa kitlepanittayayah tlanawatiyanih tlen chinankomeh, miyakeh kikualittakeh. Iturbide moihlihki ax onkah kualantli ika ya, yeka sampa kikualtlalki nechikolistli tlen moxoletoyaya. Pero teipah onkak miak kualantli, wan yeka kiihtohki ayohkana tlanawatis ipan 22, wan ipan 11 tlen mayo choltehi waya nochimeh iteixmatkawa wan yahki Italia. Nechikolistli kiihtohki imperio axkanah ipatih, wan nohkia kiihtohki Iturbide ax welis mokuepas ipan nopa tlalli. Ipan se tlanawatilli tlen 1824 moihkuilohki tlan Iturbide kinekiskia mokuepas ma kimiktika.

Nechikolistli tlen político monárquico axkualli elki, wan ipan altepetl ax onkayaya ahkia tlanawatis. Nechikolistli tlen sampa motlalki san ya tlanawatiyaya wan ipan 31 tlen marzo kitokaxtihki se triunvirato kampa itztoyah Pedro Celestino Negrete, Guadalupe Victoria wan Nicolás Bravo inihuantih eliskiah Supremo Poder Ejecutivo. Tlanawatiyanih tlen chinankomeh wan tlatewiyanih ax kintlepanittakeh wan inihuantih kiihtohkeh ma sampa mochiwa se *yankuik* nechikolistli, ika Plan de Casa Mata.

Centroamérica tlalli, ipan virreinal kawitl iselti monawatiyaya, wan kehnopa elki teipah, pero Guadalajara, Oaxaca, Yucatán wan Zacatecas kiihtohkeh inihuantih axaka kinnawatis, nesiyya nochi moxolewas. Tlanawatiyanih kitokaxtihkeh Lucas Alamán tlanawatihketl tlen Relaciones, ya ax kinekiyaya ma moxolewa tlalli wan yeka kintitlanki miyakeh tlatewiyanih ma yakah ipan Guadalajara pampa nepa ax kinekiyaya tlatlepanittaseh. Tlanawatiyanih tlen nikah wan tlen Zacatecas kiihtohkeh kena tlatlepanittaseh pero monekiyaya se *yankuik* nechikolistli tlen federación. Tlanawatiyanih ax kinekiyaya kichiwaseh yaino, pero motemahmatiyayah pampa moihliyyah moxolewas nopa tlalli ken virreinos meridionales, wan ihkinoh mokuanehnmilihkeh

wan kiihtohkeh kena mosentiliseh wan kichiwaseh se constituyentenechikolistli.

Tlen yankuik nechikolistli pehki tekiti ipan noviembre tlen 1823 nopayo kalaktoyah miyakeh federalistatlakameh. Kehnopa ipan se amatlanawatilli tlen 31 tlen enero tlen 1824 moyankuichihki *Estados Unidos Mexicanos*, wan teipah ika miak sanilistli, ipan septiembre kikualtlalihkeh amatlahkuilolli tlen Amatlanawatilli tlen 1824, tlen nochimeh kitlepanittakeh ipan octubre. Nopayo moihtuikohki onkas se república representativa, tlen chinankomeh wan altepeme kampa eltoseh 19 estados, nawi tlalli wan se Distrito Federal; tlaneltokilli tlen Estado elis católica, ax onkas seyok, wan nochi tlanawatilli moxolewas ipan eyi pamitl, tlen tlayekanas elis tlen legislativo. Ejecutivo mokahki ininmakoh ne tlanawatihketl wan vicepresidente, wan tlen judicial mokahki ininmakoh tlen tribunales wan se Suprema Corte de Justicia. Mokahki kenihkatzah kintlaliseh tlanawatiyanih iwikal ken kaxtiltlanawatilli. Nopa tlamantli kiihtosneki nochimeh tlakameh kintlaliyayah ahkia inihuantih tlanawatisesh. Tlayekanketl tlen república kitlaliyayah legislaturas estatales. Ni tlanawatilli mokualtlalki se kentzih ken tlen Estados Unidos, pero tlen nel ipatih elki tlen 1812.

Chinankomeh kiihtohkeh nopa mexkofederalismo ma mochiwa ika chikawalistli ken tlen norteamericano, pampa federaltlanawatiyanih ax weliyaya nel kinnawatis nochimeh tlakameh wan siwameh. Kena tlanawatiyaya sekinok tlamantli ken tlawikalistli, tlen kenihkatzah momanawiseh wan kualli tekitiseh waya sekinokeh altepeme, para welis mochiwas yaino kinnawatis estados ma tlaxtlawakah se kentzih —san se ome tlaxtlahkeh—, nohkia kitlalanah tomih tlen aduanas wan tlen seyok kampa ax onkayaya miak tomih.

Nopa tlanawatilli tlen ejecutivo kinpalewihki ne exinsurgentetlakameh Guadalupe Victoria wan Nicolás Bravo pampa asitoh presidencia wan vicepresidencia. Ika pakilistli kinmakakeh kuatopilli, pampa nochimeh moihtliyayah kualli tekitiseh wan motlalanah altepetl. Pero nohkia onkayaya miak

kualantli ipan altepetl: miak tlawikayaya, ax tekitiyayah sansehko, monekiyaya tomih wan kitlepanittaseh sekinokeh altepemeh. Nopa imperio san kitlepanittayayah Gran Colombia, Perú, Chile wan Estados Unidos, pero poliwiyya tlatlepanittalistli tlen Gran Bretaña, pampa ya kipiaya miak tomih wan chikawalistli, wan kipalewiskia tlan sampa kinekiskia kitewiseh wan kimapachoseh. Wan Gran Bretaña ya kinekiyaya tomih tlen plata wan mexkotlanamakalistli, ipan 1825 kiihtohki kena nel kitlepanittas wan ipan 1826 kiwasanki se amatl kampa moihkuilohki kualli mowikaseh wan motlakowiliseh wan motlanamakaseh. Achtowi ken mochihihi ni tlamantli inglestomiahkokuinyanih kitlanetihkeh tomih ome weltah. Nopa tomih motekiwihihi para ma kualli tekitikah tlanawatiyanihi wan para kintotokaseh kaxtiltekameh tlen nohka itztoyah ipan San Juan de Ulúa, pampa san nopayo itztoyah se keske. Teipah altepetl ax welki tlahtlahki nopa tomih tlen kitlanetihke, wan teipah ya tlahtlahki miak intereses, ayohkana kitlanetihkeh wan tlanawatiyanihi monekiyaya tlahtlawaseh teipah.

Kemah mochihihi independencia welki mochiwa nohkia tlanamakalistli wan pehki asikoh europeotlanamakanih wan norteamericanotlanamakanih. Ax weliyaya mochiwa tlanamakalistli ipan achtowi xiwimeh pampa ax onkayaya tomih, axkualli ohtli onkayayah, tlahtekinihi nehnemiyayah, arrierotlakameh patiyo tlaniyayah wan ax onkayaya se kualli moneda. Iturbide kikixtihki amamoneda, pero ax patiyo elki teipah wan wetzki. Kehnopa, teipah mopatlak ika libranzas wan kualli motekiwiyyayah. Ipan 1829 pehki motekiwiya tomih moneda tlen cobre para mochiwas tlanamakalistli, pero teipah tlahtekinihi nohkia kinchichihkeh tlen axkualli, yeka sampa kinkixtihkeh ipan 1841, ika yaino miak tomih kipolki ne hacienda pública.

Ax wahahki miyakeh kiihtohkeh tlanamakalistli axkualli eltok pampa onkayayah miak kualantli, wan nopa industrialización tlen petoyaya ipan XVIII xiwilpilli nohkia axkanah kualli yowiyaya. Ihkatza kehni eltoya, asiyyah wehweyi paquebotes tlen miyak tlamantli kiwalikayayah tlen Europa wan Estados Unidos, yaini

kentzih kiyolchikahki tlanamakalistli. Británicotlakameh ax wahkahki inihuantih tlanawatiyayah tlen tlanamakalistli tlen manta, hilazas, teposmeh wan miak tlamantli, wan francéstlanamakanih inihuantih tlanamakayayah tlamantli tlen kitekiwiyyayah ricotlakameh. Ipan tlanawatilli tlen tlanamakalistli moihkuilohki san mexkoewanih tlanamakaseh tlen pilkentzih, pero ax welki mochiwa ma ax kalakikah francestlakameh wan kaxtilantlakameh, yeka onkak miak kualantli wan tlanawatiyanih kiihtohkeh ayohkana kualli ni tlawatilli ipan 1842. Nohkia onkak kualantli waya tlanawatiyanih, pampa sekinokeh tlanamakanih nohkia eliyayah consultlanawatiyanih noso vicecónsultlanawatiyanih ipan ininaltepeh, wan tlawel mokalakiyayah, ni panoyaya ipan Veracruz wan Tampico, pampa inihuantih kinekiyayah kitlaniseh miak tomih. Tlamantli tlen kinamakayayah mexkotlanamakanih eliyaya plata, wan nohkia palo de tinte, añil, vainilla, cochinilla, henequén wan tzopelik tlen owatl. Nochi ni tlanamakalistli mochiwayaya ipan Veracruz, Tampico, Matamoros, Campeche, Sisal, Mazatlán, Guaymas wan San Blas, wan owi eliyaya pampa nohkia tlachtekiyaya. Sekih ohtli tlen ipan norte, tlen Santa Fe, Chihuahua wan Texas waya Estados Unidos, nel kualli eliyayah pampa yehyektzih mochiwayaya nochi tlanamakalistli, se tlamantli tlen axkualli elki ne vecino tlen norte ya teipah melawak kinekiskia kikixtilis itomih wan itlal.

Ihkatzah onkayaya miak kualantli wan ax onkayaya tomih, tlaihlamikilistli tlen Iustre novohispano, nochi tlamantli tlen pehki kemah kipanextihki iamoch Alejandro de Humboldt wan nohkia ika mexkoplata welki mochihi ma asi tomih tlen británicotlakameh wan alemantlakameh para mochiwas minatekitl. Ihkatzah asiyya tomih wan kalakiko tepostli tlen máquina de vapor, ax welki motlalana tlanamakalistli, san tlahko eltoya. San ipan Zacatecas kena nochi kualli yowiyaya, para moyolchikahki minatekitl ika owi elki, ihkatzah nochi yaino panoyaya welki kinamaka 15 millones tlen pesos tlen plata ipan se xiwitl, wan seyok kentzih tlen tlachtekilistli.

Tlaltekítl nohkia axkualli eltoya pampa ax onkayayah tekítnih, tlachtekiyayah wan patiyó eliyaya transporte, yeka nohkia wahkahki motlalanki. Haciendameh eltoyayah ininmakoh tlen criollotlakameh wan ininaxkah kichiwayayah nohkia seyok tekítl wan kehnopa kitlaniseh tomih tlen ika mopalewiseh. Onkayaya nohkia azúcar tlen owatl, kafeh noso henequén tlen kinamakayaya, yeka weyi haciendameh kalakiyayah ipan inintlal tlen masewalchinankomeh, yaino kichihki ma onkah tlatewilistli.

Nohkia ax welki mochiwa ferrocarriltemiktli pampa ax onkayaya tomih, wan monekiyaya mochiwas yaino wan kehnopa ayohkana patiyó elis transporte, san 18 kilómetros tlen teposohtli mochihki. Monekiyaya mochiwas se flotaltanamakanih wan nohkia ax mochihki; san yucatekotlakameh inihuantih kena kipiayah se kuekuetzih flota tlen ika tlanamakayayah.

Políticayolistli nohkia kipiaya miak kualantli wan axkanah moyolchikahki pampa onkayaya faccionalismotlahlamikilistli tlen kichiwayayah logias masónicas wan tlahtolli tlen tlatewiyanih, kehnopa tlanki tlatlepanittalistli, welis moihtos san tlatewilistli tlen ipan 1832 wan 1854 kisé moyahkeh miak kualantli. Nopa logia escocesa tlen kikalakihkeh kaxtiltlatewiyanih, mosemoyatoyaya ipan ricotlakameh, yeka radítlakameh kichihkeh seyok tlen yankuik. Tlayekanketl Victoria kikualittak pampa kitemoyaya “equilibrio” wan ministro norteamericano Joel R. Poinsett kiwikak ipan Estados Unidos. Ni logia moixmatiyaya ken yorquina, nohkia ax kinkualittayayah kaxtiltekameh, pampa nopayo kalaktoyah iknotlakameh wan tlen moyolchikahki kemah kiixpantihkeh padre Joaquín Arenas pampa kinekiyaya sampa ma onkah kolonyal yotl tlahlamikilistli. Ni tlamantli kichihki ma motewikah masontlakameh, tlanawatiyanih tlawel mosisinihkeh wan tlanawatihketl Bravo kiihtohki ipan 1827 nopa logias ma tlamikah wan nohkia ma axkanah mokalaki nopa ministro Poinsett. Teipah kitlanihkeh Bravo wan kitotokakeh, yeka motlalanki yorquinotlahlamikilistli wan mochihki tlanawatilli para kintotokaseh nochimeh kaxtiltekameh.

Nopa kawitl eliyaya tlawel owi, ipan 1828 onkak tlasentilistli para mopatlas tlanawatihketl wan Mexko ax kualli kichihki nopa tekitl. Nopa voto tlen legislaturas kipalewiyaya Manuel Gómez Pedraza, pero Santa Anna tlen ipan nopa kawitl itztoya ipan Veracruz ya kiihtohki kimanawis Guerrero. Ipan Mexko altepetl moahomankeh sekinokeh tlen kinekiyayah ma onkah tlatewilistli, Pedraza ayohkana tekitihki. Nechikolistli ax kipiaya ahkia kiyekanas, ihkinoh kiihtohki Guerrero elis tlanawatihketl wan Anastasio Bustamante elis vicepresidente.

Ika owi tlanawatihkeh wan ax wahkahkeh, wan hacienda mikiyaya, Guerrero kena kintotokak kaxtiltekameh wan tlatewihki waya Isidro Barradas. Tlatewiyanih Mier y Terán wan Santa Anna kitlanihkeh. Nohkia mochihki se tlanawatilli kampa moihtulohtoya ma tlami nopa esclavitud, wan nochi yaino nohkia kipalewihki. Ipan diciembre tlen 1829, reservatlatewiyanih tlen itztoyah ipan Jalapa para tlapalewih ipan tlatewilistli ax kitlepanittakeh Guerrero, wan ipan enero tlen 1830, nopa vicepresidente Bustamante ya elki tlanawatihketl, wan Alamán elki secretario de Relaciones Exteriores.

Tlayekanketl Bustamante kualli tekitihki kinekiyaya ma ayohkana onkah militartlatewilistli, mokualtlalis hacienda pública, kitlaxtawiliseh itomih británikotlakameh wan onkas tomih. Alamán kikualtlalki nochi ipan hacienda pública wan kiittak kenihki tlahtlawas nochi tlen kintlawikiliyayah altepemeh, kinekiyaya ma onkah tomih ipan altepetl wan ma mochiya tekitl tlen industrialización. Kichihki Banco de Avío wan kikohki textiltepostli, ichkaxinachmeh, cabras wan tlen kualli vicunas. Kualli tekitiyaya wan tlahlamikiyaya wan nochi yaino nesiya ipan periódicos ken *El Mercurio*, yeka teipah onkak kalmeh kampa kichiwayaya textiltekitl, ipan tlahko xiwilpilli motlalanki nopa tekitl, pero ax weliyaya kitlani inglesestlakameh itekih.

Ihkatzah kikualittayyah iteki tlen Alamán, sekinokeh achi kimawiliyayah pampa kinmiktihki tlen waya motewihki ipan sekih estados, yeka estadotlanawatiyanih motemahmatiyayah

pampa kichiwas yaino wan pampa san ya kinekis tlanawatis. Más motemahmatiyayah wan kualaniyayah pampa kinmiktihkeh tlatewihketl Guerrero wan sekinokeh radicaltlakameh ipan 1831. Santa Anna kinekiyaya elis tlanawatihketl, wan yeka kitekiwihki nochi kualantli tlen onkayaya para kichiwas yaino ipan enero tlen 1832, wan pehki se weyi tlatewilistli tlen tlawel patiyo kiski, tlanawatiyanih kitlalanilihkeh tomih iglesia, kikalakihkeh aduanas ipan hipoteca wan kitlalihkeh nohkia ipan renta tomikalli wan istakalli, kehni tlanawatiyanih miak tlawikatoh teipah wan ika owi tekitiyayah, san tlahko tekitiyayah.

Santa Anna mopalewihki ika nechikolistlatewiyanih wan tomih tlen kisayaya ipan aduanas tlen Veracruz wan Tampico, kintlanki Bustamente wan tlatewiyanih. Estadomeh kiihtohkeh kena kipalewiseh pero monekiyaya mokuepas Gómez Pedraza wan kitlamiltis iteki tlen tlanawatihketl. Ipan 1833 sampa onkah tlasentilistli wan nopayo tlatlankeh Santa Anna wan Valentín Gómez Farías, ihkatzah tlanawatiyanih ax tlamatiyayah. Santa Anna ahachika yowiyaya tekiti ipan ihacienda wan nohkia tlatewiyaya para ma ax onkah nopa “religión wan fueros”, nopa mopewaltih waya gobernadortlanawatiyanih tlen Michoacán wan Estado de México, yeka ipan se xiwitl tlanawatihki vicepresidente Gómez Farías.

Radicaltlakameh kinekiyayah kitlaliseh nopa reforma liberal, wan moihlihkeh welis mochiwas tlan kintzakuaseh wan kintotokaseh nochimeh tlen axkanah waya mowikayayah, kikixtihkeh se amatl kampa eltoyah inintokah. Ipan octubre tlen 1833, onkayaya kokolistli cólera, nechikolistlanawatiyanih kichiwayayah tlanawatilli tlen ax kikualittak iglesia. Ayohkana motekiwiskia fuerza pública para motlalanas tlaxtlawilli tlen diezmos wan votos monásticos; ma sampa onkah curatos vacantes tlen tlanawatiyanih; motzahki Weyikaltlamachtilyan, wan onkas laicidad ipan kaltlamachtilyan. Gómez Farías kiihtohki ma sampa onkah nopa curatos, pero nechikolistlanawatiyanih kiihtohkeh axkanah wan kintotokakeh obispos tlen ax kitlepanittayayah tlanawatilli. Ika nopa tlanawatilli

tlakameh wan siwameh mosisinihkeh wan teipah onkak miak kualantli.

Santa Anna kikualittayaya Religiosotlanawatilli, pero kemah nechikolistlanawatiyanih pehki mononotza kenihki sampa kikualtlaliseh nechikolistlatewiyanih, ya moitzkihki tlen yanopa wan nohkia pampa nochimeh tlakameh mosisintoyah, wan sampa elki tlanawatihketl. Nopa general kintokaxtik ahkia inihuantih tlanawatisah wan kiihtohki ax onkas reformas, san kena onkas tlaxtlawilli tlen diezmos pampa ika yanopa mopalewiyayah hacendadotlakameh.

Desde ipan 1829 axaka kitlepanittayayah amatlanawatilli. Nechikolistlanawatiyanih nohkia kiixpanotoyayah miak weltah, ejecutivotlanawatiyanih nohkia axkualli tekitiyayah wan nochi axkualli eltoya; tlawel monekiyaya se yankuik amatlanawatilli. Ipan 1835 cheneh nochi eltoya, wan colonos texanos kinekiyayah moxitomaseh, federal nechikolistlanawatiyanih kikualtlalki se tlanawatilli para mokuemuketzihi chiwas milicia cívica. Estadomeh tlen Zacatecas wan Coahuila, wan Texas moihlihkeh ax kitlepanittaseh nopa tlanawatilli wan ministro tlen Relaciones Exteriores, José María Gutiérrez de Estrada, mononotzki waya zacatecatlanawatiyanih para kinihlis kena monekiyaya nochimeh kitlepanittaseh amatlanawatilli. Zacatecas kiihtohki ax tlatlepanittas wan tlatewis, pero kemah asitoh nechikolistlatewiyanih tlen comandante, nopa gobernador cholohki, wan ika yaino ax onkak tlatewivistli. Nochi tlamantli tlen panok kikualittayayah nochimeh tlen ax kinekiyayah ma mochiwa federalismo.

PAMPA ONKAYAYAH AMENAZAS
EXTRANJERAS MOYEHYEKOHKI CENTRALISMO
WAN DICTADURA

Pampa zacatecatlanawatiyanih ax kitlepanittayayah tlanawatilli wan pampa Texas kinekiyaya moxitomas, nesiyya nopa federalismo

kixolewayaya nacionaltlalli. Ihkatzah nechikolistlanawatiyanih tlen 1834 pehki mononotzah kenihkatzah moyankuilis amatlanawatilli, monehki kinkakis nochimeh wan mopatlas ika se nechikolisconstituyente wan elis “iwikal ken inihuantih wan tlen kinekih”. Yeka legisladortlanawatiyanih pehkeh kiihkuilowah se yankuik amatlanawatilli, kemah Santa Anna yowiyaya Texas. Diputadotlanawatiyanih momachtihkeh nochi tlen “axkualli kichihkeh” ipan achtowi tlanawatilli wan mokuanehnemiliyayah kenihki kikuallaliseh.

Nopa Chikome Tlanawatilli, elki tlen achtowi centralista amatlanawatilli, mochihi ipan diciembre tlen 1836. Federalistatlakameh kiihtohkeh eliyaya conservadora, tlen cuño liberal, pampa nohka onkayaya tlanawatiyanih wan eyi pamitl, wan kikalakihkeh tlen nawi pamitl, itokah Poder Conservador, tlen kintlamokuitlawis nochimeh. Miyakeh moihiyayah axkualli tlen yankuik tlanawatilli. Yeka motlalki voto censitario, iwikal ken sekinokeh altepemeh, ni kiihtosneki tlavotaryayah wan kinvotaryayah san tlen tlaxtlawayayah impuestos wan kipiayah kalmeh wan tlalli. Nochi mochiwayaya iwikal ken achtowi. Estadomeh mopatlakeh ika departamentos wan ayohkana welkeh moxolewah, goberdanortlanawatiyanih kintlaliyayah nacional ejecutivotlanawatiyanih. Estatal nechikolistlanawatiyanih mopatlakeh ika juntas departamentales tlen kipiayah san chikome diputadotlanawatiyanih wan ayuntamientos sampa elihkeh san tlen onkayayah ipan 1808, wan nohkia tlen masewalchinankomeh kampa ewayayah 8000 tlakameh wan kampa onkayayah 4000 puertos. Kenihki motlalis tlanawatihketl elki más owi, pampa moihtohki ne Senado wan ne Suprema Corte de Justicia ma kipanextikah eyi tlakameh, wan Cámara de Diputados sampa san eyi kinitzkis wan kintitlanis ipan juntas departamentales; nochimeh votos kintlepanittaskia Cámara de Diputados, wan tlayekanketl kiihtoskia ahkia tlatlanki. Nohkia mochikawaltihki hacienda pública para kipalewis nacionaltlanawatiyanih, pero ihkatzah presidencialkawitl moweyichihki chikueyi xiwitl wan

tlanki vicepresidencia, ejecutivo nechikolistlanawatiyanih ax weliyaya moyolchikawa pampa Poder Conservador, Congreso wan Consejo de Gobierno inihuantih kinawatiyayah. Ihkatza nopa Chikome Tlanawatilli mochihki kemah onkak kualantli tlen Texas, mexkoewanih, tlen nochipa tlaneltokayayah, kisewihkeh ne tlatewihketl Anastasio Bustamante, moihliyayah ya kualli tlanawatis wan “mopewaltis se yankuik wan yehyektzih kawitl”.

Tlen axkanah tlamatiyayah kiihtowayayah ne centralismo kipiaya tlatlakolli pampa Texas moxitonki, pero nopa panok pampa kalahkeh colonotlakameh tlen Estados Unidos, wan nopa altepetl kinekiyaya kikowas nopa tlalli, kehnopa kiihtowaltiwallowayaya ministro Poinsett ipan 1825. Kaxtilcorona tlanawatihki ma kalakikah colonos angloamericanotlakameh, mokuesowayaya pampa kinekiyaya kinmapalewis tlakameh tlen Luisiana wan las Floridas —tlen kinpoltoyah—, yeka kinilihki ma yakah Texas. Kemah Mexko moxitonki, tlanawatiyanih kiihtohkeh ma kehnopa eltok, kinekiyaya ma onkah tlakameh ipan Septentrión. San monekiyaya nopa colonos angloamericanotlakameh ma elikah católicos, wan ya miak tlamantli kinmakak para kualli itztoseh. Kinmakakeh miak tlalli “tomichiwanih”, wan inihuantih kiihtohkeh kinkalakiseh miyakeh colontlakameh tlen kena tlatlepanittaseh wan nohkia kinmakaseh tlalli, tomichiwanih san kentzih tlaxtlawaskiah. Estado tlen Coahuila wan Texas inihuantih kitlalanayayah nopa tomih tlen tlaxtlawayayah. Pero nopa frontera eliyaya tlawel weyi wan ax weliyayah kitlamokuitlawiseh wan nohkia pampa wahka itztoyah wan ax kipiayah tomih, yeka kalahkeh miyakeh kintlepanittayayah wan esclavistatlakameh, ipan colonias axaka kintlepanittayayah tlanawatilmeh.

Nelia nopa Constituyente nechikolistlanawatiyanih tlen 1824, kemah kichihki ma mosehotilikah Texas wan Coahuila, kichihki ma onkah miak kualantli, pero ipan 1834 tlantoyayah. Tlen nel nelia kichiwayayah nopa kualantli eliyayah esclavitud wan pampa motlaltoyah aduanas, kemah tlanki kawitl para ax onkas. Desde kemah mochiwayaya estadotlanawatilli, nopa anglosajóntomichihketl

Esteban Austin kinihliyaya diputadotlanawatiyanih ax kualli tlamis esclavitud, pampa kanih kikuiseh tomih ininaxkameh para tlaxtlawaseh “nochi tlen kipiayah”. Yeka ipan Amatlanawatilli tlen 1827 san moihtuohki “ipan estado axaka esclavo tlakati”. Ipan 1829, Guerrero kiihtohki tlamis esclavitud ipan Mexko, san ipan Texas axkanah, pero monekiyaya ayohkana kiwalikaseh yon se esclavo. Colontlakameh achi motemahmatiyayah pampa inihuantih ax kinekiyayah ma tlami nopa esclavitud.

Ihkatzah nochi yaino mochihihi, elki tlanawatilli tlen colonización tlen 1830, kampa moihtuohki ayohkana kinwalikaseh angloamericanotlakameh, pehi onkah miak kualantli ika yaino, wan nohia pampa motlapohki se aduana ipan 1832. Ipan villa tlen Anáhuac miak kualantli onkah wan yeka motlalki se tlasentilistli tlen angloamericanotlakameh. Wan nopa anexionistas especuladortlakameh, kemah tlamiskia sempoalli xiwimeh, kitekiwihkeh “nopa ax tlatlepanittalistli” para ma mosisinikah kualli colontlakameh. Ipan segunda tlasentilistli moihtohki ne Austin ma yowi Mexko wan ma kiwikah se amatl kampa onkah tlanawatilli. Austin kipiaya iwampoyowah tlen radical diputadotlanawatiyanih tlen 1833, yeka kichihki ma sampa kinwalikakah angloamericanotlakameh, ma onkah más kawitl para moxitlawaseh wan Coahuila ma kichiwh tlanawatilli kampa itztoseh texatlakameh, ma motekiwi ingléstlahtolli ipan nochi amatl wan ma onkah juicio por jurado, nopa kiihtosneki onkas tribunales kampa kinixpantiseh tlen ax kitlepanittayayah tlanawatilli.

Ipan 1835 sampa motlapohki aduana, kemah tlanki kawitl para ax onkas, wan sampa onkah kualantli. Nopa militartlanawatihketl ax welki kikualtlalia nochi tlen ax kualli eltoya wan anexionistatlakameh sampa kintemahmatihkeh colontlakameh pampa kinihliyayah ax kualli nopa antiesclavismo wan ma moxitomakah. Colontlakameh kinekiyayah moyolchikawaseh wan yeka kinnotzkeh norteamericanotlakameh ma mopalewikah. Yeka ipan Estados Unidos mochihihi miak nechikolistli kampa mosentiliyayah tlakameh tlen kinekiyayah tlatewiseh wan

nohkia motlalanayaya tomih wan teposmeh tlen ika tlatewiseh. Tlayekanketl Andrew Jackson, ya kiihtohki “axkanah mokalakis” ipan nopa mexkokualantli, pero ax kitlepanittak yaino.

Nechikolistlanawatiyanih kintitlanihkeh tlatewiyanih para ma kimapachokah texanatlatewilistli, tlayekanayaya tlatewihketl Santa Anna. Tlatewiyanih ax kipiayah tomih wan ax kualli monechikohtoyah, kehnopa pehkeh tlatewiyah wan tlatlankeh ipan fuerte del Álamo. Ihkatzah yaino panoyaya, nopa texanotlakameh nohkia kiihtowayayah inihuantih moxitonkeh ya ipan 6 tlen marzo tlen 1836 wan kitlalihkeh se provisionaltlanawatilli kampa kitokaxtihkeh se mexkotlakatl itokah Lorenzo de Zavala ya elis vicepresidente. Santa Anna pehki kintewiyah peroh teipah kiitzkihkeh. Tlen segundo tlanawatihketl, ne Vicente Filísola, kiihlihki nopa tlen kitzaktoya ma kinwikah tlatewiyanih hasta kampa eltoya nopa Weyi atemitl (tlen teipah elki Bravo), ihkinoh welki moxitonki Texas wan elki frontera kampa tlamiyaya departamento. Ax onkayaya tomih para sampa kintitlaniseh tlatewiyanih, teipah nopa nechikolistlanawatiyanih tlawel mokesowayaya wan san nopa tlamantli kiihlamikiyaya, kinekiyaya sampa tlanawatis ipan Texas, tlen britanicotlanawatiwanih kiihliyayah ma kitlepanitta nopa independencia, pampa tlan kichiwas yaino ayohkana mokesos wan ayohkana kipolos tomih.

Nopa centralismo ax welki kichiwa nochi tlen kiihtohki. Pampa kemah onpehki, kitzahkeh ayuntamientos wan nochimeh tlakameh wan siwameh monekiyaya sampa tlaxtlawaseh (capacitación) yeka onkak tlatewilistli ipan chinankomeh wan federalistatlatewilistli ipan norte. Ihkinoh nopa centralistatekitl ax kualli elki pampa onkak miak kualantli, ax onkayaya tomih wan miyakeh ayohkana kineltokayayah ipan nopa xiwilpilli. Yeka pehkeh kalakiah extranjerotlakameh tlen kinekiyayah tlatewiseh pampa kiihtowayayah mexkotlanawatiyanih ax kintlaxtlawiyayah tlen kintlawikiliyayah. Pero nopa extranjerotlakameh san tlakakayawayayah, teipah nochi momatki pampa kinchiwilihkeh arbitraje ne norteamericanotlakameh, wan tlaxtlawalistli mokahki san 15%. Ipan 1838 Francia nohkia kiitzkihki nopa tlamantli wan

pehki tlatzakuilia wan kintewiya Veracruz wan Tampico, wan altepetl sampa monehki kitlaxtlawas miak tomih.

Ax onkayaya tomih wan yeka nechikolistlanawatiyanih kitlalihkeh se tlaxtlawalistli tlen 15% ne tlamantli tlen kalteno walayayah, yaini kichihki miyakeh extranjerotlanamakanih wan mexkotlanamakanih ma kipolokah miak tomih. Ihkinoh, kemah tlamiskia tlen achtowi presidencialkawitl, sekih kinekiyayah ma nochi mokualtlali wan kiihtowayah monekiyaya se monarquía, “ika se extranjerotlanawatihketl”, noso ipan militartlanawatilli. José María Gutiérrez de Estrada kiittak kinekiyayah kichiwaskeh tlen último, yeka kiihtohki ma motlali se monárquicatlanawatilli. Tlatewiyanih tlapalewihkeh para onkah dictaduratlanawatilli. Ipan 1841, extranjerotlanamakanih kinihlihkeh Antonio López de Santa Anna, Mariano Paredes wan Gabriel Valencia ma kitlepanittakah yaino, wan ipan octubre pehki dictaduratlanawatilli tlen kiyekanayaya Santa Anna. Federalistatlakameh nohkia kikualittayah dictaduratlanawatilli san kinekiyayah ma onkah se constitucionalnechikolistli. Santa Anna kichihki wan federalistatlakameh tlatlankeh, wan kehnopa elki. Ipan diciembre tlen 1842 nechikolistlanawatiyanih kixoxoletzkeh wan kipatlakeh ika se notablesnechikolistli tlen kiihkuilohkeh Bases Orgánicas. Ipan yankuik centralistatlanawatilli ayohkana onkayaya Conservadortlanawatilli, kichikawaltihki ejecutivo wan kichihki nohkia miak nechikolistli tlen itokah asambleas legislativas. Nochi yaini ax welki mochiwa pampa nel nelia ax onkayaya tomih.

Ipan 1843 kemah mosentilihkeh wan kemah onkayayah Bases Orgánicas, Santa Anna elki tlayekanketl, ipan nechikolistlanawatiyanih kalaktayah federalistatlanawatiyanih tlen kiihliyah ma kualli tlanawati. Yeka kemah kinehki kixoxoletzas ipan 1844, nechikolistlanawatiyanih mosisinihkeh wan ipan 5 tlen diciembre tlen 1844 kikixtilihkeh kuatopilli, mopalewihkeh poder judicial, ayuntamiento wan altepeiknotlakameh. Pampa panok yaino, se tlakatl itokah José Joaquín de Herrera ya elki tlanawatihketl, nochi mochihi ika tlanawatilli. Herrera kitlalki se nechikolistli

kampa kalaktayah kualli federalistatlanawatiyanih wan kinekiyaya kichiwas se nel kualli nechikolistlanawatiyanih wan ma ayohkana onkah kualantli. Tlen moderadostlanawatiyanih kiittakeh owi tlan kinekiskiah tlatewihseh yekah kiihtohkeh san mononotzaseh tlen independencia tlen Texas.

Pero ipan nopa altepetl wan ipan nochimeh altepemeh nohkia onkayaya miak kualantli. Mexko kinekiyayah kitewihseh Estados Unidos wan Kaxtillan, ya kinekiyaya sampa tlakualanchiwas wan kitlalis monarquíatlanawatilli ipan altepetl, kipalewiyyayah Francia wan Gran Bretaña. Nopa tlamantli kikualtlalki se kaxtiltlakatl itokah Salvador Bermúdez de Castro, ipan nopa tekittl nohkia kalaktayah ricotlakameh, ken ne Alamán.

Altepetl eliyaya kualantla. Ipan 1840 Mexko nohka kuekuetzih eliyaya wan ivecino tlawel weyi mochihtoya. Norteamericanotlakameh eliyayah 20 millones, wan ipan Mexko onkayayah san chikome yeka ax weliyaya kitlani nopa altepetl pampa ya kipiayah miyakeh tlakameh wan tomih. Seyok kualantli onkak, pampa mexkotlanawatiyanih wahkahkeh mononotzkeh tlen independencia wan, ipan junio tlen 1845, Texas mosehotilihki waya Estados Unidos, yaino tlamantli kiitzkihkeh radicales federalistatlanawatiyanih para kitlateihlilseh Herrera ya kinekiyaya kinamakas nopa tlalli wan nohkia tlen California, ihkatzah axkanah melawak.

Pampa nochi yaino panoyaya, monarquistatlakameh monechkawitoh waya tlatewihketl Mariano Paredes y Arrillaga, ya kiyekanayaya reservanechikolistli, tlen kitekiwihki para elis tlanawatihketl. Paredes tlawel kualli tlatewiyyaya wan yeka kitlepanittayayah tlanawatiyanih wan kimakayayah tomih, pampa moihiyyayah ya nel kualli tlatewia ipan norte. Kemah kinawatihkeh ma yowi kampa frontera, ya ax tlakahki wan kiihtohki ax kitlepanitta Herrera wan yahki tlatewito ipan altepetl pampa kinekiyaya tlanawatis. Tlatlanki, pero teipah idictaduratlanawatilli nel sehki, pampa axkualli kichihki iteki, ax kintewihki tlachtekiyanih, ax kikualtlalki hacienda wan ax kichikawaltihki tlatewilstli. Kehnopa

pehki se federalistatlatewilstli ipan Guadalajara, nohkia ipan nopa kawitl norteamericanotlatewiyanih nehnemiyayah ipan Mexko tlalli. Pero paredes kintitlanki tlatewiyanih ma yakah kintewitih federalistatlatewiyanih.

Paredes ax kinekiyaya ma onkah tlatewilstli, pero tlanawatihketl James Polk tlawel kinekiyaya kikowas California. Polk nohkia ax kinekiyaya ma onkah tlatewilstli; yeka ipan Habana kimakak tomih ne Santa Anna wan kinehki kikowas nopa tlalli. Kemah tlamiyaya 1845, se tlakatl tlen kinawatihtoya Polk yahki altepetl pampa kinekiyaya tlakowas pero ax kiselihkeh. Kemah Polk kimatki tlen panok kiihlihki tlatewihketl Zachary Taylor ma yowi kampa eltok Weyi atemitl, ni kiihtosneki, ipan mexko tlalli, kampa mokikixtiliyayah tlalli. Kemah kimatki onkak se kualantli ipan marzo, Polk kiihtohki onkas se weyi tlatewilstli ipan 12 tlen mayo tlen 1846, kiihtohki Mexko kipiaya tlatlakolli pampa “kitoyahki norteamericana estli ipan norteamericano tlalli”, nochi yaino axkanah melawak eliyaya.

Ipan nopa kawitl, mexkotlatewiyanih kipoltoyayah se ome tlatewilstli, ipan 8 wan 9 tlen mayo. Nochimeh ax kineltokayayah nopa tlamantli wan kiihtohkeh ayohkana kitlepanittaseh Paredes yon centralismo. Ihkatzah ipan ni kawitl onkayaya tlatewilstli, ipan 4 tlen agosto kiski se federalistatlanawatilli tlen ax kitlepanittayaya Paredes wan sampa kitlaliyaya Amatlanawatilli tlen 1824, pampa panok nochi yaini axkualli mosenkahkeh kenihkatzah momanawiseh. Pampa sampa onkayaya federalistlanawatilli nopa nechikolistlanawatiyanih moyolpitzahki wan iselti tlatewiyaya; wan nohkia onkayaya miak kualantli ipan ayuntamientos, poderes estatales wan federales, yeka ax kichiwiliyayah kuentah kenihkatzah tlatewiseh.

Kemah pehki nopa tlatewilstli, momatiyaya tlen panos. Mexko axtlen kipiaya: san tepostlatewilstli tlen wahkahkia; tlamokuitlawiyanih axkualli momachtihtoyah wan tlatewiyanih nohkia. Ni nechikolistlatewiyanih tlatewiskia waya seyok tlen más kuekuetzih, pero inihuantih nel kualli tlatewiyayah wan

kipiyah miak tlapalewilistli, yankuik tepostlatewilistli wan nohkia miyakeh tlen kinekiyayah tlapalewiseh para ma tlatlanikah. Nechikolistlatewiyanih tlen Mexko monekiyaya yaseh ipan sur wan ipan norte, Estados Unidos kintewiyaya san kampa weli, wan nohkia atlatewiyanih kitzakuayayah puertos tlen Mexko, kehni ayohkana asiyaya tomih wan tlapalewilistli tlen aduanas tlen ika weliskiah mopalewiseh. Pampa san pilkentzieh monekiyaya onkas tlahtlawalistli, tlanamakalistli nohkia moyolchikahki. Yucatán ax kinekiyaya ma kinkixtilika ipuertos, yeka kemah mochiwayaya ni tlatewilistli ya kiihtohki axkanah mokalakis wan axtlen kichiwas.

Ipan enero tlen 1847, Yankuik Mexko wan California, mosehotilihkeh waya Estados Unidos pampa ax onkayaya ahkia kinmanawis. Norteamericanotlatewiyanih tlatlankeh san kampa weli, ipan norte wan teipah ipan eje tlen Veracruz-Puebla. Mexkotlatewiyanih, axkualli tlakuahtoyah, ax kipiayah teposmeh tlen ika tlatewiseh, tlawel mokuesowayayah, pero ihkatzah kehnopa itztoyah nohka tlatewiyayah. Ipan Monterrey wan Veracruz chikawak tlatewihkeh wan nohkia miyakeh mihkeh, wan ipan Angostura mexkotlatewiyanih ome tonatih tlatewihkeh ika iyolo, teipah cholohkeh wan kehnopa kipolkeh nopa tlatewilistli.

Ipan Veracruz nohkia asikoh tlatewiyanih wan teipah tlatlankeh ipan Puebla, teipah wetzki Mexko altepetl. Teipah kintlanihkeh mexkotlatewiyanih nawi weltas ipan valle tlen Mexko, yeka Santa Anna kinnawatihki ma cholokah para axkanah kinmiktiseh, kemah nochimeh tlakameh wan siwameh kiittakeh panoyaya ni tlamantli kinehkeh tlatewiseh, pero axkanah welkeh wan miyakeh kinmiktihkeh wan onkak estado de sitio. Ipan 14 tlen septiembre tlen 1847, ipan Palacio Nacional patlaniyaya bandera norteamericana.

Ipan seyok tonatih, ipan villa de Guadalupe, Santa Anna kiihtohki ayohkana tlanawatis, namah tlanawatis Manuel de la Peña y Peña, tlayekanketl tlen Suprema Corte de Justicia, ya kiwikak nechikolistlanawatiyanih ne Querétaro. Radicalestlanawatiyanih

wan monarquistatlanawatiyanih ax kinekiyayah, moderados kitlalkeh congreso wan kinsentilihkeh gobernadores kehnopa achi kuali elki.

Pampa san kampa weli tlatlantoya, Estados Unidos kinekiyaya kitlamokixtilis itlal Mexko. Polk kititlanki ne Nicholas Trist ma kiwika tlahtolli para ayohkana onkas tlatewilstli, pero pampa miak tlatlantoyah norteamericanotlatewiyanih kiihlihki ma mokuropa wan más tlalli ma tlatlani ipan tlanawatilli tlen paz. Trist ayok kimatiyaya tlen kichiwas; pampa ya kena kinekiyaya mononotzas waya mexkotlanawatiyanih: Luis G. Cuevas, Bernardo Couto wan Miguel Atristáin. Pero ne Winfield Scott, weyi tlatewihketl tlen kinnawatiyaya tlatewiyanih tlen yahtoyah Veracruz wan Mexko altepetl, wan nohkia se británicotlanawatihketl kiihlihkeh ma ax kichiwa yaino, Trist ax kichihki tlen kinawatihtoyah wan ika owi pehki mononotza para ayohkana onkas tlatewilstli, sanilstli tlanki ipan 2 tlen febrero tlen 1848 kemah mowasanki amatlanawatilli tlen paz ipan villa de Guadalupe. Trist kinihlihki iteixmatkawa ax kikualittayaya nochi tlen panoyaya wan “ipan conferencias kiihtowayaya tlatewilstli ax parejo eliyaya”. Ipan tlanawatilli, Mexko kiihtowayaya kena kipolki tlahko tlen itlal. Nohkia ipan amatl moihsuilohtoyah onkas se *indemnización* tlen 15 millones tlen pesos wan motlaxtlawas tomih tlen deuda externa tlen tlalli tlen kipolkeh, pampa nopa tlalli motlatlantoya ipan tlatewilstli. Nopa comisionadotlanawatiyanih welkeh kimanawiyah Baja California wan Tehuantepec wan nohkia kimanawihkeh nochimeh mexkoewanih para ma kipiakah xitlawalistli. Ipan artículo XI, san nopayo kentzih momanawihki Mexko, nopayo moihsuilohtoyah Estados Unidos tlamokuitlawis ipan frontera para ax onkas kuantliti waya indios tlen praderas, pero ni tlamantli axkemah mochihi. Kemah monextihki ni amatlanawatilli ipan nechikolistli, De la Peña kiihtohki nopa amatl mowasanki pampa monekiyaya kentzih momanawiseh wan “nopa república ma axkanah miki”.

Ihkatzah onkayaya miak kuantliti waya monarquistas wan radicales, tlanawatiyanih kichihkeh se nechikolistli ipan

Querétaro kampa kikualittakeh nopa amatlanawatilli ipan mayo. Herrera ya elki yankuik tlanawatihketl, wan ipan junio sampa kitlalki nechikolistlanawatiyanih ipan Mexko altepetl. Herrera kinekiyaya sampa kikualtlalis nochi, pero tlakameh wan siwameh nel mokuesowayayah, monarquistas wan federalistas kinekiyayah tlatewihseh, masewalmeh nohkia kinekiyayah tlatewihseh, ipan Yucatán. Wan axkanah san yaino, masewalmeh nohkia kitewiyayah wan norteamericanotlachtekiyanih nohkia kinekiyayah kikixtiliseh itlal.

Tlen tekitiyayah waya Herrera welkeh kikualtlaliah administración wan kikuekuetzihchihkeh nechikolistlatewiyanih, pero axkanah tlanki kualantli tlen federalistas moderados wan radicales wan monarquistas, wan tlen waya Santa Anna tlatzkitohyah. Nochimeh tlanawatiyanih san motlateihliyah kenke kipolkeh wan mokualaniyayah, yeka mochihki yankuik nechikolistli. Kehni, ipan 1849 neski conservadornechikolistli, tlen kiyekanayaya Alamán, ya kinkuatopehki federalistatlanawatiyanih ma tlatzkikah wan ma elikah se partido liberal.

Ipan 1851, Herrera kimakak kuatopilli ne Mariano Arista pampa ya tlanawatiskia, pero axkanah wahkahki wan teipah kiihtohki ayohkana tlanawatis. Teipah san kentzih kawitl tlanawatihki nohkia tlayekanketl tlen Suprema Corte de Justicia, wan teipah elki tlanawatihketl Manuel María Lombardini, ipan estados kipehpenayayah ahkia elis tlanawatihketl provisional, ya kiihtoskia ma motlali se nechikolistli. Ipan nopa kawitl nochimeh partidos kiihtowayayah monekiyaya se nechikolistlanawatiyanih tlen kualli. Kehnopa, elki tlanawatihketl ne tlatewihketl Santa Anna, tlen itztoya ipan Colombia pampa nipa kitotokaktoya.

Ipan 20 tlen abril tlen 1853 mokupeki sampa nopa axkualli veracruzano tlakatl. Ne conservador Alamán kinextilki se amatekitl kampa moihtowayaya moneki se nechikolistli tlen tetik, kampa ax onkas tlanawatiyanih, kiplas se nechikolistlatewiyanih tlen kitlepanittaseh, onkas san se tlaneltokilli wan kipalewis europeo altepemeh. Ne liberal Miguel Lerdo de Tejada ya kinextilki seyok

kampa moihtowayaya moneki tomitlanawatilli para momoyawas altepetl. Santa Anna kiihtohki kiitzkis amatekitl conservador tlen Alamán, tlen waya tekitihki teipah, pero nohkia kitlalanki itlahlamikilis tlen iwampo Lerdo, ya kitokaxtihki weyi oficial tlen yankuik Ministerio de Fomento, Colonización, Industria y Comercio.

Santa Anna axkualli tlanawatiyaya wan kitotokak ne expresidente Arista. Wan pampa conservadores moihtliyah ika nopa dictaduratlanawatilli weliskiah kitlaliseh monarquía, pehkeh kitemowah se monarca, pero axkanah kiasikeh yon se pampa nopa política europea nohkia kipiaya miak kualantli waya turcotlakameh. Alamán mihki ipan junio tlen 1853, wan yeka Santa Anna más chikawak pehki kintotoka liberaltlanawatiyanih. Axkanah wahkahki kiihtohki onkas san nopa dictaduratlanawatilli, kinehki ma nochimeh kitokaxtikah Alteza Serenísima.

Nopa dictaduratlanawatilli kipiaya miak kualantli pampa ax onkayaya tomih wan miak tlawikayaya, wan nopa dictador tlanawatihketl kichiwayaya san tlen ya kinekiyaya, yeka kitlaholtihki tlahtlawalistli. Pero nohkia achi kualli tekitihki dictaduratlanawatilli pampa moihtuilohtli tlen achtowi Código de Comercio wan tekitl tlen Ministerio tlen Fomento, ni mochihihi pampa monekiyaya kinwalikaseh teposmeh tlen ika tekitiseh, onkas tepostlanonotzalli wan amochkalmeh.

Antonio López de Santa Anna sampa motewihki waya norteamericanotlanawatiyanih, pampa axkanah ixwihtoyah ika tlahko mexko tlalli wan sampa kinekiyayah kitlachtekiliseh ne istmo de Tehuantepec, ne Baja California, wan nohkia estados norteños. Tlen yankuik ministro norteamericano, itokah James Gadsden, kimatiyaya nopa altepetl ax kipia tomih, wan moihtlihihi axkanah owi kikowas nopa tlalli. Norteamericanotlanawatiyanih kitekiwihkeh se tlamantli tlen axkualli eltoya ipan mapa tlen ika mochihihi nopa tlanawatilli tlen Tratado de Guadalupe wan nohkia kiihtohkeh monekiyaya tlalli tlen Mesilla para welis mochiwas teposhtli kampa panos ferrocarril.

Nopa nechikolistlanawatiyanih ax welki kichihki yon se alianza europea para kinpalewis wan ne norteamericanotlanawatiyanih ayohkana ma kitlachtekilikah itlal, motemahmatihki Santa Anna wan kiihtohki ma mononotzakah ipan diciembre tlen 1853. Estados Unidos kitekiwihki nopa amatlanawatilli para tlachtekis meseta tlen Mesilla wan kitzahki tlanawatilli kampa moihtowayaya motlamokuitlawis frontera para ax onkas tlatewilistli waya masewalmeh. Santa Anna kintekiwhki nopa 10 millones para nohka tlanawatis, pero nohkia patiyo kiski pampa miyakeh ayohkana kitlepanittayayah dictaduratlanawatilli. Ax nesiyya kenihki moyolchikawas nechikolistli, wan nochimeh ax kitlepanittayayah dictaduratlanawatilli. Sampa pehki tlatewilistli ipan marzo tlen 1854 ika amatekitl tlen Plan de Ayutla, tlen kiyekanayayah Juan Álvarez wan Ignacio Comonfort. Nopa amatekitl ax kitlepanittayaya nechikolistlanawatiyanih, ax kikualittayaya monamakak Mesilla wan kinekiyaya ma motlali se nechikolisconstituyente tlen sampa kiyolchikawaskia nopa república representativa federal.

Ihkatzah kinpalewiyayah liberaltlamakeh tlen kintotokakeh wan tlen ewayayah ipan Nueva Orleans, ax onkayaya tomih wan yeka rebeldetlakameh san kichihkeh guerra de guerrillas, ika tlaxtlawalistli tlen Mesilla Santa Anna welki kintewiyah, yeka welki tlanawatihki hasta ipan agosto tlen 1855.

LIBERALTLANAWATILLI,
FRANCESATLATEWILISTLI WAN KEMAH
TLATLANKI REPÚBLICA

Ika dictaduratlanawatilli tlen Santa Anna tlawel mokualaniyyah. Ihkatzah nopa ome partidos kinekiyayah ma onkah progreso, ax weliyyah mosenkawah. Conservadores kiihtowayayah nopa tekittl welis nochiwas ika se monárquicotlanawatilli wan se sociedad corporativa, tlen kinyekanas nechikolisiglesia wan nechikolistlatewiyanih. Liberales inihuantih kiihtowayayah

monekiyaya motlalis se república representativa, federal wan popular iwikal ken ne norteamericano, yeka monekiyaya tlamis nochi colonialyotl tlahtlamikilistli, tlamis corporaciones wan fueros, wan kinamakaseh nochi tlen kipiaya clero wan nohkia monamakas comuntlalli wan kehnopa Mexko eliskia se altepetl kampa nochimeh kipiaskiah se achi tlalli. Pero liberales ax weliyayah mosenkawah. Moderados kinekiyayah yolik ma mochiwa nopa tekittl para ax onkas kualantli yeka kinekiyayah ma sampa motlali Amatlanawatilli tlen 1824, wan moyankuilis. Puros kinekiyayah ma mochiwa pa nimah ika seyok tlamantli, inihuantih kinekiyayah ma mochiwa se yankuik amatlanawatilli.

Tlatewilistli tlen Ayutla nohka yoltoya pampa kipalewiyyah tepemeh tlen sur wan pampa onkayaya ohtli ipan mar tlen Acapulco, pero tlawel monekiyaya tomih wan yeka ne tlatewihketl Comonfort yahtoya Estados Unidos kitemoto nopa tomih, ax kiasik. Pero kena nohkia kentzih mopalewihki. Ipan 1855 pehki se moderadotlatewilistli ipan Bajío, sampa seyok monarquistatlatewilistli ipan San Luis Potosí tlen kinekiyaya ma tlanawati Agustín de Iturbide ikone ipan se yankuik imperio. Pampa panoyaya nochi yaini sansehko monechikohkeh liberales pueros wan moderados wan mokupekeh tlen kintotokaktayah, wan nohkia tlatewiyanih tlen Álvarez, tlen yolik momoyatayah, nehnemiyayah wan kitotokakeh Santa Anna ipan 17 tlen agosto tlen 1855.

Ipan 16 tlen septiembre liberales itztoyayah ipan altepetl. Ipan 14 tlen octubre se nechikolistli tlen estataltlanawatiyanih kiihtohki elis tlanawatihketl provisional ne Juan Álvarez, tlen tekittihki waya liberales pueros: Melchor Ocampo, Benito Juárez, Ponciano Arriaga wan Guillermo Prieto, tlanawatiyanih tlen onpewayayah. Pa nimah pehki nopa reforma kemah monextihki Juárez Tlanawatilli, ika yani tlamiyaya fuero militar wan fuero eclesiástico, wan kehni nochimeh kipiayah xitlawalistli. Nechikolisiglesia sampa motlalanayaya wan ipan 1840 xiwitl, sampa pehki tlatewiya.

Juan Álvarez ayok kinehki tlanawatis ipan 11 tlen diciembre wan kipatlak ne moderado Comonfort, ya pa nimah kinkalakhki san moderados ma kipalewikah. Kemah Comonfort kiski para kintewis tlatewilistli poblano prorreligión wan fueros, kemah kitlanki kikixtilki nochi tlamantli tlen kipiaya ne obispado tlen Puebla. Wan kikualtlalki ome reformistatlanawatilli: Tlanawatilli Lerdo, tlen kinamakayaya nopa fincas rústicas wan urbanas tlen eltoya imako nechikoliscivil wan nechikolisiglesia, wan Tlanawatilli Iglesias, tlen kiihtowayaya iknotlakameh ayohkana tlaxtlawaseh tomih. Ne arzobispo tlen Mexko ax kinkualittak nopa tlanawatilmeh, pampa kiihtowayaya ika yaino kiixpanoyaya nechikolisiglesia.

Teipah kemah mochihi tlahephenalistli, Nechikolistli Constituyente mosentilihi ipan 14 tlen febrero tlen 1856. Ihkatzah onkayayah miyakeh moderados, puros kipiayah más kualli isanil, tlawel motewiyayah. Tlamantli tlen ika más motewihkeh elkeh tlamachtistli wan tlatlepanittalistli tlen cultos. Liberales inihuantih kinekiyayah kiihtoseh kenihkatzah elis tlamachtistli tlen teipah, pero ax welkeh kichiwah yaino. Kinekiyayah kiihtoseh nohkia ma onkah tlatlepanittalistli tlen tlaneltokilli pero moihihkeh melawak onkas tlatewilistli, tlaneltokilli católica tlanki ipan Estado, pero moihtohki “nochimew weliseh tlaneltokaseh san katlia kinekiseh”. Sekinokeh liberales kinekiyayah kikuiseh anglosajóntlanawatilli, pero miyakeh kiihtohkeh axkanah kualli. Nohkia mononotzkeh tlen reforma agraria, pero ipan amatlanawatilli san mokahki tlanawatilli tlen Ley Lerdo, kampa moihtowayaya nochimeh tlakameh wan siwameh weliseh kipiaseh tlalli.

Nopa tlanawatilli tlen monextihki ipan 5 tlen febrero tlen 1857 ax eliyaya radical, pero yolik kikalaktiyahki “xitlawalistli tlen tlakameh”: tlen tlamachtistli wan tlen tekitl; xitlawalistli tlen expresión, tlen tlahtlanilistli, tlen nechikolistli, tlen propiedad; nochimeh tlakameh eliseh iwikal wan axkanah mitztzakuaeheyi tonatih tlan ax onkah kenke. Ipan nopa tlanawatilli moihtuilohtoya nochimeh tlakameh wan siwameh kipiayah se “república representativa, democrática wan federal kampa

kalaktoyah estados libres wan inihuantih monawatiyayah”, ika se nechikolistlanawatiyanih tlen kipiayah eyi pamitl, ika se legislativo unicameral tlen tlanawatiyaya. Mokahki kenihkatzah mochiwas tlahpepenalistli tlen tlanawatihketl, eliskia “achtowi indirecta wan axaka kimatis kenihki titlawasanki”, ni kiihtosneki, tekiwameh kitlaliseh ahkia elis yankuik tlanawatihketl.

Onkak tlahpehpenalistli wan Comonfort elki tlanawatihketl, pero ax kipiaya tomih yon liberalchikawalistli pampa nochi tlamantli tlen kipiayah eclesiásticos axkanah monamakatoya wan yeka ax kipiaya tomih ne Estado, tlanawatilli Lerdo axkualli mochihihi pampa ax kitlalanayaya tlaxtlawalistli, nohkia onkayaya descuentos wan kiseliyaya tlaxtlawalistli ika bonos de deuda, tlen ax patiyayah. Nopa tlanawatilli san kipalewiyyayah ne arrendatariotlakameh, pero teipah mokahki ininmakoh tlen especuladortlakameh.

Ihkatzah kualli mochihtoya, conservadores wan puros ax kiamatiyayah tlanawatilli. Pampa panoyaya ni tlamantli, tlanawatiyanih achi motemahmatiyayah, wan yeka teipah kiski se tlakatl tlen itokah Benito Juárez, ya kualli tlahlamikiyaya wan kinekiyaya ma kitlepanittakah amatlanawatilli. Juárez moskaltihtoya ipan se masewalchinanko tlen sierra oaxaqueña wan momachtihtoya ipan seminario wan ipan Instituto de Ciencias tlen iestado. Nochi iteki kikualittayayah federalistas radicales wan centralistas. Ipan 1847 elki diputado tlen mexkonechikolistli wan teipah yolik mokalaktiyahki ipan yolistli tlen política nacional, ihkatzah teipah mokupeki iestado pampa elki gobernador ipan 1847 hasta 1851 wan sampa ipan 1856; teipah elki tlanawatihketl tlen Suprema Corte de Justicia ipan nopa xiwitl, yeka monehki mokuepas ipan altepetl ipan 1857 xiwitl.

Nopa papa Pío IX ax kamatiyaya kenihki tlanawatiyaya liberal nechikolistlanawatiyanih wan kiihlihi ne arzobispo Antonio Pelagio de Labastida ma tlatewi, yeka kitotokakeh. Pampa panok nochi yaini liberales moihiyyayah monekiyaya se dictaduratlanawatilli liberal tlen ika mopalewiseh. Yeka nopa tlatewihketl Félix Zuloaga ipan diciembre tlen 1857 kiihtohki

moneki onkas se yankuik nechikolisconstituyente. Tlanawatihketl Comonfort ax kimatiyaya tlan kualli tlanawatis ika nopa tlanawatilli, yeka kipalewihki wan kitzahki Juárez, pampa ya ax kinekiyaya ma onkah golpe de Estado. Se ome semana teipah Zuloaga ax kitlepanittak ne Comonfort wan kiihtohki ya tlanawatis, yeka ayohkana tlanawatihki wan nohkia kimalakanki don Benito, ihkinoh sampa ya elki tlanawatihketl. Pampa ome tlanawatiyanih onkayayah kichihki ma onkah civiltatewilistli.

Altepetl moxexelohki. Nechikolistlanawatiyanih tlen Colima, Guerrero, Guanajuato, Jalisco, Michoacán, Oaxaca, Querétaro, Veracruz wan Zacatecas kiihtohkeh ma onkah constitucionalohtli, pero nechikolistlatewiyanih wan clero kipalewiyayah Zuloaga, pampa eliyaya iaxka altepetl, yeka kitlepanittakeh extranjerotlanawatiyanih. Juárez nel kinekiyaya kikualtlalis nochi tlen axkualli eltoya, wan yeka yahki Guadalajara, pero nepa itztayah conservadortlanawatiyanih tlen ax kinekiyayah kiittaseh, yeka yahki Veracruz, ni eliyaya liberal, wan nopayo kiasiskia tomih wan tlapalewilistli tlen aduana.

Teipah nopa nechikolistlatewiyanih kipalewihki conservadortlanawatiyanih, liberaltlatewiyanih eliyayah tlakameh tlen walayayah tlen nacionaltlamokuitlawiyanih tlen tlatewihkeh ipan 1846. Pero ni tlamantli axkualli mochihi wan conservadortlatewiyanih tlatlankeh ipan nochi tlatlahko tlen altepetl, teipah tlatewihketl Miguel Miramón kipatlak Zuloaga wan ya elki tlanawatihketl. Miramón chikawak tlatewihki ipan Veracruz, wan kimapachki ipan ome sitios. Ax tlatlanki kemah achtowi tlatewihki wan yeka moihlihki teipah tlatewis ipan tlalli wan nohkia ipan mar, yeka kikohki se tepostli tlen ika tlatewiskia ipan mar, wan ya tlatewiskia ipan puerto. Ihkinoh Juárez moihlihki kiihlis Estados Unidos ma kipalewi pampa ni altepetl ax kintlepanittayayah conservadortlanawatiyanih pampa ax kinehkeh kinamakiltiseh tlalli, kitlatlanilihki nopa flota americana ma kinketzah nopa embarcación pampa eliyaya piratería. Ihkatzah nopa comandante ax kipiaya tlanawatilli kena kipalewihki, wan kehnopa axkanah

welkeh kintewiyah, teipah ipan se tribunal moihtohki nopa tlamantli ax kualli mochihki.

Tlawel monekiyaya tlapalewilstli tlen puros wan tlen tomichiwanih, inihuantih kinekiyayah kitlamokixtiliseh ne clero, Juárez wan purotlanawatiyanih kiihtohkeh kikualtlaliseh reforma wan ipan 12 tlen julio tlen 1859 pehkeh kinkixtia Leyes de Reforma: nochi tomih tlen clero elis tlen altepetl, ax sansehko itztoseh iglesia wan Estado, tlamis nochi religiosonechikolistli (cofradías, congregaciones wan hermandades), onkas kampa monamiktiseh, cementerios ayohkana eliseh tlen clero wan nochimeh weliseh tlaneltokaseh san katlia kinekiseh.

Nopa ome nechikolistli tlen motewiyayah ax kipiayah tomih wan yeka kitemotinemiyayah ipan sekinokeh altepemeh. Washington kinihlihi liberales kena kinpalewis pero kinekiyaya ma kinamakiltikah tlalli, pero ni axkanah kalahki. Nopa liberales kiwasanihkeh tlanawatilli tlen Tratado McLane-Ocampo kampa kitlanetiyayah ome millones tlen pesos ne Mexko, wan ya kinkawaskia norteamericanotlakameh ma panokah ipan istmo tlen Tehuantepec, axaka kintzakuiliskia wan weliskiah tlanamakaseh wan nohkia kalakiskiah tlatewiyanih tlan monekiskia. Pero norteamericanotlanawatiyanih kiihtohkeh axkanah mochiwas.

Conservadores inihuantih kitlatlanilitoh tlapalewilstli europealtepemeh wan waya kaxtiltekameh kiwasanihkeh tlanawatilli Tratado Mon-Almonte, tlen kitlepanittayaya Convención tlen 1853 tlen kiwasanki Santa Anna, kampa moihtowayaya onkah tlawikalistli. Nohkia kitlatlanilitoh tlapalewilstli suizo tomichihketl Jécker wan kitekiwihkeh nohkia británicotomih, nochi yaino ax kikualittakeh extranjeroaltepemeh tlen kinekiyayah ma Mexko moxitlawa nochi tlen tlawikayaya.

Ipan Veracruz axtlen panok wan tlatlanki liberalnechikolistli. Tlatlankeh ipan Silao wan Calpulalpan yan yeka panokeh xitlawak ipan altepetl. Juárez kalahki ipan 11 tlen enero tlen 1861, pero nohka onkayaya miak kuantantli. Nopa conservadores nel kuantantoyah ya wan pehkeh mononotzah wan monechikowah

ipan Europa, wan nohkia kinmiktihkeh ne Ocampo, Leandro Valle wan Santos Degollado. Juárez, ika ikuentah, ya kitotokak nopa delegado apostólico, tlen arzobispo, tlen sekinokeh obispos wan ministrotlanawatyanih tlen altepeme Kaxtillan, Guatemala wan Ecuador, pampa kinpalewihtoyayah conservadores.

Ipan tlapehpenalistli tlatlanki Juárez, ya pa nimah kikualtlalki administración wan tlamachtlistli, wan kiihtohki onkas sistema métrico decimal. Pero ax kipiaya tomih wan yeka ayohkana welki kintlaxtlawiyah altepeme, ax weliyaya tlaxtlawa británicotlawikalistli, kaxtiltlawikalistli yon francestlawikalistli. Ni tlamantli tlen panoyaya kitekiwihkeh mexkomonarquistas tlen ewayayah ipan Europa para kiihliseh ne emperador tlen Francia, Napoleón III, monekiyaya motlalis se monarquíatlanawatilli ipan Mexko. Nopa emperador francés temikiyaya welis kikualtlalis se imperio “latino” tlen kitekiwiskia para kitzakuilis expansión anglosajona, yeka moihihki kitekiwis nopa tlamantli tlen panoyaya para welis mokalakia, kinsentilihki wan waya mononotzki Gran Bretaña wan Kaxtillan. Ipan Londres, ipan 31 tlen octubre tlen 1861, nopa eyi altepeme kiwasanihkeh se amatl kampa mosenkahkeh kitzakuaseh puertos tlen Mexko ipan Golfo para kehnopa kintlaxtlawilis tlen kintlawikiliah, pero nohkia mosenkahkeh axkanah mokalakiseh waya nechikolistlanawatyanih.

Flota tlen kaxtiltekameh asiko ipan Veracruz ipan diciembre, wan ipan enero asikoh tlen francesa wan inglesa. Juárez kiselki se amatl wan teipah kititlanki ne ministro Manuel Doblado ma yowi mononotzah waya intervencionistatlatewiyanih. Para kehnopa ax onkas fiebres tropicales, Juárez kiihtohki kena welis temoseh tlatewiyanih pero sampa tlahoskiah tlan axkanah mosenkawaskiah. Doblado kinihlihki kenah moxitlawaseh pero ipan nopa kawitl ax kipiaya tomih, teipah kena. Británicotlakameh wan kaxtiltekameh kiihtohkeh kualtitok, pero francestlakameh kiihtohkeh axkanah, wan kintemowihkeh nochimeh tlatewiyanih, waya inihuantih walayayah sekih mexkomonarquistas, ken ne Juan N. Almonte, ikone Morelos.

Ipan 17 tlen abril francestlakameh pehkeh nehnemih. Tlawel owi eliyaya, yeka Juárez kinmakak se amnistía ne conservadortlanawatiyanih wan tlanawatihki ma mochiwakah guerrillas. Ignacio Zaragoza kikualtlalki nochi para kimanawis Puebla wan tlatewis waya tlatewiyanih tlen más kualli ipan nochi taltipaktli. Nopa conde de Lorencez nel moweyimatiyaya wan ax tlakahki tlen kiihlihki Almonte wan ipan 4 wan 5 tlen mayo nopa “gavillas” tlen Zaragoza kitlanihkeh. Napoleón tlawel mosisinihi wan sampa kinnawatihki 30 000 tlatewiyanih waya seyok tlayekanketl.

Se xiwitl teipah, mexkotlatewiyanih mosentilihkeh ipan Puebla, ayohkana itztoya Zaragoza pampa mihki ika tifo. Wahkahki motewiyah, pero tlatlankeh francestlakameh ipan altepetl. Juárez cholohki wan ipan altepetl kalahkeh ipan junio. Francestlakameh kichihkeh se notablenechikolistli wan nopayo kiihtohkeh motlalia imperio ipan 19 tlen junio wan kiihtohkeh kiihliseh ne Maximiliano de Habsburgo ya ma eli weyi tlanawatihketl. Ipan nopa nechikolistli kalaktoyah tlatewiyanih, civiltlakameh wan eclesiásticotlakameh, nohkia arzobispo Labastida, pero inihuantih axkanah tlanawatiyayah, tlen kena eliyaya ne mariscal Achille Bazaine, wan ya kinawatiyaya Napoleón III. Teipah asiskia emperador, francestlatewiyanih ipan miyakeh altepemeh tlatlankeh. Ihkatzah tlawel kualli tlatewiyayah francestlakameh, nohkia nel moweyimatiyayah wan nopa axkualli elki, yeka nopa guerrillas tlen liberaltlatewiyanih nohkia chikawak tlatewiyayah, nopa tlatewilistli tlawel wahkahki, axkanah san se tlatlaniyaya, kemantika tlatlaniyayah ipan se chinanko wan kemantika kintlaniyayah, kehnopa elki.

Maximiliano, eliyaya iikni tlen emperador tlen Austria wan monamiktihtoya waya Carlota Amalia, ikone tlen rey tlen Bélgica, kinselihki ipan castillo tlen Miramar mexkomonarquistas. Nopa archiduque kiihtohki kinekiyaya mexkoewanih ma kinonotzakah, kena kehni mochihki pampa mexkomonarquistas kinpehpenkeh miles tlen tlawasantli. Kimakatoh nochi yaino ipan 10 tlen abril tlen 1864, Maximiliano kiselki nopa kuatopilli.

Nopa emperador kinwasanki ome tlanawatilli waya Napoleón III, ya kinekiyaya Mexko ma tlaxtlawa nochi. Francia nohka kinkawaskia 28 000 tlatewiyanih wan kitlanetiskia 175 millones tlen francos, pero kimakaskia Maximiliano san chikueyi, pampa miak kitlawikiliyaya wan monekiyaya moxitlawas. Ipan nopa tlanawatilli moihkuilohki nopa tlatewiyanih elitih 38 000 wan pewaskia mokuquetzih chiwas hasta ipan 1865 xiwitl, kehnopa mosenkahkeh.

Teipah kemah kipaxalotoh papa, yankuikeh emperadores yahkeh Veracruz wan asitoh itlamiya mayo tlen 1864. Ipan liberal puerto kinselihkeh ika sekuistli, axkanah iwikal kinselihkeh “tlen nel kualli tlakameh wan siwameh” tlen Orizaba, Puebla wan Mexko altepetl, nochimeh inihuantih tlawel kualli kinselihkeh wan miak tlamantli kinmakakeh.

Miyakeh liberales moderados tekutihkeh waya imperialnechikolistli pampa moihliyah kikualtlalis nochi kualantli tlen onkayayah desde ipan 1821. Maximiliano kineltokayaya liberaltekitl, kiihtohki onkas patronato real, onkas tlatlepanittalistli tlen tlaneltokilli wan mochiwas nacionalización nochi tlen kipiaya clero, nochi yani ax kikualittak nuncio papal. Pampa kichihki yani sekih conservadores ayohkana kipalewihkeh wan sekih liberales san kipaktihkeh. Nesiyya Mexko sampa motlalanayaya pampa nopayo mosewiyaya corte imperial. Nopa capital moyehyektzih chihki, kikualtlalkeh ohtli, kintohkeh fresnos wan onkak tlawilli tlen gas. Neski weyi ohtli tlen imperio, tlen teipah liberales kitokaxtihkeh de la Reforma, wan moyankuilihki castillo de Chapultepec. Emperador kualli tlanawatiyaya. Pehki kiihkuilowa tlanawatilli Estatuto del Imperio, tlen monextihki ipan 10 tlen abril tlen 1865, teipah kiski tlanawatilli código civil wan tlanawatilli ley agraria wan tlanawatilli tlen tekitl, ika nopa tlanawatilli sampa kinkuapiliyah inintlal masewalchinankomeh wan kinmakayayah tlen ax kipiayah. Ipan tlanawatilli moihkuilohtoya ipan se tonatih san matlaktli kawitl welis titekitis, tlamis tlawikalistli tlen más tlen 10 pesos, ax welis timakilis akahya wan ax miyakeh tiendas de raya ma

onkah. Tlamachtlisti wan tlatemolistli nohkia moyolchikahkeh, wan emperatriz kimoyawayaya siwatlamachtlistli. Maximiliano kixexelohki mexkotlalli ipan 50 departamentos wan kinekiyaya ma onkah tomih, yeka kiwasanki se amatekitl para welis mochiwas ferrocarril tlen Mexko hasta Veracruz wan tlanawatihki ma tekitikah nopa Banco de Londres, Mexko wan Sudamérica, kehnopa kualli mochiwaskia tlanamakalistli waya sekinokeh altepemeh.

Francestlatewiyanih kichihkeh ma Juárez yowi ipan norte. Nopa tlanawatihketl monehki tlatewis waya francestlakameh wan nohkia waya tlen kikakayahkeh. Ipan 1864 nopa republicanos tlatlantoyah ipan miyakeh estados tlen norte, Colima, Guerrero, Tabasco wan Chiapas, pero ipan 1865 san kipiayah kuekuetzitzih tlalli. Miak kualantli onkayaya, wan yeka nopa tlatewihketl Jesús González Ortega, ministro tlen Suprema Corte de Justicia, tlen itztoya Estados Unidos kiihlihki Juárez ma kimaka kuatopilli pampa ayohkana eliyaya tlayekanketl. Don Benito, kiihtohti axkanah kimakas pampa ipan altepetl onkayaya tlatewelistli, ikinoh ya tlanawatiskia hasta ma tlami, pampa kichihki yaino sekih puros ayohkana kipalewihkeh.

Kemah tlamiyaya 1865, nochi mopatlatiyahki. Tlantiyowiyaya civiltatewelistli ipan Estados Unidos wan yeka liberales kitlatlanilihkeh nopa altepetl ma kintlaneti eyi millones tlen pesos wan nohkia kichihkeh ma ayohkana mokalaki ipan Mexko. Nopa republicanatlatewiyanih pehkeh tlatewiyah wan tatlaniyayah san kampa weli.

Ayohkana onkayaya tomih tlen kitlanetihtoyah francestlakameh, nopa imperio axkemah kipiaya tomih wan nohkia kihakki Napoleón III kinwikas itlatlewiyanih pampa nopa Confederación Alemana nohkia moyolchikawayaya. Axkanah welki tlatlanki ipan altepetl pampa tlawel weyi eliyaya. Maximiliano kinehki kisentilisse nacional nechikolistlatewiyanih wan kinnonotzkih conservadortlamokuitlawiyanih tlen kintitlantoyah Europa para ma mononotzakah. Iikni Francisco José kiihlihki kena kintitlanilis 4 000 austriacotlatewiyanih, pero

Estados Unidos ax kikualittak nopa tlamantli. Nopa emperatriz kiihtohkias Europapara makitlepanittakah nopa amatlanawatilli, pero yon Napoleón III yon papa axkanah kikakihkeh, ya teipah tlapolki. Kemah kimatki nochi yaino Maximiliano moihlihki ayohkana tlanawatis pampa onkayaya miak kuantli, pero nopa ministros kiihlihkeh ma ax kichiwah yaino, ihkatzah teipah iselti mokahki.

Kemah pewayaya 1867, republicanotlatewiyanih chikawak kitewiyaya imperio wan itztoya san ipan Puebla wan Veracruz. Nopa emperador momanawito ipan Querétaro, kampa kipalewihkeh Miguel Miramón wan Tomás Mejía. Ipan 2 tlen abril Porfirio Díaz tlatlanki ipan Puebla, yeka Miramón kiihtohki ma cholokah tlen Querétaro, pero Maximiliano ax kinehki wan tlatewihki. Teipah kiitzkihkeh. Juárez wan Lerdo kinekiyayah ma kitlalwilika tlanawatilli tlen 1862, yeka kitlahihlihkeh ipan se consejo tlen guerra. Ome tlen kualli abogados kinekiyayah kipalewihkeh, pero axtlen welkeh kichiwah pampa kimiktiskia. Miyakeh altepeme kititlankeh amameh para ma ax kimiktikah Habsburgo, Juárez ax kinkahki. Nopa emperador axkanah kimawiliyaya mikistli. Teipah kemah kintlahkuilwilihki inana wan isiwa yahki para ma kimiktikah waya Miramón wan Mejía ipan tepetl de las Campanas, ipan 19 tlen junio tlen 1867. Achtowi kemah kimiktiskiah, Maximiliano kiihtohki ika ieso “moxitlawas nochi kuantli tlen onkayaya ipan yankuik patria”.

Kemah welonki imperio, ipan 16 tlen julio tlen 1867 Juárez mokuepki ipan Mexko altepetl, wan namah nochimeh tlakameh tlawel kitlepanittayayah pampa tlawel kualli tlatewihtoya. Pampa tlatlanki república ayohkana onkaskia monarquista, pero nohka onkayaya miak kuantli wan namah tlatewiyayah nohka liberales pampa inihuantih kinekiyayah tlanawatiseh.

Juárez kiihtohki pa nimah ma mochiwa tlapehpenalistli ipan agosto. Nopa partido conservador nel polihki wan yeka eyi liberaltlakameh motewihkeh: Juárez, Sebastián Lerdo de Tejada wan Porfirio Díaz, tlen kualli tlatewihketl. Ihkatzah Juárez

tlatlanki, miyakeh kiskeh tlen ax kikualittayayah, pampa ya sampa tlanawatiskia wan kinekiyaya ma mokualtlali nopa amatlanawatilli, yaino ax kikualittayayah. Pero nopa Juárez nel kualli tlanawatihitoya, tlawel kualli tekitihi kema onkak tlawewilistli ipan matlaktli xiwitl, ihkatzah axkanah onkayaya nechikolistlanawatiyanihi. Ika iteki kichikawaltihki ejecutivo, pero namah eliyaya seyok tlamantli, pampa ipan Amatlanawatilli tlen 1857 moihkuilohtoya nopa legislativo más ipatih, pampa eliyaya unicameral, yeka kimawiliyaya. Yeka Juárez kinekiyaya kikualtlalis Senado para kualli tekitis. Juárez ya kinpehpenki se nechikolistli tlen civiles constitucionalistas, wan yeka kulankeh tlawewiyanihi pampa inihuantih kiihtowayayah miak tlawewihkeh wan yeka tlatlankeh, wan nohkia kipalewiyyah ne Porfirio Díaz. Onkayayah miyakeh tlakameh tlen ax kikualittayayah don Benito wan nochimeh tlen waya tekitiyayah, yeka tlawel ika sátiras wan caricaturas políticas, ihkatzah yaino panoyaya, onkayaya xitlawalistli para mochiwas wan nochimeh monekiyaya kitlepanittaseh.

Ihkatzah tlatlankeh nohka onkayaya miak kuantli, wan sampa pehkeh motewiyah religiones wan centro, pampa ya kinpalewihtoyah militartlanawatiyanihi para axkanah tlaxtlawaseh wan kipiaseh tomih. Monekiyaya tlamis nopa tlanawatilli wan sampa mokualtlalis nochi, yeka nopa nechikolistlanawatiyanihi kipalewihki Juárez wan mochihki se tlanawatilli para tlamis. Sekih conservadortlanawatiyanihi mosisinihkeh pampa ax kikualittakeh kinmakilki. Juárez kinekiyaya ma tlami nochi kuantli yeka ipan 1870 kikualtlalki se tlanawatilli para welis mokuepas arzobispo Labastida, wan kitlepanittaseh.

República tlawel mokokowayaya pampa wahkahki tlawewilistli wan monekiyaya onkas tomih. Tlanamakalistli axkualli eltoyah, ihkatzah ipan frontera norte onkayaya se tlalli kampa miak tlamantli monamakayaya wan onkayaya tomih. Kemah elki tlawewilistli tlen secesión tlen Estados Unidos, ichkatl tlen nopa altepetl panoyaya ipan Matamoros wan nohkia monamakak harinas, tlakualistli wan miak tlamantli tlen mochichiwayayah ipan Mexko. Nochi

yani kinchikawaltihki Monterrey, Piedras Negras, Laredo wan Matamoros.

Ipan república ax onkayaya tomih wan tlaihyowiyaya. Ihkatzah monamakak nochi tlamantli tlen clero ax kaxiliyaya, san se kentzih mopalewihki ika nopa tlapalewilistli para moxitlawas nochi tlen tlawikayaya. Juárez kinekiyaya kikualtlalis nochi, kikualtlalis hacienda pública, yani tlawel monekiyaya para welis momoyawas wan moskaltis. Nopa iministros José María Iglesias wan Matías Romero pehkeh momachtiyah tlen hacienda wan tlen tlawikayaya. Kiittakeh tlawika 450 millones wan kitemowihkeh wan mokahki san 84, teipah kikualtlalihkeh se yankuik ipowaltonatih kampa kitlalihkeh ipan katlia tonatih tlaxtlatiyas nochi tlen tlawika. Nohkia pehkeh kiahokuiyah tomih, kikuekuetzih chihkeh nechikolistlatewiyanih wan mokahkeh san 20 000 tlakameh. Ipan 1870 nopa Romero kiihkuiloohki nochi tlamantli tlen hacienda pública desde kemah onkak independencia, ya kimatiyaya keske tomih kalakiyaya wan kisayaya, ika yaino kikualtlalki se presupuesto gubernamental. Juárez eliyaya se kualli liberal, kinekiyaya ma onkah tomih wan tlakameh ma kualli itztokah, yeka kinekiyaya kikualtlalis miak tlamantli: tlen tomih, tlen tlanonotzalistli (tlen más teposanilli, ohtli wan ferrocarriles) wan ma mochiwa colonización. Kiihtohki moneki mochiwas miak tekittl, kalakis tomih tlen norteamericana, wan kitlepanittak amatekitl tlen kiwasanki imperio kampa moihkuilohtoya mochiwas nopa ferrocarril tlen yaskia tlen Veracruz hasta Mexko. Iministro Romero nohkia tlawel kinekiyaya kichiwas se banco nacional wan ihkinoh onkaskia san se moneda tlen motlaloskia, ax welki mochihihi pampa ax onkayaya tomih, kentzih mokuesohki, pero nohkia pehkeh tekittih Banco de Londres, Mexko wan Sudamérica.

Juárez moihlihki tlawel monekiyaya moyolchikawas tlamachtlistli. Ika nopa tlamachtlistli moyolchikawaskiah wan motlalanaskiah, nohkia ika kinsehotiliskiah nochimeh masewalmeh para kualli itztoseh ipan altepetl. Kehni, ipan 1867 kikixtihki se tlanawatilli kampa moihkuilohtoya axkanah onkas tlaxtlawalistli

ipan tlamachtlistli elemental, wan kikualtlalki Escuela Nacional Preparatoria.

Seyok tlamantli tlen kinekiyaya kikualtlalis eli Mexko ma sampa kualli mowika waya sekinokeh altepeme, pampa kemah onkak tlatewilstli ayohkana mononotzayaya waya Gran Bretaña, Francia wan Kaxtillan, pero nohkia onkayaya kualantli. Ax weliyaya mononotza waya iberoamericanoaltepeme pampa wahka itztoyah wan ax onkayaya teposanilli, nohkia onkayaya kualantli waya Guatemala; ika yaino, Juárez ax kinekiyaya mokualanis waya Estados Unidos. Ihkatzah nopa altepetl ax kipalewihki kemah mochihihi intervención, nopa ome altepeme kualli mowikayayah. Teipah kemah tlanki tlatewilstli, nopa altepetl kichihki miak tekil tlen industrialización, wan namah miak tomih onkayaya. Pero onkayayah ome kualantli ipan nopa altepeme: tlen ma panokah nómadatlakameh wan tlachtekinih ipan frontera wan nohkia nopa reclamaciones. Tlen achtowi kualantli kehnopa mokahki, pampa Juárez wan Lerdo kiihtohkeh axkanah panoseh norteamericanotlakameh ipan frontera kintotokatinemiyaseh “culpabletlakameh”. Juárez kinehki kikualtlalis nopa kualantli tlen reclamaciones wan kiihtohki ma mochiwa se nechikolistli binacional wan mosenkawaseh. Ni nechikolistli kikualtlalki reclamaciones norteamericanas, pero poliwitoh tlen Mexko. Ipan 1869 Mexko pehki waya mononotzah wan waya mowikah ika ome yankuik altepeme tlen eliyayah: nopa Reino de Italia wan nopa Confederación Alemana del Norte.

Kemah mochihihi tlahephenalistli tlen 1871, Juárez ayohkana miyakeh kitlepanittayayah, pero sampa ya elki tlanawatihketl. Díaz axkanah kikualittak yaino wan kichihki amatekitl Plan de la Noria ipan 8 tlen noviembre, kampa moihkuilohtoya “axkanah san setzih tlanawatiyas nochipaya”. Tlatewilstli yahki san tlamantzih ihkatzah miyakeh kinixmatiyayah wan juaristatlatewiyanih teipah kiketzkhe. Juárez kitekiwihki nochi yaino wan nohkia pampa liberaltlakameh motewiyayah welki nohka tlanawatis, ya miak kualantli kipiayah wan mokokowayaya. Juárez mihki kemah nohka mosewihtoya ipan 18 tlen julio tlen 1872.

Ika amatlanawatilli, Lerdo, tlen eliyaya tlanawatihketl tlen Suprema Corte, ya kitlalanki kuatopilli tlen ejecutivo wan kichihki se amnistía para nochimeh tlen ika tlanki tlanawatilli tlen La Noria. Pa nimah kiihtohki ma mochiwa tlapehpenalistli, wan ya tlatlanki. Don Sebastián nohkia tlahlamikiyaya ken Juárez wan sampa welki kitlalia Senadonechikolistli wan kipatlak tlanawatilli tlen Reforma para ma elikah constitucionaltlanawatilli. Tlamantli tlen religiosos ax kintlepanittayayah wan kintotokak nopa Hermanas de la Caridad, ihkatzah kintlamokuitlawiyayah tlen mokokowayayah. Kineltokayaya “anticlericalismo” wan yeka miyakeh mosisinihkeh wan kinekiyayah kitewiseh, nohkia onkayaya tlatewilistli kampa yaquis de Cajeme wan tlen Manuel Lozada ipan Tepic, tlen kimiktihkeh kema tlamia 1873. Lerdo nohkia moixnamihki waya Gran Círculo de Obreros tlen Mexko, pampa onkayayah huelgas textiles wan mineras, wan ika tlen kitemoyayah tlanamakalistli, pampa ax kinehki temakas se tlanawatilli para ma mochiwa se ferrocarril tlen kinsehotiltoskia Mexko waya Estados Unidos, ihkatzah kenah mochihihi ferrocarril tlen Veracruz hasta Mexko ipan 1873.

Sampa onkak kualantli pampa ax momatliyaya ahkia tlanawatis. Lerdo sampa kinekiyaya elis ya, pero Díaz ax mochixki ma onkah tlapehpenalistli wan pa nimah moketzki ika amatekitl PlandeTuxtepec, kampa moihtowayayanopa Lerdo “axkitlepanitta wan kiixpano amatlanawatilli”. Díaz kimatoyaya kenihkatzah kichiwas nopa tlamantli pampa panok tlatewilistli tlen La Noria, ika tlamantzih kichihki. Lerdo mokalakihki ipan tlapehpenalistli tlen Oaxaca, wan yaino kitekiwihki para kinihlis sekinokeh ma sansehko kitewikah. Ipan iestado miyakeh kipalewiyyayah, Díaz yahki Brownsville kemah tlamia 1875, desde nepa kinihlihki gobernadortlanawatiyanih wan militartlanawatiyanih ma mopalewikah. Pero nopa tlatewilistli mochiwayaya san ipan noreste wan ipan Oaxaca, yeka sampa kikualtlalki iamateki wan kiihtohki kinmakas amameh militartlatewiyanih tlen kipalewiskiah, ika yaino san kampa weli welki tlatewiya.

Nopa general Mariano Escobedo tlawel kintewiyayah rebeldetlakameh, wan kemah onkak tlapehpenalistli ipan septiembre tlen 1876, Lerdo elki tlanawatihketl. Ipan nopa kawitl, eltoya tuxtepecanotlatewilistli wan kisato seyok kualantli pampa nopa tlanawatihketl tlen Suprema Corte de Justicia, José María Iglesias, ax kikualittayaya kenihki mochihi tlapehpenalistli “pampa onkak tlakahkayawalistli” wan pehki se tlatewilistli ipan Salamanca. Iglesias kiselki kentzih tlapalewilistli, pero kipalewihki Díaz, ya kinyekanayayah nechikolistlatewiyanih, ipan 11 tlen noviembre kintlanki federaltlatewiyanih ipan chinanko tlen Tecoac. Lerdo choltehi wan miyakeh mokuapolohkeh, sekih tlatewiyanih kitlepanittayayah Iglesias, yeka monehki monotzaseh nopa ome. Díaz kiihlhki Iglesias kena kitlepanittas ken tlanawatihketl provisional tlan kitlapanas iwikal nopa gabinete wan ya kiyekanaskia nopa Secretaría de Guerra. Iglesias kiihtoiki axkanah, Díaz mosisinihi wan ipan 23 tlen noviembre kalahki ipan Mexko altepetl waya se nechikolistlatewiyanih. Se semano teipah ya elito tlanawatihketl.

TLÉN KENIHKATZAH MOPATLATIYAHKI NACIONAL YOLISTLI WAN MOCHIHKI REPUBLICANA

Ipan novohispano tlalli itztoyah chikuase wan tlahko millones tlen tlakameh yeka mochihi se Estado independiente ipan 1821, nochimeh axkanah iwikal eliyayah san pampa nopayo awayayah wan sehka tlaneltokayayah, wan san se ome tlahtowayayah kaxtilantlahtolli. Nochimeh kiittakeh kenihkatzah mopatlak nochi iyolistli pampa nopa tlatewilistli wahkahki matlaktli wan se xiwitl wan nohkia kiittakeh kenihkatzah mopatlak nochi tlen mochihtoya ipan 300 años wan onpewayaya se yankuik kawitl. Kaxtillan liberalismo kikalaktoya yankuik tlahtolmeh, tlen monechkawiyayah tlen tradicionales. Onkayaya kuesolli ika independencia tlen Kaxtillan, yeka elitetlakameh wan sekinokeh

nechikolistli axkanah más tlaneltokayayah ipan yankuik kawitl, pampa nel mokuesowayah ika nochi tlen panok.

Ax onkayah miyakeh tlakameh, itztayah san ipan centro wan ipan sur, ewayah ipan se nel weyi tlalli tlen kemah tlanawatihki Iturbide nel moweyi chihki, eliyaya nawi millones wan tlahko tlen kilómetros cuadrados; ax weltoya más moweyi chiwa pampa ahachika onkayah kokolistli wan tlatewilistli, ihkinoh ipan tlahko xiwilpilli eliyayah san chikomeh millones tlen tlakameh wan ipan 1870 xiwitl eliyayah chiknawi millones. Ipan altepetl capital ya onkayah se cuarto tlen millones tlen tlakameh, wahka itepotzko yowiyaya Puebla, Guanajuato, Querétaro, Zacatecas wan Guadalajara. Ax onkayah tlakameh ipan septentrionales tlalli, nohkia tlawel mopatlayaya tlamantli tlen políticos wan temahmatilli tlen sekinokeh altepemeh, yeka mokuekueztih chihki: Guatemala moxitonki ipan 1823; Texas nohkia moxitonki ipan 1836; Estados Unidos tlatlanki Nuevo México wan Alta California ipan 1846 wan 1847 xiwitl, wan ipan 1853 monamakak Mesilla, kehnopa kemah tlanki nopa kawitl república mokahki san 1972 546 km². Nopa 19 estados, nawi tlalli wan se distrito federal mopatlakeh, ipan 1869, wan elkeh 28 estados wan san se tlalli.

Pampa motlalki independencia wan república ax kikualchihki korporativanechikolistli. Tlatewilistli kinpalewihki criollotlakameh wan mestizotlakameh pampa inihuantih kena weliyayah yowi kampa kinekiyah. Pero iwikalistli ax welki mochiwa pampa miyakeh tlakameh apismikiyah, wan nochi tomih eltoya ininmakoh tlen san se ome tlakameh. Pampa mopatlak tlamantli tlen político nohkia ax kinkualchihki nochimeh. Onkayah miak kuantantli wan axaka tlatlepanittayah yeka tlanamakanih miak tomih kipolkeh wan haciendas ax weliyayah tekitih kualli. Ipan miak minas kalahki atl pampa axaka tlamokuitlawiyaya wan pampa ax onkayah tomih teipah kinnamakiltihkeh sekinokeh altepemeh. Tlen burocratatlakameh nohkia kipolkeh inintekih pampa onkak independencia, moihliyah kena kintlawikiliyah wan sampa kinmakaseh tekitl, yeka kikualittayah nochi tlamantli tlen kinekiyah

kichiwaseh tlanawatiyanih. Nochimeh tlen momachtihtoyah, san sekih tepahtiani h wan abogadotekitinih, teipah tekitiyayah ipan burocraciatekitl. Ihkatzah yaino, pampa yahkeh peninsulares ricotlakameh wan pampa onkayayah tlanawatilli para kintotokaseh, nopa criollotlakameh tlahohkeh. Tlen minerotekitinih ayohkana kualli tekithkeh wan kitlanihkeh tomih wan europeotlakameh kinkixtilihkeh inintekih; wan nohkia kalakiyayah miak burdoyoyomitl tlen ax kinkualchihki tekinih tlen tekitiyayah ipan sosoltik fábricas kampa kichichiwayayah yoyomitl. Tlen sekinokeh tlakameh ax kenihkatzah moihlihkeh pampa owi tlaeltoya ipan nopa kawitl, léperotlakameh wan peladotlakameh inihuntih tlachtekiyayah.

Pampa nohkia mokalakihki ipan tlatawelistli tlen independencia nopa clero kinpolki miak tlakameh, wan pampa yolik mochiwayaya nopa secularización sekih ayok kinehkeh kalakiseh. Nochimeh tlen tlanawatiyanih moihliyah nopya onkah tomih wan kixtiliyayah, iglesia kiittak kenihkatzah yolik temotiyahki ininrentas wan itomih ipan nawi décadas, kipiayah tomih san 10 obisotlakameh wan 177 canónigotlakameh, tlen nopa clero regular wan secular, san eliyayah 3 500 clérigotlakameh ipan 1825, nochimeh apismikiyayah, wan feligrestlakameh monekiyaya tlahtlawaseh.

Onkak yankuik ritos wan cívicoilhwitl, tlen mochiwayayah para nesis onkah se yankuik nechikolistlanawatiyanih wan nohkia para kintlaniseh religiosoilhwitl, yolik motlaltiyahkeh. Kampa miak mopatlak elki ipan puertos wan ipan altepetl pampa asiyayah extranjerotlakameh. Asiyayah nohkia paquebotes tlen kiwalikayayah miak tlamantli, tlen yankuik tlamantli, tlen yankuik yoyomitl wan tlen yankuik teposmeh, wan tlakameh namah weliyayah yowih Estados Unidos wan Europa. Nopa yankuik diligencianechikolistli kichihki ax wahkawaseh tlakameh yaseh kampa kinekiseh: yaseh tlen Mexko hasta Veracruz ipan chikome tonatih, yaseh Guadalajara ipan 13 wan yaseh Santa Fe ipan se metztli.

Tlaneltokilli tlen iluminismo nohka eltoya, ya kiihtowayaya ika tlamachtlistli nochi mokualtlalis. Nopa Compañía Lancasteriana ya kinnexiliskiah nochimeh ma welikah tlapowakah, tlen

kikualtlaltoyah notabletlakameh ipan 1822. Asikoh nohkia extranjerotlamachtianih tlen kinekiyayah tlapalewiseh wan kitlalkeh particularkaltlamachtilyan. Wan nopa weyi kaltlamachtilyan ayohkana kintlepanittayayah wan kinpatlakeh ika academiattlamachtilyan kampa onkayayah científicotlamachtilistli wan ika yankuik institutotlamachtilyan tlen ciencias wan tlayekchiwalistli tlen kintlalanayayah republicanotlakameh, ipan nochi ni yankuik kaltlamachtilyan momachtiskiah tlakameh wan siwameh tlen kalakiskiah ipan política ipan tlahko xiwilpilli.

Ipan itonalpowalli wan almanaques moihkuilowayaya tlen yankuik tlamantli wan científicotlamachtilistli. Nopa politización tlen pehtoya ipan 1808 waya amatlanawatilli tlen yankuik Estado kichihkeh ma onkah amaperiódicos, amafolletos wan políticoamameh, tlen miyakeh kinpowayayah wan kinamatiyayah, motlanetiyayah noso kinkakiyayah kemah akahya chikawak kinpowayayah ipan pulqueriakalmeh, cafékalmeh wan kampa nochimeh mosentiliyayah. Wan miyakeh nohkia kinekiyayah kipowaseh tlen nemilistli, tlen yani tlahkuilohkeh Servando Teresa de Mier, Carlos María de Bustamante, Lorenzo de Zavala, José María Luis Mora wan Lucas Alamán. Ipan amochmeh moihkuilohki kenihkatzah mopatlak nochi, tlen yani tlahkuilohkeh José Joaquín Fernández de Lizardi, Manuel Eduardo de Gorostiza wan Fernando Calderón. Tlayekchiwalistli ya ika yolik pepetlakak, ihkatzah nechikolistlanawatianih temakakeh sekìh tlapalewilistli para yaseh momachtitìh Italia noso Alemania.

Wahkahki tlahko xiwilpilli para welki mochiwas secularización tlen nochimeh tlakameh wan siwameh, ihkinoh kena miak mopatlak. Ika independencia iglesia kipolki nochi tlen kipiaya kemah onkayaya virreinatotlanawatilli, kipolki tlen kemah tlakatiyayah, monamiktiyayah wan mikiyayah wan nochi tlen kipiaya ika Reforma. Nochi yaino kitzakuilki wan ayohkana welki kichiwa iteki ipan kalmeh kampa tepahtiyah, ipan kaltlamachtilyan wan kampa kintlamokuitlawiyah tetatzitzi. Pampa monamakak nochi tlen kipiayah, miyakeh conventos kinmahahkeh noso

kintekiwi hkeh tlen seyok tlamantli. Wan sekih iglesias kinmakakeh protestantetlakameh, wan nohka onkayaya miak tlatewilistli. Axkanah kintzahkeh confesional tlamachtilyan privadas, pero nopa públicatlamachtilistli nelia mopatlak wan moxitonki.

Nohka onkayaya miyak políticotlatewilistli yeka tlahlamikinih, tlen tekitiyayah ipan periodismotekitl, pehkeh tlahkuilowah tlen miak tlamantli ihkatzah ax kinkualittayayah. Ika periodismotekitl welki momati kenke onkayayah nacionalkualantli, yeka weyi liberal tlahlamikinih kiihkuilohkeh amochmeh tlen ni tlamantli. Kehni, Manuel Payno, tlen kiixmatiyayah pampa kiihkuilowayayah costumbrista amochmeh, kichihki tlatemolistekitl tlen pública tlawikalistli, tlen desamortización wan tlen Reforma; Miguel Lerdo de Tejada kichihki tlen tlanamakalistli wan tlen tomih, wan Melchor Ocampo tlen iglesiakualantli wan tlen Estadokualantli. Yeka ipan 1860 wan 1870 xiwitl nopa prensa moyolchikahtoya wan liberal nechikolistlanawatiyanih kitlepanittayayah ihkatzah kemantika ax kichiwayayah yaino, yeka teipah mokupeki “tlen nawi poder”.

Nel miak kualantli onkayayah pampa onkak tlatewilistli, yeka restauradortlakameh tlen república kinekiyayah kikualtlaliseh nochi tlen axkualli eltoya ika tlamachtilistli wan nemilistli, ayohkana kinekiyayah ma moxexelokah mexkoewanih. Ihkinoh, kemah apenas sampa asiyayah tlakameh ipan Mexko altepetl, nopa ministro de Justicia pa nimah kinextihki se amatekitl tlen públicatlamachtilistli, tlen mokahki ipan tlanawatilli tlen 1867 wan 1869, ika yaino mochikawaltihki elementaltlamachtilistli wan welki moketza se kualli kaltlamachtilyan tlen mediotlamachtilistli: nopa Escuela Nacional Preparatoria. Ipan nopa kaltlamachtilyan kikalakihkeh positivistatlamachtilistli tlen Augusto Comte para kitewis tradicional tlamachtilistli, mopatlak nochi religiosotlamachtilistli wan metafísicatlamachtilistli ika lógicatlamachtilistli wan científicotlamachtilistli. Ika yaini kualli momachtiskiah telpokameh. Juárez wan Lerdo kichihkeh legislativotekitl wan kinketzkeh miak elementalkaltlamachtilyan.

Juaristatlakameh kinekiyayah nohkia nochimeh masewalmeh ma tlahtokah kaxtilantlahtolli para kinsehotiliseh ipan nacional yolistli, pero sekih ax kikualittakeh, miyakeh kikualittayayah positivimostlamachtistli wan miyakeh axkanah, yeka onkak kualantli kemah mochiwayaya restauración wan porfiriato, miyakeh liberaltlakameh ax kikualittayayah nochi yaino.

Pampa onkak francestlatewilistli isak nopa nacionalismo tlen teipah kalakiskia ipan nochi tlamantli, ipan tlayekchiwalistli, ipan tlahkuilolistli wan ipan tlatzotzontli. Ignacio Manuel Altamirano elki tlen más tekittl kichihki ika itertulias tlen tlahkuilolistli wan irevista *Renacimiento*, kampa ipan tlahkuilowayayah liberaltlakameh wan conservadortlakameh, ken Manuel Payno, Ignacio Ramírez, Guillermo Prieto, José Tomás de Cuéllar, Vicente Riva Palacio, Francisco Pimentel, José María Roa Bárcena wan Anselmo de la Portilla. Ipan nopa kawitl nohkia mochihkeh académicanechikolistli, ken Sociedad Mexicana de Geografía y Estadística, ne Liceo Mexicano wan Academia Mexicana de la Lengua.

Nopa nacionalismo kixochitihki costumbristatlahkuilolistli wan nemilistlahkuilolistli, pehki pankisah amochmeh. Nopa nemilistlamachtistli tlawel ipatiyaya wan monekiyaya momoyawas nohkia nopa nacionalnechikolistli yeka pankiskeh tlen achtowi escolaramochmeh tlen nemilistli “patria”. Conservadortlakameh ken Francisco de Arrangoiz, Manuel Orozco y Berra wan Joaquín García Icazbalceta, wan nohkia liberaltlakameh Guillermo Prieto wan Vicente Riva Palacio, pehkeh tlahkuilowah tlen “nacionalnemilistli”. Sekinokeh tlatemohkeh wan tlahkuilohkeh tlen yankuik tlamantli wan sekinohkeh tlen wahkahki panok, nochi tlen colonialyotl wan nohkia tlen prehispaniconemilistli.

Onkak se lotería, wan ika yaino nopa Academia de San Carlos moyankuichihki kemah onkayaya tlatewilistli waya Estados Unidos wan plásticastlayekchiwalistli sampa motlalankeh. Juárez kiyankuiktokaxtihki nopa Academia ken Escuela Nacional de Bellas Artes wan nopayo nopa escultor Manuel Vilar wan tlapalkemeh Pelegrín

Clavé wan Eugenio Landesio kimoyawayaya europeotlamachtistli. Teipah nohkia kiitzkihkeh nacionaltlamachtistli. Ihkinoh, nochi tlen ixnesiyaya wan nemilistlamachtistli kipatlakeh tlen religiosotlamachtistli, wan nopa litografiatekitl wan caricaturekitl motekiwiyayah para kintewiseh tlanawatiyanih. Nopa tlapalketl José María Velasco tlawel kualli tekitiyaya wan kichiwayaya miak mexkotlapalmeh, elki tlen más ipatih. Miyakeh tlapalkemeh tlen itztayah ipan altepetl kikuiyayah tlen yankuik tlamachtistli, pero ipan provinciachinankomeh tlapalkemeh kichiwayayah seyok tekittl ika bodegónlapalmeh wan ixkopinkayotlapalmeh ken nopa costumbristatlapalkemeh José María Estrada wan Hermenegildo Bustos. Esculturatekitl nohkia mochikawaltihki pampa mochiheh estatuas tlen weyi tlanawayatiyanih tlen kintlaliskiah ipan ohtli tlen Reforma. Wan nopa arquitecturatekitl nohkia mochikawaltihki pampa ax weltaya momoyawa, san mochihtoya nopa Teatro Nacional, sekih kalmeh kampa tlanamakayayah wan kalmeh kampa tlatzakuayayah, ni tekittl mochikawaltihki pampa nopa arquitectotekitihketl Javier Cavallari kiwalikak tepostlamachtistli.

Tlatzotzontli nohkia pehki patlani. Nopa Sociedad Filarmónica, tlen pankiski ipan 1866, kemah tlatlanki república kimakakeh nopa weyi kalli kampa eltoyah weyi kaltlamachtilyan, nopayo temachtiyayah, tlatzotzonayayah wan mosanilwiyayah. Tlatzotzontli tlen popular tlatzotzonketl Aniceto Ortega miyakeh kiamatiyayah.

Nopa nacionalismo miak tlamantli kichikawaltihki pampa sekih kinekiyayah kiihkuiloseh wan kinextiseh nochi tlamantli tlen altepetl, yeka onkak tlaltlamachtistli wan tlen seyok. Teipah kalahki cienciatlamachtistli wan positivisмотlamachtistli, tlen ika pankiskeh miyakeh especializadas academiakaltlamachtilyan wan miyakeh welkeh kiselihkeh profesionaltlamachtistli pampa nel mokaltzahki nopa weyi kaltlamachtilyan tlen wahkakhia ipan 1865.

Científicotlamachtistli kipalewihkeh tepahtiani, naturalistatekitinih, geógrafotekitinih, químicotekitinih wan geólogotekitinih, pampa pankiski nopa Comisión Científica,

Literaria y Artística de México (1864-1869), sekih welkeh yahkeh momachtitoh ipan Viejo Mundo. Nochi tlamachtistli moittaskia teipah, pero nohkia pankiskeh amameh tlen kitlahtolkuepkeh ipan *Boletín de la Sociedad Mexicana de Geografía y Estadística* ika yaino momoyatiahki.

* * *

Nopa weyi tekittl pehtoya kemah pehki XIX xiwilpilli, wan kemah tlamitia mosemoyatoyaya san kampa weli. Nechikolistli tlen wahkahkia nel politoyaya pampa mochihihi reformatlanawatilli, namah kena nesiyya eli republicana. Nopatlak nochi costumbres, nacional yolistli eliyaya seyok pero nohka onkayaya kualantli, “nopa bola” ken nochimeh kinixmatiyayah, ika itlatzotzo levas tlen kinwikayayah san kampa weli, kichihtoya ma mosemoyawa nohkia kaxtilantlahtolli, wan ipan nopa kawitl nohkia motemachtiyaya ipan públicakaltlamachtilyan kampa ika fuerza monekiyaya momachtiseh “tlen nacionaltlahtolli”.

Miyakeh nechikolistlanawatiyanih panokeh wan nohkia onkak miak tlatewilistli nochi yaino kipatlakeh miak tlamantli. Nochimeh tlakameh wan siwameh namah achi mahmawiyayah, pero nohka kinekiyayah nopa altepetl ma momoyawa. Tlatlankeh república wan liberalismo, mexkoewanih tlawel kinekiyayah ma ayohkana motewikah wan ma onkah tomih, yeka kinekiyayah ma motlali se yankuik nechikolistlanawatiyanih tlen kinpalewiskiah moyolchikawaseh, moihliyah ika owi mochiwaskia, tlen yaino moitzkihki teipah Porfirio Díaz.

NE PORFIRIATO

ELISA SPECKMAN GUERRA

Porfirio Díaz tlanawatihki ipan altepetl 30 tlen 34 xiwimeh tlen panokeh ipan 1877 wan 1911; yeka ni kawitl motokaxtia porfiriato. Welis tikihtoseh ipan ni kawitl panokeh ome wehweyih tlamantli: pehki ipan 1877, kemah se ome metztli teipah kintlantoya lerdistas wan iglesistas, Díaz pehki tlanawatia, wan tlanki ipan 1911, se ome metztli teipah kemah toponki weyi tlatewilistli Revolución, kemah Díaz ayohkana tlanawatihki wan yahki kampa exilio.

Ni tlakatl tlawel kintewihki conservadores wan imperialistas, Porfirio Díaz tlakatki ipan Oaxaca ipan 1830, eliyaya más kuekuetzih ken Benito Juárez wan Sebastián Lerdo de Tejada. Wan nohkia ya momachtihki tlen armastlamachtlistli wan kipixki grado tlen general. Ipan eyi weltah mawiltihki pampa kinekiyaya kitlanis presidencia, pero kitlanihkeh Juárez wan Lerdo. Ome weltah axkanah kintlepanittak resultados tlen tlapehpenalistli wan motlalanki para tlatewis: tlen achtowi ipan 1871, ika Plan tlen la Noria, wan tlen teipah ipan 1876, ika plan tlen Tuxtepec. Ipan nopa ome weltah ya kitlalanayaya bandera antiautoritarista wan anticentralista, pampa ax kiamatiyaya tlanawatihketl tlen república san ya kiplas nochi chikawalistli.

Nohkia ax kinekiyaya ma onkah reelección, kinekiyaya ma kikixtilikah chikawalistli ne ejecutivo ken moihkuilohtoya ipan amatlanawatilli, wan monekiskia, mochikawaltiseh tlanawatiyanih tlen estados noso tlen chinankomeh, wan nohkia, motlepanittas

kenihkatzah kinpephenaseh inintekiwah wan kenihkatzah monawatiseh.

Ni tlakatl nohkia mowikayaya waya sekinokeh wan yeka kipalewiyayah caciquetlakameh noso tlayekananih tlen chinankomeh; nohkia kipalewiyayah militartlakameh tlen kintotokatoyah Juárez noso Lerdo. Wan nohkia, kipalewihkeh chinankomeh noso miltekitinih tlen kinekiyayah san inihuantih monawatiseh wan kikualittayayah ma onkah desamortización noso tlaxolewalistli tlen inintlal waya ininwampoyowah, kena monekiyaya motlepanittas itlahlamikilis; wan nohkia kipalewiyayah nechikolistli tlen altepeme, tlen tlawel kitlepanittayayah wan kiihtowayayah san ya weliskia kichiwas unidad wan soberanía wan kitlamiltis tlawewilistli tlen desde wahkakia onkayaya ipan más tlen ome powalli wan matlaktli xiwimeh.

Ipan noviembre tlen 1876 kalahki ipan Mexko altepetl, wan pampa tlatlanki, mosewihki ipan presidencia ipan 1877. Ipan achtowi kawitl kena kitlepanittak bandera antirreeleccionista: ipan 1878 kikualtlalki se tlanawatilli para ax onkas reelección wan ipan 1880 kipanoltiki kuatopilli ikompah, Manuel González. Ika yaino kipixki miak político chikawalistli, tlen moweyichihki kemah onkayaya gonzalista nechikolistlanawatiyanih, pampa pehki kualli waya mowikah sekinok. Wan teipah elki ken candidato único wan sampa tlatlanki ipan tlapehpenalistli (1884-1888). Pero namah kena ax kinekiyaya kikawas ne silla presidencial: ipan 1887 ika se yankuik tlanawatilli welki mochihihi reelección inmediata, ni kiihtosneki ne tlanawatihketl sampa weliskia tlanawatis; wan ihkinoh tlanawatihki ipan cuatrienio tlen 1888 a 1892. Ipan 1890 motlamokixtihi ipan amatlanawatilli nochi tlamantli para ax onkas reelección wan ipan 1904 ne presencal kawitl mopatlak ika chikuase xiwimeh, wan yeka ne don Porfirio san ya tlanawatiskia teipah ipan kawitl 1892-1896, 1896-1900, 1900-1904 wan 1904-1910.

Ipan ni xiwimeh tlen panokeh onkak miak tlapatlalistli, yeka axkanah welis san tisaniloseh tlen porfiriato; moneki tikihtoseh

onkak ome tlamantli tlen porfiriatos, wan nohkia onkak xiwimeh tlen owihkayotl.

NE PORFIRISTA TLANAWATILLI

Tlen achtowi kawitl

Tlen achtowi porfiriato kawitl pehki ipan 1877 wan tlanki kemah pehki tlen tercer presidencial kawitl tlen Porfirio Díaz (1888) noso kemah motlamokixtihki nochi wan welki mochiwa reelección indefinida (1890). Ipan ni kawitl onkak tlachiwalistli, tlatlepanittalistli, tlasehotilistli, sanilistli wan tlasenkawalistli, pero nohkia represión.

Kemah pehki tlanawatia ne don Porfirio monekiyaya kikualtlalis miak tlamantli. Tlen achtowi, monekiyaya moyolchikawas Estado wan nación. Amatlanawatilli tlen 1857, wan nohkia amatekitl tlen liberal tlen Estado wan tlen ewanilh, axkanah nel mochihtoyah. Ken moihtohki achtowi, ipan amatlanawatilli moihtuilohtoya nochimeh ewanilh elih iwikal ante la ley wan tlanawatiyanilh monekiyaya kintlepanittaseh wan tekitiseh para kipiaseh xitlawalistli. Wan nohkia para axkanah onkas concentración tlen chikawalistli, moxoxoletzki ipan ejecutivo (tlen kitlalis tlanawatilli), legislativo (tlen kichiwas tlanawatilli) wan judicial (tlen tlamokuitlawis), wan chinanko kinpehpenaskiah inintekiwah (presidente wan gobernadores, legisladores, magistrados tlen Suprema Corte wan tlen tribunales superiores tlen justicia, wan nohkia jueces). Ika último, ne Estado wan iglesias axkanah sansehko itztoseh, wan para welis onkas libertad tlen tlaneltokilli, kikawayaya imakoh tlen nechikolistlanawatiyanilh tekitl tlen tlamachtilistli noso ne beneficencia.

Ihkatzah kehnopa, ne amatlanawatilli axkualli weliyaya motlalia pampa sekih kikualittayayah wan sekih axkanah, wan ni ome tlawel mokualaniyayah. Nochi ni kualantli axkanah tlanki

kemah onkak victoria republicana tlen 1867, pampa onkayayah miak amatekitl tlen nación. Onkayayah miak kualantli. Onkayaya kualantli tlen gobernabilidad; welis tikihtoseh ipan amatlanawatilli ne ejecutivo ax kipiaya chikawalistli wan yeka ne tlanawatihketl ax weliyaya kinnawatia corporaciones noso poderes regionales; yeka ne Juárez wan Lerdo kisentilihkeh miak chikawalistli ihkatzah ax kitlepanittayaya tlanawatilli. Wan nohkia sekinok kiihtowayayah monekiyaya seyok amatlanawatilli ipan nopa kawitl. Ni tlamantli tlawel moihtowayaya ipan porfirato kawitl. Sekih tlahlamikinih kiihtohkeh se ome tlamantli, kiihtowayayah ipan amatlanawatilli moihtuhtoyaya onkah se sociedad kampa kalaktokeh miyakeh tlakameh, pero mexicana ewanah axkanah iwikal eliyayah; wan yeka kiihtowayayah nopa amatlanawatilli teipah kualli motlaliskia. Yeka welis tikihtoseh nohka poliwiyyayah miak tlamantli, poliwiyyayah mochikawaltiseh instituciones wan nochi tlen moihtuhtoyaya ipan amatlanawatilli, wan nohkia sistema político para kualli kichiwaskia iteki. Wan tlan welis tikihtoseh ne Juárez, Lerdo wan Díaz kena miyakeh kinixmatiyayah ipan sekinok weyi tlalli, monekiyaya kichiwaseh miak tekkitl para nochipaya kintlepanittaseh, wan yaino monekiyaya mochiwas ipan nochi nación; tlen tlawel monekiyaya eliyaya moyolchikawaseh wan sansehko tekitiseh fuerzas políticas wan regionales, wan kehnopa ayohkana onkaskia tlatewilstli yon tlatolewalistli tlen tlalli.

Tlen seyok tlamantli, nohkia ax onkayaya coherencia noso identidad nacional. Sekinok chinankomeh wahka itztayah wan axkanah kimachiliyyayah onkah unidad wan tlanawatiyanih, tlen kipiayah seyok nemilistli, ax kimatiyyayah katlia kualantli kipiayah. Wan nohkia ipan fronteras onkayaya temahmatilli pampa sekinokeh extranjas altepeme kinikiyyayah kalakiseh.

Ne Porfirio Díaz monekiyaya kichiwas miak tlamantli, tlen kinsehotilis nochimeh políticas chikawalistli wan regionales, kimakas legitimidad wan legalidad ne régimen, wan kitlepanittas ne amatlanawatilli, wan kichiwas nochimeh altepeme ma kitlepanittakah.

Para kichiwas tlen achtowi kikuihki se política iwikal tlen kitekiwihtoyah Juárez wan Lerdo, wan ax nochipa kintlepanittak wan kinpalewihki regionales nechikolistli wan miltekitinih nechikolistli. Ya kinkuihki ome ohmeh. Achtowi tlen sanilistli wan tlasenkawalistli. Kintlepanittayayah nochimeh tlen kipalewihkeh wan nohkia kintilanki tlen waya ax mowikayaya. Kehni, kinkalakihki ipan nechikolistli tlatewiyanih tlen kimanawihkeh ne Plan tlen Tuxtepec, pero nohkia tlen kintotokatoyah Juárez noso Lerdo, wan nohkia ne lerdistas wan iglesistas. Monamiktihki waya Carmen, iichpoka tlen exlerdista Manuel Romero Rubio, wan kehnopa mowikak kualli waya nopa nechikolistli. Kinkalakihki ipan iningabinetes liberaltlatewiyanih, tlen kintotokatoyah kemah elki República Restaurada, pero nohkia liberaltlakameh tlen kichiwayayah políticatekitl noso tlahlamikinih, san ahkia kinekiyaya. Welis tikihtoseh ipan 1884 san se ministro tlen Estado eliyaya porfirista; wan onkayayah ome tlen juaristas, ome tlen lerdistas wan se imperialista. Kehni, kinsehotilki liberales nechikolistli, wan Díaz kinnotzki se ome imperialistas, wan nohkia ne iglesia católica.

Ipan nopa kawitl ne eclesiástica nechikolistli tlawel kimapachtoya. Ax weliyaya kipia chikawalistli yon tomih, wan yeka san ne Estado ya kimanawiyaya. Nohkia kinpoltoya miyakeh tlakameh, pampa san weliyaya onkas clero secular. Wan nohkia kipoltoya kampa mokalakis, pampa ne culto ax weliyaya mochiwa kalteno tlen teokalmeh wan teopixkemeh ax weliyayah tekutih ipan kaltlamachtilyan, tlen beneficencia wan hospitalarios. Nochi ni tlamantli mopatlak ipan porfirista nechikolistlanawatiyanih. Díaz axkanah kinkotonki antieclesiásticas tlanawatilli, pero nohkia ax nochimeh kintlalki. Kikawilki ne iglesia ma sampa kipia chikawalistli, ma sampa motlali ne clero regular (frailes wan monjas) wan ma mochiwakah nechikolistli tlen vida activa, tlen tlamachtiskiah wan kintlamokuitlawiskiah tlen mokokowah wan menesterosos. Wan nohkia, ininsiawawah tlen funcionarios, kampa kalaktoya Carmen Romero Rubio, yowiyayah kemah mochiwayaya teomatilistli, wan ipan wehweyih ilhwitl, ken kemah

mochiwayaya coronación tlen tonantzih Guadalupe ipan 1895. Wan yeka nopa eclesiástica nechikolistli ya kipalewiya ne caudillo, ax kintlepanittak populares tlatewilistli tlen onkayayah wan tekithki kemah mochihki evangelización tlen yaquis wan mayos. Wan pampa sampa mokalakihki ipan bebécatekitl wan tlamachtlistli, tlawel kipalewiya nechikolistlanawatiyanih ipan miak tlamantli kampa ax moaxiliyaya.

Ne Díaz axkanah kualli waya mowikayaya miltekitinih nechikolistli, yon waya caciques noso regionales tlanawatiyanih. Ipan sekinok tlalli nopa tlanawatihketl kena kitlepanittak chinankomeh ma inihuantih monawatikah wan kiketzkí desamortización. Ipan sekinok chinankomeh axkanah kiketzkí tloxolewalistli tlen propiedades corporativas yon colonización, tlen kinekiyaya kinkalakís ipan producción wan ipan tiankastli milli kampa axtlen kitoktoya, wan kinmakayaya se tercera parte ne compañías deslindadoras tlen kiihtowayah kanih eltokeh. Nohkia onkayayah tlalli kampa kena tekitiyah pero ininaxkah axkanah kipiayah título tlen propiedad, nopayo eltoyah chinankomeh, tlen kehnopa kipolkeh inintlal.

Ne don Porfirio axkanah iwikal mowikayayah waya nochimé gobernadores wan caudillos. Ni tlanawatihketl kitemohki kenihkatzah kintlalis ma tlanawatikah ipan estados tlakameh tlen kitlepanittayah wan ma momanawikah waya sekinokeh nechikolistli ipan nopa zona. Tlan ininwampoyowah —tlen eliyayah caciques— kinchiwayayah nopa ome tlamantli, kinkixtiyaya tlen militar chikawalistli, pero kintlaliyaya ipan gobernatura noso ma mokawakah nopayo; tlan ax kichiwayayah yaino kintotokayayah, pero kena kinpalewiyah para kipiaseh tomih. Kehni kualli waya miyakeh mowikayaya, ipan gobernaturas mokahkeh san tlen kitlepanittayah, ya axkanah mokalakiyaya tlan kualli tekitiyah ipan weyi tlalli.

Ne Porfirio Díaz nohkia kualli mowikayaya waya extranjero wan kaxitihki tlen tercera tlen imetas: kipiás internacional tlatlepanittalistli tlen sekinok chinankomeh. Ni tlanawatihketl

sampa kitlalki relaciones diplomáticas waya Francia, Inglaterra, Alemania wan Bélgica, tlen mokotontoyah ika tlanawatilli tlen kitlaltoya Juárez. Nohkia pehki kualli waya mowika Estados Unidos. Para kualli mowikas waya ivecino tlen norte monekiyaya mokualtlalis miak tlamantli: ne deuda exterior mexicana; ne masewalchinankomeh wan tlachtekinih tlen toromeh panoyayah ipan mexkottalli wan tlen tlatewiyanih tlen kintotokatinemiyayah; onkayaya se tlalli kampa ax onkayaya impuestos tlen kitlaltoya Mexko para ma walakah colonos wan ne contrabando tlen nohkia onkayaya, wan migración tlen mexkotekitinih tlen yowiyayah ipan norteamericano tlalli. Ihkatzah nochi yaino, wan pampa mochiwayaya tlaxtlawalistli tlen tlawikayaya wan compensaciones, wan pampa onkayayah facilidades para ne inversionistas, ipan 1878 Estados Unidos kitlepanittak ne Díaz. Wan ne tlanawatihketl tlen Mexko chikawak kimanawihki soberanía nacional.

Wan namah kena, kemah ax welki kichiwa sanilistli noso tlasenkawalistli, Porfirio Díaz kiitzkihki seyok ohtli: ne fuerza wan represión. Para kichiwas yaino kintekiwihi tlatewiyanih, ne policía, wan policía rural. Welis tikihtoseh ipan 1879 ne tlanawatihketl tlen Veracruz tlanawatihki ma kinmiktikah chiknawi lerdistas, welis pampa axkualli kikahki tlanawatihketl, tlen kiihlihki ma kinmakili ne cabecillas tlen tlatewiyayah wan tlen nohkia eliyayah oficiales tlen armada, onkah sekih tlen kiihtowah onkak se telegrama ika se tlanawatilli: “Pa nimah ma kinmiktikah”. Nohkia kinmakilihkeh tlen tlatewiyayah ipan Sonora wan Yucatán, tlen tikittaseh teipah. Nohkia onkayayah tlachtekinih wan bandoleros, ken ne Jesús Arriaga (*Chucho el Roto*) wan Heraclio Bernal (*El Rayo de Sinaloa*), inihuantih kinitzkihkeh wan kinmiktihkeh ika ne “ley fuga”.

Namah moneki tisaniloseh tlen legalidad tlen régimen, ni tlamantli kiihtosneki tlan kintlepanittayaya noso axkanah amatlanawatilli. Pampa mokalakiyaya kemah kinpehpenayayah ne gobernadores, ne don Porfirio ya kiihtowayayah ahkia eliseh diputados, senadores wan magistrados federales. Ni tlaphepenalistli eliyayah indirectas; ni kiihtosnekiyaya tlakameh

tlen tlakatihtoyah ipan Mexko (pampa siwameh ax weliyayah tlawasaniah), mexkoewanih ininkonewah noso extranjeros naturalizados, tlan kipiayah 18 xiwimeh wan monamiktihtoyah wan tlen 21 tlan axkanah monamiktihtoyah, wan tlan “kualli ewayayah”, inihuantih kinpehpenayayah tlawasananih, wan teipah inihuantih kinpehpenayayah tlanawatiyanih. Welis tikihtoseh ne federales tlapehpenalistli eliyayah se tlakakayawalistli: kemah mochiwayaya tlapehpenalistli ne urnas axtlen kipiayah wan papeletas ax kinwasaniyayah ne tlawasananih. Pero nochi kehnopa mochiwayaya ihkatzah se tlakakayawalistli eliyaya. Monekiyaya nochimeh kiitaseh kena kualli tlanawatiyaya ne régimen. Nohkia kehnopa mochiwayaya ipan estatales tlapehpenalistli, tlen nohkia indirectas eliyayah. Yeka welis tikihtoseh tlawatilli wan amatlanawatilli axkanah kintlepanittayayah. Wan nochi kehnopa eliyaya. Seyok tlamantli elki ne anticlerical tlanawatilli tlen ax nochipaya mochiwayaya. Wan ihkatzah ne jerarquía eclesiástica tlatewiyaya para ma tlami, axkanah mokotonki wan ne iglesia católica ax kikualittayaya nopa tlamantli tlen mochiwayaya.

Welis tikihtoseh, sampa motlalki ne clero regular, pero kemantika ne tlanawatiyanih kitzakuayayah se convento tlen “ax monekiyaya tlapotos”.

Ika nochi, ipan nopa régimen onkayaya legalidad wan nohkia tlakakayawalistli. Seyok tlamantli, pampa onkak legislativos tlapatlalistli wan motekiwihihi fuerza, ipan ni kawitl, pampa motekiwihihi sanilistli wan tlasenkawalistli, Porfirio Díaz kipixki internacional tlatlepanittalistli wan kichihihi cohesión nacional, pampa kualli mowikayaya waya miyakeh nechikolistli. Wan pampa ipan ne nechikolistli kalaktoyah miyakeh tlakameh tlen kinmanawiyayah sekinokeh (ininteixmatkawah, ininchinankomeh, ininhacienda, ininwampoyowah), yeka miyakeh kitokiliyayah ne tlanawatihketl. Wan yeka tlahok hasta wahkapa tle tlachiwaltepetl tlen lealtades. Yeka welis tikihtoseh nopa tlanawatihketl kualli kichihihi nopa tekittl pampa kinsehotilki miyakeh tlakameh para ma axkanah moxexelokah, wan kehnopa kikualtlalki político iteposkal.

Tlen teipah kawitl

Tlen teipah kawitl, tlen pehki ipan 1888 wan 1890 wan tlanki ipan 1908, moixmati pampa onkayaya centralismo wan nopa nechikolistlanawatiyanih eliyaya personalista wan autoritario, ihkinoh eliyayah Porfirio Díaz wan tlanawatiyanih tlen estados. Ipan nopa kawitl mopatlakeh miyakeh tlanawatiyanih, pampa mihkeh miyakeh tlakameh tlen kipalewihkeh ne Díaz para ma tlatlani wan ma eli tlanawatihketl. Pero nohkia onkayayah sekinokeh tlen kinekiyayah tlanawatiseh. Onkayayah eyi tlakameh —Joaquín Baranda, José Yves Limantour wan Bernardo Reyes— inihuantih kichihkeh ma mokotona wan ma tlapani ne elite porfirista, wan kinmanawiyayah miyakeh nechikolistli wan weyi tlalli, seyok tlamantli tlen kenihkatzah mochiwas tlanawatilli wan yankuik tlahlamikilistli tlen nación.

Baranda, elki tlen achtowi kalahki ipan gabinete, elki ministro tlen justicia desde ipan 1882; achtowi elki gobernador tlen Campeche wan miyaken kiixmatiyayah ipan weyi tlalli; nohkia miyakeh kiixmatiyayah pampa kinixmatiyayah iiknimeh, ipan Tabasco wan Yucatán, wan pampa kiixmatiyaya Teodoro Dehesa, ipan Veracruz. Kinpalewiya liberales tlen Reforma kawitl, eliyaya civil wan civilista, kinekiyaya se aparato político tlen kuekuetzih. Tlen teipah kalahki ipan gabinete —pero tlen último tlen kalahki ipan escenario político— elki Limantour, ministro tlen Hacienda ipan 1893 wan 1911. Kalaktoya ipan nechikolistli tlen “científicos”, kampa nohkia kalaktayah Justo Sierra, Miguel wan Pablo Macedo, Rosendo Pineda, Joaquín Casasús noso Francisco Bulnes. Nochimeh momachtihtoyah wan ininteixmatkawah kipiayah tomih, nochimeh mosehotiltoyah waya Manuel Romero Rubio, wan tlen kichihtoyah Unión Liberal, se nechikolistli tlen kimanawiyaya ma onkah se kualli nechikolistlanawatiyanih, monekiyaya onkas yankuik tlanawatilli wan kichihkeh ne vicepresidencia.

Tlen seyok tlamantli, tlen filosofía positivista, ne “científicos” kiihtowayayah monekiyaya motekiwis se método científico para

mochiwas tlamachtlistli tlen ewanilh wan mokualtlalis nochi kualantli; ika seyok tlamantli welis tikihtoseh monekiyaya se yankuik tlamachtlistli para mokuamachilis tlen kenihkatzah itztokeh nochimeh ewanilh, wan ika yaino onkaskia progreso tlen ewanilh. Pampa inihuantih tlawel kinekiyayah ma onkah “política científica” yeka kintokaxtihkeh “científicos”. Nohkia moihliyah ipan altepetl monekiyaya onkas se nechikolistlanawatiyanih tlen tetik, tlen kinpalewiskia economía wan ewanilh; yeka kinekiyayah ma onkah tekitl tlen salud noso tlamachtlistli. Nochimeh inihuantih kualli mowikayayah wan kinpalewiyayah capitalinotlakameh tlen kipiayah tomih wan chikawalistli, pero axkanah mowikayayah waya ewanilh tlen altepetl itiko wan tlen sectores tlen tlatlahko noso populares.

Ne Bernardo Reyes elki tlen tercero kalahki ipan gabinete, pero ya miak políticatekitl kichihtoya achtowi: ipan 1876 elki coronel wan ipan 1889 elki tlanawatihketl tlen Nuevo León, wan nohkia desde kemah pehki porfiriato miyakeh kiixmatiyayah ipan noroeste tlen altepetl. Elki ministro tlen Guerra ipan 1900 wan 1902 wan kinpalewiyayah ne porfiristas clásicos: tlatewiyanih tlen walayayah tlen clases medias noso bajas tlen provincia, wan tlawel tlatzkitoya waya estados. Ya kipalewiyaya nechikolistlatewiyanih, wan kitlepanittayayah nechikolistli tlen kinpalewihki kemah elki tlanawatihketl tlen Nuevo León: tomichiwanilh, kuekuetzih burguesía wan clases medias, wan nohkia tekitinih tlen mosenkahtoyah, pampa kikualtlalki se tlanawatilli tlen ika momanawiseh obrerotekitinih.

Ipan se ome xiwitl ne Díaz welki mononotza waya nechikolistli, pero onkak kualantli kemah monehki kitlalis isucesor. Nopa tlamantli mochihi ipan 1898. Kinekiyaya kitlalis ne Limantour wan moihlihki ne Reyes wan Baranda kikualittaskia. Pero axkanah, ni útlimo ministro tlen Justicia, ax kikualittak wan ayohkana tekitihki ipan gabinete, kehnopa nopa nechikolistli mokotonki, wan teipah ayohkana kualli tekitiskia wan nohkia onkayayah seyok ome facciones.

Ome xiwitl teipah, ne tlanawatihketl nohka mononotzayayah waya “científicos” wan reyistas, pampa kinekiyaya ma mosenkawakah, pero ya nohkia moyolchikawayaya pampa nochipaya onkayaya kuantli. Ni kiihtosneki ne ome kinkixtiliyaya chikawalistli: ne “científicos” kipalewiyayah tlen economía wan para kualli mowikas waya tomichiwanih, banqueros, wan inversionistas tlen altepetl; wan ne reyistas pampa itztayah ipan noroeste, kualli mowikayayah waya milicia wan nohkia pampa kimanawiyayah tomichiwanih, pero nohkia tlen grupos medios wan obrerrotekitinih. Yeka ni tlanawatihketl kualli mowikayaya waya ome facciones —pampa inihuantih nochipaya mokualaniyayah—, waya mononotzayayah para mosenkawaseh. Yeka kitokaxtihki ne Reyes ministro tlen Guerra, wan ne Limantour ma eli tlen Hacienda.

Kemah moihtowayaya katlia nechikolistli kipalewis, onkayayah miak kuantli. Ipan 1902 ne Limantour ax kinehki temakas tomih para ma moyankuili nechikolistlatewiyanih, wan ax kikualittayaya ne Segunda Reserva, se nechikolistli tlen kichihtoya ne Reyes wan pampa kalaktayah miyakeh civiles, tlen kinmachtiyayah militartlamachtistli ipan fines tlen semana. Tlanawatihketl kimawiliyaya tlatewiyanih kipalewiskiah ne ministro tlen Guerra, yeka don Porfirio kiihlhki ma mokuropa ipan Nuevo León, kichihki tlapatlalistli ipan nechikolistlatewiyanih wan kikotonki guardia civil.

Ipan 1903 noso 1904 tlayekanayayah san ne “científicos”. Nochimeh tlakameh tlen kipalewihkeh ne Díaz para ma tlatlani, liberales tlen kipiayah intelectual wan militar tlamachtistli, kinihkuenihkeh tlen gabinete. Ipan seyok lado, ne “científicos” inihuantih kitlalihkeh icandidato tlen vicepresidencia ipan tlaphepenalistli tlen 1904. Axkemah mopehpentoya se vicepresidente, ya tlanawatiskia tlan weyi tlanawatihketl ax itztoskia noso mikiskia, wan pampa Díaz kipiaya 73 xiwitl, kena eliskia. Kehni, kemah mopehpenki se vicepresidente motlalki sucesor tlen ne caudillo. Ne Limantour kiihtohki ma eli ne Ramón Corral, wan Díaz kikualittak.

Tlakameh tlen kipiayah miak tomih ayohkana kitlepanittayayah tlanawatihketl. Pampa kinpalewihki ne “científicos”, kinihkuenihki tlen tetatzitzih liberales wan mokualanihki waya tlawewiyanih, ayok kualli mowikayaya waya sekinok weyi tlalli wan nechikolistli, nochimeh inihuantih mokahkeh kalteno. Mokahkeh kalteno miyakeh tlakameh tlen motlalanayayah, tlen axkanah weliyayah kalakih ipan sistema político pampa nochi momahkatoyayah. Nohkia, pampa tlanawatihketl mosenkahtoyah waya gobernadores wan poderes regionales ayohkana kintlepanittak chinankomeh yon miltekitinih, wan pampa mosenkahtoyah waya inversionistas wan tomichiwanih nohkia ayohkana kintlepanittak obrerotekitinih. Wan pampa onkayayah miak kualantli, yeka pehki kitekiwia imposición, autoritarismo wan represión.

Tlen seyok tlamantli, ipan ni seyok kawitl, nohkia onkak violación tlen autonomía tlen poderes legislativo wan judicial. Ken tikihtohkeh ya, ne legisladores wan magistrados, tlen federales wan estatales, kintlaliyayah pampa mononotzayayah wan mosenkawayayah waya tlanawatihketl, wan miak weltah mochiwayaya reelección; san kinihkueniyayah tlan mokualaniyayah waya tlawasananih noso kinmakayayah se tekittl más kualli. Yeka kitlepanittayayah wan ax kipiayah autonomía. Yeka Congreso kinkualittayaya nochimeh iniciativas tlen ejecutivo. Ne Suprema Corte ya axkanah mokalakihki ipan política wan san elki ken se tribunal tlen amparo noso tlen última instancia, weltoskia mokuropa tribunal constitucional wan tlamokuitlawitoskia federales tlanawatilli, wan nohkia tlamokuitlawitoskia ipan tlapehpenalistli.

Nohkia kipolkeh independencia ne gobernadores estatales. Kena nohka kichiwayayah se ome tekittl (welis tikihtoseh ipan tlapehpenalistli tlen diputados weliyayah kinpehpenah candidatos tlen kintlaltoyah Díaz noso kintokaxtiseh suplentes, tlen eliyayah tlen yowiyayah ipan tlasentilistli), wan ax nochipa kintlepanittayayah tlanawatilli tlen poder federal (welis tikihtoseh, kimanawihkeh xitlawalistli para tlanawatiseh ipan materia tlamachtilistli wan kitlepanittakeh kinsehotilihkeh amatekitl tlen tlamachtilistli, pero

kitlalihkeh nohkia se matiz regionalista), ipan nopa kawitl onkayaya miak intervención tlen centro ipan política wan economía tlen weyi tlalli.

Kampa tlawel onkak centralización elki ipan estados, ni kiihtosneki, ne mandatarios estatales tlanawatihkeh ika personalista wan autoritaria tlamantli. Tlawel ipatiyayah ne jefes políticos, tlen eliyayah tlanawatiyanih tlen itztoyah tlatlahko tlen gobernadores wan presidentes municipales, kinnawatiyayah ne tlanawatihketl tlen república noso gobernador. Ne jefes políticos mokalakiyayah ipan consejos municipales. Yeka ipan ni kawitl nochimeh chinankomeh ayohkana kipiayah autonomía wan san ipan sekinok weyi tlalli ne municipios kipiayah se kentzih tlen libertad.

Ipan ni kawitl más chikawak elki control wan represión tlen ax kitlepanittayayah ne régimen. Kiski se oposición política, partidaria, ken tlen Partido Liberal Mexicano. Nopa oposición nohkia monextiyayah ipan prensa. Onkayayah oficialistas amaperiódicos, ken *El Imparcial*, tlen san ya kiseliyaya subsidio gubernamental, san kichiwayaya noticia wan ayok kinchihi editoriales tlen opinión. Pampa onkayayah yankuikah teposmeh, pampa ax patiyo eliyayah ejemplares, pampa sensacionalismo wan pampa motekiwiayah neskayomah, onkayayah miyakeh amapowanih wan tlawel motlalanki, más ken ne diarios tlen wahkakia. Nohkia onkayayah amaperiódicos tlen ax oficialistas —liberales, católicos wan obreros—, sekih moyankuichihkeh iwikal ken ne *El Imparcial*, pero sekih san kentzih ejemplares kinkixtiyah ika sosoltikah teposmeh. Pero nochimeh kipiayah se tlamantli: kikixtiyah notas kampa kitlahiliyah ne Díaz, wan yeka kinnankiliyah ika represión, ahachika inindirectores, tlahkuilowanih wan nohkia impresores kintzakuayayah. Welis tihtokaxtiseh ne Filomeno Mata, tlen kiyekanayaya *El Diario del Hogar*, ya miak weltah kitzahkeh, wan sekinokah kipowah, kemah kitlatlaniliyah kanih ewa ya kiihtowayaya ewa iicha wan nohkia ipan cárcel tlen Belén, pampa ayohkana kimatiyaya kanih itzto.

Nohkia tlawel mochikahki represión tlen protesta social, ni teipah tikittaseh. Miyakeh mosisintoyah: motekpanayayah ipan ohmeh, ax kintlepanittayayah públicos teposkalmeh, tlachtekiyayah noso onkayaya bandidaje, huelgas tlen obrerotekitinih noso agrarias tlatewilistli. Tlawel motekiwhi fuerza: ipan ni kawitl cientos tlen tlakameh, siwameh wan yaquis okichpilmeh kinwikakeh ipan campos tlen tekitl ipan Oaxaca wan Yucatán, nohkia kinmiktihkeh miyakeh minerotekitinih tle Cananea wan obretotekitinih tlen Río Blanco.

Ika último, Díaz nohkia kinekiyaya kualli mowikas waya sekinok altepemeh. Kitlepanittayaya Estados Unidos pampa kimawiliyaya expansión, tlen eliyaya económica wan ayohkana tlen tlalli. Yeka kiihtowayaya ni tlahtolli “tlatlakolli Mexko, wahka itztok tlen Totiotzih wan tlawel echkatzihi tlen Estados Unidos”, wan onkak ome tlamantli: nopa altepetl tlawel mokalakiyaya ipan Caribe wan Centroamérica, ipan Guatemala (altepetl tlen waya mokualantoya Mexko pampa tlen límites fronterizos wan kenihkatzah panoseh ewanih), wan pampa tlawel ipatiyaya ipan economía mexicana. Wan yeka nopa tlanawatihketl pehki kualli waya mowika Inglaterra, Francia wan Japón. Ax kinekiyaya Estados Unidos ma tlanawati ipan nochi América Latina pampa kimawiliyayah amenaza europea noso ma eli árbitro ipan americanos altepemeh, pampa ya kiihtowayaya nopa americanas altepemeh inihuantih monawatisesh.

Tlen últimos xiwimeh

Pampa panok miak tlamantli yeka welonki régimen porfirista. Yeka welis tikihtoseh axkanah onkak san se crisis, pampa onkak miak crisis, tlen pehkeh kemah pehki xiwilpilli wan ken, tikittaseh teipah, ax kinkualchihki tlamantli tlen económico, tlen ewanih wan tlen nemilistli, wan nohkia tlen político tlamantli.

Ne régimen porfirista tlawel siahtoyaya: tlanawatihketl kipiaya 80 xiwitl; nochimeh tlen gabinete kipiayah echka 67 xiwitl, wan nohkia tetatzitzihi eliyayah gobernadores, magistrados wan legisladores. Díaz axkanah san ya miak xiwimeh tlanawatihki, miyakeh tlanawatiyanihi nohkia. Welis tikintokaxtiseh tlanawatiyanihi estatales: Teodoro Dehesa tlanawatihki matlaktli wan makuilli xiwimeh, Mucio P. Martínez matlaktli wan chikome xiwimeh ipan Puebla, echka ken Francisco Cañedo ipan Sinaloa wan Joaquín Obregón González ipan Guanajuato. Ken moihtohki, ne régimen san moketztoya, ayohkana kipiaya chikawalistli para kinpalewis yankuikah sectores políticos noso ewanihi. Wan nohkia tlawel moxexelohtoya. Nopa tlaxolewalistli tlen “científicos” wan reyistas axkanah tlanki kemah mokuepki Reyes ipan Nuevo León, wan asiko kemah mochiwaskia tlapehpenalistli tlen 1910.

Ipan 1908 Díaz temakak se entrevista se norteamericano periodista tlen itokayaya James Creelman. Nopayo kiihtohki axkanah mokalakisi ipan tlapehpenalistli tlen monechkawiyaya, wan nohkia kiihtohki Mexko moyolchikahtoyaya para kiselis wan mochiwas democracia. Ika yaino miyakeh kiihtohkeh miak tlamantli, pero tlen kiixmatiyayah ne caudillo kimatiyah ya kiihtohki yaino para ma kikakikah kalteno, pampa tlen nelia ipatiyah eliyaya sampa motlalis vicepresidencia. Ipan ni kawitl nopa tlanawatihketl tlawel tetatzitzihi eliyaya, wan yeka ika presidencia mokualtlaliyah ohtli para mochiwas sucesión.

Ipan 1909 ne “científicos”, tlen kinpalewiyayah Díaz, kiihtohkeh ma tlanawati Corral. Ne reyistas kitlalihek ne Reyes, wan kinchihkeh miyakeh nechikolistli ipan nochi altepetl, kampa kalaktoyah clases medias wan obrerokitinihi. Ne Reyes tlawel kitlepanittayaya ne Díaz wan yeka axkanah kinehki tlatewis yon kichiwas yon se kuantli, yeka kinihlihi nochimeh tlen kipalewiyayah ma axtlen kichiwakah wan kiselihki se comisión tlen kinawatihki tlanawatihketl ipan Europa.

Onkak weyi kuantli. Kehni panok ika ne reyismo (pampa tlen kipalewiyayah Reyes inihuantih nohka tlatewiyayah

ihkatzah ya yahki ipan extranjero), tlen oposición liberal noso ne maderismo. Ni nechikolistli axkanah iwikal eliyayah. Tlapaltik eliyayah tlen kanih walayayah wan inintlalamikilis, pero kena kipiayah iwikal kualantli wan tlen tlahtlaniyah: ma motlepanitta amatlanawatilli, ma onkah legalidad, ma motlepanitta voto wan ma amo onkah reelección, wan ma kinmanawikah miltekitinih wan obrerrotekitinih.

Ihkatzah kualantla tlaeltoya, kena mochihki tlaphepenalistli wan tlatlanki Díaz waya Corral. Teipah san panok chikuase metztli toponki weyi tlatewilistli tlen revolución, wan teipah ipan menos tlen se xiwitl, ipan mayo tlen 1911, ne don Porfirio kikatehki presidencia wan altepetl, wan yahki Francia. Ika nopa tlamantli tlamiyaya kawitl tlen porfiriato, ken moihtohki, kemah pehki wan tlanki, elki kemah tlatlanki wan teipah kemah wetzki ne Porfirio Díaz.

Ni kawitl tlawel ipatih elki pampa nikah mokualtlalki Estadonación, ihkatzah ne Porfirio Díaz ax welki kichiwa nochi tlen kinekiyaya yon ax kikualtlalki nochi kualantli. Tlen ome tlamantli tlen ya kitekiwiyayah eliyayah “orden wan progreso” wan “kentzih política, miak administración”. Kena onkak tlen orden —axkanah nochi pampa onkayayah kualantli— para yaino ax monehki kentzih política. Tlan ne don Porfirio kena kitekiwihki fuerza, welki kipia chikawalistli pampa kualli mowikayayah waya miyakeh, mononotzayayah, mosenkawayayah wan mokalakiyaya ipan miak tlamantli. Ya kinkalakihki miyakeh fuerzas políticas wan tlen weyi tlalli. Tlen seyok tlamantli, ax kintlepanittak tlanawatilli electorales, ax kintlalki nochimeh antieclesiásticas tlanawatilli, ax kintlepanittak individuales tlanawatilli (akahya kiihtos san katlia kinekis) noso ax kinchihki (kikawayaya ma onkah peonaje por deudas, tlen ax kitlepanittayaya tlanawatilli tlen tekittl wan tlen kemah tlakatiyah, pampa deudas san mopanoltiyayah); pero nohkia kintlalki sekinok principios tlen liberal amatekitl wan tlen amatlanawatilli. Welis tikihtoseh, kichihki ma kintlepanittakah Leyes tlen Reforma wan tlen amatekitl tlen secularización (ken ne tlatlepanittalistli

tlen tlaneltokilli), nohkia kintlalki yankuikēh xitlawalistli wan justicia (tlanki nopa weyi tekitl tlen codificación wan kikualtlaki amparo tlen sentencias judiciales) wan miak tekitihki para welki mochiwa económico amatekitl tlen kimanawiyayah liberales. Ika último, tlatlanki pampa kisehotilki nochi altepetl, kichihki ma onkah se identidad nacional wan nohkia kimanawihki ne soberanía.

Wan yeka welis tikihtoseh ipan ni kawitl pehkeh noso moyolchikahkeh miyakeh políticas nechikolistli tlen xiwilpilli XX. Nohkia kehnopa panok ipan pamitl tlen economía, tlen ewanilh wan tlen nemilistli.

NE FINANZAS PÚBLICAS WAN ECONÓMICO MOYAWALISTLI

Porfirio Díaz kitlalanki se hacienda pública tlen postektoya. Kintlawikiliyayah miak tomih extranjero wan prestamistas nacionales; tomih tlen aduanales motlalanayaya kinmakayayah ne acreedores tlen nación; achi tomih eliyayah tlen estados wan ax kipalewiyayah ne federación, wan nochimeh tlaxtlawanih ayok kinekiyayah ma onkah cargas fiscales. Para mokualtlalis nochi yaino ne ministros tlen Hacienda (kampa itztoyah Matías Romero, Manuel Dublán wan José Yves Limantour) tekitihkeh ipan miak pamitl. Ayohkana onkak miak tlapalewilistli para gastos públicos wan kimalwihkeh tomih. Kinkualtlakeh yankuikēh tlaxtlawalistli, ken tlen achtowi onkayayah, tlen axkanah kitzakuiliyayah ne tlanamakalistli. Ika último, pampa kintlanetihkeh se yankuik préstamo, kikualtlalkeh tlaxtlawalistli tlen itiko wan kalteno, wan sampa kintlepanittakeh altepemeh wan inversionistas wan nohkia sampa kintlanetihkeh tomih. Welis tikihtoseh, se achi tlen tlawikayayah moxitlahki ika tlapalewilistli tlen extranjero wan tlen seyok achi mosenkahkeh waya acreedores para yolik tlaxtlawaseh wan kitlalkeh se tasa tlen interés fija. Ika nopa tlamantli inihuantih

kiittakeh nochi tlen tlawikayayah wan kikuepkeh tlaxtlawalistli tlen largo plazo. Tlaskamati ika nochi ni tekittl tlen mochihki, ipan xiwimeh ne gastos ax kinpanokeh ingresos, wan welis tikihtoseh kemah pehki 1894, onkak se superávit.

Tlen seyok tlamantli, mopatlakeh nochimeh sistemas productivos. Ipan nopa kawitl tlawel kualli eltoya contexto internacional, wan yeka Díaz wan González kitemohkeh ne altepetl ma kinnamakilti sekinok altepemeh agrícolas tlamantli wan minerales tlamantli, wan nohkia kinchikawaltihkeh industrialekitl wan interior tlanamakalistli. Kemah pehki kawitl tlen porfiriato ne nacional tiankistli axkualli eltoya wan onkayayah unidades económicas, kemantika tlen regionales wan nohkia tlen locales, tlen kichiwayayah nochi tlen kitekiwayayah wan san kentzih tlanamakayayah. Yeka monekiyaya onkas miak producción wan monamakas miak tlamantli ipan nochi altepetl wan nohkia ipan sekinokeh altepemeh tlen wahka. Para mochiwas yaino monekiyaya se infraestructura legal, tlapalewilistli wan instituciones crediticas, tlen circulante tlamantli, tlen medios tlen transporte wan comunicaciones.

Tipewaseh ika tlanawatilli. Ipan ni kawitl kiski se tlanawatilli tlen tlanamakalistli tlen ika mochihki se kualli reglamentación, nochi yaino mosehotilki ipan se amatl. Tlanki tlen alcabalas tlamantli, tlen eliyayah se tlaxtlawalistli tlen mercancías tlamantli, ika yaino tlawel patiyo eliyayah productos tlamantli wan ax weliyaya mochiwa tlanamakalistli waya sekinokeh altepemeh tlen wahka. Nohkia kiski se tlanawatilli tlen industrialekitl noso tlen públicastekitl wan tlen transporte, wan nohkia ipan sekih xiwimeh wan industriales nechikolistli, onkak se proteccionista tlanawatilli tlen productos extranjeros tlen motlaloyayah waya tlen mexkoewanih.

Tlen tlawel owi eliyaya tlen kanih kikuseh gubernamentales noso privados tlapalewilistli. Ipan achtowi xiwimeh ne Estado ax kipiaya tomih. Kena kipixki ipan segunda kawitl tlen porfiriato, kemah onkak superávit, wan welki kinchiwa públicastekitl wan

tlen comunicaciones. Ika seyok lado nohkia onkayayah miak nacional tomih, tlen onkayayah ipan weyi tlalli, pero axkanah miak eliyayah. Yeka ipan achtowi kawitl tlawel monehki tlapalewilstli tlen kalteno. Ne federal nechikolistlanawatiyanih wan tlen estatales kintenkawiliyayah kualli concesiones wan se tlanawatilli tlen ika tlatlaniskiah miak tomih. Tlaskamati ika yaino kalahkeh miak inversiones.

Miak tlen ni tlapalewilstli motekiwihki ipan puertos, wan miak, ipan ferrocarriles. Kemah Díaz pehki tlanawatia san onkayaya se línea tlen yowiyaya tlen Mexko hasta Veracruz, tlen kipiaya 640 kilómetros. Ohtli tlen poliwiya kinemiyayah ipan kawayo noso ipan mula, yeka ika owi mochiwayayah viajes, axkanah ipan nochi xiwitl weliyayah mochiwah wan onkayayah bandolerotlakameh. Ipan porfirio kawitl ne vías férreas moskaltihkeh 12% ipan se xiwitl: ipan 1885 onkayayah 5852 kilómetros wan ipan 1910, 19280 kilómetros. Para onkas más tlapalewilstli, ne federal nechikolistlanawatiyanih kinmakayayah tomih kemah kitlamiyayah se kilómetro, wan nechikolistlanawatiyanih estatales kintenkawiliyayah ax tlaxtlawaseh wan tlalli. Miyakeh líneas mochihek ika tlapalewilstli estadounidense (42%), pero nohkia ika tlapalewilstli tlen Inglaterra (tlen kipiaya tlen 35%). Nohkia, ipan 1902 wan 1903 kikohki ne Ferrocarril Nacional Mexicano wan ne Interoceánico wan ipan 1906 kimanawihki ne Ferrocarril Central Mexicano; kehni pehki ne Ferrocarriles Nacionales de México wan monopolio estatal.

Ne Puertos wan ferrocarriles kipalewihkeh tlanamakalistli tlen kalteno, pero nohkia tlen itiko. Mexko motlanamakiltiyayah waya Estados Unidos, Europa wan el Caribe; tlanamakayaya miyakeh teposmeh wan agropecuarios tlamantli, tlen panok tlen 40.5 millones tlen pesos ipan 1877 hasta 287 ipan 1910. Nohkia tlakowayayah miyakeh teposmeh, herramientas tlamantli, artículos manufacturados tlamantli wan sekih tlen tlakualistli. Welis tikihtoseh, nochi ne trazado ferroviario, tlen kichihkeh extranjeras nechikolistli, elki para welis onkas tlanamakalistli

waya Estados Unidos. Nopa ferrocarril nohkia kichikawaltihki nacional tlanamakalistli. Pampa onkayayah miak vías weliyaya mochiwa tlanamakalistli ipan nochi xiwitl wan ayohkana tlawel patiyo kisayaya, wan yeka onkak miak tlanamakalistli san kampa weli wan nohkia weliyaya mochiwa ni tlamantli ipan tiankistli tlen wahka, wan ika yaino mochihi especialización tlen weyi tlalli.

Ne tlanamakalistli tlawel motlalanki wan nohkia producción agrícola, mineratekitl wan industrialekitl. Ipan agriculturatekitl tlawel momoyahki tlanamakalistli ika kalteno tlen henequén, caucho wan kafeh. Ni tlamantli kintokayayah ipan haciendas kampa onkak tlapalewilistli, tlen crédito, tlen ferrocarriles wan yankuik tlahlamikilistli tlen kenihkatzah tlatokaseh. Pero ne agriculturatekitl tlen tlakualistli ya axkanah moskaltihki. Ne producción tlen trigo, cebada, piletzih wan chilli ipan 1910 eliyaya iwikal ipan 1877, ihkatzah miyakeh ewanilh onkayayah. Yeka nochimeh tlakualistli tlawel patiyo eliyayah wan sekinok ken ne sintli pehki san mokowa.

Nohkia tlawel moskaltihki ne mineríatekitl tlen tlanamakayaya kalteno, ni tekitl san mochiwayaya ipan estados tlen Sonora, Chihuahua, Sinaloa wan Durango. Tlaskamati ika extranjeros tlapalewilistli welki mokixtihki oro wan plata; wan nohkia onkak miak producción, pampa onkayayah yankuik tecnologías wan transporte ayohkana patiyo eliyaya, yeka nohkia mokixtiyaya cobre, zinc wan plomo, tlen tlawel monamakayayah ipan industrialekitl europea wan norteamericana. Kemah pehki xiwilpilli XX, nohkia pehki explotación petrolera.

Seyok pamitl tlen tlawel ipatih elki industrialekitl, tlen tlawel mopatlak kemah tlamiyaya xiwilpilli XIX. Ipan porfiriato kawitl, ipan sekinok weyi tlalli, nohka onkayayah talleres artesanales, kampa tekitiyayah se tlamachtihketl, san se ome tekitinih wan kipiayah sosoltikeh herramientas. Nochimeh ni talleres yolik kinpatlatiyahkeh ika industrias manufactureras, tlen eliyayah iaxka propiedad familiar, wan tlen tekitiyayah ipan yankuik teposmeh, wan kampa nochimeh tekitinih kipiayah ipamih tlen

tekítl. Kemah pehki 1890, nohkia asikoh industrias modernas, tlen eliyayah iaxka tlen nechikolistli tlen tomichiwaníh, tlen tekitiyayah ika teposmeh tlen kitekiwayayah energía hidráulica, vapor noso tlawilli, wan tlen miak tekítl kichiwayayah. Welis tikihtoseh, nochimeh fábricas san eltoyah ipan Nuevo León, Jalisco, Puebla, Veracruz wan Mexko Altepétl, nikah kinchiwayayah miak tlamantli ken cerámica, cigarros, kaktli, winoh, yoyomitl, amatl wan teskatl. Kehni, industrialekitl tlen más momoyahki elki tlen ligera, tlen kichiwayaya bienes tlen consumo. Welis tikihtoseh, ihkatzah industrialekitl tlawel motlalanayaya, nohkia tlawel kitzakuiliyayah se ome tlamantli ken ne sistema financiero tlen axkualli tekitiyaya, pampa onkayayah desabasto tlen materias primas noso pampa mexkoewanih ax weliyayah kinkowah nochi tlamantli tlen mochiwayaya. Nohkia kitzakuiliyayah pampa ax onkayayah teposmeh yon bienes de producción, pampa etik industria ya yolik wan wahkahki momoyahki. Welis tihtokaxtiseh nikah ne Fundidora de Fierro y Acero de Monterrey, tlen mochihihi pampa monekiyaya miak tepostli para mochiwas ferrocarriles.

Axkanah iwikal eliyayah agriculturatekitl tlen kalteno wan tlen consumo, yon tlen ligera industritekitl wan tlen etik, welis tikihtoseh axkanah iwikal eliyaya pamitl tlen economía. Nohkia kalahki desigualdad geográfica, pampa sekinok weyi tlalli más momoyahkeh wan sekinok axkanah. Tlawel momoyahki norte, tlen kipiaya se tlapaltik economía (agriculturatekitl, torotekítl, mineriatekitl wan industrialekitl), kipiaya urbana ewanih, tlen kualli kitlaniyayah kemah tekitiyayah wan weliyayah tlapowah wan tlahkuilowah. Nohkia nochimeh kawitl ax iwikal elihkeh, pampa kemantika onkak chikawalistli wan kemantika kuesolli; welis tikihtoseh, owihkayotl tlen panok ipan 1890 kemah wetzki ipatih tlen plata, noso ipan 1907-1908 kemah yahkeh capitales wan temokeh ipatih tlen exportaciones pampa onkayaya internacional kuesolli.

Ika nochi, ipan ni kawitl Mexko mokuepki se weyi tlanamakaketl tlen materias primas, wan nohkia ipan ni altepetl mochihi tlen achtowi revolución industrial. Pero welis tikihtoseh ni moyawalistli axkanah iwikal elki, pampa san motlalankeh sekinok nechikolistli, weyi tlalli wan olochtli.

MASEWALCHINANKOMEH WAN ALTEPEMEH

Nohkia onkak miak tlapatlalistli ipan ewanilh. Miak tlakameh tlakatihkeh. Welis tikihtoseh, ika cifras aproximadas, ipan 1877 ipan nochi altepetl onkayayah chiknawi millones tlen ewanilh, ipan 1895 onkayayah 13 wan ipan 1910 onkayayah 15. Ni tlamantli panok pampa ayohkana onkayayah tlawewilistli, pampa onkak miak tlanamakalistli wan pampa onkayayah miak tlakualistli, wan nohkia pampa sekinok ewanilh, kipiayah higiene wan pahtli.

Miyakeh wan tlapaltik eliyayah ewanilh pampa mochiwayaya migración tlamantli. Sekinok estados noso weyi tlalli tlen norte tlen altepetl (Chihuahua, Coahuila, Durango, Nuevo León wan Tamaulipas), tlen tlatlahko (Distrito Federal wan Puebla), tlen costa del Golfo (Veracruz) wan tlen Pacífico Norte (Sonora wan Tepic), kinselihkeh miyakeh migrantes, tlen walayayah tlen estados tlen Mexko, Guanajuato, Jalisco, Michoacán, Hidalgo, Zacatecas wan San Luis Potosí. Miyakeh migrantes yowiyayah ipan wehweyih altepemeh, pero nohkia miyakeh ewanilh nohka ewayayah ipan chinankomeh kampa onkayayah 15 000 ewanilh; welis tikihtoseh, ipan 1900 itztayah ipan ni chinankomeh 90% tlen nochimeh ewanilh. Kehni tlen miyakeh mexkoewanilh ewayayah wan tlakuayah ipan tlalli, moxelohtayah ipan haciendas wan ipan kuekuetzitzih chinankomeh.

Ne haciendas kipiayah miak tlalli pampa kichiwayaya propiedad corporativa, wan ne latifundios moweyichihkeh pampa onkak desamortización wan deslinde. Welis tikihtoseh kena onkayayah

tlanawatilli para ax onkas tlachtekilistli tlen komuntlalli, pero ihkatzah yaino onkayaya ipan 1910 kena miak tlalli tlachtehkeh. Ihkatzah kehni panok nohka onkayaya komuntlalli. Sekinok tlalli kampa ika owi tlatokayayah noso wahka itztoyah ax kinnekiyayah ne deslindadores, yeka mokahkeh ininmakoh tlen chinankomeh; ipan sekinok casos, ni tlalli momahmakakeh para axkanh kinpoloseh, peroh nohka nochimeh kintekitiyayah. Tlen seyok lado, tlan ne desamortización wan deslinde ika motlalankeh hacendados, nohkia ricos miltekitinih noso usureros nohkia kikixtihkeh tlapalewilistli tlen nopayo, tlen ika motlalanke mediane propiedad. Kehni sansehko moitzkihtoyah hacienda noso latifundio, propiedad corporativa wan rancherías.

Ipan ni nechikolistli tlen rural —noso nechikolistli rurales, pampa ahachika moplatlayaya nochi ipan altepetl— ne hacendados inihuantih mosewihkeh hasta wahkapa. Sekih eliyayah mexkoewanih wan sekih extranjeros, ax nochimeh ewayayah ipan chinankomeh, san kipiayah se administrador tlen kinpalewiayah. Ipan tlatlahko itztoyah rancheros noso kuekuetzitzih propietarios, tlanamakanih noso tlachiwanih, wan sekih tekitinih tlen haciendas, ken ne administrador, ne mayordomo noso tekitinih tlen agrícola teposmeh. Hasta echkapa itztoyah miltekitinih tlen ax kipiayah tlalli, tlen tekitiyayah para rancheros prósperos, wan nohkia para ne latifundistas. Nohkia nikah kalaktoyah acasillados tekitinih, tlen ewayayah ipan hacienda wan tlen kiseliyayah se fijo tlaxtlawalistli; temporales tekitinih, tlen kintlanewiyayah san kemah onkayaya tekittl wan monekiyaya mano de obra, ika ni tlamantli san motlalanayayah tlen kipiayah tlalli pero axkanah ne “alquilados”, tlen kitemotinemiayah ipan nochi altepetl tekittl, ne arrendatarios, aparceros noso medieros, ahkia ne latifundistas kintlanetiayah tlalli tlen axkualli wan kinmakayayah tomih noso se achi tlen kipixkayayah.

Namah kena, nochimeh ni miltekitinih axkanah iwikal ewayayah pampa nemiayah ipan miak tlalli, sekih kena kintlepanitayayah. Welis tikihtoseh nikah tlen panoyaya ipan norte wan ipan sureste

tlen altepetl. Ipan norte ipan weyi tlalli tekitiyayah temporales tekيتينih noso arrendatarios, inihuantih kualli itztoyah axkanah ken tlen tlatlahko wan tlen sur. Ne propietarios monekiyaya achi kualli kintlaxtlawaseh noso kintlahtlaniliseh ma kitemowikah rentas pampa axkanah miyakeh tekيتينih onkayayah ipan nopa kawitl, wan nohkia pampa axkanah san nopa tekitt onkayaya, onkayaya tlen seyok, pampa tekيتينih weliskiah tekitieseh ipan minas noso yaskiah Estados Unidos.

Seyok tlamantli eliyaya ipan sureste, kampa ne hacendados kintekiwiyyayah tekيتينih ipan nochi xiwitl; yeka kichiwayayah peonaje wan para axkanah yaseh tekيتينih kitekiwiyyayah sistema tlen endeudamiento: kintlaxtlawayayah tekيتينih ika vales tlen tienda tlen raya, tlen nohkia kinmakayayah crédito. Nochimeh tekيتينih tlawel iknotzitzih eliyayah, tlen kintlaxtlawayayah ax kinaxiliyyayah para motlakowiliseh noso tlaxtlawaseh tlen tlawikayayah, yeka nochipaya tekitiyayah ipan hacienda wan ininkonewah nohkia, pampa san mopanoltiyyaya tlawikalistli. Ne hacendados tlen sureste nohkia kitekiwihkeh enganche, wan ika nopa tlamantli nochimeh tekيتينih más tlawikayayah teipah. Nohkia kintekiwihkeh prisioneros tlen orden común wan ne masewalmeh yaquimeh wan mayomeh tlen kintotokak nechikolistlatewiyanih. Tekيتينih ax weliyayah kicatewaseh hacienda wan yeka tlawel fieroh kinixpanoyayah.

Yeka ipan porfiriato kawitl onkak miak agrarias tlatewilistli. Nikah welis tihtokaxtiseh tlen mayameh tlen Yucatán, tlen yaquimeh ipan sonora noso tlen ewanih tlen Tomóchic, tlen mokuepki ken se religioso tlatewilistli pampa itztoya se ichpokatl tlen kipiaya fama milagrosa wan itokayaya Santa Teresa de Cabora. Tlen rebeldetlakameh ax kinekiyayah ma onkah usurpación tlen tlalli, kuatitlameh wan komunatl, wan kimanawiyayah autonomía política. Nohkia tlatewiyayah pampa kinekiyayah kipiaseh nemilistli, pampa kemah mochihki independencia, mexkotlanawatiyanih kitlalkeh tlanawatilli tlen igualdad jurídica wan kinekiyayah nochimeh ewanih ma elikah iwikal. Kinekiyayah ma onkah

san se tlahtolli wan nemilistli; sekih nohkia kinekiyayah ma onkah mestizaje, pampa kinekiyayah “kinchipawaseh” ne masewalmeh, tlen kiihtowayayah tlawel tlatziwih, ax tlahlamikih wan supersticiosos. Yeka miyakeh chinankomeh tlatewihkeh para kinmanawiseh inintlal, inihuantih kinhephenaseh inintekiwah wan monawatiseh, wan kinpiaseh innemilis wan inintlahtol. Miyakeh rural ewanilh onkayayah ipan ni kawitl, ipan porfiriato miyakeh nechikolistli urbanos moweyichihkeh. Tlen más moweyichihki elki capital, pero nohkia tlen Guadalajara, Puebla, San Luis Potosí wan Monterrey (ma motlachili neskayotl 1). Nohkia sekinok chinankomeh moweyichihkeh, pampa ipan 1877 san ipan matlaktli capitales onkayayah 20 000 ewanilh, ipan 1910 eliyayah 19. Sekih chinankomeh itztoyah echkatzih tlen centros mineros (ken Cananea noso Santa Rosalía), sekinok pampa mochiwayaya industrial moyawalistli (Monterrey noso Torreón), sekinok pampa onkayaya tlanamakalistli (ne puertos tlen Tuxpan, Progreso, Guaymas noso Manzanillo, wan nohkia chinankomeh kampa panoyayah líneas ferroviarias, ken Nuevo Laredo noso Ciudad Juárez). Ipan capital miak tlen ni tlamantli onkayayah, nopayo eltoya poder federal, kampa yowiyayah nochimeh ferrocarriles wan kampa mochiwayaya 12% tlen indusriatekitl nacional.

Ne tlanawatiyanilh wan tlen kipiayah miak tomih kinekiyayah ipan altepemeh ma nesih onkayayah prosperidad wan progreso ipan nación, wan ma nesih iwikal ken tlen naciones “civilizadas” ken

NESKAYOTL 1. Ken moskaltihkeh ewanilh ipan altepemeh

<i>Altepetl</i>	<i>Ewanilh ipan 1877</i>	<i>Ewanilh ipan 1900</i>	<i>Ewanilh ipan 1910</i>
Mexko Altepetl	240 000	345 000	720 000
Guadalajara	65 000	101 000	120 000
Puebla	65 000	94 000	96 000
San Luis Potosí	34 000	61 000	68 000
Monterrey	14 000	62 000	79 000

Estados Unidos noso ken tlen Europa. Kinekiyayah kinyehyektzih chiwaseh, yeka kinchihkeh wehweyih xochimilli wan ohmeh, iwikal ken tlen Campos Elíseos tlen París. Kinekiyayah ma kualli wan yehyektzitzi elikah. Pero nopa altepetl axkualli itztayah para kinselis miyakeh migrantes, wan sekinok citadinos, tlen ax kipiayah chikawalistli, kalahkeh ipan delincuencia noso prostitución. Tlen seyok tlamantli, tlen miyakeh ewanilh ewayayah ipan tlaferoh ohmeh wan kampa moamanayaya, wan ax kipiayah kalmeh, atl tlen welis kioniseh wan tlakualistli. Ika nochi yaino pehki onkah miak kualantli wan nohkia miyakeh ewanilh mikiyayah.

Para kinkualtlaliseh nochi ni kualantli, wan pampa mochiwayaya se modernizacióntekitl, tlanawatiyanilh kinkixtihkeh códigos penales wan sanitarios wan policía tlanawatilli, wan kinkualtlalkeh cárceles. Para ayohkana onkas inundaciones kinchihkeh miak tekittl tlen desagüe wan kinkualtlalihkeh ohmeh; nohkia kinkualtlalkeh drenaje wan tuberías kampa yaskia atl tlen mooniskia. Ika último, nohkia kichihkeh se cruzada para kinwikiliseh higiene nochimeh ewanilh: kinpopohkeh ohmeh, kintlalkeh teposkawayomeh tlen tlasolli wan mingitorios, wan kinihkuenihkeh rastros wan cementarios para ma ayohkana itztokah echkatzih tlen ewanilh. Para tlamiseh ika kokolismeh kintzakwayayah mokokowanih wan kintlaticayah tlen ininptenencias. Wan nohkia kimoyahkeh tlamachtillistli tlen pahtli wan kinchihkeh kaltlamachtilyan tlen bacteriológicos wan patológicos. Kehni, ipan porfiriato mochihi miak tlamantli, obras públicas, kinchihkeh kaltlamachtilyan wan nohkia mochihi tlanawatilli. Ne Estado kinkualtlalki nohkia miak tlamantli tlen nochimeh ewanilh, ma nochimeh motlepanittakah wan ma kintlepanittakah kaltlamachtilyan, wan nohkia kinkualtlalki relaciones conyugales wan familiares, tlen higiene wan pakilistli.

Pero welis tikihtoseh axkanah nochimeh ewanilh mopalewihkeh ika tekittl tlen tlanawatiyanilh yon tlen modernizacióntekitl. Welis tikihtoseh ipan altepetl nochimeh ewanilh axkanah iwikal eliyayah: ipan zonas kampa tlanamakayayah wan ipan colonias kampa ewayayah tlen kipiayah tomih nochi onkayayah, pero

ipan barrios populares ya axtlen onkayayah. Nochi tomih san onkayaya ipan se ome nechikolistli —kampa kalaktoyah hacendados, tomichiwanih, tlen kipiayah kalmeh, banqueros noso tlen momachtihtoyah—, nochimeh inihuantih moixmatiyayah, wan sansehko tekitiyayah ipan tlanamakalistli, industrialekitl noso tlen bienes raíces. Ipan nechikolistli tlen eltoyah tlatlahko, tlen tlawel moweyichihkeh pampa mochikawaltihki tlanamakalistli wan tlen servicios, nikah kalaktoyah tlen momachtihtoyah, tlen públicotekitinih wan tlanamakanih noso tlen transporte, wan prósperos tlachiwanih. Ika último, ipan populares nechikolistli eliyayah kampa ewayayah miyakeh ewanih tlen altepetl, nikah kalaktoyah miyakeh nechikolistli, ken sirvientes, tlanamakanih tlen locales comerciales, tlayekchiwanih, obrerotekitinih noso ambulantes tlanamakanih. Moneki tikintokaxtiseh obrerotekitinih, pampa inihuantih tlawel miyakeh elihkeh pampa onkak industrialekitl wan teipah kinihkuenihkeh tlayekchiwanih. Ax onkayaya se tlanawatilli tlen ika momanawiseh, pampa onkayaya tlahlamikilistli tlen liberalismo económico, tlen kiihtowayaya ne nechikolistlanawatiyanih axkanah mokalakis ipan economía wan yeka tekinih tlawel iknotzitzih eliyayah. Kena onkayaya libertad tlen asociación, pero ax weliyayah mochiwa huelgas. Tlakameh, siwameh wan konemeh tekitiyayah 12 hasta 14 kawitl ipan se tonatih, chikomeh tonatih tlen semana; wan weliyayah kintotokaseh san kemah kinekiyayah. Axkualli kintlaxtlawayayah, pampa onkayaya inflación, wan nohkia kinchiwiliyayah descuentos noso tlaxtlawalistli ika vales tlen tienda tlen kampa tekitiyayah. Yeka nochimeh tekinih pehkeh monechikowah wan mopalewiyah, nochimeh temakayayah se tlaxtlawalistli para tlen mokokowayayah, para kemah akahya kitokayayah wan para viudas noso tlen iknotzitzih eliyayah. Nohkia kinchihkeh nechikolistli tlen tlapalewilistli noso kampa onkayaya tlakualistli, nohkia nechikolistli tlen ika mopalewiyayah para kintlepanittaseh wan kualli kintlaxtlawaseh, wan ipan sekinok casos, kiselihkeh socialistastlahlamikilistli noso anarquistastlahlamikilistli.

Díaz kemantika mononotzayaya waya tekitinih wan kemantika kintewiyaya. Nopa tlanawatihketl san kintlepanittayayah nechikolistli tlen mutualistas, kinmakayaya tlapalewelistli wan kanih mosentiliseh, pampa nochimeh inihuantih nohkia kimanawiyayah wan kitlepanittayayah ne régimen. Pero ne tlanawatihketl axkanah kintlepanittayaya radicales nechikolistli. Ipan porfiriato kawitl onkak miak tlatewelistli wan huelgas, kemah miak onkak elki ipan 1900 xiwitl. Díaz achtowi mononotzayaya waya tekitinih wan patrones, pero kemah ax weliyaya mosenkawa, kitekiwiyaya fuerza. Nikah welis tikintokaxtiseh kualantli tlen Cananea wan tlen Río Blanco. Ipan 1906 minerotekitinih tlen Cananea, ipan norte tlen Sonora, mosisinihkeh pampa miak kawitl tekitiyayah wan tlawel kentzih kintlaxtlawayayah, kinekiyayah ma kintlepanittakah wan ma kintlaxtlawakah iwikal ken estadounidenses. Nochimeh inindemandas axkanah kintlepanittakeh wan yeka toponki huelga, wan teipah nohkia mochihki se motún; yeka yahkeh kintewitoh tlatewiyanih tlen Estados Unidos, tlen nohkia kinmanawihkeh mexkotlatewiyanih.

Se ome metztli teipah, textiles tekitinih tlen Orizaba, Puebla, Tlaxcala wan ne Distrito Federal nohkia kipewaltihkeh se huelga pampa nohkia ax kintlepanittayayah. Díaz ax kinekiyaya ma onkah kualantli wan yeka kinextihki se amatekitl kampa moihkuilohtoya kitlaholtiyayah salarios wan ayohkana onkas descuentos, onkas tlapalewelistli para iknotzitzih wan viudas, wan konemeh axkanah tekitiseh, pero nochi nopa tlamantli kichiwaskiah empresarios. Sekinok obrerotekitinih kikualittakeh wan pa nimah mokuepkeh inintekih, tlen Río Blanco axkanah, inihuantih kinxoxoletzkeh fábrica wan tienda, wan yeka miyakeh kinmiktihkeh.

Ika nochi, welis tikihtoseh urbana ewanih ax iwikal eliyayah nochimeh pampa onkayayah tlaxolewalistli clasista wan étnica. Tlen kipiayah tomih ax kintlepanittayayah tlen sectores populares wan marginales olochtli, wan tlen motlakentiyayah ken masewalmeh, pampa moihliyayah kipaswiyayah altepetl. Ax kiamatiyayah ma monechkawikah kemah onkayayah se ilhwiwl wan ma kintlachilikah

extranjeros tepaxallowanih pampa kiitaskiah onkah miseria wan “barbarie”, yeka kinmakayayah yoyomitl. Kehni, onkayayah miak sociales wan raciales tlaixpanolistli ipan nopa kawitl, wan sekinokeh kiihtowayayah eliyayah melawak pampa eliyayah “científicas”.

NEMILISTLI

Ipan porfiriato kawitl onkak miak tlahlamikilistli tlen kenihkatzah mokuamachiliyayah ewanih wan tlakatl, onkayayah ne liberalismo, ne positivismo wan ne conservadurismo. Tlan sekih kitokiliyayah liberaltlahlamikilistli wan sekih kitokiliyayah positivisмотlahlamikilistli (ika tlamachtilistli ken darwinismo social) miyakeh kitokilihkeh se ecléctitlahlamikilistli, tlen kimanelowayaya tlahlamikilistli tlen liberalismo wan positivismo. Sekih kiihtowayayah nopa método científico tlawel ipatih pampa ika yanopa ayohkana onkaskiah kuantantli, wan ax kintlepanittayayah liberales pampa inihuantih kitlalanayayah tlahlamikilistli tlen kalteno wan ax kitlachiliyayah mexkoewanih. Ihkatzah ihkinoh panoyaya, ax kinekiyayah kinpatlaseh instituciones liberales yon Amatlanawatilli tlen 1857, kiihtowayayah kena nochi mopatlaskia teipah kemah asiskia se kawitl kemah mexkoewanih kinekiskiah evolución. Nohkia moihiyayah tlawel monekiyaya onkas chikawalistli ipan tlamachtilistli wan ipan cienciatlamachtilistli, pampa kiihtowayayah ika nopa ome tlamantli mochiwaskia nacional moyawalistli.

Tlen seyok, sekinokeh kitokiliyayah conservadorastlahlamikilistli wan tlen iglesia católica. Pero nopayo onkayayah miak pamitl tlen tlahlamikilistli. Sekinok ax kikualittayayah ma moxolewa tlen temporal wan espiritual wan tlawel kimanawiyayah institución eclesiástica, wan sekinok kena kikualittayayah ma onkah secularización wan kinekiyayah kipiaseh canih kichiwaseh acción social. Onkayayah nohkia tlen kitlepanitayayah ne catolicismo social noso moihiyayah católicos weliseh mokalakiseh ipan tekittl tlen nación, para tlapalewiseh

wan kikualtlaliseh nochimeh kualantli tlen onkayayah. Tlakameh tlen kimanawiyayah ni pamitl, tlen kipixki chikawalistli kemah pewayaya xiwilpilli XX, mokesowayayah pampa onkayayah desigualdad wan tlaixpanolistli, kitlatlaniliyayah ne Estado ma kikualtlali se tlanawatilli tlen ika momanawiseh tekitinih wan ininpatrones nohkia kintlepanittaseh.

Namah kena, ihkatzah onkayayah miak tlahlamikilistli, ne catolicismo nohka tetik eliyaya. Tlen miyakeh mexkoewanih eliyayah católicos; welis tikihtoseh, ipan 1910 ne 99% mokuahaltihtoyah wan kitlepanittayayah religión. Ne protestantismo nohkia eltoya pero ax weyi eliyaya. Ne protestantetlakameh asihtoyah ipan altepetl ipan 1870. Teipah, 18 misioneras nechikolistli motlalkeh ipan frontera norte, Guanajuato, Puebla, Pachuca, Mexko altepetl wan Veracruz, tlen miyakeh kintokilihkeh pampa kintenkawiliyayah tlamachtalistli wan kinpatiseh. Pero welis tikihtoseh ax welkeh momoyawah pampa: nohkia onkayaya kualantli ipan protestantes nechikolistli, sekinok ewanah ax kinkualittayayah wan iglesia católica ax kintlepanittayayah. Kemantika católicos nechikolistli motewihkeh waya misioneros, pero inihuantih kinpalewiyyah Díaz wan estatales tlanawatiyanah, tlen ika yanopa kiihtowayayah kitlepanittayayah legalidad, wan nohkia pampa moyawalistli tlen protestantismo welis kitzakuiliskia moyawalistli tlen iglesia católica. Kehni, tlan moyawalistli tlen religión protestante axkanah weyi mochihi ipan términos numéricos —san 2% kitokiliyayah tlen ewanah wan extranjeros— pampa itztoyah nopa kiihtosnekiyaya onkayaya tlatlepanittalistli tlen libertad tlen tlaneltokilli wan laicidad tlen Estado mexicano.

Ken tikittakeh, onkayayah miak pamitl tlen tlahlamikilistli ken liberales, positivistas wan conservadores, pero tlen teiknelistli ya iwikal eliyaya. Ne elitetlakameh, clases medias wan nohkia sekinok populares nechikolistli iwikal eliyayah itlahlamikilis tlen miak tlamantli, tlen familia wan inintekih tlen siwameh ipan núcleo familiar wan ipan chinankomeh, wan nochi nopa tlamantli nesiyayah ipan miak tlahkuilolistli, welis tikintokaxtiseh ne legislación wan

derecho tlahkuilolistli, ne literatura, ne clero tlahkuilolistli noso tlen laicas nechikolistli tlen filantropía, ne manuales tlen conducta, ne amochmeh tlen siwameh wan sueltos tlahkuilolistli noso ne popular tlahkuilolistli. Moneltokayaya se familia mochiwas ika matrimonio, tlen religioso tlamantli. Moihtowayaya ne tlakatl ya tlanawatia, wan tlanawatilli kimakayaya manoh para kitekiwis chikawalistli tlen isiwa ihkatzah ya ax kinekiskia (pero se siwatl ya kena monekiyaya kimakaseh manoh para kitekiwis chikawalistli tlen inome) wan nohkia kimakaya patria potestad tlen ininkonewah (wan siwatl ya kipiaskia tlan iteta mikiskia, pero monekiyaya mononotzas waya se consultor tlen iteta kitokaxtiyaya). Tlen seyok tlamantli, tlakameh wan siwameh sehse kipiayah ipamih: ne tlakatl kipiaya pamitl tlen público tlamantli, welis tikihtoseh tlen político wan tekítl, wan ne siwatl kipiaya pamitl tlen privado tlamantli wan monekiyaya kichiwas tekítl tlen kaltik. Axkualli moittayaya se siwatl tekítis ipan seyok tlamantli tlen ax iicha san kena weliyayah kichiwah nopa tlamantli ne viudas noso solteras tlen monekiyayah kichiwaseh, pero san “kichiwaskiah tekítl tlen ininsexo”, ken ne tlatzontli noso ne tlamachtilistli. Nohkia nopa tlanawatilli tlen legislación ax kinkawiliyayah ma tlawasanikah noso kitekiwikah cargos tlen elección popular, san se ome tekítl weliyayah kinchiwah, welis tikihtoseh ax weliyayah tekítih ipan tlanamakalistli tlan inintetawah ax kinkawiliyayah. Siwameh kena weliyayah momachtiseh, pero san se ome tlen clases altas noso medias yahkeh ipan weyikaltlamachtilyan, welis tihtokaxtiseh ne Matilde Montoya —tlen achtowi tepatihketl—. Ihkatzah kehni panoyaya, kemah monechkawiyaya xiwilpilli XX ne siwameh pehkeh kitlaníh miak tlamantli, welis tikihtoseh, kinihkuilohkeh amochmeh para siwameh, kampa kimanawiyayah igualdad intelectual. Nohkia pehki mochiwa movimiento feminista, tlen kitemoyaya igualdad jurídica wan tlamachtilistli ika tlakameh.

Ipan seyok tlamantli, ipan tlahkuilolistli wan tlayekchiwalistli —iwikal ken ne tlakualistli wan ne moda— nesiyaya europea, wan

francesa tlamachtlistli. Ni tlamantli welis moittas ipan modernista tlahkuilolistli, kampa kalaktok simbolismo francés, wan tlen kikualtlalkeh Manuel Gutiérrez Nájera, Salvador Díaz Mirón, Amado Nervo, José Juan Tablada wan Efrén Rebolledo. Noso ne arquitecturatekitl, tlen kitlalanki miak pamitl —clásico, románico, mudéjar, gótico, barroco, *art nouvea*— wan kemantika kinsentilihki, ipan se teposkali. Tlen ni arquitecturatekitl welis tikintokaxtiseh ne teatros tlen wehweyih altepemeh: ne Juárez ipan Guanajuato, ne tlen la Paz ipan San Luis Potosí, ne Doblado ipan León, ne Calderón ipan Zacatecas, ne Peón Contreras ipan Mérida.

Pero nohkia moyolchikahki se nacional wan nacionalista nemilistli, welis tikihtoseh, san tlen onkayayah ipan altepetl wan ika yaino onkaskia se sentimiento tlen identidad. Yeka motokilihki se nemilistli tlen wahkakia, achtowi onkak costumbrista tlahkuilolistli tlen eliyaya romántico noso realista, tlen kiihkuilohkeh Ángel de Campo, José Tomás de Cuéllar, Rafael Delgado noso José López Portillo wan Rojas. Teipah nohkia onkak realista tlahkuilolistli, tlen kikatehtoya costumbrismo, wan kinekiyaya kineskayotis tlen nelia, yani kiihkuilohkeh ne Heriberto Frías, Federico Gamboa noso Emilio Rabasa. Nohkia onkak ipan ni kawitl ne paisajismo mexicano, ika tlapalkemeh ken José María Velasco noso Joaquín Clausell, nohkia ika tlaixkopinkayotl tlen tlakameh, escenas wan miak tlamantli tlen panoyayah ipan se tonatih, ni kichiwayaya ne José Guadalupe Posada, tlen kinmoyahki ipan amaperiódicos “tlen se centavo” wan ipan amochtzih wan “ne sueltas amameh” tlen kintepostlahkuilowayah ne Antonio Vanegas Arroyo.

Ihkatzah kehni eltoya nochi, para sampa onkas teiknelistli —wan iwikal ken kichihtoyayah tlanawatiyanih tlen ne República Restaurada—, ne porfiristas moihlihkeh tlawel monekiyaya onkas tlamachtlistli tlen patria nemilistli, ni tlamantli kinsehotiliskia nochimeh weyi tlalli wan kinmachtiskia cívicos teiknelistli ne konemeh wan kehnopa teipah eliskiah kualli ewanih. Yeka tlamachtlistli eliyaya gratuita wan obligatoria, ika programas

wan oficiales tlahkuilolistli. Pero nopa tekittl axkualli elito. San mochiwayaya ipan altepemeh wan nohkia nopayo ax miak mochihi: ipan 1895 san 15% tlen ewanilh weliyayah tlapowah wan tlahkuilowah, teipah kentzih moweyichihki ika 20% ipan 1910.

Seyok tlamantli tlen ika momoyahki ne nacionalismo, ne patria nemilistli wan tlatlepanittalistli tlen héroes elki ika ceremonias cívicas. Monekiyaya motlepanittas nación wan manawilistli tlen soberanía, nohkia tlen instituciones liberales, tlen ne porfiriato kiihtowayayah ya kinkualtlalki wan kinmanawiyayah, wan kiihtowayayah ne Porfirio Díaz eliyaya héroe. Yeka ipan nopa kawitl, ne altepetl motlakentiyaya ika gloria, wan nohkia ne tlanawatihketl.

Ika nochi, ne porfirista nemilistli kitlepanittak tlen extranjero, pero nohkia kitlalki se tlahlamikilistli nacional wan nacionalista. Tlen ni segundo tlamantli tlen moihtowa welis tikittaseh ipan tlahlamikinih tlen ne Revolución, tlen kitlalankeh se demanda tlen eltoyah kemah pehki xiwilpilli XX, ipan ne Ateneo de la Juventud. Ipan ni nechikolistli kalaktoyah ne Antonio Caso, Pedro Henríquez Ureña, Alfonso Reyes noso José Vasconcelos. Ne ateneístas kinekiyayah ma onkah miak tlahlamikilistli; ax kitlepanittayayah modelo positivista, pampa kiihtowayayah tlahlamikilistli mochiwayaya ika miak tlamantli, axkanah san ika método científico, wan kimanawihkeh ichikawalis tlen tlakatl, pampa ya kipiaya libertad tlen acción wan elección; kinekiyayah ma nochimeh kintlepanittakah humanísticos teiknelistli ipan nemilistli, ma ayohkana onkah francesatlahlamikilistli ipan tlahkuilolistli, welis tikihtoseh, kimanawiyayah nochi tlen mexikayotl.

Yani wan miak tlamantli elki nochi tlen kikatehki porfiriato ipan Mexko tlen xiwilpilli XX, axkanah san tlamantli tlen pamitl tlen nemilistli, nohkia ipan pamitl tlen política (ika tekittl tlen mochihi para mokualtlalis Estado-nación), pamitl tlen economía (ika tekittl tlen tiankistli wan tlen ohmeh, ika tlanamakalistli tlen agrícolas tlamantli wan ika se industrialización incipiente) wan pamitl tlen ewanilh (ika moyawalistli tlen ewanilh wan urbanización). Pero

nohkia welis tikihtoseh kikatehki axkualli tlamantli, vicios políticos, tlaxolewalistli tlen ewanilh wan economía, wan miak kualantli tlen ika teipah pehki ne Revolución wan tlen mokualtlaliskiah ipan achtowi décadas tlen Mexko posrevolucionarios kawitl.

NE WEYI TLATEWILISTLI REVOLUCIÓN

JAVIER GARCIADIEGO

TLÉN AX KIKUALITTAYAYAH,
TLÉN KITZAKUILIYAYAH WAN TLÉN
KIMANAWIYAYAH

Ipan ni kapitoloh tisaniloseh tlen weyi tlatewilistli Revolución mexicana, tlen mokahki pampa onkak porfiriana kawitl wan pampa mokualtlalki se yankuik Mexko ipan xiwilpilli XX. Para sekinokeh ipan ni tlahtolli tlen weyi tlatewilistli Revolución mexicana nohkia kalaki nochimeh tlapatlalistli tlen políticos, socioeconómicos wan tlen nemilistli, pero nikah san tisaniloseh tlen xiwimeh kemah tlawel onkak tlatewilistli, pero nohkia axkanah tikihtoseh elki se tlatewilistli ika teposmeh. Ni kiihtosneki kemah wetzki Estado oligárquico wan neocolonial tlen kemah tlamiyaya xiwilpilli XIX. Ne institucionalización tlen pehki ipan últimos xiwimeh tlen decenio tlen sempoalli kipewaltihki seyok histórica kawitl, moyolchikahki se yankuik tlamanli tlen Estado.

Ipan miyakeh xiwimeh ne régimen porfiriano tlawel mochikahtoya, pero teipah kipixki miak kuantli wan pehki weloni. Kipiayah miak kuantli tlen ax welki kinsenkawa. Kipiaya miak kuantli ipan miak pamitl, tlen político, tlen tomih, tlen ewanih, tlen diplomático wan tlen nemilistli: kemah tlamiyaya xiwilpilli XIX nochi kualli eltoya pero kemah pehki xiwilpilli XX nochi mopatlak axkualli. Nochi kuantli tlen kipiaya porfirista

nechikolistlanawatiyanih sekih ax kinkualittayayah wan yeka pehki onkah tlatewilistli ipan miyakeh nechikolistli.

Tlen achtowi mosisinihkeh elihkeh se ome católicos nechikolistli, pampa kintokiliyayah tlen yankuik tlahlamikilistli tlen ne Vaticano kinpiaya desde ipan 1891, kemah kitlalki ne encíclica *Rerum Novarum*, tlen ika kinekiyaya kinsenkawas kualantli tlen ewanih. Ihkatzah ne porfirista nechikolistlanawatiyanih wan ne iglesia católica monechkawiyayah, sekih ax kikualittayayah ne Díaz nohka kinmanawiyaya anticlericalestlahlamikilistli tlen Amatlanawatilli tlen 1857. Nohkia onkayaya crítica tlen sociopolítica tlamantli, teipah kemah nopa encíclica, tlen mokualtlaltoya para ne tlaltipaktli industrial europeo, pehki motekiwia para católicos mexkoewanih, tlen eliyaya rural. Ihkatzah kimanawiyayah propiedad privada ken se natural xitlawalistli, pehkeh mosisiniah pampa tlawel mochiwayaya concentración tlen propiedad agraria, wan nohkia pampa axkualli mochiwayaya tekittl ipan haciendas mexicanas. Teipah católicos pehkeh kiihtowah ma tlami caciquismo wan ma onkah democracia. Welis tikihtoseh axkanah kitokaxtiyayah ne Porfirio Díaz, pampa nohkia kitlepanittayaya tekittl tlen kualli kichihki, pero nochi tlamantli tlen moihtowayaya ax kikualchiwayaya nechikolistlanawatiyanih. Yeka welis tikihtoseh nochi tlen moihtowayaya, ihkatzah moderados eliyayah, moneki tikintlepanittaseh.

Pampa onkayayah miak kualantli pehki mochiwa, ipan 1900, se nechikolistli tlen liberalstlahlamikilistli kampa kalaktayah miyakeh olochtli tlen tlatlahko urbana nechikolistli, ken tlen momachtitoyah, periodistas, tlamachtianih wan momachtianih. Ax kikualittayayah ne nechikolistlanawatiyanih ayohkana kintlepanittayaya liberalestlahlamikilistli wan kinekiyayah sampa kikualtlaliseh se decimonónico nechikolistli itokah “partido liberal”, tlen ika kitemoyayah ne Díaz ma kinchiwa nopa principios: tlen anticlericalismo, pero nohkia ne libertad tlen sanilistli, ne democracia electoral, ne tlaxolewalistli tlen poderes, se kualli administración tlen justicia wan ne autonomía municipal. Para mochiwas nopa

tekitl ne Camilo Arriaga kinsentilki nochimeh tlen kimanawiyayah liberaletlahlamikilistli ipan se nechikolistli ipan San Luis Potosí, ipan tlatlahko tlen altepetl. Yahkeh iknimeh Jesús wan Ricardo Flores Magón, ikonewah tlen se oaxaqueño juarista wan tlen ewayayah ipan Mexko, kampa momachtihkeh wan kitepostlahkuilowayayah ne periódico oposicionista *Regeneración*. Pa nimah kalahkeh ipan se tekitl tlen radicalización: ipan 1903 nohkia ayohkana kintlepanittayayah ne “científicos” wan ne Bernardo Reyes, kiihtowayayah nopa extranjera tlapalewilistli axkualli motekiwiyaya wan kinmanawiyayah obrerotekitinih wan miltekitinih. Yeka nechikolistlanawatiyanih chikawak kintewihki, miyakeh kikuihkeh exilio, wan yahkeh ipan Estados Unidos. Teipah nopa nechikolistli tlanki moxexelowa. Ika ne *Regeneración*, ipan se kawitl nohka tlatewiyayah wan kimanawiyayah liberaltlahlamikilistli: nopa welis tikittaseh ipan Amatekitl tlen Partido Liberal, tlen kiihkuilohkeh ipan 1906. Teipah kemah kitlanki ne Arriaga, Ricardo Flores Magón ya kiyekanaskia tlapatlalistli ika anarquistatlahlamikilistli. Nopa tlapatlalistli mochihihi pampa: kualli mowikayayah waya norteamericanas socialistas wan anarquistas nechikolistli; ne carácter plurinacionalista —ika “hispanos”, chinos wan europeos— tlen yankuik altepetl kampa ewayayah; pampa nopa altepetl eliyaya industrializada, Flores Magón waya ininwampoyowah pehkeh kinmanawiyah obrerotekitinih wan tlahlamikinih tlen waya mowikayayah, nopa tlamantli tlen kichihkeh axkualli elito ipan se rural altepetl, yeka miak tekitl axkualli kichihkeh. Nopa tlakameh tlawel wahka itztoyah tlen Mexko wan chikawalistli tlen nohkia kipiayah ipan nechikolistli tlen obrerotekitinih nohkia tlanki pampa onkak represiones tlen ne huelguistas tlen Cananea wan Río Blanco. Teipah ayohkana kinkawilihkeh ma kichiwakah yontle wan pehkeh kintlamokuitlawiyah, ayohkana welkeh kikualtlaliah se tlatewilistli. Welis tikihtoseh desde wankinoh (1908) ayok tlen kichihkeh, pero kena tlawel ipatih elihkeh: pampa inihuantih kiyekanayayah tlatewilistli tlen régimen porfirista wan ttaskamati ika ne *Regeneración* pehkeh tlahlamikih miyakeh mexkoewanih;

ipan inechikolis miyakeh tlayekananih momachtihkeh wan teipah tlawel ipatih elihkeh kemah mochihi weyi tlatewilistli tlen Revolución mexicana, wan pampa itztoyah ipan Estados Unidos nohkia nepa kiweloniyayah internacional tlatlepanittalistli tlen ne don Porfirio.

Ika último, ne Díaz kinmanawiyayah “científicos” wan yeka ne reyistas kulankeh, pampa eliyayah leales porfiristas, wan mokupekeh se nechikolistli opositor tlen kiihliyayah ne Díaz ma kipehpena ne Reyes ya elis ivicepresidente ipan tlaphepenalistli tlen 1910: pa nimah pankiskeh miyakeh nechikolistli, clubes, amaperiódicos wan amochmeh tlen ax kintlepanittayayah ne “científicos” wan kimanawiyayah ne Reyes. Tlawel moyolchikahkeh ipartidarios, wan yeka ne Díaz, mokesowayaya, wan yeka kititlanki ne Reyes ken comisionado ipan Europa ipan septiembre tlen 1909. Miyakeh tlen kitokiliyayah, pampa ipan nechikolistli ayok onkayaya se tlayekanketl, mopatlakeh ipan seyok olochtli tlen yankuik pankisayaya, tlen ax kikualittayaya reelección wan kiyekanayaya se hacendado wan tomichihketl coahuilense, Francisco I. Madero. Yeka reyistas tlawel ipatih elihkeh: kitewihkeh ne régimen, kintlateilihkeh ne “científicos”, nechikolistli tlen kipatlaskia ne don Porfirio, kichikawaltihkeh antirreeleccionista nechikolistli pampa kipanoltilihkeh miyakeh “cuadros” tlen kipiayah tlatlepanittalistli wan políticatlamlamikilistli wan eliyayah multclasista, nikah kalaktoyah clases tlen wahkapa, tlen tlatlahko wan tlen echkapa. Tlen nochimeh tlatewilistli tlen onkak achtowi tlen Revolución mexicana, tlen reyista miak tlamantli temakak: Venustiano Carranza, Francisco Vázquez Gómez wan Luis Cabrera elihkeh tlayekananih.

KEMAH ONKAK KUALANTLI WAN TLATEWILISTLI IKA TEPOSMEH

Pampa onkak miak kualantli kemah tlamiyaya porfiriato ika yanopa tikuamachiliseh kenke Francisco I. Madero ax kikualittayaya

política económica tlen “científicos” wan kiihtowayaya monekiyaya se yankuik partido político tlen nacional tlen ax kikawaskia ma mochiwa reelección tlen Díaz ipan 1910. Wan kehnopa kichihki desde ipan tlahko tlen 1909, pampa kinchikawaltihki antirreeleccionistas nechikolistli, tlen kintokaxtiskia delegados estatales para se nacional nechikolistli tlen mochiwaskia ipan 1910, tlen kemah mochihi ne Partido Nacional Antirreeleccionista wan kintlalkeh candidatos para presidenciales tlapehpenalistli: Madero wan ne exreyista Francisco Vázquez Gómez, ika nopa tlasenkawalistli tlatewiskiah ome nechikolistli.

Ipan nopa kawitl kiittakeh ne Madero kipiaya se kualli políticatlalamikilistli, pampa pa nimah panok tlen oposición regional a tlen nacional, wan miyakeh kiixmatiyayah, wan kintlanki sekinok oposicionistas nechikolistli tlen kualli (magonistas wan reyistas) wan yeka miyakeh kitokiliyayah. Kemah elki canditato presidencial kichihki se paxalolistli, pero pa nimah kiitzkihkeh —pampa kitlateilihkeh kiyekanayaya se rebelión— wan kitzahke ipan se prisión tlen San Luis Potosí. Kemah kitzaktoya onkak tlapehpenalistli, kampa tlatlankeh ne Díaz wan Ramón Corral, wan achi teipah cholohki ne Estados Unidos, momanawito ipan San Antonio, Texas. Nopayo, Madero waya se kuekuetzih nechikolistli kiihkuilohkeh se amatekitl —tlen nohka kichihtoya ipan San Luis Potosí— kampa kichiwayayah se tlanonotzalistli para ma onkah se tlatewilistli ika teposmeh. ¿Atlak kenke kinekiyaya kintekiwis teposmeh se pacifista tlen tlaneltokayaya tlen democrática tlatewilistli? ¿Ahkia kipalewiskia ipan nopa tlatewilistli? ¿Atlak moihihki tlen panoskia teipah? Tlen kipalewiyayah Madero eliyayah tlen tlatlahko urbana nechikolistli, pampa san inihuantih kinpaxalohtoyah. Ken moittayaya, kemah kinnotzki para ma mochiwa tlatewilistli ika teposmeh, ne antirreeleccionistas axkanah kitokilihkeh, pampa ax kipiayah miak tlamantli tlen ika tlatewiseh; wan nohkia, pampa eliyayah oposicionistas wan ewayayah ipan chinankomeh miyakeh kinixmatiyayah wan kinekiyayah kinmiktiseh: teipah kinmiktihkeh iknimeh Serdán,

ipan Puebla, nopa kiihtosnekiyaya nohkia yaino kinpantiskiah antirreeleccionistas tlen altepeme tlen kalaktoyah ipan tlatewilistli.

Miak tlamantli mopatlak kemah kimiktihkeh Aquiles Serdán, pampa nochimeh antirreeleccionistas tlen achtowi ayok kinekiyayah tlatewihse ika teposmeh. Ihkatzah kehnopa, nopa tlatewilistli kena kikualittayaya ipan sierra tlen Chihuahua, wan más momoyatiahki: ipan Sonora, Durango wan Coahuila. Tlen kitokiliyayah tlatewilistli eliyayah tlen: popular wan rural; axkanah iwikal tlen kinekiyayah. Ipan achtowi eyi metztli nechikolistli tlen tlatewiyayah eliyayah tlawel kuekuetzitzih, ax kipiayah teposmeh wan san kichiwayayah tácticas guerrilleras, ipan febrero tlen 1911 Madero mokuepki ipan altepetl para kiyekanas tlatewilistli, wan ika yaino mokualtlalki miak tlamantli; ihkinoh, mosenkahki wan moweyichihki nechikolistli, wan welkeh kintewiyah wehweyih chinankomeh wan kualli tlatewiyah; wan kiskeh miyakeh nechikolistli ipan sehanok tlen altepetl, ken ipan estados tlen Morelos wan Guerrero. Ipan metztli marzo wan abril onkayayah miyakeh nechikolistli wan yeka ayok weliyaya kinsewiyah. Kemah ne Díaz ayok kitlepanittak Reyes, ne nechikolistlatewiyanih kikixtilki tlapalewilistli wan miyakeh prorreyistas oficiales kintotokakeh para ma ayohkana kinyekanakah tropas, yeka nechikolistlatewiyanih axkualli eltoya, wan nohkia pampa panotoyayah miak xiwimeh axkanah tlatewihtoya. Tlan nohkia tihtlaliseh ne norteamericanas tlanawatiyanih kikualittayayah maderista tlatewilistli, ika yaino tikumachiliseh kenke monekiyaya mokualtlalis nopa kualantli.

Pampa wetzkeh fronteriza ewanih tlen Ciudad Juárez ipan segunda semana tlen mayo, pa nimah pehkeh mononotzah nechikolistlanawatiyanih wan alzados wan mochikawaltihkeh ne rebeldetlakameh, miyakeh yankuik nechikolistli pankiskeh tlen kintewiyayah nechikolistlanawatiyanih wan locales tlanawatiyanih, yeka onkak miak tomas incruentas tlen chinankomeh ipan tlahko tlen mayo, wan nopa kualantli moweyichihki kemah kinwasanihkeh ne Tratados tlen Ciudad Juárez, kemah moihtohki ne Díaz ayohkana tlanawatis, wan ika yaino tlatlanki nopa nechikolistli. Ne Revolución

mexicana elki ipan achtowi kawitl se electoral tlatewelistli tlen mopatlak ika se armada tlatewelistli, ika sekinok tlakameh wan escenarios: urbana wan tlen tlatlahko tlatewelistli mopatlak ika rural wan popular. Kiskeh yankuikheh tlayekananih, tlen kualli kikuamachiliyayah armada rural, tlen axkanah mokalaktoyah ipan antirreeleccionismo electoral noso axkanah momatiyaya. Elki wankinoh kemah kiskeh, ika protagonica tlamantli, Pascual Orozco, Pancho Villa wan Emiliano Zapata. Ika nopa tlamantli nohkia kalahkeh rancheros nortehños, tlakameh tlen excolonias militares, tlen proletarios tlen tlatokayayah, vaquerotlakameh, ferrocarrilerotekitinih, minerotekitinih —tlen kipiayah tlatlakolli tlen ataques dinamiteros tlen vías férreas—, obrerotekitinih, tlayekchiwanih, rurales tlamachtiani, wan nohkia rancheros sureños —ken iknimeh Figueroa ipan Guerrero— wan miyakeh ewanih wan tradicionales tlanawatiyanih tlen chinankomeh tlen tlatlahko wan sur tlen altepetl, ken Zapata waya iteixmatkawah. Ihkatzah ne gubernamentales tlanawatiyanih, nohkia ne Madero wan sekinok antirreeleccionistas originales tlayekananih, ax kinekiyayah ma mokalakikah populares nechikolistli, kena mokalakihkeh ipan político tlapatlalistli; welis tikihtoseh, kikuepkeh se revolucionario tlatewelistli. Tlen achtowi kipiayah demandas políticas; tlen sekinok, kipiayah reclamos sociales, tlen agrarios tlamantli.

NE ANACRÓNICO LIBERALISMO

Ipan amatlanawatilli tlen Ciudad Juárez mosenkahki ne Díaz kipatlaseh, wan kipatlaskia isecretario tlen Relaciones Exteriores, ne Francisco León de la Barra. Iteki eliskia kichiwas desarme wan kinxolewas rebeldes nechikolistli wan kikualtlalis yankuik tlaphephenalistli. Tlen achtowi tlawel owi elki: miyakeh kiihtohkeh ayohkana tlatewihseh pampa kintlaxtlawihkeh, wan sekinok sampa kinnechikohkeh ipan yankuikheh “rurales nechikolistli”. Ihkatzah kehnopa, miyakeh rebeldes nechikolistli ax kikualittayayah

yaino: Pascual Orozco waya tlen kitokiliyayah kintotokakeh kemah tlatlanki nechikolistlatewiyanih, wan kiihtowayayah nohka monekiyaya miak tlamantli; ika ikuentah, Emiliano Zapata waya alzados sureños inihuantih axkanah moxolehkeh wan ax kinehkeh mokupeaseh kewak “rurales”, pampa ax kinekiyayah temakaseh inintepos pampa achtowi monekiyaya kinmakaseh tlalli tlen kinkixtiltoyah hacendadotlakameh, wan yeka motewihkeh waya interino nechikolistlanawatiyanih tlen León de la Barra.

Tlen yankuik tlapehpenalistli, Madero kikuepki ne Partido Nacional Antirreeleccionista ika Partido Constitucional Progresista; wan nohkia kiihtohki ipan segunda tlapehpenalistli ayohkana eliskia iwampo ne Vázquez Gómez namah eliskia ne José María Pino Suárez, tlen eliyaya abogado wan periodista wan tlakatihtoya ipan Tabasco pero ewayaya ipan Yucatán, kampa tlapalewihki ipan antirreeleccionista tlatewilistli. Axkanah nochi kualli elki ipan nopa ome tlamantli: ax onkayaya se amatekitl tlen nechikolistlanawatiyanih tlen kinsentiliskiah nochimeh, wan ne antirreeleccionistatlahlamikilistli, ihkatzah axkualli eliyaya, ya kena miyakeh kitokiliyayah. Wan nohkia, miyakeh ax kikualittakeh nopa tlakotontli waya Vázquez Gómez pampa axkualli mochihi; ika yaino mokuenihkeh miyakeh exreyistas tlen kipiayah miak tekittl wan miak tlahlamikilistli, wan yeka iadministración tlen Madero ax kipixki nopa tlapalewilistli. Ihkatzah nochi yaino, nopa tlakatl tlatlanki ipan tlapehpenalistli tlen octubre tlen 1911, pero tlatlanki poder presidencial pampa ayohkana waya mowikak reyistas, orozquistas wan zapatistas.

Ne presidencia tlen Madero, tlen pehki kemah tlamiyaya 1911 wan tlawel fieroh tlanki ipan febrero tlen 1913, moixmati pampa onkak miak políticas tlapatlalistli: asitoh ipan gabinete miyakeh telpokameh tlen eliyayah tlen se sector social tlen echkapa axkanah iwikal ken tlen ministros porfirianos, yeka kipiayah seyok tlahlamikilistli; nohkia asitoh gobernadores tlen seyok tlamantli tlahlamikiyayah, wan iwikal panok waya diputados wan senadores; nohkia miyakeh tetatzitzih “políticos tlanawatiyanih” kinpatlakeh

ika yankuikēh locales tekiwameh tlen xitlawak kinpehpentoyah. Welis tikihtoseh, pampa Díaz yahki, ipan se ome metztli teipah, onkak miak tlapatlalistli ipan tlachiwaltepetl tlen poder. Wan sekinok políticos porfirianos tlen nohka mokatoyah namah nohkia inihuantih kipiayah funciones oposicionistas. Ipan 1911 wan 1912 ewanīh nechikolistli tlen tlatlahko kalahkeh ipan aparato gubernativo wan nohkia tlanawatiyah, ne obrerotekitinih wan miltekitinih kipixkeh tlapalewīlistli. Tlen seyok tlamantli, ne presidencia tlen Madero nohkia kinwalikak democráticas tekītl: kualli mochihki tlahehpenalistli wan motlepanittak libertad tlen sanīlistli; ne poder ejecutivo ayohkana kinawatiyaya ne legislativo wan judicial, wan ne poder tlen tlatlahko ayohkana kinnawatiyah estatales wan locales tlanawatiyanīh.

Onkak miak tlapatlalistli tlen política tlamantli, Madero waya yankuikēh tlanawatiyanīh kinwalikakeh miyak tekītl tlen agraria wan obrera tlamantli. Madero eliyaya hacendado algodōnero wan iteixmatkawah kichiwayayah empresarialtekītl, wan kikualittayaya propiedad privada tlen tlalli, ax kikualittayaya agraria komuntlalli wan kiihtowayaya monekiyaya mochiwas se sistema tlen kiyekanaskiah kuekuetzitzih wan tlen tlatlahko propietarios, waya yankuikēh wan kualli hacendados. Ipan laboral tlamantli kena kintlepanittak xitlawalistli tlen obrerotekitinih, kinekiyaya kinpalewis ni tekitinih para ma kualli itztokah wan inechikolistlanawatiyanīh pehki tekītl ken árbitro kemah mokualaniyayah tlayekananih wan tekitinih. Pampa nochi yaino panok, wan tlas kamati ika yankuik político kawitl wan pampa ne industriales ayok kipiayah miak chikawalistli, ipan 1912 kiskeh miyakeh obreras nechikolistli wan onkak miyakeh huelgas. Iwikal panok ipan escenario rural: namah miltekitinih kipiayah chikawalistli wan kitewiyayah ne Díaz wan hacendados ayok kipiayah miak chikawalistli, yeka mopatlak chikawalistli ipan chinankomeh: onkak miyakeh ocupaciones tlen tlalli tlen kintlachtekitloyah wan nohkia kinekiyayah ma kitlaholtikah tlaxtlawalistli tlen tonatih; ne hacendadotlakameh ayohkana

kinpalewihkeh tlanawatiyanih pampa ayohkana itztoyah caciques tlen tetatzitzih yon antiguos “rurales” tlen kinmanawiskiah. Wan nochi reformistatlanawatilli tlen Madero ax kikualittakeh políticos nechikolistli yon ewanih tlen nochi altepetl, nohkia ne diplomáticos wan extranjeros tomichiwanih. Ne hacendadotlakameh wan tomichiwanih ax kinkualittayayah pampa eliyayah malwilli; ne obrerotekitinih wan miltekitinih, tlen achtowi kipalewihkeh Madero —tlen achtowi ipan electoral kawitl wan tlen teipah ipan armada kawitl—, inihuantih kiihtowayayah monekiyaya seyok tekittl. Welis tikihtoseh nochimeh ax kikualittayayah nopa tekittl tlen mochiwayaya wan yeka onkak tlatewilistli. Onkak nawi tlatewilistli ipan maderista nechikolistlanawatiyanih: ome tlen yaino kinyekanayayah beneficiarios tlen régimen porfirista: Bernardo Reyes wan Félix Díaz, wan seyok ome kinyekanayayah alzados tlen ax kitlepanittayayah porfiristas tlahlamikilistli: Emiliano Zapata wan Pascual Orozco. Welis tikihtoseh ni tlatewilistli kiskeh pampa onkak tlapatlalistli tlen nacional chikawalistli: tlen achtowi tlatewihkeh pampa sampa kinekiyayah kitlalanaseh iinfluencia, wan tlen teipah tlatewihkeh pampa kinekiyayah tlapalewilistli wan chikawalistli para kualli itztoseh. Ne Reyes tlatewihki kemah tlamiyaya 1911 pampa moihliyaya pampa ax itztok Díaz san ya monekiyaya tlanawatis ipan altepetl. Ne Félix Díaz motlalanki ipan Veracruz ipan octubre tlen 1912, pampa kiihtowayaya ne Madero axkualli tlanawatiyaya. Pero onkayaya se kuantli pampa ne sobrino tlen don Porfirio axaka kitlepanittayaya para kinkualtlalis nochi kuantli tlen onkayaya ipan altepetl kemah tlamiyaya porfiriato kawitl. Nochi ni panok pampa walayaya se yankuik kawitl, yeka nochi tlen kiihtowayaya axaka kinankilki.

Ne populares tlatewilistli tlen zapatista wan orozquista elihkeh seyok tlamantli. Ne morelenses miltekitinih ax kitlepanittakeh tlanawatilli tlen moihkuilohtoyah ipan Tratados tlen Ciudad Juárez, pampa kiihtowayayah axkanah kinmalakaniseh inintepos pampa achtowi monekiyaya kinkuapiliseh inintlal tlen kintlachtekitloyah ne hacendadotlakameh. Yeka ne tlanawatihketl León de la Barra

kintokaxtihki rebeldetlakameh. Wan kemah ne Madero asito ipan presidencia kikualtlalkeh ne Plan tlen Ayala, tlen ika kinekiyayah kinkualtlaliseh agrarios kualantli wan kinekiyaya ne chinanko ma eli unidad rural tlen más ipatih ipan altepetl. Ne zapatismo nechikolistlatewiyanih miak ipatih ipan nemilistli. Ipan nochi 1912 san tlamantzih tlatewihki. Pero ne orozquista tlatewilistli ya tlawel fieroh elki. Orozco waya iwampoyowah motlalankeh ipan marzo tlen 1912, ika ne Plan tlen Empacadora, onkayaya ome tlamantli: tleyakananih kiihtohkeh axkualli kintlaxtlawihkeh —económico wan político tlaxtlawalistli— kemah kitlankeh ne don Porfirio, wan ne soldadesca ax kinkualittayayah socialetlanawatilli tlen Madero pampa axkualli mochiwayaya. Welis tikihtoseh elki se pluriclasista tlatewilistli wan axkanah agrarista, pampa ipan ni tlatewilistli kalahkeh miyakeh nechikolistli tlen populares tlen ax eliyayah miltekitinih, wan nohkia kalahki nechikolistli tlen tlatlahko tlen weyi tlalli. Nohkia ax elki localista: pampa tlatlanki ipan nochi Chihuahua, nohkia ipan estatal altepetl, wan asito ipan sekinok norteñas chinankomeh, ken Durango, Coahuila wan Sonora, wan nohkia ipan Zacatecas wan San Luis Potosí. Miak chikawalistli kipiaya, yeka achtowi miyakeh moihliyayah welis kitlanis maderista nechikolistlanawatiyanih.

Para kintlaniseh ne orozquistas kitlalihkeh ma tlayekana ne tlatewihketl Victoriano Huerta waya miyakeh tlatewiyanih wan kimakakeh tlapalewilistli. Ipan nopa tlatewilistli waya orozquistas nohkia kalahkeh tlen kitewihkeh ne Díaz wan tlen tlawel kitlepanittayayah nechikolistlanawatiyanih, ken ne Pancho Villa, inihuanthi kipalewihkeh ne federal nechikolistlatewiyanih. Ni tlamantli mochihi pampa monekiyaya tlakameh tlen kualli tlatewiseh wan nohkia kintlepanittaseh ne sectores populares lugareños tlen kampa tlatewiskiah. Nohkia, ne norteños tlanawatiyanih kinkualtlalkeh estatales nechikolistli para kintewiseh orozquistas, kualli eliyayah tlen ne coahuilense Pablo González wan tlen ne sonorese Álvaro Obregón. Kiski ome tlamantli: nopa tlatewilistli moyolchikahki pampa kimanawihkeh exmaderistas;

wan pampa tlatlanki, ne federal nechikolistlanawatiyanih sampa motlalanki wan kiasik ipan Huerta se yankuik wan kualli tlatewihketl, pero ni tlamantli tlawel mopatlak teipah, pampa ayohkana kitlepanittak nechikolistlanawatiyanih tlen onkayaya.

Kemah tlamiyaya 1912 wan pewayaya 1913 Madero moihliyaya nel kintlantoyah nopa nawi tlatewilistli. Welis tikihtoseh axkanah nelia tlen moihliyaya: kena nopa nawi ax kipiayah chikawalistli, pero nohka chikawak kitewiyayah nechikolistlanawatiyanih tlen Madero. Miak kualantli onkayayah ipan nopa kawitl, ika se resentido nechikolistlatewiyanih wan ika se nechikolistlanawatiyanih tlen miyakeh ax kitlepanittayayah, ne Bernardo Reyes wan Félix Díaz moihlihkeh, ipan febrero tlen 1913, sansehko wan ipan sede tlen poderes federales weliskiah kikualtlaliseh se contrarrevolucionario tlatewilistli tlen kualli. Wan ihkatzah axkualli kiski, ne yankuik tlatewihketl, Victoriano Huerta, ya kiyekanki nopa tlatewilistli, wan teipah kitlanki wan kimiktihki ne Madero. Ne tlasenkawalistli tlen “golpistas” moixmati ken Pacto tlen Ciudadela, pampa nopayo momanawihkeh, noso ken Pacto tlen Embajada, pampa mowasanki ipan teposkalli tlen representación norteamericana. Nohkia ax kitlepanittayaya ne nechikolistlanawatiyanih tlen Washington—pampa onkayayah tlahtlawalistli maderistas tlen petróleo—, tlen federal nechikolistlanawatiyanih, tlen porfirianos olochtli wan tlen hacendadotlakameh wan tomichiwanih, wan pampa moxolehki antirreeleccionista nechikolistli, pampa mokuesowayayah nechikolistli tlen tlatlahko wan pampa axkualli tlanawatiyanih onkayayah, nochi yaino ax kikualchihki ne Madero, ya kimiktihkeh kemah onkak cuartelazo ipan febrero tlen 1913.

NE CONSTITUCIONALISTA TLATEWILISTLI

Ne nechikolistlanawatiyanih tlen Huerta tlapaltik eliyaya kemah pehki pampa nopayo kalaktoyah miyakeh nechikolistli ken antimaderistas, felicistas, reyistas, “científicos”, católicos wan

nohkia orozquistas. Nohkia, ne federal nechikolistlanawatiyanihi tlawel kipalewihki ne Huerta, nohkia ne hacendadotlakameh wan ne tomichiwhanihi. Tlapalewiliistli tlen norteamericano, san kentzihi onkak, pampa pa nimah ne Woodrow Wilson —tlen Partido Demócrata— kipatlak ne William Taft —tlen Partido Republicano—, ya kipiaya seyok itlachialis tlen Mexko. Ne Huerta asito ipan presidencia wan yeka mosisinihkeh miyakeh exrebeldes antiporfiristas, miyakeh eliyayah tetatzitzihi wan nohkia kitewihtoyah ne orozquismo wan sekinok eliyayah locales maderistas tlanawatiyanihi. Ika yani tikuumachiliseh nopa tlatewiliistli mochiwayaya pampa monekiyaya momanawis nochi tlapatlalistli wan puestos políticos tlen kinchihki Madero, wan nohkia pampa ax kinekiyayah ma sampa onkah políticos porfiristas, yeka onkayaya se kualli federal nechikolistlatewiyanihi tlen kinmanawiyayah hacendadotlakameh wan ricotlakameh tlen antiguo régimen.

Nochi tlatewiliistli tlen Huerta mochihi ipan nawi escenarios tlen tlawel ipatih, sehse kipia sociales, políticas, ideológicas, económicas wan militares tlamantli. Tlen achtowi elki Coahuila, kampa tlayekanayaya ne tlanawatihketl Venustiano Carranza, se tetatzih político reyista tlen mokuepki antiporfirista ipan 1909. Ne Carranza wan sekinok coahuilenses tlanawatiyanihi ax kitlepanittakeh ne Huerta, kitokaxtihkeh rebeldetlakatl, wan kikualtlalkeh se nechikolistlatewiyanihi —ne Constitucionalista— para kitewiseh wan kitlaniseh. Ne tlatewiliistli antihuertista tlen Coahuila moixmatki pampa kipiaya naturaleza legalista tlamantli wan pampa kiyekanayaya se gobernador. Nohkia tlanawatiyayah políticotlakameh wan locales burócratatlakameh. Tlen tlatewiyanihi tlapalewiliistli, tlapalewihkeh tetatzitzihi tlen kitewihkeh Díaz. Nochi yaino moihkuilohki ipan ne Plan tlen Guadalupe. Welis tikihtoseh ihkatzah ne coahuilenses constitucionalistas axkanah miak mokalakihkeh ipan tlatewiliistli para kitlaniseh Huerta, kena tlapalewihkeh para onkas tlasenkawalistli, legitimación wan administración tlen tlatewiliistli.

Ipan estado tlen Sonora nopa tlatawelistli kiyekankeh sekiah tlakameh tlen tlatlahko nechikolistli, tlen kinmapachtoyah kemah elki porfiriato kawitl, pero tlen nohkia kipiayah kualli tekitt kemah elki maderismo kawitl. Inihuantih tlatawiyayah pampa kinekiyah nopyo mokawaseh. Tlen más ipatih welis tikintokaxtiseh Álvaro Obregón, Salvador Alvarado, Plutarco Elías Calles, Manuel Diéguez wan Adolfo de la Huerta, wan sekinok. Inihuantih kipiayah político chikawalistli wan nohkia militar chikawalistli, pampa achtowi kintewihtoyah masewalmeh yaquis wan nohkia ne porfirismo wan orozquismo. Nohkia tikihtoseh onkak kualantli tlen tlalli-masewalmeh —tlen mayo wan yaqui chinankomeh— wan tlen tekitt —tlen Cananea— wan yeka ne nechikolistli tlen tlatlahko oposicionista local momanawiyaya waya populares nechikolistli. Kehni, onkayaya militar chikawalistli, wan yeka ne sonorense nechikolistli temanawiyaya ika tlahlamikistli ken nechikolistli tlen tlatlahko tlen weliyaya mononotza wan mosenkawa waya sekinok populares nechikolistli.

Ne tlatawelistli antihuertista tlen Chihuahua —wan tlen norte tlen Durango— seyok eliyaya, pampa nopyo tlakekanayaya se iknotlakatl: ne Pancho Villa. Axkanah iwikal eliyaya ken alzados ipan Coahuila wan Sonora, Villa ax eliyaya se local tlanawatihketl eliyaya se rebeldetlakatl; wan yeka nochimeh tlen kipalewiyayah nohkia eliyayah iknotlakameh. Sampa kinitzkihkeh inintepos para ax kikawiliseh ne Pascual Orozco ma asi ipan poder local noso ma mokupea oligarquía tlen kiyekanayaya ne Terrazas iteixmatkawah. Welis tikihtoseh ni nechikolistli tlawel kipalewihki ne constitucionalismo ika popular chikawalistli. Tlaskamati ika villismo, ne tlatawelistli antihuertista norteña axkanah elki san legalista wan tlen tlatlahko nechikolistli. Welis tikihtoseh nohkia, nopa villista nechikolistli kena popular eliyaya, pero axkanah san miltekitinih nopyo kalaktoyah: nikah kalaktoyah jornaleros miltekitinih, aparceros, “medieros”, rancheros iknotlakameh wan tlakameh tlen excolonias militares, wan nohkia sekinok nechikolistli

tlen vaquerotekitinih, minerotekitinih, ferrocarrilerotekitinih wan obrerotekitinih.

Ne tlatewilistli tlen Huerta axkanah san norteha elki. Kemah ni tlakatl asito ipan poder kipatlak tlatewilistli tlen ne zapatistas, pampa más chikawak tlatewihkeh. Tlen achtowi panok, mopolki temiktli para mochiwas se reforma agraria, pampa desde achtowi neski nopa huertistatekitl ipan nopa entidad kiyekanayayah ne federal nechikolistlanawatiyanih wan hacendadotlakameh. Nohkia, pampa tlawel fieroh tlatewiyayah, yeka miyakeh alzados motlalankeh, pampa chinankomeh monekiyaya momanawiseh. Ne zapatistas kena mokalakihkeh ipan tlatewilistli pero axkanah kitlepanittayayah ne Carranza, wan ttaskamati ika inihuantih nopa pamitl antihuertista tlen weyi tlatewilistli elki birregional, wan nochimeh demandas tlen eliyayah políticas tlen 1909 wan 1910 nohkia moweyichihkeh waya sociales tlatlepanittalistli, tlawel kinekiyayah ma kinkuapilikah tlalli tlen kintlachtekilttoyah wan ma kintlepanittakah tradicionales chinankomeh, pampa eliyayah instituciones tlen tlawel ipatiyayah ipan agro tlen Mexko.

Ne diferencias sociogeográficas mokuepkeh ipan miak kualantli tlen políticas, ideológicas wan militares tlamantli. Eltoya nopa tlanawatilli tlen Plan tlen Guadalupe, pero ne Carranza san kiyekanayaya se rebelde nechikolistlatewiyanih kampa kalaktoyah iciviles tekinih wan tlatewiyanih. Wan para san ya tlayekanas, kiwikak tlatewilistli ipan sekinok chinankomeh. Ihkatzah ika yaino ax miyak militar chikawalistli kipiaya, ne Carranza kintitlanki tlatewiyanih ipan estados tlen Nuevo León, Tamaulipas, Zacatecas wan San Luis Potosí. Kehnopa panok tlen estatal tlanawatihketl ika regional tlanawatihketl. Pero tlatewiyanih tlen itztoyah ipan Coahuila inihuantih ax kipiayah chikawalistli wan kintlanihkeh huertistas ipan tlahko tlen 1913, wan yeka ne Carranza cholohki wan yahki ipan Sonora, nopayo mononotzki waya sekinokeh revolucionarios tlen kalaktoyah ipan miyakeh nechikolistli. Welis tikihtoseh ika nochi yaino, ya mokuepki real tlayekanketl tlen tlatewilistli ipan ome weyi tlalli: ipan noreste wan nohkia ipan noroeste.

Kemah pewayaya 1914 ne rebeldetlakameh tlatlantoyah ipan norte tlen altepetl, wan ipan tlahko wan itlamia tlen 1913 kinkualtaltoyah miyakeh antihuertistas nechikolistli tlen kualli ipan San Luis Potosí, Zacatecas, Sinaloa, Jalisco, Michoacán wan Veracruz. Pero ne tlatlahko, sur wan sureste san kentzih mokalaktoyah ipan tlatewilistli: nohkia ne Morelos wan sekinok zonas vecinas —kampa fieroh motewiyayah huertista nechikolistlatewiyanih wan zapatista nechikolistlatewiyanih, tlen kimanawiyayah miyakeh chinankomeh—, ipan tlatlahko tlen altepetl san se ome tlatewilistli onkayayah ipan Hidalgo wan Tlaxcala. Onkah miak tlamantli kenke ipan nopa tlalli ax miyakeh tlatewilistli onkayayah, pampa echkatzihi eltoya tlen altepetl wan ferrocarril panoyaya ipan Veracruz, ipan Puebla wan Tlaxcala, yeka onkayaya se “corredor” industrial tlen tlawel ipatiyaya, yeka ax weliyaya mochiwa tlatewilistli nopayo. Ipan sur, ipan Guerrero kena onkayayah miyakeh rebeldes nechikolistli, pero ipan Oaxaca san se ome onkayayah. Ipan sureste, ipan Tabasco onkayayah se ome tlayekananih, pero san tlamantzihi tlatewiyayah wan ne nechikolistlanawatiyanih ax kinmawiliyaya. Welis tikihtoseh pampa ipan ni tlalli itztoyah finqueros paternalistas wan tekيتينih wan masewalmeh, wan pampa tlawel wahka eltoya, yeka ni tlalli axkanah mokalakiyaya ipan antihuertista tlatewilistli.

Ipan marzo wan abril tlen 1914 ne norteños nechikolistlatewiyanih pehkeh nemih ika tlatlahko pampa kinekiyayah kitotokaseh Huerta tlen altepetl. Sansehko tlatewiyayah, Obregón ipan occidente, Villa ipan tlatlahko wan Pablo González ipan oriente, eliyayah se kualli nechikolistli. Teipah kitlaniskiah ne Huerta pampa inechikolistlatewiyanih san momanawiyaya wan ayok mooliniyaya, san momanawiyaya ipan se ome altepemeh; nohkia ne nechikolistlanawatiyanih tlen Washington ax kitlepanittayaya wan ax weliyaya tlanawatia ipan frontera norteña wan yeka kipixki económica owihkayotl, wan ax welki kintilana yankuikheh tlatewiyanih yon kinkowas teposmeh wan municiones. Ne rebelde tlatewilistli ya kena moyolchikahtoya desde kemah

pehki, pero huertista nechikolistlanawatiyanih ya tlaihyowiyaya wan weloniyaya. Tlen político tlamantli, kemah mochihihi nopa cuartelazo ipan febrero tlen 1913 monechikohkeh se ome conservadora nechikolistli pero pa nimah sampa moxexelohkeh. Tlen diplomáticos tlamantli, pampa asito ipan presidencia ne demócrata Woodrow Wilson wan pampa Huerta kipolki weyi tlalli kampa onkayayah norteamericanas tlapalewilistli, yeka nopa ome ayok kualli mowikayayah. Pehki weloni huertismo ipan abril tlen 1914, kemah nortēnos nechikolistlatewiyanih kalahkeh ipan tlatlahko wan ne norteamericanos *marines* kalahkeh ipan Veracruz para kitzakuiliseh ne Huerta ma ax kiseli se embarque tlen teposmeh tlen Europa.

Pampa nemiyayah nortēnos nechikolistlatewiyanih kiskeh miyakeh tlatewilistli ipan estados tlen tlatlahko tlen altepetl. Kemah kitlaniyayah huertista nechikolistlatewiyanih miyakeh civiles tlanawatiyanih ayohkana kitokiliyayah. Ihkatzah ne División tlen Norte villista asito ipan junio ipan Zacatecas, Carranza tlanawatihki san tlatewiyanih tlen González wan Obregón kalakiskiah ipan altepetl, Villa ya mokawaskia ipan norte. Ni tlamantli kichihki ma inihuantih mokualanikah, pampa kipiayah seyok socioeconómicas wan político-ideológicas tlahlamikilistli. Ne constitucionalistas echkatzih moxexelawah, pero teipah mosenkahkeh: Villa nohka kitewiskia ne Huerta, pero mokawaskia ipan norte, wan Carranza kinsentiliskia miyakeh generales kemah tlatlaniskia ipan Mexko altepetl, inihuantih mosenkawaskiah kenihki kinkualtlaliskiah nochi kualantli tlen onkayayah wan ahkia eliskia yankuik tlanawatihketl tlen altepetl.

Ne revolucionario tlatewilistli kualli nenenki: Obregón tlatewihki ipan Sinaloa wan Jalisco, tlatlanki ipan Guadalajara, wan teipah yahki ipan tlatlahko; González ya tlatewihki ipan Monterrey, Tampico, San Luis Potosí wan Querétaro. Welis tikihtoseh tlawel karrerah tlatlankeh. Nopa tlatewilistli ayohkana san nortēno eliyaya pampa namah mochiwayaya ipan tlahko altepetl. Ipan miyakeh chinankomeh mochiwayaya wan miyakeh tlakameh tlatewiyayah.

Teipah ricotlakameh wan huertistas tlanawatiyanih cholohkeh, kinkatehkeh inintekih, yeka ne rebeldetlakameh mononotzkeh waya nechikolistli tlen tlatlahko tlen ax kitlepanittayayah Huerta para kinkualtlaliseh locales nechikolistlanawatiyanih, kehni inihuantih welkeh kalahkeh ipan poder. Nohkia kemah asitoh revolucionarias nechikolistlatewiyanih onkak tlasenkawalistli waya clases populares lugareñas, onkak obreristas wan agraristas tlanawatilli pampa monekiyaya ma inihuantih kinpalewikah. Kehni ipan se ome metztli mochihihi antihuertista tlatewilistli ipan yankuikesh escenarios wan ika yankuikesh tlatewiyanih, tlen ax eliyayah iwikal ken rebeldes norteños, wan yeka monekiyaya mokualtlalis se kualli nacional tekittl, ika geográficos wan sociales tlamantli. Welis tikihtoseh pampa mochihihi nochi ni tlamantli welki mochiwa Estado mexicano posrevolucionario. Tlan electoral maderista tlatewilistli kichihkeh ne clases medias tlen altepeme, wan antiporfirista tlatewilistli kichihkeh ne sectores populares norteños wan tlen kiyekanayaya se tlakatl tlen elite, ne constitucionalista tlatewilistli para kitewiseh Huerta kimanawihkeh miyakeh tlen tlatlahko wan populares nechikolistli, wan nochimeh kinyekanayaya se tetatzih tlen eliyaya miembro radicalizado tlen aparato político porfirista-reyista.

NE CONSTITUCIONALISMO WAN NE CONVENCIONISMOS

Ne Weyi Tlatewilistli tlen Mexko kipewaltih se yankuik ohtli kemah kalahki ipan Mexko altepetl wan kitlanki huertistas nechikolistlanawatiyanih wan nechikolistlatewiyanih, nochi yaino moihkuilohki ipan Tratados tlen Teoloyucan, ipan agosto tlen 1914, antihuertista tlatewilistli mokuepki nechikolistlanawatiyanih wan rebelde nechikolistlatewiyanih mokuepki pacificador. Seyok tlapatlalistli elki pampa kalahkeh ipan tlatlahko tlalli, ipan Mexko altepetl; kampa mochiwayaya indusriatekitl tlen altepetl, nopayo

ipan Mexko altepetl wan ipan Puebla, Tlaxcala wan Orizaba, wan nohkia pampa kalahkeh ipan tlalli kampa motewiyayah haciendas wan campesinas chinankomeh, ipan Morelos, Puebla, Tlaxcala wan Estado de México. Elki kemah constitucionalismo tlatewilitli panok tlen regional —norteño— a nacional, achtowi kalahki ipan tlatlahko wan costa oriental, wan teipah momoyahki ipan sur wan ipan sureste.

Onkayaya miak tekitl, ne constitucionalismo monekiyaya kinkualtlalis miak gubernamentales tlamantli pero axkanah kipiaya se kualli amatekitl yon se político-burocrático nechikolistli tlen ika kualli tekitiskia, yeka momanawihki ika eyi pamitl para welis tekitis: momanawihki ika militartlatewiyanih wan constitucionalistas políticos tlen kichiwayayah administrativatekitl; nohkia kimanawihkeh tlakameh tlen tlatlahko nechikolistli tlen achtowi axkanah kintlepanittakeh porfirista wan huertista nechikolistlanawatiyanih, nohkia momanawihki ika burocracia tlen tlahko wan echkapa tlen achtowi régimen. Ika ni nechikolistli monekiyaya kikualtlalis nochi tlen kiihtohtoya kikualtlalis, kipatlas tlanawatilli tlen propiedad agraria wan kichiwas miak obreristastekitl. Nohkia, monekiyaya kinpalewis ewanih tlen tlatlahko nechikolistli. Para elis se kualli nechikolistlanawatiyanih monekiyaya kinkakis wan kinpalewis ewanih tlen clases populares, wan nohkia monekiyaya kinpalewis iextranjeros tomichiواني. Tlen seyok, ne yankuik constitucionalista nechikolistlanawatiyanih monekiyaya nohkia tlanawatis ipan sur wan ipan sureste tlen altepetl, pampa ipan nopa weyi tlalli axkanah kitewiyayah Huerta, wan monekiyaya nohkia kintewiseh locales ricotlakameh wan kichiwas “cuadros” tlen tepalewiyanih noso redes tlen partidarios wan tlen kikualittayayah nopa tlapatlalistli.

Pero onkayaya se weyi kuantli, pampa kemah tlatlankeh —kitlanihkeh Huerta—, nochimeh tlatewiyanih tlen tlatlankeh nohkia inihuantih mokualanihkeh, pampa nochimeh —tlen constitucionalistas, villistas wan zapatistas— kinekiyayah tlanawatis ipan altepetl, axkanah nochimeh iwikal tlahlamikiyayah

wan kinekiyayah tekitiseh. Sekinok tlen tlatlankeh ax kinekiyayah ma onkah kualantli wan kinekiyayah mosenkawaseh, pero ax welki wan kena onkak kualantli. Wan yeka onkak miak kualantli ipan tlahko tlen 1914 xiwitl. Welis tihtokaxtiseh se kualli tekittl tlen mochihi wan elki ne Convención, tlen kichihkeh carrancistas wan villistas ipan Pactos tlen Torreón, ika ni tekittl mononotzkeh wan mosenkahkeh katlia tlanawatilli monekiyaya para onkas moyawalistli tlen altepetl. Ni tekittl pehki mochiwa ipan primero tlen octubre ipan Mexko altepetl, pero ax onkayayah villistas yon zapatistas, yeka ayohkana mochihi wan mosenkahkeh teipah mochiwaskia ipan Aguascalientes, tlen eltoya ipan tlahko tlen norte wan altepetl. Ipan ni segunda kawitl ax miyakeh delegados carrancistas yahkeh; kena yahkeh villistas wan zapatistas, tlen kinyekanayayah delegados tlen altepemeh tlen kinekiyaya ne Convención ma kitlepanitta ne Plan tlen Ayala. Welis tikihtoseh ipan ni tlasentilistli miyakeh nechikolistli monechikohkeh, nikah kalaktoyah wehweyih populares olochtli; wan nohkia eliyaya soberana, mokupeki se nechikolistlanawatiyanih wan ax kitlepanittak jefatura tlen Carranza, tlen teipah cholohki tlen Mexko altepetl wan yahki Veracruz, ipan nopa tlalli itztoyah *marines* norteamericanos, inihuantih kintotokakeh nochimeh ewanih tlen nopayo itztoyah para ma asitih ne constitucionalistas.

Sampa pewayaya weyi tlatewilistli: tlatewiyanih tlen Villa nenenkeh para asitih altepetl, kampa moixnamihkeh waya zapatistas kemah pewayaya diciembre tlen 1914; Carranza ya tlatewiskia ipan Veracruz. Mosenkahkeh kenihkatzah tlatewiseh: ne obregonistas kipalewiskia ne Carranza, wan ne villistas wan zapatistas pampa innome eliyaya tlen popular, mosenkahkeh sansehko tlatewiseh. Kehni ipan altepetl, ipan nochi 1915 xiwitl, mochihi “tlatewilistli tlen facciones”. Achtowi nesiyya ne populares nechikolistlatewiyanih tlen Villa wan Zapata kintlaniskiah tlatewiyanih tlen tlatlahko nechikolistli tlen Carranza wan Obregón. Pero axkanah ihkinoh panok, elki seyok tlamanthi, wan elki pampa onkak políticos, tlen tlatewiyanih, tlen tomih wan

tlen ewanilh tlamantli. Ne Convención nechikolistlanawatiyanilh moixmatiyaya pampa kipiaya tlanawatiyanilh —Eulalio Gutiérrez, Roque González Garza wan Francisco Lagos Cházaro— tlen axkualli tekitiyayah, miak kualantli kipiayah. Ewanilh tlen tlatlahko nechikolistli motemahmatihkeh, wan ayohkana kimanawihkeh ne Convención, yeka teipah ayok kualli tekithki, pampa ayohkana kipiaya nechikolistli tlen kipalewiyyayah wan nohkia ax kitlepanittayayah ne opinión pública, nacional wan internacional. Seyok tlamantli tlen axkanah kikualchiwayaya, eliyaya desde kemah pehki ne Convención onkayaya secesionismo wan tlawel kimanawiyaya militar chikawalistli tlen ne caudillo Villa. Tlen teipah tlanawatiyanilh nohkia axkualli tekithkeh: wan chikawalistli san kipiayah ne caudillos tlatewiyanilh, Villa noso Zapata, noso ilugartenientes tlen kinpalewiyyayah, ipan ni nechikolistli onkayaya parlamentarismotlahlamikistli wan yeka nochipaya ne tlanawatihketl tlen ejecutivo itztoya echkapa tlen ne ideólogos wan delegados, kampa itztoya ne Antonio Díaz Soto y Gama, tlen eliyaya se tetatzih liberal potosino wan tlen mochihi zapatista. Welis moihtos ne Convención miak kualantli kipiaya, axkualli tlanawatiyaya wan nohkia ax weliyaya kichiwa sociopolítica tlasentilistli para moyolchikawas, kehni elki.

Tlen ne constitucionalista nechikolistli ya seyok tlamantli elki pampa san se tlanawatihketl onkayaya, ne don Venustiano, tlen tlawel kitlepanittayayah. Ewanilh tlen nikah kalaktoyah iwikal eliyayah, iwikal kipiayah itlachialis, tlen ne convencionalismo ax kipiaya, pampa nopayo kalaktoyah yankuikah nechikolistli tlen nortehos populares (ne villistas) wan nechikolistli tlen miltekitinih tlen chinankomeh tlen tlatlahko wan sur tlen altepetl (ne zapatistas). Yeka nochimeh axkualli mowikakeh: pa nimah onkak miak kualantli pampa axkanah iwikal tlahlamikiyayah wan axkanah iwikal eliyaya inintlachialis, yeka ayok kualli tlanawatihkeh wan kipolkeh chikawalistli para tlatewihseh.

Ne convencionista nechikolistli nohkia ax kipiaya militar chikawalistli, pampa ne ome nechikolistlatewiyanilh tlen nopayo

kalaktoyah axkanah iwikal eliyayah, yeka ax welkeh mosenkawah para sansehko tlatewihseh. Wan ne villistas inihuantih kena kualli tlatewiyayah pampa moihliyahachtow monekiyaya tlatlaniseh ipan tlatewilistli, wan ne zapatistas inihuantih moihliyahachtow monekiyaya kikualtlaliseh ipan weyi tlalli político tlamantli, tlen propiedad agraria wan teipah mochiwaskia yaino ipan nochi altepetl. Ika nochi ni tlamantli welis tikumachiliseh kenke ne villistas chikawak tlatewiyayah ipan weyi tlalli tlen wahka (ipan Bajío, ipan Huasteca petrolera wan ipan noreste), wan kenke ne zapatistas axkanah tlatewiyayah, pampa ax kinekiyayah ma onkah kualantli ipan itlal. Ne villistas miak kualantli kipiayah, tlen suriana tlapalewilistli wan tlen “municipionísticos”. Hasta ipan agosto tlen 1914 momanawiyayah ipan norteamericano tiankistli, pero pampa toponki weyi tlatewilistli primera guerra mundial yaino kichihki nochimeh altepeme iwampoyowah tlen Estados Unidos kitlamokowilihkeh teposmeh, wan nochi patiy elki. Tlen seyok tlamantli, pampa ne constitucionalistas elihkeh tlen achtowi kalahkeh ipan Mexko altepetl, inihuantih tlanawatihkeh ipan talleres tlen teposmeh wan fábricas tlen municiones tlen kinchihtoyah porfirista nechikolistlanawatiyanih wan kinmokitlawih tlen huertista.

Ipan ne “tlatewilistli tlen facciones” nohkia ipatih elihkeh táctico-estratégicos tlamantli. Tlen ika tipewaseh, ne Carranza kualli kikualtlaki kenihki tlatewis: ya kimatiyaya ne zapatistas ax kinekiyayah tlatewihseh, yeka achtowi motewihki waya villismo. Nohkia, ne constitucionalistas momatoyayah tlatewihseh axkanah sansehko —ipan tlatewiyanih tlen noreste wan tlen noroeste—, seyok tlamantli eliyaya ne División tlen Norte, tlen nochipaya sansehko tlatewiyaya pero tlen monehki moxexelos para tlatewis ipan tlatlahko, ipan golfo wan ipan noreste tlen altepetl. Ika último, nopa táctica tlen ika miak weltah kintlanki huertista tlatewiyanih, ne “tlatewilistli ika kawayomeh”, ax welki motekiwia ipan trincheras constitucionalistas. Seyok tlamantli tlen tlawel ipatih elki económico tlamantli. Ipan se ladoh, ne zapatistas kichihkeh tloxolewalistli

tlen haciendas, wan yeka ne economía local tlawel temok. Tlen seyok ladoh, san ipan estado tlen Chihuahua onkayayah miak tlatewilitli wan kualantli desde kemah tlamiyaya 1910 xiwitl, yeka ax onkayaya tomih nopayo. Wan yeka, Villa ax kipiaya tlapalewilitli para kintilanas tlatewiyanih wan kinkowas teposmeh, tlen tlawel patiyo eliyayah pampa miak tlakowayaya ne europea altepemeh. Tlen seyok tlamantli, pampa nenenkeh ipan tlatlahko, oriente wan sureste tlen altepetl ne constitucionalistas tlatlankeh ipan tlalli kampa ax onkayayah kualantli, ken cerealeras tlalli tlen Querétaro wan ne Bajío; wan nohkia pampa tlatlankeh ipan Mexko altepetl, Puebla, Tlaxcala wan Veracruz moyolchikahkeh pampa nopayo onkayayah fabriles tlen kualli, nohkia tlanawatihkeh tlen exportación petrolera ipan golfo, wan tlen exportación tlen henequén teipah kemah tlatlankeh ipan Yucatán. Wan nohkia ni convencionalista nechikolistli ya tlanawatihki ipan Mexko altepetl desde kemah tlamiyaya 1914 hasta ipan agosto tlen 1915, ika yaino nesiyaya kena kipiaya militar wan política chikawalistli, pero nohkia monekiyaya kintlamakas, kinmokuitlawis wan kinpahtis nochimeh ewanih tlen itztoyah ipan nopa altepetl.

Ne constitucionalista moyawalistli tlen tlatlahko, oriente, sur wan sureste tlen altepetl kimakak miak chikawalistli, wan nohkia welki kintilana yankuikah tlatewiyanih. Moweyichihki tlalli wan nohkia ewanih. Kehni, se nechikolistli mosemoyahki ipan nochi altepetl, wan nopa se kipiaya ome regionalistas chikawalistli tlen wahka itztoyah. Ne constitucionalismo kichihki ome política tlamantli: ipan se ladoh, kinmanawihki ewanih tlen tlatlahko nechikolistli; ika seyok ladoh, ax kitemahmatihki ne burguesía, pero nohkia kinpalewihki ewanih tlen sectores populares ika sociales tlapalewilitli. Yeka mochihihi adiciones tlen Plan tlen Guadalupe, tlen diciembre tlen 1914; agraristatlanawatilli tlen enero tlen 1915, wan tlasenkawalistli, se metztli teipah, ika Casa tlen Obrero Mundial, tlen más weyi nechikolistli tlen tekitinih ipan altepetl. Welis tikihtoseh tlan ne populismo carrancista ax nelia eliyaya, wan san mochiwayaya para kinkixtilis tlapalewiyanih ne

convencionalista nechikolistli, tlen kena nelia ne zapatismo ax welki kinsehkotilia miltekitinich nechikolistli tlen estados vecinos yon monechkawih waya proletariado tlen tlatlahko tlen altepetl para mopalewihse, wan ne villismo pa nimah kipolki nochi populares tlapalewilstli tlen kipixki ipan 1914. Kemah tlamiyaya 1915 tlatlanki constitucionalista nechikolistli: kitlanki villismo miak weltah kemah motewihkeh wan kinkixtilki zapatistas ne Mexko altepetl. Ne nechikolistlanawatiyanich tlen Carranza kitlepanittak tlen norteamericano ipan octubre tlen 1915, teipah ipan nochi xiwitl wan ipan 1916 san moyolchikahki.

TLEN KUALLI WAN TLEN AXKUALLI TLEN CARRANCISMO

Ne carrancista nechikolistlanawatiyanich moxexelowa ipan ome pamitl, preconstitucional wan constitucional, yani mochihi ipan mayo tlen 1917. Tlen achtowi pamitl moixmati pampa onkak militar tlamantli. Ne villistas wan zapatistas nohka kintlantoyah inintepos, wan nohkia kiskeh tlatewilstli ika teposmeh ipan se ome ladoh tlen altepetl tlen ax kitlepanittayayah revolucionariotekitl, ken mochihi ipan weyi tlalli petrolera tlen costa superior tlen golfo tlen Mexko, ipan Veracruz, Chiapas, Oaxaca wan Michoacán. Tlen seyok weyi kualantli tlen 1916 elki tlen diplomático wan militar tlamantli, pampa ne Villa kalahki ipan chinanko tlen Columbus, ipan Yankuik Mexko, wan yeka ne norteamericano nechikolistlanawatiyanich kititlanki —ihkatzah axkualli elki— se chikawak “punitiva” para ma tlatewi, mokahki ipan Mexko tlen abril tlen 1916 hasta ipan febrero tlen 1917. Xiwitl tlen 1916 nohkia moixmati pampa mochihi proceso institucionalista wan onkak moderadastlahlamikilistli ipan nechikolistli tlen tlatlantoya. Ne villistas wan zapatistas kintlantoyayah, ne carrancista nechikolistlanawatiyanich ayok kinekiyaya miak tlapalewilstli tlen populares nechikolistli, wan yeka kipatlak tekittl, tlen miak onkak ipan 1914 wan 1915, wan

namah kinpalewiyayah ika miak sociopolíticas tlamantli nochimeh nechikolistli.

Monekiyaya mopatlas revolucionario kawitl ika se Estado posrevolucionario wan yeka nochimeh olochtli tlen tlatlankeh monekiyaya kikualtlaliseh se amatekitl tlen altepetl, wan kena kichihkeh ika Amatlanawatilli tlen 1917. Nochi tlatewilistli tlen onkak para kitlaniseh Huerta nohkia eliyaya para sampa onkas tlatlepanittalistli ika Amatlanawatilli tlen 1857, pero ni tlanawatilli ayok kualli eliyaya. Monekiyaya seyok tlanawatilli tlen kikualtlaliskiah diputados tlen kinpehpenaskiah ipan nochi altepetl. Monekiyaya tlen nochimeh estados, wan ax weliyayah kalakih tlen ax kitlepanittayayah constitucionalismo, ne huertistas wan convencionistas: ne revolucionarios tlen tlatlankeh inihuantih kiihtoskiah kenihkatzah mokualtlalis amatekitl tlen altepetl pampa ika owi tlatlantoyah. Ihkatzah ni tekittl kualli kinekiyayah kichiwaseh ika owi mochihihi pampa axkanah nochimeh iwikal tlahlamikiyayah. Ne diputados constituyentes walayayah tlen miyakeh weyi tlalli tlen altepetl, wan yeka welis tikihtoseh sehse kipiaya itlachialis tlen kenihkatzah mochiwaskia nopa tekittl: onkayayah sekinok tlen kikualittayayah catolicismo social; sekinok tlapalewihtoyah ipan magonismo; sekih eliyayah exreyistas, wan sekinokeh tlapalewihtoyah ipan régimen maderista. Welis tikihtoseh axkanah iwikal tlahlamikiyayah nochimeh wan yeka onkak miak kualantli kemah mosentiliyayah para mosenkawaseh.

Ne Amatlanawatilli welis moittas ken se tlamantli tlen tlawel ipatih: kampa moneskayotia tlahlamikilistli tlen revolución wan kampa mani tlanawatilli tlen yankuik Estado. Namah ayohkana onkayayah kualantli wan monekiyaya mokualtlalis nochi, onkas tlatlepanittalistli. Nohkia tlan ipan tlatewilistli tlatewihkeh miyakeh ewanilh tlen rural tlaltipaktli, ne diputados tlen kikualtlalkeh amatekitl tlen Mexko tlen teipah kinpehpenkeh ipan urbana ewanilh. Tlen seyok tlamantli, pampa ax miyakeh ewanilh onkayayah ipan estados norteros wan pampa onkayaya tlatewilistli ipan se ome entidades ken Morelos wan Chihuahua, tlen nelia panok elki tlen

weyi tlalli tlen chikawak tlatewihkeh ax miyakeh inintekiwah kalahkeh ipan constituyente nechikolistli, wan estados tlen ax miak mokalahkeh ipan tlatewilistli wan kemantika ax kikualittayayah nopa tlamantli inihuantih kena achi miyakeh inintekiwah kalahkeh. Chihuahua san kipixki se diputado titular; Sonora nawi, wan Coahuila makuilli, Jalisco ya kinpixki 20, Puebla wan Veracruz 18 sehse, Guanajuato wan Michoacán 17, wan Oaxaca matlaktli.

Tlen yankuik amatlanawatilli achi iwikal wan achi axkanah eliyaya ken tlen 1857. Yani elki doctrinaria ipan iliberalismo, wan tlen yankuik elki tlawel realista, pampa kehnopa monekiyaya ipan altepetl; nohkia, kineskayotihki internacionales tlamantli tlen nopa kawitl, pampa weloniyayah aristocracias wan oligarquías, wan Estados liberales tlawel tlaihyowiyayah. Welis tikihlamikiseh ne Amatlanawatilli tlen 1917 mokualtlalki kemah onkak primera guerra mundial wan weyi tlatewilistli bolchevique. Mexkoewanih tlapaltik eliyayah yeka tlen yankuik amatlanawatilli kikualittak propiedad individual wan tlen komuntlalli, wan ma onkah empresas privadas wan estatales. Tlen político tlamantli, Mexko nohka eliyaya kewak se república federeal, representativa wan democrática. Ihkatzah kehni, namah ne ejecutivo chikawalistli eliskia tlen tlayekanaskia, welis pampa monekiyaya onkas san se mando tlen kinkualtlaliskia nochi kualantli tlen onkayayah. Yeka, mokualtlalki se estatista altepetl, tlen eliyaya autoritario, ika se Estado tlen ipan nochi mokalakiyaya, ipan economíatekitl, tlamachtlistli wan tlaneltokilli. Tlen yankuik amatlanawatilli elki nacionalista, pampa weyi tlatewilistli revolución kitemoyaya Mexko ma ayohkana eli se neocolonial altepetl, wan pampa onkak norteamericana tlatewilistli ipan Veracruz wan “expedición punitiva”. Nohkia kintlepanittayaya populares nechikolistli, kichiwayaya agrario tlaxolewalistli wan kinpalewiya obrerrotekitinih. Nochimeh ni nechikolistli nel mochikahtoyah pampa onkak revolucionaria tlatewilistli, wan yeka monekiyaya kintlepanittaseh. Ika Amatlanawatilli tlen 1917 mochiwaskia se Estado tlen kinkualtlaliskia nochi kualantli tlen

onkayayah, wan kualli mochiwaskia tlapatlalistli tlen porfiriano Mexko ika se tlen revolucionario.

Pehki tekiti yankuik amatlanawatilli wan pehki ipresidencia constitucional tlen Carranza, ipan mayo tlen 1917, ika nopa ome tlamantli pehki Mexko posrevolucionario kawitl, pero nohka poliwiya eyi xiwitl para motlalis tlen nelia Estado posrevolucionario. Kemah tlanawatiyaya Carranza kiyehyekohki miak kualantli tlen políticos tlamantli, tlen tlatewilstli, tlen económicos, tlen internacionales wan tlen ewanih. Ika yankuik amatlanawatilli monekiyaya onkas miak tlapatlalistli tlen axkemah mochihtoyah ipan altepetl. Teipah tlen 30 xiwimeh tlen porfiriato wan chikome tlen revolucionaria tlatewilstli, monekiyaya kinpephenaseh nochimeh tekiwameh; wan militares tlanawatiyanih monekiyaya kintlepanittaseh civiles tlanawatiyanih; nohkia monekiyaya kintlepanittaseh garantías individuales. Ika owi mokualliskia se régimen democrático ipan altepetl pampa ax onkayayah cultura política yon instituciones tlen kualli, pampa san onkayayah autoritarismo wan kualantli.

Militares kualantli axkanah tlankeh kemah motlalki legalidad. Yeka, Carranza monekiyaya kichiwas pacificación wan sometimiento; pampa tlan axkanah, sekinok weyi tlalli tlen altepetl axkanah kitlepanittaskiah iteki. Monekiyaya kintewis villistas wan zapatistas, wan nohkia kintewis sekinok rebeldes nechikolistli, tlen bandoleros wan tlen moixmatiyayah ken “contrarrevolucionarios”, kampa kalaktoyah chikawalistli tlen Manuel Peláez wan tlen Félix Díaz, tlen tlatewiyayah ipan petrolera tlalli wan ipan tlatlahko tlen Veracruz, itztoyah nohkia “soberanistas” tlen Oaxaca wan finqueros nechikolistlatewiyanih tlen Chiapas. Elki owi pampa Carranza monekiyaya kintewis nochimeh ni nechikolistli ika se nechikolistlatewiyanih tlen axkualli, tlen ax tlatlepanittayaya wan tlen ax kipiaya teposmeh. Ika campañas militares onkak miak kualantli, pampa tlatewiyanih kinekiyayah kualli itztoseh. Nohkia onkak miak kualantli waya ewanih, pampa onkak miak tlaixpanolistli (tlen “carranceo”). Ika último, ne campañas militares

ax kikualchihkeh económico tlamantli tlen altepetl, pampa welonki nacional chikawalistli wan monehki miak tomih tlen presupuesto gubernamental para moyolchikawas militar pamitl. Nohkia, chikawalistli tlen tekiti tlen altepetl miktoyaya noso ax weliyaya tekiti pampa onkak tlatewilistli, wan sekinokeh yahtoyah ipan seyok tlalli noso kalaktoyah ipan nechikolistlatewiyanih wan olochtli tlen tlatewiyayah ika teposmeh. Yeka welis tikihtoseh onkayayah kualantli tlen cualitativo wan cuantitativo: pampa onkak exilio tlen miyakeh hacendadotlakameh, tomichiwanih wan tlen momachtihtoyah temok capital humano tlen altepetl. Tlen seyok, pampa onkak ne primera guerra mundial ipan Mexko ax weliyaya mochiwa tlanamakalistli wan ax weliyaya asi extranjera tlapalewilistli, yeka ax weliyaya moyolchikawa economía nacional.

Ne europeo kualantli nohkia kinwalikak miyakeh diplomáticos kualantli, pampa ne estadounidense nechikolistlanawatiyanih kinekiyaya ne Mexko ma pankisa tlen neutralidad wan ma kinpalewi aliados altepemeh. Carranza ya kitlepanittak neutralidad wan ax mokalakihki, yeka kimanextihke germanófilo, pampa ne canceller alemán itokah Zimmermann kiihlihki kipalewis ika militar tlapalewilistli tlan pewaskia tlatewis waya Estados Unidos para kikuapilis weyi tlalli tlen kitlachtekiltoyah ipan tlatlahko xiwilpilli XIX. Kemah tlanki europea tlatewilistli sekinok norteamericanos politicotlakameh kinekiyaya ma kitlahihilikah Carranza pampa ax kipalewih Estados Unidos ipan nopa xiwimeh. Ya tlamiskia tlanawatis ipan 1920, yeka Washington axhlen kichihki pampa onkayaya miak estadounidense tomih ipan Mexko wan kikawilki para ma eli se posrevolucionario altepetl, san kena kinekiyaya ma mochiwa moderación wan institucionalización, wan ax kinekiyaya ma mochiwa ne radicalismo.

Ipan 1920 xiwitl onkak se weyi tlapatlalistli ipan altepetl, tlen pehki ika campaña electoral para mochiwas sucesión presidencial entre Álvaro Obregón, tlen ayok momanawiyaya waya Carranza pero kena kipalewiyayah miyakeh revolucionarios nechikolistli —tlen tlatewiyanih wan ewanih, tlen altepemeh wan rurales,

populares wan tlen tlatlahko nechikolistli—, waya Ignacio Bonillas, se tetatzih funcionario constitucionalista —tlen eliyaya embajador ipan Washington— tlen kitlepanittayaya don Venustiano pero tlen ax kiixmatiyayah revolucionarios tlatewiyanih wan ne opinión pública. Ipan se ome xiwitl ne nacional nechikolistlatewiyanih —Constitucionalista hasta ipan mayo tlen 1917— eliyaya se nechikolistli tlen ipatih ipan altepetl, wan pampa onkayaya desnivel tlen sociopolíticas tlamantli, tlatlepanittalistli wan popularidad entre Obregón wan Bonillas, para ne nechikolistli tlen Carranza ya tleyekanas monehki kichiwas imposicionistas tlamantli. Yeka onkak tlatewilistli tlen Agua Prieta, tlen ax wahkahki wan elki incruenta. Ne Carranza kinpiaya actitudes procivilistas yeka ax kipalewihki inechikolistlatewiyanih, yeka cholohki tlen Mexko altepetl, wan mihki kemah kipantik se emboscada ipan se chinanko tlen sierra poblana.

Ni kualantli moixmatki pampa ne Carranza iselti mokahki wan pampa ne Obregón pa nimah moyolchikahki. Miyakeh sociopolíticas nechikolistli, tlen gubernamentales wan tlen ax tlatlepanittayayah, wan sekinok tlapaltik rebeldes nechikolistli, tlatzkihkeh ipan aguaprietista tlatewilistli, tlen miyakeh kiittayayah ken se “tlatewilistli tlen kualli”. Welis tikihtoseh ne don Venustiano axkualli mowikayayah waya sekinok exrevolucionarios —Villa wan Zapata— wan san kinekiyaya kintewis, wan ne Obregón, Calles wan sekinokeh aguaprietistas tlayekananih kiihtowayayah onkayaya se sociopolítico kualantli: ax monekiyaya kintewiseh, monekiyaya kinkalakiseh ipan yankuik Estado. Tlayekananih kimatiyayah ne modelo carrancista tlen Estado posrevolucionario axkualli eliyaya wan monekiyaya mopatlas miak tlamantli, yeka moihiyayah monekiyaya kinpalewiseh ika concesiones políticas wan sociales nochimeh nechikolistli tlen kipalewihkeh kemah onkak weyi tlatewilistli.

NE YANKUIK ESTADO

Ne Estado posrevolucionario tlen Mexko tlakatki ipan 1920, pampa hasta ipan nopa kawitl kichihkeh, ika miak tekittl wan tlapalewilistli, fundamentales nechikolistli tlen revolucionario kawitl. Ipan 1920 pehki tlanawatia tlen tlatlahko nechikolistli tlen seyok tlamantli tlahlamikiyaya, wan ax iwikal eliyaya tlen carrancista nechikolistli, pampa ax mowikayaya waya antiguo régimen. Ni tlen tlatlahko nechikolistli kipiaya chikawalistli ipan populares nechikolistli. Welis tikihtoseh inihuantih ayok kinekiyayah nacional tlayekanalistli, ken kichihkeh ipan 1915 ika Convención, namah san tlapalewiyayah pero kena kinmakakeh tlapalewilistli para kualli initztoseh nochimeh. Ika nochi yaino, ne Estado mexicano posrevolucionario welis tikihtoseh ax eliyaya radical, pampa tlen tlatlahko nechikolistli tlen namah nohkia tlanawatiyayah mopalewiyayah waya alzados contrarrevolucionarios, tlen kinmanawiyayah elites tlen weyi tlalli.

Welis tikihtoseh ni weyi tlatewilistli revolución eli tlamantli tlen más ipatih ipan xiwilpilli XX, pampa kikualtlalki se yankuik Estado, tlen kiyekanayayah se ome tlen tlatlahko nechikolistli tlen axkanah radicales pero tlen mopalewihkeh wan kinpalewihkeh sekinok nechikolistli tlen chikawak tlatewihkeh ipan tlatewilistli. Nopa weyi tlatewilistli revolución wahkahki 10 xiwimeh, ika yani motlalankeh tlen tlatlahko wan populares nechikolistli wan kinkuenihkeh oligarquías porfirianas. Ipan 1910 wan 1912 tlayekankeh disidentetlakameh tlen ni nechikolistli, tlen kinpalewiyayah miyakeh tlen tlatlahko nechikolistli wan sekinok populares nechikolistli. Kemah pehki 1913 tlayekanki tlen tlatlahko nechikolistli wan moyolchikahki participación popular. Tlakatki ipan 1920, ne yankuik Estado ax elki democrático, kena kipiaya se nacionalista tlachialistli; eliyaya autoritario, pero kitlepanittayayah, wan kipalewiyayah miyakeh populares nechikolistli, wan kiyekanayaya se nechikolistli tlen político-militar tlen kualli

tekitiyaya, wan tlen kemantika nohkia kitlepanittayaya ne Estados Unidos.

Ne presidencia tlen Obregón, tlen achtowi tlen Estado posrevolucionario —tlen motlalki ika paz wan tlasenkawalistli tlen yankuik tlapehpenalistli ipan interinato tlen Adolfo de la Huerta—, tlawel tlapaltik ixnesiyaya. Ne Obregón tlanawatihki ken caudillo, tekitihi ika itlachialis. Ya kinekiyaya kikualtlalis nochi ipan altepetl, yeka monekiyaya tlamis kualantli tlen Agua Prieta, se tlatewilistli tlen welis tikihtoseh elki incluyente, wan nohkia monekiyaya san ya tlanawatis wan kiplas yolchikawalistli, pampa weyi tlatewilistli revolución kichihtoya disgregadores tlamantli. Para welis mochiwas yankuik Estado monekiyaya kintotokaseh miyakeh carrancistas. Pero ne tlatewilistli tlen Agua Prieta kinsehkotiltayah miyakeh constitucionalistas wan anticarrancistas nechikolistli, tlen eliyayah exrevolucionarios noso antirrevolucionarios, welis tikihtoseh ax onkayaya san se tlahlamikilistli ipan Estado tlen Mexko posrevolucionario. Ika agraria pamitl, tlan kena kinpalewihkeh sekinok revolucionarios nechikolistli, tlen más onkak elki moyawalistli tlen kuekuetzih wan mediana propiedad, pampa miyakeh revolucionarios tlayekananih ewayayah ipan medios rurales. Ipan pamitl tlen obrero, welis tikihtoseh kena mochihkeh instituciones radicales ken ne Confederación General de Trabajadores, pero nohkia ne nechikolistlanawatiyanih nohkia mowikayaya waya ne Confederación Regional Obrero Mexicana. Tlen seyok tlamantli, ne nechikolistlanawatiyanih tlen Obregón kiihtohki onkas devolución tlen bancos incautados kemah onkak revolucionaria tlatewilistli wan kinkawilki ma mokuepakah exiliados porfiristas wan huertistas. Ika yaino moyolchikahkeh agriculturatekitl, mineriatekitl wan sistema ferroviario. Nohkia, Estados Unidos pehki moyolchikawa wan kinekiyaya petróleo tlen Mexko. Ne obregonista nechikolistlanawatiyanih kipiaya ome weyi kualantli, tlen axkualli mowikayaya waya Estados Unidos wan tlatewilistli tlen sucesorios tlamantli. Wan kena, ne estadounidense nechikolistlanawatiyanih ax kinehki kitlepanittas,

pampa kiihtowayaya kiski pampa mochihi se asonada militar. Wan kichiyawaya nopa tlamantli pampa kinekiyaya ma mopatlakah se ome artículos tlen Amatlanawatilli tlen 1917 tlen ax kinkualchiwayaya ne norteamericanos. Ne nechikolistlanawatiyanihi tlen Mexko ax kichihki nopa tlapatlalistli, pero kena kitlepanittak ax onkas retroactividad tlen yankuik tlanawatilli. Ne concesiones tlen Obregón (tlen ika motokaxtia Tratados tlen Bucareli) para ne nechikolistlanawatiyanihi wan estadounidenses tomichiwanhi moskaltihkeh kemah tlamia ya ikawi, kemah monehki kipalewisheh pampa nesiya ya onkas tlatewili tlen electorales tlamantli. Welis tikihtoseh nopa nacionalismo tlen nopa xiwimeh, axkanah elki político wan económico, elki cultural, pampa altepetl monekiyaya kikualtlalis wan kippias yankuik itlachialis, pampa eliya se telpokatl altepetl pero kipiya kualli inelwayo, elis nacionalista pero ax kippias xenofobias wan elis revolucionario pero kippias kualli itlahlamikilis; monekiyaya elis justiciero wan kinsehkotilis nochimeh ewanihi.

Welis tikihtoseh altepetl nel mopatlak ipan revolucionario kawitl. Onkak miak tlapatlalistli ipan cultural pamitl. Kemah tlamia ya porfiriato kawitl kiski se generación, tlen Ateneo, tlen ax kikualtlayaya positivistatlahlamikilistli wan pampa ax onkayaya moyawalistli tlen humanidades wan tleyekchiwalistli. Nikah kalaktoyah Antonio Caso, Pedro Henríquez Ureña, José Vasconcelos, Alfonso Reyes wan Julio Torri. Teipah kiski seyok generación, tlen “1915”, tlen ika olochtli “tlen chikomeh tlamatinih”. Inihuantih kiittakeh kenihki welontoya altepetl, yeka ax kimanawihkeh tlayekchiwalistli wan humanidades, inihuantih kinkualtlalkeh instituciones —tlen tomih, tlen político tlamantli wan tlen nemilistli— tlen ika moyolchikawaskia altepetl. Nikah mokalakihkeh telpokameh ken ne Manuel Gómez Morin, Vicente Lombardo Toledano wan Alfonso Caso, noso Narciso Bassols wan Daniel Cosío Villegas.

Pampa tlanawatihki tlen tlatlahko nechikolistli ipan 1920 yeka ne José Vasconcelos elki tlen achtowi secretario tlen Educación

Pública. Ya kiihtowayaya ne revolución monekiyaya achtowi elis moral, wan teipah agrarista, obrerista noso nacionalista. Nohkia kiihtowayaya tlamachtistli axkanah eliyaya san instrucción, nohkia monekiyaya nemilistli wan extracurricular tlamachtistli. Yeka kinchihki amochmeh wan amochkalmeh, wan kinnawatihki tlapalkemeh José Clemente Orozco, Diego Rivera wan David Alfaro Siqueiros ma kinchiwakah wehweyih tlapalmeh tlen revolucionarios tlamantli, nopayo moneskayotiskia inemilis tlen altepetl. Tlen seyok tlamantli, pampa onkak miak tlatewilistli kiski se yankuik pamitl tlen tlahkuilolistli, tlen itokah “tlahkuilolistli tlen tlatewilistli”, nikah kalaktoyah tlahkuilowanih ken Mariano Azuela, Martín Luis Guzmán, Rafael F. Muñoz, Francisco L. Urquiza wan José Vasconcelos, ya tlahkuilohki tlen anónimos tlatewiyanih wan nohkia tlen tlayekananih tlen tlatewilistli, ken Madero, Carranza, Villa wan Obregón.

Kemah tlanki tlanawatia ne Obregón kipalewihki ne Plutarco Elías Calles para ya kipatlas, ya eliyaya tlayekanketl tlen aguaprietista tlatewilistli, secretario tlen Tlatewilistli wan Marina kemah tlayekanki De la Huerta wan secretario tlen Gobernación ipan tlen ya. Ya eliyaya se políticotlakatl tlen kualli tlahlamikiyaya, wan miyakeh populares nechikolistli kitlepanittayayah, wan nohkia eliyaya se kualli militartlakatl. Pero onkayayah miyakeh tlen kinekiyayah tlanawatiseh, onkayayah miyakeh militartlakameh, yeka onkak miak tlatewilistli, moihtowayaya tlatlaniskia se tlakatl tlen elki expresidente provisional wan teipah secretario tlen Hacienda ne Adolfo de la Huerta. Panok miak tlamantli: tlen achtowi, ipan tlahko tlen 1923 kimiktihkeh Pancho Villa, tlen kitlepanittaskia ne De la Huerta, wan kinkawaskia ininselti ne alzados; wan teipah, nechikolistlanawatiyanih tlen Mexko wan norteamericano mosenkahkeh motlepanittaseh wan mopalewihseh ipan Tratados tlen Bucareli; tlen seyok pamitl, ne De la Huerta san kimanawiyaya sekinok tlatewiyanih wan tlen “clase política” —ne Partido Nacional Cooperatista—, Obregón wan Calles inihuantih kipiayah norteamericano tlapalewilistli, wan miyakeh político

wan castrense nechikolistli, wan nohkia miyakeh populares nechikolistli, tlen miltekitinih wan obrerotekitinih. Ika nochi yaino welis tikihtoseh, tlatewivistli kinkahki miak tlamachtivistli: teipah kemah onkak aguaprietista wan delahuertista tlatewivistli, tlen eliyayah preelectorales, moittak ne exrevolucionarios monekiyaya momahmakaseh puestos para miyakeh tlanawatiseh. Seyok tlamachtivistli elki tlawel monekiyaya despolitizar ne nacional nechikolistlatewiyanih wan mochiwas se yankuik institución nacional civil tlen eliskia institución política tlen más ipatiskia ipan nochi altepetl. Tlen seyok tlamachtivistli, monekiyaya onkas tlatlepanittalistli wan tlamapalewivistli waya Estados Unidos.

Plutarco Elías Calles, ihkatzah kipalewiyaya wan kitokiliyaya ne Obregón, ax eliyaya militarista wan político. Yeka ipresidencia, tlen kemah tlamiyaya 1924 wan 1928, moixmatki pampa onkak institucionalistastekitl, tlatewivistli waya iglesia católica wan civilistas tlamantli. Tlen seyok tlamantli onkayaya diarquía, pampa nohka onkayaya tlahlamikilistli tlen ne caudillo Obregón. Ya kinekiyaya kualli kichiwas posrevolucionaria tlapatlalistli, yeka kinkalakihki miak tlanawatilli —onkas tlatlepanittalistli— ika comisiones nacionales ken ne Agraria, ne Bancaria wan tlen Caminos wan Irrigación, wan sekinok. Nohkia kinekiyaya kiyolchikawas económica tlamantli yeka kinkualtlalki instituciones ken ne Banco tlen Mexko wan ne Banco tlen Crédito Agrícola, wan kinekiyaya kiyolchiwas nechikolistlanawatiyanih wan kipalewis ika divisas petroleras wan ika se kualli sistema impositivo. Tlen agrarios tlamantli, Calles kikualittayaya mediana propiedad tlen kualli, ax kikualittayaya ma onkah agrario tloxolewalistli, tlaneltokayaya tlen irrigación, tlen financiamiento wan motekiwiskiah yankuik eh teposmeh para mokualtlaliskia nochi kualantli tlen kipiayah miltekitinih. Tlen obrerotekitinih, kiihtohki kinpalewis nochimeh nechikolistli tlen tekitinih, kipalewis ne Confederación Regional Obrero Mexicana. Ika nochi welis tikihtoseh, teipah kemah onkak aguaprietista wan delahuertista tlatewivistli, Calles kimatiyaya tlen tlawel monekiyaya kikualtlalis eliyaya reducción tlamantli,

despolitización tlamantli wan tlakualtlalistli tlen exrevolucionario nechikolistlatewiyanih, ika nochi ni tekittl kipalewihki se iwampo, tlen itokah Joaquín Amaro.

Inechikolistlanawatiyanih tlen Calles, pampa kinekiyaya kiyolchiwas wan kiweyitilis estatal tlamantli, kinpixki miak kualantli waya seyok nechikolistli: ne iglesia católica. Nopa tlatewilistli moweyichihki, pampa nopayo kalaktayah miak pamitl tlen tlahlamikilistli, tlen nemilistli, tlen tlamachtilistli, tlen ewanih wan tlen políticas tlamantli, wan tlen tlanawatilli, yeka mochihki “cristera tlatewilistli”. Ni tlatewilistli wahkahki eyi xiwimeh, kemah tlamiyaya 1926 wan ipan tlahko tlen 1929, mochihki ipan estados centro-occidentales: Jalisco, Colima, Michoacán, Guanajuato, Querétaro, Aguascalientes wan Zacatecas. Ne cristerotlakameh tlawel kimanawiyayah itlahlamikilis wan walayayah tlen tlalli kampa onkayayah miyakeh rancheros, inihuantih ax kikualittayayah agraria tlanawatilli; wan nohkia kuantantoyah pampa onkayayah miyakeh nortehos tlen tlanawatiyayah. Inihuantih axkualli tlatewiyayah: welis tikihtoseh axkemah elihkeh se nechikolistlatewiyanih wan ax kipiayah se tlayekanketl; eliyayah san kuekuetzitzih nechikolistli, tlen kinyekanayayah vecinos tlen ax kimatiyayah tlatewiseh; tlaihyowiyayah pampa ax kipiayah chikawalistli, ax kinpiayah teposmeh wan ax welkeh mosenkahkeh waya seyok nechikolistli, ne Liga Nacional para la Defensa de la Libertad Religiosa; ika último, kitewihkeh ne gubernamental nechikolistlatewiyanih wan agraristas wan obreros nechikolistli. Ihkatzah ax kipiaya chikawalistli para kitewiseh wan kitlaniseh nechikolistlanawatiyanih, ne cristeros tlatewiyanih axkanah san mokawaskiah, yeka nopa tlatewilistli kichihki ma onkah se endémica owihkayotl. Yeka nechikolistlanawatiyanih moihlihki kena mosenkawas waya tleyakananih tlen iglesia católica: inihuantih kena kitlepanittaskiah nechikolistlanawatiyanih, wan ya kiihtohki ayohkana kintlalis jacobinos tlanawatilli tlen Amatlanawatilli tlen 1917.

Ni tlasenkawalistli tlawel ipatki wan ika yaino welki mochihki pacificación tlen posrevolucionaria kawitl. Ne tlasenkawalistli

waya cristeros tlawel monekiyaya, pampa ipan 1929 sampa onkaskia tlahephenalistli. Wan kena, wan pampa onkayaya diarquía tlamantli, ne caudillo Obregón kipatlatoya amatlanawatilli para welis mochiwas se reelección presidencial tlen axkanah pa nimah. Pampa sekih moihliyah onkas antirreeleccionismo kiskeh se ome nechikolistli tlen ax kikualittayah wan tlen kipalewiyayah Obregón, pero pa nimah kinmiktihkeh. Nochimeh ewanilh axkualli itztoyah ipan nopa kawitl. Obregón nohkia kimiktihkeh, kimiktihki se militante católico, kemah tlatlantoya. Pampa ayok itztoya caudillo, ne sistema político posrevolucionario kinpolki tlahephenanilh. Ihkinoh monekiyaya ma asi se yankuik caudillo noso mokualtlalis se yankuik institución para ma tekiti. Onkak miak política owihkayotl pampa mochihi nopa weyi temiktistli. Para mokualtlalis nochi axkanah san monekiyaya motlalis seyok candidato wan mochiwas yankuik tlahephenalistli. Onkayayah preelectorales tlatewilistli ipan 1920 wan 1924 wan pampa kinmiktihkeh nopa eyi candidatos ipan 1928 monekiyaya mokualtlalis nochimeh electorales kuantli wan mochiwas se yankuik institución tlen kinsehkotiliskiah wan kinnawatiskiah nochimeh exrevolucionarios, wan kitlaliskia tlanawatilli tlen kenihki mochiwaskia tlahephenalistli tlen candidatos tlen elección popular. Ni institución política (ne Partido Nacional Revolucionario) mochihi ipan marzo tlen 1929. Ika ni tlamantli, wan nohkia pampa tlanki cristera tlatewilistli wan ika institucionalización tlen nechikolistlatewiyanih tlanki “fieroh” kawitl tlen weyi Tlatewilistli tlen Mexko. Welis moihtos ipan nopa tonatih pehki se yankuik kawitl tlen nemilistli, tlen nohkia kipiaya tlapatlalistli wan kuantli, pero tlen moixmatiskia pampa kipiaya tlasenkawalistli tlen ewanilh wan tlen política —wan axkanah pampa eliyaya democrática— wan pampa teipah tlawel momoyahki wan kipixki chikawalistli.

TLAMIA OHTLI, 1929-2015

LUIS ABOITES AGUILAR

Ipan 71 xiwimeh eli tlen tisaniloseh ipan ni kapitolo, mexkoewanih kiyehyekohkeh miak tlapatlalistli, chikawak tlapatlalistli welis moihtos iwikal tlen kemah asikoh kaxtiltekameh ipan 1519 xiwitl. Tlen más weyi elki tlapatlalistli tlen agraria ewanih ika se urbana ewanih, nopa tlamantli mochihki kemah nohkia moweyichiwayayah ewanih. Ipan nopa kawitl mochihki miak tekil wan moyolchikahkeh indusriatekitl wan tlen serviciostekitl wan tlawel ipatih elitoh, wan tlen agrariatekitl wan minatekitl ya axkanah moskaltihkeh. Onkak seyok tlapatlalistli tlen política tlamantli. Ne tlanawatiyanih welkeh mosenkahkeh para ayohkana onkas kualantli wan nochi kualli eltos. Onkak se régimen tlen ax tlatlepanittayaya, san ipatiyaya weyi tlanawatihketl wan partido oficial, ya mononotzayaya para onkas tlasenkawalistli pero nohkia tlatewiyaya pampa san ya kinekiyaya kiplas chikawalistli wan tlanawatis. Kemah tlamiyaya xiwilpilli, ne económico moyawalistli wan régimen autoritario pehkeh welonih. Moyawalistli tlen ewanih wan política chikawalistli ya kena moyolchikahkeh. Ipan ni chikome decenios, panok miak tlamantli ipan tlaltipaktli tlen mexkoewanih nohkia kinyehyekohkeh. Welis tikintokaxtiseh ne económica owihkayotl tlen 1929, ne weyi tlatewilistli tlen segunda guerra mundial wan ne tlanawatilli tlen década tlen 1980 tlen tlawel owi elihkeh. Welis tikihtoseh mexkoewanih tlaihyowihkeh, mopalewihkeh, moyolchikahkeh

wan moyolpitzahkeh ika nochi ni tlamantli tlen panok, pero axtlen welkeh kichiwah para kipatlaseh ni kawitl, yeka san kehnopa elki.

OWIHKAYOTL TLEN TLALTIPAKTLI WAN POLÍTICA TLAKUALTLALISTLI

Ne owihkayotl tlen otoño tlen 1929 ipan bolsa tlen valores tlen Nueva York kichihki ma onkah se weyi owihkayotl ipan miyakeh altepemeh tlen tlaltipaktli tlen ika owi welki mokualtlalihki. Ipatih tlen mercancías tlamantli wan mundial tlanamakalistli tlawel temokeh. Kintzahkeh miyakeh empresas wan onkak millones tlen obrerokitinih wan sekinok tekitinih tlen kinpolkeh inintekih. Ipan Mexko tlawel temokeh exportaciones wan importaciones, wan yeka ne federal nechikolistlanawatiani ayok kiseliyaya tlapalewilistli tlen kalteno tlanamakalistli. Welis tikihtoseh onkak miak desempleos san kampa weli, ken ipan mineras tlalli tlen norte. Ipan 1929 xiwitl nohkia axkanah tlaawetzki. Yeka, miyakeh mexkoewanih, tlen nohka ewayayah ipan chinankomeh wan tlatokayah, tlawel owi kimachilihkeh pampa ax onkayaya tlapalewilistli.

Onkayaya se weyi owihkayotl ipan tlaltipaktli, yeka mexkotlanawatiani wan tlen sekinok altepemeh monehki kitemoseh kenihki mopalewiseh. Nochimeh productos tlen kinchiwayayah mexoewanih ayok weliyaya monamakah ipan kalteno, wan monekiyaya monamakaseh kaltik. Nohkia ayok moneltokayaya ne colonización extranjera wan ne repatriados, ni kiihtosneki, mexkoewanih tlen yahtoyah Estados Unidos, kikualtlaliskiah se weyi kuantli tlen onkayaya: ax onkayaya miyakeh ewanih. Ipan altepetl san onkayah 16.5 millones tlen ewanih wan yeka ax weliyaya momoyawa. Desde wankino ne Estado pehki kinmanawiah productos nacionales tlen competencia exterior ika aranceles wan impuestos tlaxtlawalistli tlen ne

importaciones, ika yaino kinekiyayah kinpalewis ewanilh tlen altepemeh para kualli itztoseh wan axkanah tlaihyowiseh.

Onkak miak tlapatlalistli ika owihkayotl tlen 1929, ika yaino tiweliseh tikuamachiliseh katlia ohtli kiitzkihkeh ewanilh ipan xiwilpilli XX, hasta ipan década tlen 1970. Pero, pa nimah, ni weyi owihkayotl kinpatlak miak tlamantli, sekinok nechikolistli kinyolpitzahki wan sekinok kinyolchikahki. Tlen yani tisaniloseh namantzih.

Xiwitl tlen 1929 nohkia tlawel ipatih pampa onkak política tlamantli. Ipan julio tlen 1928 kimiktihkeh ne tlayekanketl Álvaro Obregón wan yeka onkak kualantli waya políticos wan militares nechikolistli. Nohkia onkayaya tlatewilistli waya cristeros pampa ne nechikolistlanawatianihih kitewiyaya ne iglesia católica. Tlawel monekiyaya mosenkawas nochi kualantli tlen onkayayah ipan altepetl. Se tlamantli tlen kualli elki tlasenkawalistli tlen kichihkeh nechikolistlanawatianihih wan católicatlanawatianihih, tlen ika tlanki cristera tlatewilistli tlen pehtoya ipan 1926. Tlen seyok ladoh, onkayayah miak kualantli pampa kimiktihkeh Obregón, wan yeka nochimeh políticos nechikolistli mononotzkeh wan mosenkahkeh kenihkatzah kualli mowikaseh, kenihkatzah mochiwas tlapatlalistli tlen cargos públicos, tlen presidencia tlen república, wan tlen sekinok. Kehni, kemah pewayaya marzo tlen 1929, kemah miyakeh obregonistatlatewianihih motlalanayayah para kitewiseh federal nechikolistlanawatianihih, tlakatiyaya ipan altepetl tlen Querétaro ne Partido Nacional Revolucionario (PNR). Ipan ne PNR monechikohtoyah se ome nechikolistli tlen moihliyah tlatlankeh ipan Weyi Tlatewilistli tlen 1910. Tlen achtowi tekittl tlen kichihkeh elki ipan tlapehpenalistli tlen kemah tlamiyaya 1929, kemah ne candidato oficial, Pascual Ortiz Rubio, kitlanki ne tlen eliyaya tlen achtowi secretario tlen Educación Pública ipan 1921-1924, ne oaxaqueñotlakatl José Vasconcelos, tlen kiyekanki se opositora electoral chikawalistli ipan sekinok altepemeh.

Tlan kena ne PNR kiski kemah kimiktihkeh ne Obregón, welis nohkia tikittaseh ken se tlamantli tlen panok pampa monekiyaya

mokualtlalis se tetik Estado. Ni Estado monekiyaya kiplas chikawalistli wan se centro político tlen weliskia kinnawatia nochimeh nechikolistli tlen onkayayah ipan nochi altepetl. Ipan tlatlahko eltoskia ne federal nechikolistlanawatiyanih, tlen kiyekanaskia weyi tlayekanketl tlen república. Ipan xiwilpilli XIX ne tlanawatiyanih ax welkeh kichiwh nopa tlamantli. Tlan ipan porfiriato kawitl ne federal nechikolistlanawatiyanih kipixki chikawalistli, kemah onkak Weyi Tlatewivistli tlen 1910 sampa temok. ¿Kenihki mokualtlaliskia se núcleo político tlen tetik, kampa ax onkas tlatewivistli ken tlen Agua Prieta tlen 1920, tlen delahuertista tlen 1923-1924, tlen escobarista tlen 1929 wan kintzakuilis caudillotlakameh wan caciquetlakameh ipan nochimeh weyi tlalli tlen altepetl?

Welis tikihtoseh ne PNR elki se tlamantli tlen kualli mochihihi para onkas estabilización política ipan Mexko. Wan ni achi más kualli neski kemah ne genaral Calles ya kiyekanki, tlen teipah kemah kihakhi presidencia ipan noviembre tlen 1928 mokupeki tlakatl tlen más tetik ipan escenario política nacional, yeka kitokaxtiyayah “weyi tlanawatihketl tlen Weyi Tlatewivistli”. Ipan 1929 wan 1935 ne Calles tlawel kitlepanittayayah, ahachika mokalakiyaya wan pankisayaya tlen gabinetes presidenciales pampa wehweyih tlanawatiyanih kitlepanittayayah, ya kiyekanayaya ne PNR. Ipan nopa kawitl onkak nawi wehweyih tlanawatiyanih: ne tamaulipeco Emilio Portes Gil, ne michoacano Pascual Ortiz Rubio, ne sonorenses Abelardo L. Rodríguez wan nohkia ne michoacano Lázaro Cárdenas. Se tlamantli tlen kualli mochihihi ipan ni kawitl elki legislativotekitl para mopatlaseh ne códigostlanawatilli tlen motlaltoyah ipan últimas décadas tlen xiwilpilli XIX, wan nohkia mokualtlalkeh disposiciones tlen Amatlanawatilli tlen 1917. Ne penal wan civil tlanawatilli para ne Distrito Federal, ne tlanawatilli tlen tekittl, ne tlanawatilli tlen atl wan ne agrariotlanawatilli.

Ipan 1935 ne Calles pehki weloni. Owihkayotl tlen tlatipaktli nohkia tlamiyaya, wan nechikolistlanawatiyanih sampa kipiaya chikawalistli, wan nohkia miyakeh políticos wan populares

nechikolistli ax kikualittayayah callistastekitl (welis tihtokaxtiseh, ianticlericalismo wan pampa ax kintlepanittayayah huelgas wan paros), yeka ne yankuik weyi tlayekanketl tlen república, ne general Cárdenas, ayohkana waya mowikak jefe máximo ipan 1935; teipah, ipan abril tlen 1936, kitotokak tlen altepetl. Ne cárdenas kinekiyaya ne federal ejecutivo ma kipia chikawalistli wan san ya tlanawatis ipan escenario político. Welis tikihtoseh nochi chikawalistli tlen kipiaya ne jefe máximo teipah panok ipan presidencia tlen república. Para moyolchikawas, inechikolistlanawatiyanih tlen Cárdenas mopalewihki waya populares wan radicales nechikolistli, nohkia waya comunistas, waya políticos nechikolistli wan waya tlen achtowi kipalewiyyah ne Calles. Ni tlayekanketl kualli tlanawatihki wan kichihki miak tekitl, wan pa nimah miyakeh pehkeh kitlepanittah. Tlaxolewalistli tlen tlalli nel kualli mochihihi wan asik ipan miak tlalli ken ne La Laguna, ipan Durango wan Coahuila; ipan valle tlen Yaqui, ipan sur tlen Sonora; ipan valle tlen Mexicali, ipan Baja California, wan ipan tlalli henequenera tlen Yucatán.

Ne agrariatlanawatilli pehtoya ika decreto tlen 6 tlen enero tlen 1915 xiwitl, tlen kinekiyaya kinkuapilis inintlal ne chinankomeh noso kinmakas tlan ax kipiayah. Ne artículo 27 tlen Amatlanawatilli tlen 1917 kitlalki ne nación tlanawatis tlen suelo wan subsuelo. Teipah onkak seyok tlanawatilli tlen ika kinmakakeh tlalli ne miltekitinih. Mochihkeh ejidomeh, ika inintlal tlen kinmakakeh, nopa tekitl san weliyaya kichiwa weyi tlayekanketl tlen república. Ika se resolución presidencial, se olochtli tlen miltekitinih tlen se chinanko kiseliyaya tlalli, atl wan kuatitla, nochi ni tlamantli ax weliyaya kinmakakah, kena kinpanoltiseh ininkonewah. Nochimeh ejidomeh kinpiayah inintekiwah, wan yeka ax más kintlepanittayayah tlanawatiyanih tlen municipios. Ni reformatlanawatilli nel kualli mochihihi ipan 1934. Tlen yankuik agrariotlanawatilli kikixtihki prohibición tlen etik kimamayayah tekitinihh tlen haciendas, pampa tlen achtowi tlanawatilli ax kinmakayayah inihuantih xitlawalistli tlen dotación.

Ipan tlen achtowi xiwimeh tlen cardenista nechikolistlanawatiyanih, ne dotaciones ejidales motlalankeh wan tlawel kualli eliyayah, pampa nohkia kinmakayayah irrigadas tlalli. Nohkia moweyichihkeh tlapalewelistli tlen crédito rural tlen temakayayah bancos gubernamentales, ne Banco Nacional tlen Crédito Agrícola wan ne Banco Nacional tlen Crédito Ejidal. Ipan sekinok ladoh ni tlapalewelistli motekiwihki para mochiwas colectivismo ejidal. Nohkia motlalanki socialistatlamachtilistli, tlen motlaliki ika constitucional tlanawatilli tlen octubre tlen 1934, para mokuenis nochi religiosatlamachtilistli wan motewis fanatismo wan nochimeh telpokameh momachtiseh tlen kualli tlamachtilistli, tlen naturalezatlamachtilistli wan tlen ewanihtlamachtilistli. Tlamachtianihi wan momachtianihi nohkia monekiyaya tekitiseh waya sociales nechikolistli. Miyakeh tlamachtianihi kimoyawayayah cardenistatekitl, wan yeka mosisinihkeh miyakeh católicos wan caciques. Ipan taltipaktli tlen nemilistli ne radicalismo kualli eltoya. Tlahlamikinihi wan tleyekchiwanihi kinkualtlaliyayah nechikolistli, kintepostlahkuilowayayah amatlahkuillolli tlen nacionalista wan indigenista tlamantli, wan nohkia motewiyaya ne fascismo ipan Europa. Ne tlapalkemeh ken Diego Rivera wan David Alfaro Siqueiros, tlahkuilowanihi ken Mauricio Magdaleno wan tlatzotzonanihi ken Silvestre Revueltas mokalakiyayah ipan ni tlamantli. Ne Weyi Tlatewelistli mexicana kinekiyaya elis kewak proletaria tlatewelistli. Pero axkanah nochimeh tlapalewiyayah. Ne Jorge Cuesta, Salvador Novo wan Xavier Villaurrutia, tlen eliyayah Contemporáneos, ax kintlepanittayayah ne radicales wan kinmanextiyayah eliyayah elitistas wan europeizantes. Ne tlamachtianihi wan momachtianihi católicos, ken ne Manuel Gómez Morin, tlanawatiyayah ipan Universidad Nacional wan ax kinekiyayah ma kalaki socialistatlahlamikilistli. Yeka kitekiwiyayah ne autonomía wan xitlawalistli tlen tlamachtilistli ken se bandera.

Ne política cardenista nohkia kalaktuya ipan internacional pamitl. Inechikolistlanawatiyanihi tlen Cárdenas nochipaya

kipalewiyaya ne República tlen Kaxtillan pampa kitewiyayah conservadoras tlatewiyanih tlen kinyekanayaya ne Francisco Franco, tlen nohkia kipalewiyayah ne Adolfo Hitler wan Benito Mussolini. Kemah elki civil tlatewilistli tlen Kaxtillan wan kemah tlanki, Mexko kinselihki miyakeh momanawiyanih, nohkia tlen teipah moixmatkeh ken “okichpilmeh tlen Morelia”.

Ipan nopa kawitl onkayayah miyakeh tlatewilistli tlen obrerrotekitinih wan miltekitinih ipan altepetl, wan yeka tlakatihki ne Confederación tlen Tekitinih tlen Mexko (CTM) ipan 1936, tlen kipiaya tlahlamikilistli tlen lucha tlen clases. Tlayekanayaya ne Vicente Lombardo Toledano, tlen kipalewiyaya tlanawatihketl cardenista. Ome xiwitl teipah tlakatki ne Confederación Nacional Campesina (CNC), tlen kiyekanayaya tlamachtihketl Graciano Sánchez. Cárdenas kinekiyaya kinsentilis nochimeh tekitinih para ma kipalewikah inechikolistlanawatiyanih wan ma kimanawikah tlen sekinok nechikolistli tlen ax kikualittayayah, ken tomichiwanih tlen Monterrey, wan tlen sekinok altepemeh, ken tlen Estados Unidos. Para welis mochiwas ni tlapatlalistli, ipan 1938 tlanki ne PNR wan kiski seyok yankuik, ne Partido tlen Revolución Mexicana (PRM). Ipan ni yankuik axkanah kalaktoyah olochtli wan partidos regionales, mochihtoya ika nawi sectores: tlen obrerrotekitinih, tlen miltekitinih, tlen popular wan militar. Ika ni yankuik tekittl ne tlanawatihketl tlen república ya tlayekanayaya, ya tlamokuitlawiyaya para axkanah onkas kualantli waya políticos nechikolistli. Tlapehpenalistli ayohkana tlawel ipatiyaya, pampa tlen competencia tlamantli wan kualantli nochi moihtowayaya wan mosenkawayaya itiko tlen partido oficial.

Ax nochi eliyaya política tlamantli. Nohkia onkayaya kuesolli ika economía. Ipan 1937 mochihi ne Comisión Federal tlen Electricidad (CFE), tlen tlakatki desde 1933, pampa monekiyaya miak tlawilli wan ne extranjerías eléctricas nechikolistli ayohkana weliyayah tekitih más chikawak. Ipan 1937 ne federal nechikolistlanawatiyanih pehki kinchiwa eyi wehweyih presas:

La Angostura ipan Sonora, Palmito ipan Durango wan El Azúcar noso Marte R. Gómez ipan Tamaulipas. Ni tekítl mochihi pampa monekiyaya miyakeh irrigada tlalli ipan norte tlen altepetl. Pampa ne Universidad Nacional, tlen tlatlantoya iautonomía ipan 1929 wan tlen ax kintlepanittayayah políticas gubernamentales, kikualtlaki ne Instituto Politécnico Nacional (IPN) nohkia ipan 1937, pampa monekiyaya onkas técnicotlamachtistli para mochiwas industrialización wan moyawalistli tlen públicatekitl. Ne nechikolistlanawatiyaníh nohkia kichihki urbanatekitl (atl tlen mooni, alcantarillado wan tiankistli), pampa kinekiyaya ma kualli itztokah ewanih tlen ewayayah ipan altepemeh.

Kemah tlamiyaya 1937 wan pewayaya 1938, ne cardenista nechikolistlanawatiyaníh tlaihyowihki. Ne extranjeras petroleras nechikolistli ax kitlepanittakeh ne Estado mexicano pampa ax kichiwiilihkeh kuentah se tlanawatilli tlen Suprema Corte tlen Justicia tlen kimanawiyayah tekitinih. Yeka nechikolistlanawatiyaníh kichihki expropiación petrolera, tlen kiihtohtoya kichiwas ipan 18 tlen marzo tlen 1938. Católicatlanawatiyaníh, tomichiwaníh, obrerotekitinih, miltekitinih, tlahlamikinih wan tlayekchiwaníh kikualittakeh tlen kichihki Cárdenas. Wankinoh motlalanki tlahtolli tlen nación. Extranjeras nechikolistli nel mosisinihkeh, pero ne industria petrolera nacional kualli tekitihki pampa tlapalewihkeh obrerotekitinih wan técnicotekitinih, wan nohkia pampa san kentzih kinpalewihki ne norteamericano nechikolistlanawatiyaníh, pampa ya kimawiliyaya onkas weyi tlatewistli ipan tlaltipaktli. Se ome metztli teipah tlen kemah mochihi expropiación tlakatki empresa Petróleos Mexicanos (Pemex), tlen achtowi ne nechikolistlanawatiyaníh monehki chikawak kipalewis ika miak tlamantli.

Ne radicalismo cardenista kixexelohki altepetl. Ipan 1939, wan kiyekanayaya ne abogado Manuel Gómez Morin, tlakatki ne Partido Acción Nacional (PAN), kiski para kintewis socializantes wan colectivistas tlaixpanolistli tlen cardenismo, wan nohkia pampa kinekiyaya onkas se tekítl tlen ewanih kampa ax onkaskiah

socialistas wan liberales tlahlamikilistli. Católicos wan conservadores nechikolistli ax kikualittayayah socialistatlamachtlistli. Miyakeh terratenientes tlen ax kinkualchihki agrariatlanawatilli nohkia mokalakihkeh ipan nopa tlamantli. Wan nohkia mokalakihkeh populares nechikolistli, ken ne sinarquistas, tlen eltoyah ipan rurales tlalli tlen tlatlahko tlen altepetl ken ne Bajío. Wan nohkia welis tikihtoseh nikah kalaktayah extranjas nechikolistli tlen ax kinkualchihki expropiación petrolera. Ipan altepetl ma nelia onkayaya owihkayotl. Nochimeh nechikolistli tlen ax kikualittayayah cardenismo kimanawihkeh ne candidatura tlen tlatewihketl Juan Andrew Almazán, tlen mawiltiskia ipan presidencial tlapehpenalistli tlen julio tlen 1940.

Pampa kehni eltoya nochi, ne tlanawatihketl Cárdenas wan partido oficial kimanawihkeh ne poblanotlakatl Manuel Ávila Camacho ya elis candidato tlen presidencia. Ya eliyaya se kualli tlatewihketl tlen ax kikualittayaya ne radicalismo cardenista. Nopa tlapehpenalistli tlawel pareho elki, wan tlatlanki ne Ávila Camacho. Onkak miak kualantli pampa miyakeh kiihtowayayah mochihihi electoral tlaixpanolistli, Cárdenas monehki kimakak kuatopilli ne candidato tlen partido oficial, nopa kiihtosneki, tlen tlanawatiyaya ne tlanawatihketl tlen república. Kehni motlalki se kualli político tlasenkawalistli ipan altepetl tlen xiwilpilli XX: ne tlanawatihketl tlen república, ika partido oficial, ya kitlaliyaya ahkia kipatlas. Ávila Camacho ya tlanawatiskia desde ipan diciembre tlen 1940 hasta ipan noviembre tlen 1946.

NOCHI KUALLI ELTOYA WAN ECONÓMICO MOYAWALISTLI, 1940-1958

Tlen yankuik tlayekanketl seyok itlachialis kipiaya. Kinekiyaya ma onkah tlatlepanittalistli wan unidad nacional. Ne Ávila Camacho kiihtowayaya yaino pampa onkayaya miak kualantli ipan nochi tlatipaktli. Ipan septiembre tlen 1939 kalahkeh alemanastlatewiyanih

ipan Polonia wan pehki segunda guerra mundial. Achtowi Mexko eliyaya neutral, pero nopa tlamantli mopatlak kemah Estados Unidos, teipah tlen kemah japonéstlatewiyanih tlatewihkeh ipan Pearl Harbor ipan diciembre tlen 1941, kiihtohki kintewis Alemania, Italia wan Japón. Ipan mayo tlen 1942, teipah kemah kinpolki omeh buques petroleros pampa kintewihkeh alemanes, Mexko mokalakihki ipan weyi tlatewilistli wan kinmanawihki aliados (Gran Bretaña, Estados Unidos, Francia wan Unión Soviética). Ipan nopa kawitl motlalki servicio militar obligatorio.

Miyakeh altepeme ma nelia tlaihyowihkeh kemah onkak weyi tlatewilistli, ken ne Unión Soviética achtowi, pero Mexko ya moyolchikahki. Ika se ladoh, economíatekitl moyolchikahki ika tlapalewilistli tlen tomih tlen kalteno wan pampa weliskia kichiwas miak tlanamakalistli. Industrializadorestekitl tlen década tlen 1930 nohkia moyolchikahki pampa onkayaya demanda tlen kaltik wan kalteno. Sekinok privados nechikolistli ma nelia yolkapiyayah. Tlan pampa onkayaya weyi tlatewilistli ax onkayayah productos tlen kalteno, tomichiwanian wan tlanawatiyanian kinchiwayayah ipan altepetl. Nopa kualli tekkitl tlen industrialización, tlen moixmatiyaya ken sustitución tlen importaciones, teipah moyolchikahki ika aranceles noso tlaxtlawalistli tlen importación wan kehnopa kinmanawiyayah nacionales tekitiniah tlen competencia internacional.

Tlen seyok ladoh, ika weyi tlatewilistli ne norteamericano nechikolistlanawatiyanian pehki kualli waya mowika latinoamericanos altepeme. Ipan nopa kawitl Mexko wan Estados Unidos mosenkahkeh tlen miak pamitl, tlawikalistli, tlanamakalistli, braceros, atl, técnica tlapalewilistli wan tlen petrolera tlamantli tlen kemah elki expropiación tlen 1938. Welis tikihtoseh tlen tlawikalistli: Mexko welki kichihki se tlasenkawalistli tlen ika temok 90% tlen kitlawikiliyaya Estados Unidos. Welis tikihtoseh económicotekitl kipiaya chikawalistli wan nohkia gubernamental ohtli kualli eliyaya, tlanki socialistatlamachtlistli wan monechkawih waya Estados Unidos, ika nochi ni tlamantli welis tikuamachiliseh

kenihki mokualtlakeh antagonismos tlen últimos xiwimeh tlen nechikolistlanawatiyanih tlen Cárdenas.

Ipan 1943 mochihi ne Instituto Mexicano tlen Seguro Social (IMSS), se institución tlen tlawel ipatih ipan yolistli tlen altepetl. Ni tekitl mochihi pampa ne nechikolistlanawatiyanih kinekiyayah kinpalewis tekitinih, ika ni tlamantli kixexelowayaya tlaxtlawalistli tlen seguridad social ika obrerotekitinih, nechikolistlanawatiyanih wan tlayekananih.

Ne IMSS namah nohkia momanawiyaya waya Pemex, waya CFE wan bancos agrícolas wan sekinok instituciones gubernamentales ken Nacional Financiera, nochi yaino kiihtosnekiyaya monekiyaya onkas públio tlapalewilistli. Ipan ni pamitl ax onkayayah kualantli. Ihkatzah axkualli mowikayayah Ávila Camacho wan Cárdenas, wan ni waya jefe máximo, moitta nopa tlahlamikilistli kena nochimeh kitlepanittayayah, monekiyaya público tlapalewilistli para moyolchikawas economíatekitl. Nopa tlahlamikilistli ax san ipan Mexko onkayaya. Ipan miyakeh altepemeh nohkia kichiwayayah nopa tlamantli tlen moskaltis público tlapalewilistli para mokualtlalis owihkayotl tlen tlaltipaktli ipan década tlen 1930. Ipan nopa pamitl tlawel kitlepanittayayah itlahlamikilis tlen se ingléstlakatl economista itokah John M. Keynes, tlen ika kiski Estado tlen bienestar. Mexko ax más mokalaktoya ipan tlatewilistli, yeka militar tlapalewilistli ax monekiyaya wan temok. Wan nochi tlapalewilistli motekiwiwaya ipan ohmeh, presas, tlawilli, hospitales, kaltlamachtilyan wan servicio públicos tlen moyolchikawayayah.

Nikah welis tikihtoseh ne nechikolistlanawatiyanih tlawel tlapalewihki ipan sureste tlen altepetl. Mochihki se amatekitl wan nopayo neski ipan nopa tlalli onkayayah miyakeh recursos naturales pero monekiyaya sociales tlapalewilistli. Yeka monekiyaya mochiwas miak tekitl ipan nopa tlalli para moyolchikawas economía nacional. Ika comisiones tlen Papaloapan wan tlen Grijalva, tlen kinchihkeh ipan 1947 wan 1951, ne federal nechikolistlanawatiyanih pehki kichiwa se weyi tekitl tlen inversiones para kinkualtlalis

hidroeléctricas, tekítl ipan ohmeh wan drenaje, tlaixwitekílistli para welis mosemoyawas agriculturatekítl wan ganaderiatekítl, ohmeh, kaltlamachtilyan, hospitales. Moihtowayaya ne sureste tlalli nohkia kikualtlaliskia sobrepoblación tlen onkayaya ipan tlatlahko tlen altepetl wan ipan norte, ken La Laguna. Moyehyekohki se ome tekítl tlen colonización, pero axkualli elihkeh.

Tlen segunda tlatewílistli tlawel ipatih ipan inemilis tlen xiwilpilli XX. Tlawel motlepaníttak Estados Unidos ipan nochi tlatipaktli, pampa motewihki waya seyok tetik altepetl, ne Unión Soviética. Ipan Mexko ni tlatewílistli tlapalewihki para ma mokualtlali iteki tlen nechikolistlanawatíyaníh, tlen económicotekítl, wan tlen opinión pública ika indústriatekítl wan moyawalílistli tlen altepemeh; tlen agrariotekítl moilkahki. Ipan nopa kawítl pehki onkah económico moyawalílistli, pero nohkia onkak devaluaciones tlen peso tlen 1948 wan 1954, ihkatzah yaino onkak moyawalílistli hasta kemah tlamíyaya década tlen 1960. Ipan nopa kawítl mokualtlaki se político tlasenkawalílistli tlen eliskia se nechikolistlanawatíyaníh tlen tetik. Ma tikíníttakah ni eyi tlamantli.

Indústriatekítl tlawel monekíyaya mochiwas ipan altepetl. Moihtowayaya moyawalílistli tlen Mexko weliskia mochiwa ika miak fábricas, técnicotlakameh wan obrerotekítiníh. Moneltokayaya ika nopa yankuíkeh teposmeh wan tlahlamikílistli onkaskia miak tekítl, wan nohkia tomichíwaníh kitlaniskiah miak tomíh, kualli kintlaxtlawískiah obrerotekítiníh wan miak tlaxtlawalílistli kiseliskia ne hacienda pública. Nohkia monekíyaya moyolchikawas tlanamakalílistli tlen kaltik ken ichikawalis tlen economía, pampa tlawel tepalewíyaya desde ipan década tlen 1930, ihkínoh mochíhki.

Ne nechikolistlanawatíyaníh kinpalewíh indústriales ika seyok tekítl. Se tlamantli onkak sindicatos wan oficialistas tlayekananih, tlen moixmatíyayah ken “charros”. Pero nochimeh tekítiníh monekíyayah tlatlepaníttaseh wan ax tlakualanchiwaseh, ika yaino ne tlayekananih kiselíhkeh tlaxtlawalílistli wan tekítl ipan nopa partido oficial. Pampa wetzki ne Lombardo Toledano ken tlayekanketl tlen CTM ipan 1941 nopa kiihtosnekiyaya pa nimah

onkaskia subordinación obreras nechikolistli tlen Estado. Tlen yankuik tlayekanketl, ne Fidel Velázquez, tlayekanki hasta kemah mihki ipan 1997. Ya kineskayotihki kenihkatzah mochiwayaya control tlen nechikolistlanawatiyanih tlen nochimeh obrerotekitinih. Tlen seyok tlamantli tlen ika moyolchikahki industrialización elki ika regulación tlen ipatih tlen tlakualistli ipan altepeme. Yeka mochiheh miyakeh instituciones, ken ne Comité Regulador tlen Mercado tlen Subsistencias ipan 1938, ne Compañía Exportadora wan Importadora Mexicana, ipan 1949, wan achi teipah, ipan 1961, ne Compañía Nacional tlen Subsistencias Populares (Conasupo).

Se tlamatli tlen moitzkihtoya waya industrialización eliyaya urbanización. Ne nechikolistlanawatiyanih wan nochimeh rikotlakameh tlen opinión pública moihliyah chikawalalistli tlen altepetl ayohkana eltoya ipan chinankomeh, eltoya ipan altepeme kampa onkayayah yankuik industrias. Wan nohkia, pampa ipan altepeme onkayayah miyakeh ewanih ipan se kuekuezih tlalli, yeka nopayo onkayayah tlen kualli servicios públicos, ken tlawilli, atl tlen mooni wan alcantarillado, transporte, tlamachtlistli wan tepahtiani. Eyi altepeme moyolchikahke ipan ni kawitl: ne zona metropolitana tlen Mexko altepetl, Monterrey wan Guadalajara. Ipan 1965 nopa eyi altepeme kitlaliyah 69% tlen industrialtekitl. Ne geografía económica tlen altepetl sampa mokualtlaliyah. Ne tlalli tlen norte motlalanayaya wan sekinok weloniyah, ken ne Hidalgo, Puebla wan Yucatán.

Ayok onkayaya tlapalewlistli para agrariatekitl san para tekkitl tlen industrializadora. Tlan kena welis moihtos kena onkak tlapalewlistli tlen gasto público para mochiwas rural moyawalistli, ipan década tlen 1940, nopa tekkitl mochiwayaya pampa monekiyaya onkas producción wan productividad tlen agrariatekitl pampa tlawel monekiyaya tlakualistli wan tlapalewlistli ipan altepeme. Ne distritos tlen riego, tlen norte tlalli tlen altepetl, monekiyaya kinchiwaseh mercancías tlamantli tlen monamakaskia kalteno (ken ichkatl) para welis mokowas teposmeh wan industriales tlamantli. Ihkatzah tlawel tlawaktok elki ipan 1949-1958 ipan norte wan

occidente tlen altepetl, ne campotekitl kena moskaltiyaya, welis tikihtoseh ipan década tlen 1960 echka mochiwa autosuficiencia tlen tlakualistli.

Ipan ni kawitl onkayaya económico moyawalistli wan tlen gasto público wan nohkia ewanilh momiakilihkeh, ipan 1930 wan 1970. Welis tikihtoseh ika ni tlamantli moixmatki xiwilpilli XX. Ipan ome powalli xiwimeh ewanilh momiakilihkeh eyi weltah, wan ipan xiwilpilli XIX amo ihkinoh panok: tlen kemah independencia hasta kemah mochihi tlatawelistli tlen revolución ewanilh san momiakilihkeh ome weltah. Kemah asiko xiwilpilli XX, ewanilh pehkeh momiakiliah: tlen se tasa tlen 1.72% tlen se xiwitl ipan década tlen 1930 panok ika 3.28% ipan década tlen 1960. Para welis tikuumachiliseh ni tlamantli welis tikihtoseh ika tlen achtowi tasa monekiyaya ome powalli xiwimeh para momiakiliseh ewanilh ome weltah; wan ika tlen teipah, tlen 1960, san monekiyaya sempoalli wan ome xiwimeh. Onkayayah miyakeh ewanilh pampa ayohkana mikiyayah konetzitzi, wan nopa panoyaya pampa ayok onkayayah infecciosas wan parasitarias kokolistli. Onkak tlatawelistli tlen pahtli, atl tlen mooni wan alcantarillado, onkayayah campañas tlen kemah tlazopiniyayah wan nohkia pankiski pahtli tlen penicilina ika nochi yaino welkeh momiakilihkeh ewanilh. Welis tikihtoseh pampa tlawel momiakilihkeh ewanilh ipan xiwilpilli XX nopa tlamantli welis motokaxtis segundo episodio demográfico tlen inemilis tlen Mexko tlalli: tlen achtowi elki kemah miyakeh ewanilh kinmiktihkeh ipan colonial kawitl.

Teipah tlen 1940, ewanilh pehkeh nemih ken axkemah moitztoya ipan inemilis tlen altepetl, mopatlayayah tlen chinankomeh ipan altepemeh. Ipan altepemeh onkayayah kualli tlaxtlawalistli wan servicios públicos. Wan ipan 1960, ika censo tlen nopa xiwitl, miyakeh mexkoewanilh ewayayah ipan altepemeh (ipan altepetzitzi tlen 2 500 ewanilh). Nopa tlamantli kiihtosnekiyaya mochiwayaya social tlapatlalistli ipan nochi tlaltipaktli ipan nopa kawitl. Ipan 1930 wan 1970 nochimeh mexkoewanilh tlawel momiakiliyayah, pero ipan altepemeh más ika karrerah momiakiliyayah.

Ipan Mexko altepetl kualli tikittaseh ni nemilistli tlen urbanización. Nochimeh ewanih, tlen eliyayah se millón ipan 1930, momiakilihkeh chikuase weltah ipan teipah ompowalli xiwimeh. Atl tlen mooni tlen mowikayaya desde Alto Lerma, weyi ohmeh ken ne viaducto Miguel Alemán wan ne periférico, ne Metro wan drenaje tlen mopewaltihtoyah ipan década tlen 1960 kichihkeh ma onkah nopa moyawalistli. Onkayaya inmobiliariotekitl yeka nohkia monechkawihkeh tomichiwanih wan políticos. Nohkia moixnextihki Torre Latinoamericana ipan 1950 ipan tlatlahko Mexko altepetl wan welis tikihtoseh ni tlamantli kineskayotia modernizador chikawalistli. Ipan nopa kawitl mochiwayaya económica moyawalistli tlen posguerra, tlen sekih kitokaxtiah “kawitl tlen kualli capitalismo”, ne economía tlen Mexko altepetl tlawel moyolchikahki ipan nopa kawitl. Ipan 1940 wan 1970 ne tasa tlen se xiwitl tlen producto interno bruto kipanok 6% nopa eliyaya se “milagro económico”, ken moixmatki. Ipan nopa eyi decenios moyolchikahki indusriatekitl wan tlen sector tlen serviciotekitl (tlanamakalistli, bancos). Ipan nopa kawitl ayohkana miak tlapalewiyaya agriculturatekitl.

Se tlamantli tlen tlawel moneki tikihtoseh nochi nopa económico moyawalistli mochihi ika tlapalewilistli tlen kaltik, nopa kiihtosneki, ax onkak tlapalewilistli tlen kalteno. Ipan 1959 nopa kalteno tlawikalistli eliyaya san tlen 649 millones tlen dólares. Wan ihkatzah finanzas públicas axkualli eltoyah, nopa moyawalistli welki mochiwa ika gubernamentales tlapalewilistli tlen infraestructura, tlawilli wan comunicaciones. Nohkia moskaltihki privada tlapalewilistli pampa onkayaya se economía tlen tetik.

Tlen kemah pehki 1958, wan hasta ipan 1970, tlawel motlalanki ika estabilidad tlen ipatih noso kentzih inflación. Ni tlamantli moixmati ken “estabilizador moyawalistli”. Ipan nopa kawitl panok se kualli tlamantli: moskaltihkeh salarios reales, nopa tlamantli kiihtosneki, ika nopa tlapalewilistli weliyaya mokowa miak tlamantli. Pero nopa tlapalewilistli axkanah nochimeh tekيتينih kinpiayah, san tlen tekitiyayah ipan wehweyih

altepemeh wan kichiwayayah industrialekitl; yaya inihuantih nohkia mopalewiayah ika servicios tlen IMSS wan tlen pública tlamachtlistli, tlen nochipa moskaltiyaya. Nopa nechikolistli ax weyi eliyaya, pero kena nel moyolchikahki wan yeka onkak se tlamantli tlen ika tikuamachiliseh estabilidad política ipan nopa xiwimeh: nopa tlamantli itokah movilidad tlen ewanih. Tlaskamati ika pública tlamachtlistli, se obrerotekitihketl kipiaya ikonewah universitarios wan profesionistas, wan nohkia iicha tlen ya, seguridad social wan tlapalewilistli kemah ayohkana tekitiskia. Nohkia ihkinoh eltoyah ne federales burócratas. Ipan 1925 mochihki ne Dirección tlen Pensiones tlen, ipan 1959, mokuepki ne Instituto tlen Seguridad wan Servicios Sociales tlen Trabajadores tlen Estado (ISSSTE).

Ipan 1946 ne PRM kipatlak ne Partido Revolucionario Institucional (PRI). Ni ome axkanah iwikal eliyaya pampa onkayaya se tlamantli, se tlanawatilli tlen kitlalki tlanawatihketl Ávila Camacho desde ipan diciembre tlen 1940: ayohkana onkas militar pamitl. Nopa tlamantli kiihtosnekiyaya onkah estabilización tlen régimen político. Ihkinoh kinkuenihkeh militartlatewiyanih wan monekiyaya kitlepanittaseh tlanawatihketl tlen república, ika nopa tlamantli nesiya onkah político tlasenkawalistli ipan altepetl. Tlen achtowi presidencial tlapehpenalistli tlen yankuik partido elki ipan 1946, kampa tlatlanki ne oficial candidato, ne veracruzanolakatl Miguel Alemán, nopa tlakatl ax walayaya tlen tlatewiyanih yon ax mokalaktoya ipan Weyi Tlatewilistli tlen 1910. Momachtitoyaya ipan Universidad Nacional Autónoma tlen Mexko, Alemán kalaktoya ipan seyok pamitl tlen políticotlakameh wan tlayekananih. Ne seyok candidato, ne guerrerensetlakatl Ezequiel Padilla, ya ax miyakeh kitokiliyayah ken ne Almazán ipan 1940. Nopa político chikawalistli san kipiayah tlen tlatlantoyah ipan weyi tlatewilistli, tlen kinixmatiyayah ken “familia revolucionaria”.

Alemán chikawak tekitihki pampa kinekiyaya kiyolchikawas industrializacióntekitl wan ma onkah empresarial moyawalistli, ipan ni tekitl kipalewiayah iwampoyowah wan sekinok. Ipan ni

kawitl kiski se nechikolistli itokah Ingenieros Civiles Asociados, nopa tlamantli kiihtosnekiyaya onkah yankuik empresariado mexicano, ni nechikolistli kiyekanayaya ne Bernardo Quintana. Seyok tomichihketl tlen kualli tlahkamikiyaya, wan tlen mopalewihki ika televisión, elki Emilio Azcárraga. Ni tlakatl tlawel moyolchikahki pampa nopa televisión tlawel ipatiyaya ipan nopa kawitl, eliyaya se weyi medio tlen comunicación, kisenkawayaya miak tlamantli, kitlaliyaya tlahlamikilistli, sanilistli wan tlakowalistli. Nochi tlamantli tlen urbano, ne televisión, ne transportación aérea wan ne comunicación telefónica, wan nohkia pampa onkayaya moderación gubernamental, kinyolchikahkeh miyakeh tlahlamikinih wan tlayekchiwanih. Ipan 1949 Octavio Paz kiihkuilohki *El laberinto de la soledad*, para onkas mexicana tlachialistli. Ipan nopa kawitl moyolchikahtoya citadina yolistli, wan ipan 1953 wan 1955 Juan Rulfo kinnextihki ome iteki, *El llano en llamas* wan *Pedro Páramo*, kampa kiixnextiyaya provinciano yolistli, tlen rural. Ipan 1958 Carlos Fuentes nohkia kikixtihki iamoch *La región más transparente*, kampa kiixnextiyaya yolistli tlen Mexko altepetl. Ne radicalismo tlatepotzko mokahtoya. Nohkia kiskeh tlayekchiwanih ken Rufino Tamayo, tlen tekitiyaya muralismo. Motlapohki ohtli wan asikoh miak tlahlamikilistli, tlen walayayah tlen Estados Unidos wan Europa, wan nohkia tlen sekinok latinoamericanos altepemeh, ika nochi nopa tlamantli onkayayah tlapaltik tlahlamikilistli. Onkayaya tlamawisolli tlen urbano tlamantli (cabareteratekitinih, iknotlakameh, enmascarados wan telpokameh momachtianih) nochi yaino kineskayotiyaya tlapatlalistli tlen onkayaya ipan altepemeh.

Ipan ni kawitl moyolchikahki ne centralización política. Ipan tlapehpenalistli tlen 1946 yankuik motekiwih se electoral tlanawatilli tlen kikawayaya imako ne federal nechikolistlanawatiyanih ma ya kichiwa ni weyi tekittl. Hasta ipan nopa kawitl nochi tlapehpenalistli kichiwayayah locales tlanawatiyanih. Ipan 1946 nohkia tlakatihki ne Secretaría tlen Recursos Hidráulicos, tlen kiyolchikawayaya tlamokuitlawilistli tlen atl. Ipan 1948 nohkia motlalki tlaxtlawalistli

tlen ingresos mercantiles tlen ika monekiyaya san ma onkah se federal tlaxtlawalistli ipan nochi altepetl.

Nochi ni tlamantli kiihtosneki ipan nopa kawitl onkak se político tlasenkawalistli kampa tlanawatiyayah federal nechikolistlanawatiyanih wan ne tlayekanketl tlen república. Tlen nopa seyok chikawalistli ken Unión, ne legislativo wan ne judicial, ayok kipiayah chikawalistli. Wan nohkia onkayaya se tlamantli tlen moweyichihki ika weyi tlatewilstli tlen tlaltipaktli. Eli nopa tlasentilistli tlen rentas públicas ipan federales ininmakoh wan nohkia pehki temok chikawalistli tlen estados wan municipios. Nopa tlamantli kiihtosnekiyaya kualli mochiwayaya federales gravámenes (tlaxtlawalistli tlen renta), pero nohkia kiihtosnekiyaya onkayaya tlachtekilistli tlen fuentes tributarias tlen estados wan municipios tlen kichihtoya ne federal nechikolistlanawatiyanih pampa kiihtowayaya monekiyaya moyankuilis ne sistema tributario. Ni tekitl mochihki ipan petróleo ipan 1922, ipan minatekitl ipan 1926, ipan tlawilli ipan 1933 wan sekinok ipan nopa kawitl. Ika nochi nopa tlamantli tlen mochihki ne federal nechikolistlanawatiyanih kipiaya miak chikawalistli pero nohkia monekiyaya kinpalewis estados wan municipios. Nohkia mochihki federalización tlen tlamachtlistli, nopa tlamantli kineskayotia tlasenkawalistli tlen federal tlatlahko, tlen estados wan tlen municipios. Ipan estados panok se iwikal tlamantli: kinkixtilihkeh tributarias chikawalistli ne municipios. Ika nochi yaino welis tikihtoseh ne municipios eliyayah más iknotzitzih ipan 1950 ken ipan 1910 kehnopa elki.

Ihkatzah yaino, nohka onkayayah se ome tlen ax kinpiayah yon tlanawatihketl tlen república yon nechikolistlanawatiyanih. Tlen ni tlamantli moneki más momatis, pero welis moihtos ipan fiscaltekitl wan hidrúlicatekitl ne federal tlanawatiyanih sekinok ax kitlepanittayayah. Welis moihtos, nopa federal tlanawatilli tlen ika monekiyaya motlalis san se tlaxtlawalistli tlen ingresos mercantiles sekih estados tlen moyolchikahtoyah ax kitlepanittakeh (Veracruz, Baja California, Nuevo León, Jalisco, Mexko, wan sekinok). Tlen kipatlaskia ne Miguel Alemán, ne

veracruzanolakatl Adolfo Ruiz Cortines (1952-1958), kinekiyaya kikualtlalis nopa kuantlali pero ax welki. Ipan hidrúlicatekitl, wehweyih tomichiwanih, ken agricultorestekitinih tlen Costa tlen Hermosillo, axkemah kitlepanittakeh tlanawatilli tlen ika monekiyaya kitlaliseh tamachiwanih tlen atl ipan amelli. Ipan Monterrey, ne industriales kikuatlalkeh tlen kanih kikuiseh atl wan san inhuantih monawatiyayah. Ipan altepetl ax onkayaya atl, pero ne industria kena kipiaya wan yeka moyolchikawayaya. Welis moihtos nopa tlamantli axkanah panoyaya ipan nochi altepetl wan ne tlayekanketl tlen república kena nochimeh kitlepanittayayah wan san ya tlanawatiyaya wan kipiaya miak chikawalistli. Melawak kena elki ihkinoh, yeka moneki miak tlatemolistekitl san kentzih tihmatih. ¿Kenke kiihtowayaya se funcionario tlen Secretaría tlen Hacienda, ipan 1972, tlen achtowi tlen nopa xiwitl tlen panoyaya ax weltoskiah mosentiliah nochimeh tomiahkokuiyawih tlen estados?

OWIHKAYOTL WAN ESTATISTA TLANANKILISTLI, 1958-1982

Ipan ni xiwimeh ipan altepetl onkayayah económico moyawalistli wan estabilidad política. Nechikolistlanawatiyanih tlen Adolfo López Mateos (1958-1964) ya tlakualtlalki nochi ipan 1960 para mochiwas ilhwitl tlen 50 aniversario tlen Weyi Tlatewilistli tlen 1910. Tlanawatiyanih tlawel moweyimatiyayah pampa moihtiyayah kualli tekitiyayah wan kiyolchikawayayah nación. Kinextiyayah onkah chikawalistli tlen pahtli, tlamachtilistli wan infraestructuratekitl, wan ciudadanía chikawalistli pampa siwameh weliyayah tlawasaniah ipan 1953. Ipan pamitl tlen pahtli, ayok miyakeh konetzitzihi mikiyayah temohtoya, tlen 27 a 12 ipan se mil ewanilh. Ayohkana mikiyayah miyakeh okichpilmeh. Ne IMSS kinmanawiyayah nawi millones tlen asegurados wan ne ISSSTE kinmanawiyayah seyok 500 000. Ne analfabetismo nohkia temok tlen 62% ipan 1930 a 45% ipan 1960. Onkayaya miak irrigada tlalli

tlen eliyayah 1.4 millones tlen hectáreas. Desde ipan 1950 weliyaya se akahya nemis ipan nochi nacional tlalli ipan terrestre ohtli, tlen frontera tlen Guatemala, hasta Ciudad Juárez, ipan Chihuahua. Onkayaya miak petróleo tlen momiakiltoyaya eyi weltah desde ipan 1938 wan chikawalishti tlen tlawilli nohkia momiakiltoyaya chikome weltah desde kemah elki 1930. Ne agriculturatekitl wan industriatekitl nohkia motlalanayayah. Para moyolchikawas tekitl tlen tlawilli wan onkas sistema nacional interconectado, ipan 1960 ne tlayekanketl López Mateos kinkohki empresas tlen tlawilli tlen kalteno. Welis tikihtoseh nochimeh tlanawatiyanih moihliyyah tlawel kualli tekitiyyah ipan revolucionarios nechikolistlanawatiyanih, kehnopa kiamatiyyah motokaxtiseh. Ne López Mateos motokaxtiyaya tlen “extrema izquierda” wan kipiaya tlahlamikilistli tlen Weyi Tlatewilistli mexicana. Nopa tlamantli tlen kiihtowayaya, wan tlanawatilli ken tlakowalistli tlen industriatekitl tlen tlawilli wan pampa kiskeh amochmeh tlen ax monamakayayah nochi yaino kimawiliyyah tomichiwanih. Moihliyyah nochi nopa tlamantli ax kinkualchiwas.

Tlanawatiyanih kualli tlahlamikiyyah. Tlan kualli tikittaseh nochi, ne altepetl tlawel mopatlatoya desde ipan 1930. Onkayaya miyakeh ewanah wan nohkia miyakeh yowiyayah ipan altepemeh, wan nohkia onkayayah miyakeh tlen tlatlahko ewanah, nochi nopa tlamantli axkemah moitztoya ipan inemilis tlen altepetl. Tlen nopa ewanah tlawel miyakeh eliyayah pampa onkayayah miyakeh tekitinih wan funcionarios tlen empresas privadas, burócratatekitinih, tlen momachtihiyoyah ininselti wan kuekuetzitzih tomichiwanih. Nochimeh ewanah tlen tlatlahko mopalewihkeh ika económica moyawalistli, tlen gasto público ipan pahtli, tlamachtistli wan infraestructura, mopalewihkeh ika nochi tlanawatilli wan tlahlamikilistli tlen ika moyolchikawayaya altepetl wan tlanamakalistli tlen itiko. Onkak miyakeh momachtianih tlen moskaltihkeh 15 weltah ipan weyikaltlamachtilyan tlen altepetl: tlen 23 000 ipan 1930 a 335 000 ipan 1970. Mochihki Ciudad Universitaria, ipan 1952, wan weyi fraccionamiento tlen

Ciudad Satélite, echka tlen Distrito Federal, ipan 1953, wan motlapohkeh wehweyih tiendas, onkaya urbana moyawalistli. Seyok tlamantli ipan ni kawitl onkak miyakeh teposkawayomesh tlen moskaltihkeh 19 weltah ipan 1930 wan 1970: tlen 63 000 a 1 200 000. Miyakeh kitekiwiyayah teposanilli moskaltihki matlaktli weltah ipan 1940 wan 1970: tlen 88 000 a 859 000. Onkak miak tlapatlalistli ipan altepemeh. Nohkia nikah welis tikintokaxtiseh onkayayah tepostlachikuenianih, tepostlaseseyanih, tepostlakakilli, tocadiscos, tepostlamawisolli, wan teposmeh tlen tlatzontli tlen miak tlamantli kipatlakeh. Ipan ni kawitl welis tikihtoseh onkak miak tlapatlalistli, tlen tlakowalistli, tlen tlachialistli, tlen tekitl, tlen tlamawisolli, wan nohkia temiktl tlen kenihkatzah nochimeh ewanilh moyolchikawaskiah tlan momachtiskiah noso chikawak tekitiskiah, ika nochi yaino tlamantli mokualtlakiyaya se nechikolistli tlen ewanilh tlen ayok tlachiaya ken provinciana wan agraria. Moskaltiyaya se cosmopolita nechikolistli tlen ewanilh.

Nochi ni tlapatlalistli axkanah nochimeh kikualittayayah. Pampa ax nochimeh ewanilh mopalewiyayah ika económico moyawalistli, san tlen ewayayah ipan altepemeh, pero axkanah tlen ewayayah ipan chinankomesh. Kemah moskaltiyayah tlen tlatlahko nechikolistli, ipan altepemeh nohkia onkayayah miyakeh iknotlakameh. Yeka nopa desigualdad tlawel onkayaya ipan nacional yolistli. Se tlatamachiwalistli tlen kenihkatzah moxexelawayaya ingreso ipan 1950 wan 1963 kinextiyaya se tlamantli tlen axkualli: san 10% tlen ewanilh kinpiayah echka tlahko tlen nochi tomih tlen onkayaya ipan altepetl.

Yeka obrerrotekitinih wan miltekitinih mosininiyayah kemantika waya mosenkawayayah wan kinmakayayah concesiones wan kemantika nohkia kintewiyaya. Ipan 1951, welis moihtos, ax kitlepanittakeh se “Nechikolistli tlen mayantli” kampa yowiyayah miyakeh minerrotekitinih waya ininteixmatkawah, wan tlen nenentoyah 1 400 kilómetros desde ipan Nueva Rosita, Coahuila, hasta ipan tlatlahko tlen altepetl. Motlateiliyayah ax kintlepanittayaya ne empresa estadounidense American

Smelting and Refining Company. Ipan 1958 telegrafistatekitinih, petroloerrotekitinih wan tlamachtianih kintewihkeh wan kintzahkeh. Ipan Baja California, Chihuahua wan San Luis Potosí onkak político-electorales kualantli tlen ika welis tikihtoseh ne partido oficial wan federal nechikolistlanawatiyanih ax tlatlepanittayayah. Ipan 1959 se huega ferrocarrilera chikawak kitewihkeh; kintzahkeh sekih tlayekananih, ken Demetrio Vallejo, ipan miak xiwimeh. Ipan nopa kawitl ipan Estados Unidos wan Mexko onkayaya se tlahlamikilistli pampa onkayaya tlatewilistli waya Unión Soviética (tlen motokaxtia sesek tlatewilistli), ne ferrocarrilerrotekitinih kinmanextihkeh eliyayah comunistas. Ipan 1962 tlatewiyanih kimiktihkeh ne independiente miltekitihketl tlayekanketl Rubén Jaramillo waya iteixmatkawah.

Nochi ni kualantli tlen onkayayah más motlalanki ika Weyi Tlatewilistli cubana. Tlatewiyanih tlen kinyekanayayah ne Fidel Castro kiitzkihkeh chikawalistli ipan enero tlen 1959, wan kitlanihkeh ne dictador Fulgencio Batista. Onkayaya miak kualantli waya estadounidense nechikolistlanawatiyanih hasta kemah ipan 1961 ne Castro kiihtohki ya eli marxista-leninista. Ika ni tlamantli moyolchikahkeh tlakameh tlen mosisintoyah wan radicales mexkoewanih wan nohkia ipan nochi América Latina. Ipan 1961 kiski ipan Mexko ne Movimiento tlen Liberación Nacional, tlen kiyekanayaya extlanawatihketl Cárdenas, tlen kinekiyaya kinsentilis nochimeh nechikolistli tlen ax kintlepanittayaya gubernamentalestlanawatilli. Tlen seyok ladoh, ne iglesia católica, ika tlahtolli “Cristianismo kena, comunismo axkanah”, kichihki ma moyolchikawa kualantli. Ipan nopa kawitl tlen wehweyih tomichiwanih tlen altepetl, tlen san 30 eliyayah, kikualtlalkeh ne Consejo Mexicano tlen Hombres tlen Negocios (CMHN), se nechikolistli tlen teipah moweyichihki. Ni nechikolistli mopalewihki waya empresariales nechikolistli tlen achtowi, ken ne Confederación tlen Cámaras Nacionales tlen Comercio (Concanaco), ne Confederación tlen Cámaras Industriales (Concamin), ne Cámara Nacional tlen Industria wan

Transformación (Canacintra), ne Confederación Patronal tlen República Mexicana (Coparmex) wan waya ne Asociación tlen Banqueros tlen Mexko.

Ipan nopa kawitl onkayaya política wan diplomática kualantli, wan yeka Estados Unidos pehki kichiwa se tekittl para ma axkanah kitokilikah cubana tlatewilitli ipan América Latina. Iwikal ken ipan sesek tlatewilitli, ipan 1962 wan 1964 kinihlihi latinoamericanos altepeme ma ax kipalewikah ne Cuba, ma iselti mokawa. Pero Mexko ya ax kinehki kichiwas nopa tlamantli. San ya ax kitlepanittak estadounidense tlanawatilli tlen nochimeh altepeme tlen kalaktayah ipan Organización tlen Estados Americanos. Ika nopa tlamantli miyakeh altepeme kitlepanittakeh. Nohkia ne estadounidense nechikolistlanawatiyani pehki kikualtlalia se “Nechikolistli tlen Progreso” tlen ika ayok kinekiyaya ma onkah tlatewilitli ipan América Latina yeka kitlaliyah sociales wan políticas tlanawatilli. Ipan nopa kawitl Mexko kikuihki sistema tlen diputados tlen partido, tlen ika welkeh kalahkeh ipan Congreso tlen Unión se ome diputados opositores desde ipan 1964.

Tlen kipatlak ne López Mateos elki ne poblanotlakatl Gustavo Díaz Ordaz (1964-1970). Ni pehki tlanawatia kemah onkayayah miak kualantli waya internos wan residentes tepahtiani tlen IMSS, tlen ISSSTE wan tlen sekinok. Wan onkak seyok kualantli. Ipan 23 tlen septiembre tlen 1965 se kuekuetzih olochtli tlatewihki ipan cuartel militar tlen Madera, Chihuahua. Ihkatzah pa nimah kintewihkeh wan kintlankeh, ni tlatewilitli kinyolchikahki sekinok nechikolistli tlen nohkia kinekiyayah tlatewihseh wan tlen kitokiliyah cubana tlatewilitli, kinekiyayah ma onkah tlapatlalistli ipan altepetl. Miyakeh ewanih kiihtowayayah ne guerrillerotlakameh tlawel iknotzitzih eliyayah pampa mochiwayaya explotación capitalista. Sekih tlen ni tlatewiyanih itztoyah ipan altepeme, wan sekinokeh ken ne nechikolistli tlen kinyekanayayah tlamachtiani Genaro Vázquez wan Lucio Cabañas, itztoyah ipan chinankomeh, ipan tepeme tlen Guerrero.

Pero tlamantli tlen welis tikihtoseh nochi kipatlak político nacional tlasenkawalistli elki tlatewilistli tlen momachtianih tlen 1968, se xiwitl kemah tlawel tlatewiyayah telpokameh ipan miyakeh altepemeh tlen tlaltipaktli. Nopa tlatewilistli wan pampa tlanki ika weyi tlamiktilistli tlen 2 tlen octubre ipan Tlatelolco, nochi nopa tlamantli kinextihki urbana ewanah tlen tlalpaltikeh eliyayah axkanah nochimeh kitlepanittayayah modernizadortekitl tlen kinekiyaya kichiwas régimen político wan tlen ax kinekiyaya ma onkah kualantli wan tlatewilistli. Nopa tlatewilistli kinextihki ne régimen político ax welki kisenkahki se tlatewilistli tlen san pehki pampa se ome momachtianih mokualanihkeh. Ne tlanawatihketl Díaz Ordaz ya kiitayaya mokualtlaliyaya se comunista tlatewilistli tlen kinekiyaya kimahkawas. Kemah monechkawiyaya pewalistli tlen XIX Juegos Olímpicos, tlen pewaskiah ipan Mexko altepetl ipan 12 tlen octubre tlen nopa xiwitl, onkak miak kualantli. Ipan septiembre tlatewiyanih kalahkeh ipan instalaciones tlen UNAM, wan nohkia ipan tlen IPN. Nopa tlatewilistli tlanki ipan 2 tlen octubre ika tiotlak. Momachtianih tlen mosentiltoyah ipan tlanempa tlen Tlatelolco kintewihkeh tlatewiyanih tlen nechikolistlatewiyanih. Namah momati nopa tropa kintemoto momachtianih wan onkayayah tlamotlanih, tlen kinnawatiyayah funcionarios tlen nechikolistlanawatiyanih. Miyakeh decenas tlen momachtianih kinmiktihkeh wan miyakeh centenares kintzahkeh ipan penal tlen Lecumberri, ken ne tlahkuilohketl José Revueltas wan ne ingenierotekitihketl Heberto Castillo. Onkayayah miyakeh presos políticos tlen huelga ferrocarrilera tlen 1959 wan tlen tepachtianih tlatewilistli tlen 1965. Pampa onkak nopa tlamiktilistli, ne xochitlahkuilohketl Octavio Paz (tlen se ome xiwitl teipah, ipan 1990 kitlaniskia wentli Premio Nobel de Literatura) ayohkana kinehki tekitis ken embajador ipan India altepetl.

Teipah tlen 1968 moittayaya ne régimen político ayohkana kualli tekitiyaya wan ax weliyaya kinyekana nochimeh urbana ewanah, tlen tlalpaltik eliyayah, tlahlamikiyayah, wan mosisintoyah pampa ax weliyayah sanilowah. Nopa eliyaya se tlamantli tlen

nacional yolistli: ne nechikolistlanawatiyanih san ya tlanawatiyaya ipan medios de comunicación tlen tlahkuilolistli wan televisivos. Ne periodistatlakatl Jacobo Zabludowsky, tlen kiyekanayaya noticiero televisivo tlen más ipatiyaya ipan miyakeh décadas, ya kineskayotia nopa control informativo. Onkak seyok tlatewilistli tlen momachtianih, tlen panok ipan 10 tlen junio tlen 1971 ipan Mexko altepetl, ika yaino más mokualanihkeh tlen ax tlatlepanittayayah wan tlen mosisintoyah waya Estado tlen kistoya tlen Weyi Tlatewilistli tlen 1910.

Ne Estado mexicano kichihki miak tekittl pampa kinekiyaya sampa moyolchikawas. Pero panok se weyi tlamantli ipan nemilistli tlen xiwilpilli XX wan ax welki kichiwa. Tlanki kualli kawitl tlen tlatewilistli, yeka sehki económico moyawalistli ipan nochimeh altepemeh tlen tlaltipaktli. Xiwitl tlen 1973 moixmati pampa ipan nopa kawitl nel tlanki weyi tlatewilistli tlen posguerra wan pampa pehki se weyi owihkayotl ipan nochi tlaltipaktli.

Ipan Mexko, kemah tlayekankeh ne weyi tlanawatiyanih Luis Echeverría (1970-1976) wan José López Portillo (1976-1982), tlen eliyayah tlen altepetl, ne nechikolistlanawatiyanih kinehki kinsentilis nechikolistli tlen mosisintoyah ika amnistías, ika yankuikah weyikaltlamachtiloyan (ken ne Universidad Autónoma Metropolitana ipan 1974) wan tlapalewilistli para tekitinih (ken ne Instituto tlen Fondo Nacional tlen Vivienda para ne Trabajadores, Infonavit, tlen mochihki ipan 1972), wan nohkia ika electoralestlanawatilli wan fierotikeh sasanilli tlen democrática wan tlan nacionalismo. Nohkia kinekiyaya sampa kinsentilis olochtli tlen tlahlamikinih wan tlen tlayekchiwanih, welis tikihtoseh ika tlapalewilistli tlen industrialekitl cinematográfica. “Noso Echeverría noso ne fascismo”, kiihtowayaya se tlahkuilohketl tlen régimen. Ihkatzah kehni, ni gubernamentaltekitl ax kualli kiski. Ma tikittakah kenke.

Welis tikihtoseh pampa económico moyawalistli pehki temo. Nopa tlamantli panok pampa ne tekittl tlen moyawalistli mosewihtoya, desde ipan década tlen 1930 wan teipah tlen weyi

tlatewelistli segunda guerra mundial, ipan industrializacióntekitl tlen sustitución tlen importaciones. Pampa wetzki produccióntekitl tlen tlakualistli wan nohkia generacióntekitl tlen divisas nochi yaino kiihtosnekiyaya ne agropecuariotekitl tlawel tlaihyowiyaya wan ax weliyaya kimanawia industrializacióntekitl. Ayohkana iwikal eliyaya tlen tlanamakayaya wan tlen tlakowayaya. Nopa tlamantli moixmati ken déficit tlen balanza comercial. Tlen seyok ladoh, ayok onkayaya kaltik tlapalewelistli para mochiwas económica moyawalistli. Ne Estado mexicano iknotzih mokahtoya. Ne tomichiwanih nohkia ax weliyayah moyolchikawah, wan yeka cheneh elki kuantli. Ne tlanawatihketl Echeverría kinehki kichiwas se fiscaltlanawatilli ika kitlalanaskia miak tomih, pero ne tomichiwanih ax kikualittakeh nopa tlamantli. Nopa tlamantli kiihtosnekiyaya ne presidencial nechikolistli ayok kipiaya chikawalistli, wan yeka kintlatlanilki sekinok altepeme ma kitlanetikah tlapalewelistli para kitlalanas gasto público. Yeka ne déficitl tlen finanzas públicas, noso tlapalewelistli tlen kalakiyaya wan tlen kisayaya, tlawel moweyichiyawaya. Kehnopa tlawel moweyichihki tlaxtlawalistli tlen teipah ewanik kixitlawaskiah.

Ipan 17 tlen septiembre tlen 1973 ne regiomontano tomichihketl, Eugenio Garza Sada, tlen eliyaya iaxka ne Cervecería Cuauhtémoc wan weyikaltlamachtiloyan Tecnológico tlen Monterrey ipan 1943, kimiktihkeh tlatewiyanih tlen Liga tlen 23 tlen septiembre. Kemah kitlaltohkeh, iteixmatkawah ika chikawak tlahtolli kiahwakeh ne tlanawatihketl Echeverría. Ika ni tlamantli tlawel mokualanihkeh tomichiwanih nechikolistli wan nechikolistlanawatiyanih. Nopa kuantli teipah moweyichihki pampa onkayaya seyok owihkayotl ipan altepetl. Ipan nopa kawitl, ipan 1975 tlakatki ne Centro Coordinador Empresarial, kampa monechikohtoyah nechikolistli tlen industriales, tlanamakanih, tlayekananih, tomichiwanih wan ne Consejo Mexicano tlen Hombres tlen Negocios (CMHN).

Ika ikuentah, nechikolistli tlen tekitinih, nohkia tlen electricistatekitinih tlen kinyekanayaya ne Rafael Galván, motewiyayah waya ne oficialistas tlayekananih. Miyakeh

nechikolistli tlen obrerrotekitinih wan miltekitinih mosisintoyah. Ipan nopa kawitl onkayayah miyakeh nechikolistli, tlen maóistas wan nohkia tlen católicos tlen tlatzkihtoyah waya Teología tlen Liberación, welis tikihtoseh, tlahlamikilistli tlen kinekiyaya kinmanawis nochimeh iknotlakameh tlen América Latina tlalli. Miak owihkayotl onkayayah ipan nacional yolistli, wan nohkia onkayaya seyok kuantantli tlen ax kinekiyayah ma momati nopa “sokio tlatewilistli”, nopa kiihtosneki, kemah kintewihkeh ewanih tlen motlalanayayah ipan década tlen 1970. Onkayayah miyakeh nechikolistli tlen ax kitlepanittayayah ne nechikolistlanawatiyanih wan kitewiyayah ika teposmeh, yeka ne nechikolistlanawatiyanih kichihki torturas, kintzahki wan kinmiktihki miyakeh militantes tlen motlalanayayah. Kemah panoyaya nochi nopa kuantantli, ne mexicano nechikolistlanawatiyanih kiihtowayaya onkah moyawalistli wan kimanawiyaya Tercer Mundo. Nechikolistlanawatiyanih kinmanawiyayah chileno tlanawatihketl Salvador Allende wan tlen Cuba, wan kinselihki exiliados uruguayos, argentinos wan chilenos.

Pampa axkualli eliyaya economíatekitl onkak inflación, tlen pehki ipan 1973. Onkak nopa kuantantli pampa onkayaya owihkayotl ipan mundial tlanamakalistli pero nohkia pampa mochihki emisión tlen tomih wan tlahkok gasto público ihkatzah axkanah onkayaya tlapalewilistli. Ipan década tlen 1960 precios motlalanayayah san 5% ipan se xiwitl, pero teipah tlen 1973 tlahkokeh 20%. Nopa tlamantli kichihki ma axkanah ipatih peso ipan agosto tlen 1976. Tlen 12.50 pesos eliyaya se dólar, desde ipan 1954, tlahkok ika 20 pesos. Kehni pehki devaluación tlen kichihki ne peso ma kipolo 760 weltah ipatih ipan agosto tlen 1976 wan noviembre tlen 2000 (tlen 12.50 a 9500 pesos ika se dólar, tlan axkanah tikixtiliseh eyi ceros tlen kikixtilihkeh ipan tlanawatilli tlen 1993). Para mokualtlalis owihkayotl tlen 1973, ne nechikolistlanawatiyanih tlen Echeverría momanawihki waya ne Fondo Monetario Internacional. Wan pampa kitlanetih tomih, nopa nechikolistli kinawatihki ma kichiwa recortes tlen gasto público.

Teipah se kualli tlamantli kinpantik nechikolistlanawatiyanih wan nochimeh mexkoewanih kemah pewayaya 1978 pampa kinasikeh wehweyih kampa mantok petróleo ipan Sonda tlen Campeche. Mexko sampa motlalanaskia pampa onkaskia miak tlapalewilstli, kiihtohki tlayekanketl López Portillo. Yeka motlatlanilki kalteno tlapalewilstli, para ne Pemex motlalanas wan kualli tekitis. Nochi kualli elito: welis tikihtoseh, ne exportación tlen crudo panok tlen 94 000 barriles ipan 1976 ika 1.5 millones ipan 1982. Ipan sur tlen Veracruz, Tabasco wan Campeche pampa asito ne Pemex onkak kualli tlamantli wan tlen axkanah. Kualli tlaniyayah tekitinih, pero nohkia kinixpanoyayah, monekiyaya miyakeh kalmeh kampa ax onkayaya infraestructura, kipaswiyyayah tlalli wan atl pampa tlawel monekiyaya divisas. Pa nimah petrolera tlapalewilstli motlalanki hasta kemah elito tercera parte tlen nochi tlapalewilstli tlen egresos tlen ne federación.

Nochi ni tlamantli panok pampa onkak owihkayotl ipan nochi tlaltipaktli tlen pehki ipan 1973. Tlaxtlawalistli tlen kintlalwilih ne Organización tlen Países Exportadores tlen Petróleo (OPEP) ipan 1973 ne Estados Unidos wan sekinok altepeme, ika yaino tlahkok ipatih tlen se barril tlen petróleo, tlen panok tlen eyi dólares ipan 1970 ika más tlen 35 ipan 1981. Nochi economía tlen tlaltipaktli wiwipikak pampa tlahkokeh ipatih tlen teposmimilonih wan tlen insumos. Nochimeh miles tlen millones tlen dólares tlen kitlanihkeh petroleros altepeme kalahkeh ipan sistema financiero internacional, yeka temokeh tasas tlen interés. Teipah miyakeh tlawikatoh.

Tlen ika ni tlakotontli ipan nochi tlaltipaktli moitzkihki mexicano nechikolistlanawatiyanih para welis kikualtlalis wan kipewaltis petrolerrotekitl. Ipan 1996 kalteno tlawikalistli eliyaya tlen 1 900 millones tlen dólares, pero ipan 1982 eliyaya 30 weltah más: tlawikayaya 59 000 millones. Ne funcionariotlanawatiyanih ax mokuesowayayah, pampa moihliyyah ipatih tlen barril tlahkoyaya, welis hasta 70 dólares. Nochi weliskia moxitlawas.

Pampa tlawel motlalanayaya gasto público ipan década tlen 1970 onkak indicadores tlen kualli, welis moihtos motlalanki

tasa tlen moyawalistli ika 7% ipan se xiwitl, motlalanayayah salarios reales—welis hasta ipan 1976—wan onkak tlapalewilistli tlen pahtli, tlamachtistli wan infraestructura desde ipan 1929. Tlahlamikinih kiihtowayayah, temokeh desigualdad social wan regional ipan nopa década.

Onkak ome tekitl tlen kualli mochihi ipan ni kawitl wan tlen wahkahkeh. Tlen achtowi eli onkak se yankuik demográficatlanawatilli, tlen kisenkawayaya natalidad tlamantli. Momatiyaya ne economía axkanah weliyaya kinmanawiya nochimeh ewanih tlen altepetl tlen tlawel moweyichiwayayah. Nechikolistlanawatiyanih monekiyaya kikualtlalis nopa tlamantli. Ipan marzo tlen 1974 mokualtlalki ne Consejo Nacional tlen Población (Conapo) tlen tekitiskia para ma axkanah tlawel momiakilikah ewanih. Ni gubernamentalatlanawatilli, ihkatzah ax kitlepanittayaya iglesia católica, kualli kisato. Pampa ne tasa tlen moyawalistli tlawel temok ipan décadas tlen teipah, tlen 3.6 a 2.6% ipan 1970 wan 1990.

Tlen seyok tlamantli elki tlen política. Teipah tlen presidenciales tlaphephenalistli tlen 1976 ne candidato tlen PRI san ya mawiltihki, ne nechikolistlanawatiyanih tlen López Portillo kikualtlalki se tlanawatilli ipan 1977 para mokalakiseh ipan partidaria tlatewilistli políticas nechikolistli tlen kuekuetzitzihi eliyayah, tlen izquierda nechikolistli. Ika sistema tlen representación proporcional, tlen kitlalki ome tlamantli tlen kenihki kinphephenaseh diputados (uninominal wan plurinominal), tlen ika porcentaje tlen tlawasantli tlen kiseliyaya se nechikolistli, partidos ken ne Comunista, ne Mexicano tlen Trabajadores wan ne Demócrata Mexicano (tlen eliyaya sinarquista) kalahkeh ipan electoral yolistli. Yeka onkak comunistas tlanawatiyanih ipan congreso mexicano. Ika ikuentah, ne PAN nohkia kinkalakihki sekih federales tlanawatiyanih. Ihkatzah ne electoralatlanawatilli tlen 1977 ax kikualtlalki subordinación tlen legislativo chikawalistli ika tlen ejecutivo federal, wan nohkia hegemonía tlen PRI, elki se kualli tlen achtowi mochihi para teipah mopatlaskia sistema tlen

tlapehpenalistli, wan welis tikihtoseh, kentzih mokualtlalki nochi altepetl.

Ihkatzah kehni, onkak miyakeh económicos wan políticos kualantli ipan 1981 wan 1982. Namantizh tikittaseh.

Tekitl tlen petrolerotlanamakalistli axkualli elki. Desde ipan mayo tlen 1981 ipatih tlen petróleo pehki temo, wan tasas tlen tlaxtlawalistli ya motlalanayayah. Welis tikihtoseh kalakiyaya san kentzih tomih wan kisayaya miak pampa onkayayah intereses tlen tlaxtlawalistli, tlawel miak kualantli kipiaya finanzas públicas. Ipan agosto tlen 1982 ne secretario tlen Hacienda kiihtohki postehki economía mexicana wan kiihtohki ayohkana kintlaxtlawis altepemeh tlen kintlawikiliyayah. Ne especuladortlakameh wan nohkia kuekuetzitzih tomiahkokuiyanih tlen kinekiyayah kinmanawiseh ininchikawaloh kinkixtihkeh miyakeh dólares wan yeka tlahkok ipatih tlen moneda tlen 26 a 70 pesos. Ne inflación tlahkok echka 100%. Ipan ni owihkayotl kawitl, ipan 1 tlen septiembre tlen 1982 ne tlanawatihketl tlen república kiihtohki mochiwas expropiación tlen banca. Sekih kiamatihkeh, pero sekih ax kuikualittakeh. Welis tikihtoseh miyakeh ewanih ayok kitlepanittayayah nechikolistlanawatiyanih.

MOOLLINIHKEH EWANIH WAN POLÍTICO TLAPATLALISTLI, 1982-2000

Pampa kipehpenkeh Margaret Thatcher ken primera ministra tlen Gran Bretaña ipan 1979 wan ne Ronald Reagan ken tlanawatihketl tlen Estados Unidos ipan 1980 ika nopa ome tlamantli welis moihtos pehki conservadora tlanankilistli tlen owihkayotl tlen 1973. Monekiyaya mochiwas ome tlamantli, temos gasto público wan moyolchikawas empresa privada wan ax motlepanittas iteki tlen Keynes yon tlen Estado tlen bienestar. Namah monekiyaya onkas economistatekitinih, inihuantih kiihtowayayah onkayayah miak kualantli pampa ne gasto público ax kimalwiayah. Ipan nopa

kawitl nohkia onkayaya tlatewilistli waya Unión Soviética wan yeka monekiyaya se armamentistatekitl, ipan Estados Unidos. Tlen yankuik papa, tlen kipehpenkeh itlamia 1978, mokalakihki ipan ni owihkayotl. Ipan febrero tlen 1979 ne Juan Pablo II tepaxaloko Mexko. Weyi tlaahomantok mochihihi pampa miyakeh ewanihi kinekiyayah kiitaseh.

Onkayaya owihkayotl kemah tlamiyaya tlanawatia ne López Portillo, kemah onpakisayaya ne personal tepostlahkuilolli wan motekiyaya ipan oficinas, empresas, kalmeh wan kaltlamachtilyan, ipan noka kawitl onkak se weyi tlapatlalistli, tlen miyakeh ewanihi tlen altepetl ax kinkualchihki. Nopa kuantantli kikualtlaliskia tlen yankuik tlanawatihketl, ne colimensetlakatl Miguel de la Madrid (1982-1988). Iwikal ken kichiwayayah nechikolistlanawatiyanihi tlen Estados Unidos wan tlen Gran Bretaña, wan pampa ne Banco Mundial wan ne Fondo Monetario Internacional kitlaltoyah tlanawatilli para mokualtlalis owihkayotl tlen 1982, ne gasto wan inversiones públicas tlawel temohkeh (temok se tercio tlen gasto corriente ipan 1983) wan pehki monamakah empresas paraestatales. Monekiyaya motemowis ne déficit tlen finanzas públicas. Motlalanayaya inflacionario tlamantli wan salarios tlawel temoyayah. Wan onkak miyakeh tlen axkanah kipiayah tekitl. Miyakeh ewanihi moihlihkeh ininseltih monekiyaya momanawiseh. Yeka motlalanki autoempleo: onkak cientos wan teipah miles tlen ambulantetlanamakanihi tlan tlanamakayayah ohtentli, tlanempa, ohmeh. Sekinok tlakameh wan telpokameh yahkeh Estados Unidos axkanah ika xitlawak. Wan sekinok tlanankiliyayah ika miak tlamantli, ken ne tekitinihi tlen Coordinadora Nacional tlen Trabajadores tlen Educación, kampa monechikohtoyah desde ipan 1979 miyakeh tlamachtinihi tlen ax kitlepanittayayah oficialista tlayekanalistli wan pampa wetzkeh salarios. Sekinok kikonankeh ohtli tlen tlaphephenalistli; pehkeh kitlanihi ne PRI ipan municipales tlaphephenalistli ipan sekih chinankomeh, ipan norte tlalli tlen altepetl, ken altepemeh tlen estados tlen Durango wan Chihuahua wan ipan fronteriza altepetl tlen Ciudad Juárez ipan 1983. Desde

wankinoh miyakeh nechikolistli wan ewanilh tlen mosisintoyah tlanankiliyayah wan motekpanayayah ipan ohmeh, tlanempa, kintzakwayayah weyi ohmeh wan casetas kampa panoyayah teposkawayomah, kalakiyayah ipan oficinas wan kintzakuiyayah ne televisoras, mochiwayayah plantones, marchas wan huelgas tlen mayantli. Welis tikihtoseh achtowi nohkia onkayaya kualantli tlen yani, pero namah tlawel miak onkayayah wan axkanah san mokalakiyayah tlen iknotzitzih obrerotekitinih wan miltekitinih namah nohkia nechikolistli tlen tomichiwanilh wan tlen tlatlahko ewanilh tlen urbana wan agraria.

Weyi tlaollinilistli tlen 19 wan 20 tlen septiembre tlen 1985 kualli kiwilanki tlalli tlen centro-oeste tlen altepetl. Ipan Mexko altepetl miyakeh ewanilh ixpolihkeh. Ne nechikolistlanawatiyanilh axkualli temanawih. Nochimeh ewanilh kena kualli momapalewihkeh. Nechikolistlanawatiyanilh tlaihyowiyaya wan ewanilh moyolchikahtoyah. Nesiyaya ne nechikolistlanawatiyanilh kipoltoya iohwi. Nohkia kiski seyok weyi kualantli, ne narcotráfico tlamantli pehki moyolchikawa. Nopa axkualli tekittl ipan décadas tlen 1980 wan 1990 mosemoyahki pampa ipan sekih altepemeh tlawel kikowayaya ne mariguana, cocaína wan sekinok sustancias enervantes, ken ne Estados Unidos. Ipan ni tekittl monechikohkeh colombianos tekitinih, mexkoewanilh tlanamakanilh wan norteamericano distribuidortlakameh. Tlamokuitlawiyanilh kinkowayayah ika tomih, wan tlawel momiktiyayah, “kipapakayaya” tomih tlen ni tekittl, kinitzkiyaya sekih capos ken ne Rafael Caro Quintero wan momatiyaya kintzakuiyayah cargamentos, nochi yani tlamantli kitilanayaya opinión pública. Seyok kualantli onkayaya miyakeh tlachtekinilh wan kinichtekiyayah ewanilh ipan wehweyih altepemeh wan nohkia tlachtekiyayah ipan wehweyih ohmeh, iwikal ken panoyaya ipan xiwilpilli XIX.

Pampa onkayayah miak kualantli wan económica owihkayottl tlanawatiyanilh wan sekinokeh empresariales nechikolistli pehkeh moihliah nopa modelo tlen tlapatlalistli tlen importaciones ayok kualli eliyaya. Yeka teipah yolik motlapotiyahki tlanamakalistli

ipan nochi tlatipaktli. Teipah ipan 1986 mochihihi adhesión ipan Acuerdo General tlen Aranceles Aduaneros wan Comercio (GATT ika ingléstlahtolli) nopa tlamantli kineskayotiyaya económica tlapatlalistli tlen altepetl. Ipan kawitl tlen economía moyawalistli norteamericana, ne industria maquiladora, tlen kinkowa insumos wan componentes, kinkualtlalia ipan altepetl pero pampa teipah kinnamakass, pehki motlalana; nohkia panok ika empresas tlen kinchiwayayah teposkawayomeh wan kintlapohki yankuikah plantas ipan Aguascalientes, Sonora, Chihuahua wan Coahuila. Miyakeh fábricas tlen Mexko altepetl pehkeh mokaltzakuah noso yahkeh ipan sekinok tlalli. Nopa altepetl, tlen kineskayotiyaya modernizadortekitl tlen kimanawiyaya ne Estado, pehki weloni pampa ayok kipiaya chikawalistli tlen tomih.

Kehni wan ika inflación tlen echka 160% ipan 1987 pehki campaña tlen presidenciales tlaphepenalistli tlen 1988. Pampa moxexelohki PRI kiski se Corriente Democrática tlen kiyekanayaya ne Cuauhtémoc Cárdenas, ikoneh tlen extlanawatihketl Lázaro Cárdenas, tlen elki tepalewihketl tlen partido oficial ipan miyakek xiwimeh wan gobernador tlen Michoacán. Ne Corriente Democrática kitokilihkeh sekih nechikolistli tlen teipah kikualtlalkeh ne Frente Democrático Nacional. Candidato priista elki ne tlakatl Carlos Salinas de Gortari. Tlen PAN elki ne sinaloense Manuel J. Clouthier, tlen kinmanawiyayah tomichiwanih tlen ax kitlepanittayayah nechikolistlanawatiyanih yon PRI pampa mochihihi expropiación tlen banca.

Tlaphepenalistli tlen 2 tlen julio tlen 1988 moihlamiki pampa “wetzki ne sistema” tlen kinpowayaya tlawasantli. Pampa panok nopa tlamantli mosisinihkeh partidos tlen oposición, pero ihkatzah yaino ne electoral tlanawatihketl, tlen kiyekanayaya ne secretario tlen Gobernación, kimatlalanki ne candiato priista Salinas. Panistas wan cardenistas nel mosisinihkeh. Kiihtowayayah ne candidato oficial kipoltoya wan yeka mochihihi nopa tepostlakakayahtli. Pero yolik, wan pampa ne candidatos tlen kipolkeh Clouthier wan Cárdenas axkemah mosenkahkeh kenihki mopalewiseh,

nochimeh tlanankilistli tlen electoraltlakakayahtli sehkeh wan ne candidato Salinas ya tlatlanki. Welis moihtos ne PRI kena tlatlanki, pero nopa electoraltlakakayahtli tlen 1988 axkanah san ihkinoh elki. Tlen yankuik tlanawatihketl miyakeh ax kitlepanittayayah. Para welis moyolchikawas, ne tlanawatihketl Salinas temakak se mediático puñete: ipan enero tlen 1989, ika se policiaco wan militar tlamawisolli kiitzkihki ne tlayekanketl tlen petrolerotekitinih Joaquín Hernández Galicia, tlen kiixmatiyayah ken *La Quina*. Tlen seyok tlamantli elki motlepanittak ipan 1989 tlatlanki se candidato opositor (ne panista Ernesto Ruffo) se gobernatura, tlen Baja California. Seyok tlamantli elki tlakatki, nohkia ipan 1989, ne Partido tlen Revolución Democrática (PRD), kampa monechikohtoyah tlen expriistas, comunistatlakameh, socialistatlakameh wan tlen sekinok pamitl.

Ne nechikolistlanawatiyanih pehki tekiti ipan se kawitl kemah mochiwayayah wehweyi tlapatlalistli. Ipan 1989 wan 1991 ne Muro tlen Berlín, ne nechikolistli tlen socialistas europeos altepemeh wan ne Unión Soviética polihkeh. Nochimeh ni tlapatlalistli kinyolchikahkeh posturas oficialistas estadounidense wan británicas tlen kinekiyayah ma temo gasto público wan ma moxitoma tlanamakalistli ipan nochi tlaltipaktli, wan nohkia ma moyolchikawa inversión privada wan mercadotlanawatilli, tlen moixmati ken “neoliberalismo”. Ipan Mexko, nochi yaino tlamantli mokakiyaya wan yeka nechikolistlanawatiyanih kikixtilki tlapalewilistli ne Estado, kikualtlalki inflación wan kinnamakak empresas gubernamentales, ken ne bancos wan Teléfonos tlen Mexko, tlen ni último eltoya imako desde ipan 1972. Kiseh yankuik tomichiwanih, ken ne Carlos Slim. Nohkia mokalakihkeh yankuik tlanawatilmeh, welis tihtokaxtiseh, tlen artículo 27 tlen amatlanawatilli, tlen ika tlanki moxexelowa tlalli wan tlen ika welis mochiwaskia enajenación tlen ejidomeh. Seyok elki tlen artículo 130 tlen amatlanawatilli tlen kintlepanittayaya ika xitlawak ne teokalmeh wan onkah manoh para ewanih creyentetlakameh kineltokaseh san katlia kinekiseh.

Nopa tlanawatilli kichihki nohkia ma sampa waya mowika ne Vaticano.

Ipan 1989 wan 1990 monekiyaya mokualltlalis mexicana tlaxtlawalistli tlen kalteno, tlen hacienda pública ika owi kimamayaya desde ipan 1981. San kentzih temokeh cuentas macroeconómicas tlen nechilokistlanawatiyanih, temokeh déficit tlen finanzas públicas wan inflación, pero economía nohka weloniyaya. Tlaxtlawalistli wan tekittl nohkia weloniyaya. Ax onkayaya tlapalewistli para moyolchikaseh pamitl tlen pahtli wan tlen pública tlamachtistli wan yeka miyakeh ewanih tlaihyowiyayah. Ipan chinankomeh tlatohkanih wan nohkia kuekuetzitzih tomichiwanh tlaihyowiyayah ika gubernamental tlanawatilli tlen san kinmanawiyaya tlen weliyayah kinnamakah iproductos ipan kalteno. Yeka kiski se nechikolistli tle itokah El Barzón ipan 1993, kampa mosentiltayah bancatlawikanih, tlen miyakeh eliyayah tlatohkanih, ni tlamantli kiihtosnekiyayah miyakeh tlen tlatlahko ewanih mosisintoyah. Pero gubernamentalestlahtowanih inihuantih kiihtowayayah Mexko echka asi ipan Primer Mundo. Kiihtowayayah san monekiyaya mowasanis ne Tratado tlen Libre Comercio (TLC) waya Estados Unidos wan Canadá.

Welis tikihtoseh, monekiyaya ne Estado axkanah mokalakis ipan economíatekitl wan mercancías weliseh motlaloseh wan monamakaseh ipan miyakeh altepemeh, kehnopa eliyaya yankuik amatekitl tlen económico moyawalistli, wan ika yaino nechikolistlanawatiyanih kalakiskia ipan globalización económica. Iwikal ken ika GATT ipan 1986, ne salinista nechikolistlanawatiyanih kinekiyaya ma onkah tlanamakalistli waya Estados Unidos wan Canadá. Ika nopa tlamantli ayohkana mochiwaskia tekittl tlen sustitución tlen importaciones wan moyolchikawaskia tlanamakalistli tlen kalteno wan ihkinoh motlalanaskia nacional moyawalistli. Nopa tekittl mochiwayaya para kualli mowikas waya Estados Unidos, ipan pamitl tlen tekittl, pampa onkayayah miyakeh maquiladoras, kampa yowiyayah exportaciones wan mexkoewanih miyakeh millones kinahkokuiyayah ipan bancos tlen nopa altepetl. Tlen teipah kawitl,

ne economía mexicana tlawel tlatzkitoya waya tlen ivecino. Ne TLC mokualtlalki ipan 1993 wan pehki tekiti ipan 1 tlen enero tlen 1994. Nochi nesiwaya kualli eltok pero 1994 elki se xiwitl kemah panok miak tlamantli.

Tlen achtowi panok ipan nopa xiwitl elki tlatewilistli tlen Ejército Zapatista tlen Liberación Nacional, EZLN, ipan Chiapas, ipan primer tonatih tlen 1994. Masewalmeh tlen nopa nechikolistli kiihtohkeh kitewiseh ne weyi tlanawatihketl, ne tlayekanketl tlen república. Kalahkeh ipan miyakeh chinankomeh, tlen más ipatiyaya eliyaya San Cristóbal de las Casas. Miyakeh nechikolistli ipan Mexko altepetl kiihtowayah ma tlami tlatewilistli. Ne tlatewilistli san wahkahki 11 tonatih, pero ika yaino panok miak tlamantli. Pampa echkatzihi tlen Primer Mundo onkayah miyakeh nechikolistli tlen ewanilh tlen kinekiyayah miak tlamantli (pahtli wan tlamachtlistli) wan nohkia tlanawatilli ika moyolchikawaseh masewalchinankomeh. Welis tikihtoseh axkanah san ipan Chiapas onkayah iknotlakameh, pero ipan nopa tlalli nohkia monamikiyayah tekitl tlen radicales nechikolistli tlen altepemeh, ken ne “subcomandante” Marcos, tlen católicotlakameh tlen kimanawiyayah Teología de la Liberación, nochi yaino panoyaya pampa onkayah expansión ganadera wan tloxolewalistli tlen tlalli, wan nohkia motlalanayaya ne protestantismo. Nopa tlatewilistli ax kikualchihki nechikolistlanawatiyanih.

Tlen seyok tlamantli elki kimiktihkeh ipan marzo ne candidato priista tlen kinekiyaya tlanawatis, ne sonorensetlakatl Luis Donaldo Colosio. Nochi axkualli eltoya ipan nechikolistlanawatiyanih. Welis pampa nochi yaino panoyaya, tlen yakuik candidato priista, ne altepetlakatl Ernesto Zedillo, ya tlatlanki ipan tlaphepenalistli tlen julio tlen 1994. Wan onkak seyok político tlamiktlistli ipan septiembre kemah se weyi tlayekanketl tle PRI, ne José Francisco Ruiz Massieu, kimiktihkeh. Tlen seyok tlamantli tlen panok ipan xiwitl tlen 1994 elki kemah eliskia navidad wan elki tlen económica tlamantli. Onkak devaluación tlen peso tlen 100% wan ni tlamantli ax kikualchihki economía mexicana, tlen ipan 1995

temok tlen 6%. Ax onkayaya tekitl, temok tlaxtlawalistli wan tasas tlen interés motlalankeh. Onkayayah miyakeh tlawikanih, tlen achtowi kitokilihkeh salinistatlahlamikilistli, pero tlen teipah ax welkeh tlaxtlawah tlen tlawikayayah (sekih ika dólares) pampa kiselihkeh tomih tlen ika kinkohkeh teposmeh, insumos, kalmeh wan teposkawayomah, ika nochi yaino tlaihyowiyayah bancos. Tlen tlatlahko mexkoewanih, tlen kiskeh kemah onkak económico moyawalistli tlen posguerra, tlawel tlaihyowihkeh. Ika tlapalewilistli tlen Estados Unidos, ne nechikolistlanawatiyanih tlen Zedillo moyolchikahki wan ipan se xiwitl teipah, nohkia ika tlapalewilistli tlen petróleo, onkak económico moyawalistli. Pero monekiyaya mochiwas se weyi tlaxtlawalistli: ne nechikolistlanawatiyanih monekiyaya tlaxtlawas nochimeh pasivos (ne préstamos incobrables) tlen bancos, sekih tlen axkualli eliyayah, tlen Fondo Bancario tlen Protección tlen Ahorro, tlen moixmati ken Fobaproa. Nechikolistlanawatiyanih kiihtohki monekiyaya mochiwas nopa tlamantli para kinmanawis mexkoewanih tlan onkaskia quiebra bancaria. Pero ika nopa tlamantli tlen mochihki kiski seyok tlaxtlawalistli para ne hacienda pública tlen tlawel tlaihyowiyaya, tlaxtlawalistli eliyaya tlen 60 000 millones tlen dólares, wan nohkia tlen intereses.

Onkayaya miak tlawikalistli tlen 1995 wan tlen década tlen 1980, tlen motokaxtia “década tlen mopolki” tlen moyawalistli tlen América Latina. Ipan nopa kawitl millones tlen mexkoewanih tlawel tlaihyowiyayah ika owihkayotl. Wan nohkia ipan década tlen 1990 ax tlaawetzki wan nopa tlamantli ax kinkualchihki chinankomeh, nohkia pampa ax onkak gubernamental tlapalewilistli ipan decenio tlen panok wan pampa kalikiyayah tlamantli tlen kalteno taskamati ika oficiales tlapalewilistli tlen kipiayah. Miyakeh ewanih yahkeh tekititoh ipan Estados Unidos. Ipan 1997 echka chiknawi millones tlen mexkoewanih ewayayah ipan Estados Unidos. Nopa migrantetlakameh tlawel tepalewiyayah ika divisas tlamantli: tlen echka eliyayah 6 000 millones tlen dólares ipan 1997, tlen eliyayah achi más tlen tomih tlen turismo. Ipan xiwimeh

tlen teipah nopa remesas más moweyichihkeh hasta kemah elitoh 13000 millones tlen dólares ipan 2003, ni tlapalewelistli iwikal eliyaya tlen exportación petrolera, pero kintlaniyaya inversión tlen kalteno wan tlapalewelistli tlen turismo. Nawi entidades tlen tlatlahko tlen altepetl, ken Michoacán, Jalisco, Guanajuato wan Mexko, kiseliyayah miak tlen ni tlapalewelistli.

Kemah tlamiyaya xiwilpilli XX, tlen más miyakeh ewanilh awayayah ipan altepemeh, wan ewanilh tlen mokawayayah inihuantih awayayah ipan miyakeh kuekuetzitzih chinankomeh. Ne siwameh, ayok más konepiyayah (nopa promedio temok tlen 6.1% ipan 1974 a 2.5 ipan 1999), wan nochimeh inihuantih namah tekitiyayah. Ne analfabetismo nohkia temok tlen 45% ipan 1960 a 9.5% ipan 2000 xiwitl. Ne protestantetlakameh, tlen mosentiltayah ipan miyakeh wan tlapaltikeh iglesias, eliyayah miyakeh, ipan sureste tlalli. Onkak miyakeh divorcios wan kalmeh kampa tleyakanayayah siwameh. Tlen seyok tlamantli, tlen opinión pública, motlapohkeh ne medios tlen comunicación, onkak competencia wan independencia wan yeka miyakeh ewanilh mokalahihkeh ipan nopa tlamantli wan ipan miyakeh pamitl, kimanawiyayah xitlawalistli tlen tlakameh, tlen siwameh, tlen politoyayah, tlen masewalchinankomeh, tlen kipiayah kokolistli tlen sida wan tlen homosexuales. Ipan ni kawitl nohkia pankiskeh miyakeh no gubernamentales nechikolistli wan mochihi ika tekittl tlen ewanilh. Tlen miyakeh indocumentadotlakameh tlen mikiyayah pampa kinekiyayah asitih ipan altepetl tlen norte noso tlen más tlen 300 ichpokameh tlen kinmikiyayah ipan Ciudad Juárez, Chihuahua, desde ipan 1990 nochi yaino kisayayah ipan amaperiódicos wan ipan tepostli.

Welis tikihtoseh tlan kena onkayaya económicas owihkayotl nohkia mochiwayaya kualli tekittl tlen ika monekiyaya mopatlas miak político tlamantli wan onkas democráticas tlamantli, kemah mochiwaskia tlaphepenalistli. Nikah welis tihtokaxtiseh constitucionaltanawatilli tlen 1996 tlen kimakak autonomía ne Instituto Federal Electoral (IFE). Desde ipan 1946 ne federal

nechikolistlanawatiyanih ax kipiaya imako ne tlapehpenalistli, namah kipiaya imako ewanilh tlen ax kipiayah partido. Tlen yankuik IFE kiihtosnekiyaya tlawel monekiyaya tlamis hegemonía tlen PRI wan tlen tlanawatihketl tlen república; wan nohkia kiihtosnekiyaya monekiyaya onkas miak tlapatlalistli pampa miyakeh ewanilh kehnopa kinekiyayah wan yeka mokalakiyayah. Nohkia iwikal elki ika tlanawatilli tlen ika mochihi tlapehpenalistli tlen tlanawatihketl tlen Distrito Federal, tlen eliyaya se tlamantli tlen tlawel ipatih para ne presidencialismo tlen wahkakia. Ne oposición miyakeh tlapehpenalistli kintlaniyaya ipan municipios, congresos locales wan gubernaturas. Nikah welis tihtokaxtiseh kemah tlatlanki ne perredistatlatkatl Cárdenas, tlen elki tlen achtowi tlanawatihketl tlen Distrito Federal ipan 1997. Ipan ni xiwitl ne PRI nohkia kipolki mayoría ipan Cámara tlen Diputados.

Ipan 2000, ika se población tlen 97.5 millones tlen ewanilh, echka makuilli weltah más ken ipan 1930, Mexko eliyaya tlen matlaktli wan se altepetl kampa más ewanilh onkayayah ipan nochi tlaltipaktli. Onkayaya chikawalistli tlen ewanilh: ne esperanza tlen yolistli elki 75 xiwimeh, kemah ipan 1930 eliyaya san 36. Ayohkana miyakeh konemeh tlakatiyayah wan mikiyayah yeka ewanilh motetachihkeh. Pero desde 1984 nohkia motlalanke desigualdad social wan san sekinokeh ewanilh kipiayah tlapalewelistli. Wan miyakeh ewanilh, tlen tlahko tlen nochimeh, ihkinoh kiihtowayayah nechikolistlanawatiyanih, noso ome tercios tlen ewanilh, ihkinoh kiihtowayayah tlahlamikinih, eliyayah iknotlakameh. Ne geografía kineskayotiyaya nopa tlaxolewalistli tlen tlalli kampa onkayayah tomih ken ne Distrito Federal, ne occidente wan norte, wan kampa ax onkayaya, ipan sur (Guerrero, Oaxaca, Chiapas).

Presidenciales tlapehpenalistli tlen 2000 mochihihkeh ipan se kawitl kemah miak owihkayotl onkayaya, ken ne corrupción institucional, tlachtekilistli tlen fraudes bancarios wan tlachtekilistli “tlen cuello blanco”, economía ika owi motlalanayaya, miyakeh ewanilh ax kipiayah tekittl wan tlaxtlawalistli san ketzih eliyaya pampa temotoya 73% desde ipan 1976. Ne candidato priista elki ne

sinaloensetlakatl Francisco Labastida. Mawiltihki waya Cárdenas wan waya ne panista Vicente Fox, tlen eliyaya extlanawatihketl tlen Guanajuato. Ipan yowalli tlen 2 tlen julio tlen 2000, ne IFE wan tlanawatihketl tlen república kiihtohkeh tlatlanki Fox. Miyakeh ewanilh kikualittakeh nopa tlamantli pampa moihliyaya nopa tlakatl kualli tekitis wan nohkia kinpalewis. Ne Fox miyakeh ewanilh kipalewihkeh para ma tlatlani. Miyakeh ewanilh kinekiyayah ma onkah se tlapatlalistli tlen régimen político, pero nohkia welis moihtos ax nochimeh kitokiliyayah ne Fox. Nopa tlamantli moitttak pampa ne PAN ax kixxilki mayoría ipan Congreso tlen Unión. Ihkatzah nochi yaino, welis tikihtoseh pampa tlatlanki ne candidato opositor tlamiyaya político tlasenkawalistli tlen pehki kemah kimiktihkeh ne Obregón ipan 1928, wan mokawayaya tlatepotzko se kawitl tlen kemah san tlanawatiyayah san ne partido oficial wan tlayekanketl tlen reública tlen eltoyah ipan nopa kawitl. Se tlamantli tlen kualli para nochimeh, sekinok tlamantli tlen nopa tlasenkawalistli, ken ne subordinación tlen fuerzas armadas tlen tlanawatihketl, ya axkanah moolinihkeh. Ihkinoh, altepetl kalakiyaya ipan se yankuik xiwilpilli ika se kualli tlapatlalistli, tlen política pamitl. Ika nochi nopa tekitl monekiyaya onkas chikawalistli wan nochimeh ewanilh moyolchikawaseh wan kualli itztoseh. Yeka miyakeh ewanilh mokalakiyayah ipan políticos tlamantli, ewanilh moyolchikahtoyah, wan inihuantih tlamokuitlawiskiah para ma kualli mosenkawa nopa tekitl.

Ipan ni chikome decenios (tlen 1928 a 2000), Mexko kipixki se kualli kawitl tlen política wan social tlamantli. Welis tikihtoseh ipan xiwilpilli XX kena kualli tekitl mochihki, ax iwikal ken mochihki ipan xiwilpilli XIX. Nohkia ipan ni kawitl onkak económico moyawalistli tlen ika motlalankeh altepemeh wan tlen tlatlahko ewanilh. Pero nohkia moneki moihtos miyakeh ewanilh tlawel iknotzitzih eliyayah wan itztoyah ipan chinankomeh wan nohkia ipan altepemeh wan sekinok ewanilh tlen axkanah kitlepanittayayah nechikolistlanawatiyanih inihuantih nohkia miak tlaihyowiyayah. Welis tikihtoseh nopa desigualdad social kentzih temok ipan 1960

wan 1980 pero teipah sampa chikawak motlalanki. Nohkia ne pamitl tlen economía tlen nochi tlaltipaktli (ne weyi depresión, ne posguerra wan ne owihkayotl tlen pehtoya ipan 1973) ax kinkualchihki nochimeh mexkoewanih. Onkak owihkayotl pampa panok miak tlamantli ken ne tlapatlalistli tlen tlanamakalistli ipan nochi tlaltipaktli wan tlen economía norteamericana, ayohkana mochihki tekittl tlen Estado interventor ipan tlahko década tlen 1980, nochi yaino kichihki ma onkah owihkayotl ipan político tlasenkawalistli tlen tlen mokualtaltloya desde ipan 1929. Tlan kemah pewayaya década tlen 1930 Mexko tlawel tlaihyowiyaya ika miak tlamantli, ipan 2000 xiwitl kinekiyaya sampa nochi kualantli kinkualtlalis wan kehnopa moyolchikawas wan welis pankisas. Welis tikihtoseh ipan ni kawitl mexkoewanih kena moyolchikahkeh kemah tlamiyaya xiwilpilli, ika yaino tikumachiliseh político tlapatlalistli tlen onkak ipan 2000 xiwitl. Pero welis tikihtoseh nochimeh ewanih nohka miak tekittl poliwiyyah kichiwasah para onkas kualli tlapatlalistli, para kualli itztoseh wan moyolchikawaseh.

MOKUATAKANKI ECONÓMICO TLAMANTLI WAN ONKAK DEMOCRÁTICA KUESOLLI, 2001-2015

Ne mexicananemilistli tlen achtowi 15 xiwimeh tlen xiwilpilli XXI moixmati pampa san kentzihi motlalanki demográfico wan económico tlamantli, wan nohkia pampa kipolki se tlamantli: ne condición tlen se petrolero altepetl. Ipan ni kawitl tlanawatihkeh ome panistas nechikolistlanawatiyanih (2000-2012) wan sampa mokuepki PRI ipan presidencia ipan 2012. Motlalankeh tlen narcotraficantes nechikolistli desde ipan 2007, wan miles tlen ewanih tlaihyowihkeh ika ni tlamantli. Yeka miyakeh ewanih mosisinihkeh, pampa kiihtowayayah altepetl axkanah moyolchikawas ihkinoh. Ne democracia, tlen miyakeh kitokiliyyah ipan 2000, teipah eyi lustros miyakeh ayohkana kitlepanittayayah.

Ewanih wan economía

Ipan 2000 wan 2010, mexicana ewanih panok tlen 97.5 a 113.3 millones, san moskaltihki tasa ipan se xiwitl tlen 1.4%, tlen más kuekuetzih desde ipan 1930. Ni tlamantli panok pampa wetzki fecundidad tlamantli, ni kiihtosneki, siwameh ayok más konepiyayah: tlen 6.6 ipan promedio ipan 1970 a 2.3 ipan 2010. Tlahkok índice tlen escolaridad wan siwameh tlen tekitiyayah yeka panok ni tlamantli, nohkia pehki motekiwia métodos anticonceptivos, wan yeka ne familias ax más wehweyih eliyayah. Nohkia welis moihtos ewanih tetatzitzihi mokupepayayah, wan nohkia ne indicadores demográficos kinextihkeh se tlamantli tlen axkualli eliyaya: temok esperanza tlen yolistli tlen sekinok tlakameh ipan sekinok tlalli tlen altepetl, ni tlamantli panoyaya pampa miyakeh tlakameh kinmikiyayah wan nohkia pampa miyakeh mokokowayayah tlen diabetes. Ika nochi ni tlamantli welis tikihtoseh mokotonki tendencia tlen mochihi ipan nochi xiwilpilli XX.

Ne Encuesta Intercensal 2015 tlen Instituto Nacional tlen Estadística wan Geografía (INEGI) kinextihki onkayayah 119.5 millones tlen ewanih, nopa tlamantli kiihtosnekiyaya temoyaya demográfico moyawalistli. Onkayayah miyakeh kalmeh kampa tlayekanayayah siwameh, motlalankeh divorcios, temok tlen monamikiyayah wan motlalankeh parejas tlen kinekiyayah ewaseh ipan unión libre wan axkanah monamikiyayah.

Ika ikuentah, ipan 2000 wan 2014, ne economía mexicana moskaltihki ika se tasa tlen 2.1%, pero wahka eltoya tlen kemah elki kawitl tlen milagro mexicano, kemah ni tasa elki tlen 5% ipan se xiwitl. Ipan 2001 wan 2009, ne economía nacional miak weltah wetzki (axkanah tlawel tlen achtowi wan echka 6% tlen teipah), ni panoyaya pampa moitzkihtoya waya economía estadounidense, desde kemah pehki mochiwa TLC ipan 1994. Ihkatzah kehni, ne indicadores macroeconómicos kualli eltoyah, ika se baja inflación wan se devaluación gradual tlen moneda mexicana ken

tlen estadounidense, tlen panok tlen 9 a 13 pesos ika se dólar ipan 2000 wan 2012. Kualli eliyaya macroeconomíatekitl wan yeka motlalankeh reservas tlen Banco tlen Mexkko, tlen tlawel motlalanki kemah pewayaya 2015, ika 199 000 millones tlen dólares. Welis tikihlamiktoseh ax onkayayah reservas teipah tlen owihkayotl tlen 1994-1995 (709 millones). Ika ikuentah, nechikolistlanawatiyaneh nohkia kipalewihki economía ika miak tlamantli; se elki kinchihki miyakeh popular kalmeh. Ika ni tlamantli miyakeh familias kinpixkeh ininkal, pero nohkia welis tikihtoseh ni kalmeh tlawel wahka itztayah, ax kipiayah servicios urbanos (teposmimilonih, kaltlamachtiloyan wan guarderías). Yeka miyakeh tlen ni kalmeh tlazitizkatok mokahkeh pampa miyakeh ewaneh ax kinekiyayah ewaseh nopayo.

Moyawalistli tlen macroeconomía axkanah nochimeh ewaneh kinpalewiyayah. Ni tlamantli welis tikittaseh ika exportaciones, tlen moskaltihkeh echka chikueyi weltah, panokeh tlen 52 000 millones tlen dólares ipan 1933 a 380 000 millones tlen dólares ipan 2013. Pero pampa nopa exportadorastekitl axkanah moitzkihtoya waya empresas mexicanas (ken ne tlen maquiladoras), nochi tlapalewilistli tlen kisayaya tlen nopa tekittl san kinmanawiyayah ne empresas transnacionales wan ax kipalewiyaya economía tlen kaltik. Ni exportador tlapalewilistli ax kimanawihki finanzas públicas tlen federal nechikolistlanawatiyaneh, yon tlen estados wan municipios. Ne haciendas locales san kinpalewiyaya federales tlapalewilistli, wan desde ipan 2008, miak tlawikakeh. Ni tlamantli welis tikihtoseh panok pampa ne estatales nechikolistlanawatiyaneh axkanah tekitihkeh para kintlalanaseh locales tlaxtlawalistli, ken ne predial tlen tlawel ipatih eliyaya.

Ipan nochi ni xiwimeh, tlaxtlawalistli kualli eltoyah, wan yeka axkanah temokeh, wan nohkia axkanah temok tlen ika weliyaya mokowa ika nopa tlaxtlawalistli ken panok ipan últimas décadas tlen xiwilpilli tlen panotoya (desde ipan 1976). Pampa panoyaya ni tlamantli, miyakeh familias monehki más chikawak tekitiseh, ipan se tonatih noso sekinok miembros nohkia kalakiyayah tekitih.

Kehni miyakeh siwameh tlen konepiyayah nohkia tekitiyayah. Ika ni tlamantli welis tikihtoseh ne femeninotekitl motlalanki, pero axkanah san ika yaino, nohkia pampa onkayayah miyakeh siwameh tlen momachtihtoyah wan tlen eliyayah tomichiwanih.

Ipan ni kawitl, ne gubernamental tlanawatihketl temakak manoh para ma mochiwa yankuik tlamantli, ken ne tlen motokaxtia *outsourcing* noso subcontratación wan flexibilidad tlen tekittl, ni tlamantli eliyaya tlen control sindical, iwikal ken mochiwayaya ipan *charrismo* kawitl. Ni tlamantli tlen kimanelowayaya tlen yankuik wan tlen wahkakia ax kikualchihki nechikolistli tlen tekitinih. Yeka ayohkana onkayayah miyakeh huelgas, tlen tlawel temokeh tlen 577 ipan 1995 a san 59 ipan 2015. Tlan kena onkayayah miyakeh ewanah tlen ax kipiayah tekittl (ken panok ipan Kaxtillan teipah tlen 2008), nohkia motlalanayaya economía informal, welis tikihtoseh, ne autoempleo ipan callejerastekittl noso ipan tekittl tlen kaltik, wan miyakeh yowiyayah Estados Unidos, welis tikihtoseh hasta antes de kemah onkak owihkayotl tlen 2008. Ipan 2005, miyakeh mexkoewanah ewayayah ipan vecino altepetl eliyayah 11.5 millones, 14.4 weltah más ken tlen 800 000 tlen eliyayah ipan 1970. Pero teipah pampa onkak owihkayotl, wan chikawak migratoriastlanawatilli tlen nechikolistlanawatiyanih tlen Barack Obama, ayohkana miak onkak migración tlen mexkoewanah. Tlen motlalanki elki tlen centroamericanotlakameh, pampa ika owi panoyayah ipan mexkotlalli pampa nikah ax kintlepanittayayah tlanawatiyanih, kinixpanoyayah wan kintlachtekiliiyah nechikolistli tlen crimen organizado.

Tlen seyok tlamantli, ipan ni kawitl, tlen wehweyih tomichiwanih inihuantih kena miak tomih kitlaniyayah, tlen kipiayah concesiones gubernamentales (tlen telefoníatekittl wan mineríatekittl). Ipan 2001, ininchikawaloh tlen nawi multimillonarios eliyaya 3% tlen PIB; matlaktli xiwitl teipah, eliyaya 9%. Yaino axkualli eliyaya. Seyok tlamantli tlen axkualli se tlen inihuantih (Carlos Slim) mawiltiyaya waya Bill Gates, iaxka tlen Microsoft, ahkia tlen nopa ome más tomih kipiayah ipan nochi tlaltipaktli. Ni tlakameh kipiayah miak

tomih pampa kipiayah negocios ipan kalteno tlen altepetl. Wan kena, chikawak tekutihkeh transnacionales mexicanas (BIMBO, CEMEX, AMÉRICA MÓVIL, FAMSA, GRUMA, wan sekinok) wan tlawel moskaltihkeh ipan ni xiwimeh. Nohkia moyolchikahkeh sekinok narcotraficantetlakameh. Ipan 2009, ne *Chapo* Guzmán neski ipan amatlahkuillo *Forbes* kampa kalaktoyah tlakameh tlen más tomih kipiaya ipan nochi tlaltipaktli. Ni tlakatl kipiaya 1 000 millones tlen dólares, ni narcotraficantetlakatl sinaloense kipiaya lugar 701 echka waya Emilio Azcárraga, iaxka tlen Televisa.

Weyi owihkayotl tlen 2008 kichihki ma chikawak wetzi economía mexicana iwikal ken panok ipan 1995. San ne maquiladoras kintotokakeh 250 000 tekitinih. Ne remesas tlen kualli motlalantoyah wan kinpalewiyayah millones tlen tlakameh, wetzkeh echka 30%. Kemah tlawel momoyahki (26 000 millones tlen dólares ipan 2007) ax weltok sampa mochiwa hasta ken namah (2015). Moneki axkanah moilkawas nopa tomih kititlaniyayah más tlen 75 millones tlen envíos. Ipan 2006, echka tlen 7% tlen kalmeh ipan altepetl (1.9 millones) kinseliyayah ni tlapalewilistli, pero ika owihkayotl tlen 2008 ni porcentaje temok hasta 4% (1.3 millones) ipan 2014. Nochi ni tlamantli ax kinkualchihki kalmeh tlen eltoyah ipan tlalli kampa mochiwayaya migratoriatekitl (Michoacán, Guanajuato, Jalisco), pampa ika nopa tomih miyakeh ewanah mopalewiyayah. Welis moihtos nopa tlapalewilistli motekiwiwiyaya ika necesidas básicas, ni kiihtosneki, ika tlakuayayah, ika motlakentiyayah, ika tlaxtlawayayah tlen tlawikalistli wan tlen kalli.

Ken moihtohki, ipan ni xiwimeh temok petroleratekitl ipan Mexko. Desde ipan 2005, ne producción wan exportación tlen crudo pehkeh temoh; ipan 2012, nopa ome temokeh hasta 20%. Tlen seyok tlamantli, ipatih tlen importaciones tlen gasolina ya tlahkotoya makuilli weltah ipan nopa kawitl, tlen elki echka 30 000 millones tlen dólares ipan 2012. Mexko ayohkana eliyaya potencia petrolera. Nochi ni tlamantli ax kinkualchihki entidades productoras, ken Campeche, Tabasco wan Veracruz, seyok kuantli eliyaya ni industriatekitl tlapalewiyaya ika se tercio tlen

presupuesto federal, tlen mochiwayaya desde ipan 1980. Welis moihtos nohkia onkayaya turismo tlen extranjerotlakameh, tlen yowiyayah Cancún, Puerto Vallarta, ne Mexko altepetl wan Los Cabos, wan nohkia tlen motokaxtia turismo médico ipan Mexicali wan Reynosa, pero monekiyaya más tlapalewilistli. Welis tikihtoseh kena mopalewihkeh san se ome nechikolistli tlen kalaktayah wan kichiwayayah nopa tekitl.

Política tlamantli

Nochi tlaahomantok eliyaya pampa ewanilh kiihtowayayah onkas “bono democrático” tlen nechikolistlanawatiyanilh tlen República tlen pehki ipan diciembre tlen 2000, pero teipah ax mochihi. Tlen yankuik nechikolistlanawatiyanilh ax kualli tekitihki. Ax kikualtlalki reforma fiscal, tlen kinekiyayaya kisentlalis IVA (ika tlamiskia tasa cero ipan pahtli wan tlakualistli) yon ax welki mosenkahki waya se omeh ewanilh tlen mosisiniyayah (San Mateo Atenco) pampa mokualtlaliyaya se yankuik kalli tlen tepostotomeh ipan altepetl. Ne Fox nohkia ax welki kisenkawa kualantli tlen EZLN ipan “15 kawitzih”, noso kintzakuas tlen motokaxtiyayah “totomaktikeh michimeh” tlen corrupción gubernamental. Kemah tlamiyaya sexenio, onkak se kualantli ipan Oaxaca altepetl, kampa kalaktayah tlamachtianilh wan ewanilh, nopa kualantli wahkahki se ome metzli wan nechikolistlanawatiyanilh ax welki kisenkawa. Welis moihtos axkanah monekiyaya se autoritario tlanawatihketl, tlen monekiyaya eliyaya kualli tekitis ne nechikolistlanawatiyanilh.

Pero ika seyok ladoh, ne foxista nechikolistlanawatiyanilh kena kichihki se kualli tekitl, ipan junio tlen 2002, kikualtlalki ne tlanawatilli tlen transparencia gubernamental, tlen motlalki ihkatzah miyakeh ax kikualittayayah. Wan tlawel ipatih ni tlanawatilli pampa kipatlak kenihki mowikaseh ne Estado wan ewanilh. Yeka kiski ne Instituto Federal tlen Acceso tlen Información (INAI, desde 2015), ya tlanawatiskia ipan nopa pamitl. Nohkia miyakeh kikualittakeh

ipan mayo tlen 2002 kintlapohki amameh tlen ne Dirección Federal tlen Seguridad. Ika nochi ni tekittl tlen kichihki, ne kualantli tlen motokaxtiyaya “Sokiyo tlatewilistli” (tlen kemah Estado mexicano fieroh kintewiyayah nechikolistli tlen ax kitlepanittayayah ipan décadas tlen achtowi) welki momati miak tlamantli, wan nohkia motlalki se fiscalía gubernamental para mokualtlalis nochi yaino.

Ne nechikolistlanawatiyanih tlen Mexko kinekiyaya monechkawis tlen estadounidense, pampa kinekiyaya waya mosenkawas tlen migrantetlakameh tlamantli. Pero pampa kinmahkahkeh wehweyih teposkalmeh Torres Gemelas ipan septiembre tlen 2001 ipan Nueva York ayok ax welki mochihihi nopa tlamantli. Ne nechikolistlanawatiyanih nohkia kichiwayaya política tlen kalteno tlen ika mopalewiwaya waya sekinok altepemeh para onkas económica moyawalistli, pero nohkia ika yaino ayohkana waya mowikak waya Cuba wan Venezuela, wan Argentina. Welis tikihtoseh ne política tlen kalteno tlen altepetl weloniyaya (tlan welis tikihtoseh kenihki tekittihki ipan Grupo Contadora ipan década tlen 1980) pampa ne nechikolistlanawatiyanih tlen Fox kiwasanki se amatl waya sekinok altepemeh, tlen kinyekanayaya nechikolistlanawatiyanih tlen George Bush, pampa sampa kitewiskia ne Irak. Ipan nopa kawittl Mexko tekipanoyaya ipan Consejo tlen Seguridad tlen Organizaciones tlen Naciones Unidas (ONU).

Ipan 2005, pampa tlawel echkatzihi mochiwaskia presidencial tlaphepenalistli, ne tlanawatihketl Fox kichihki miak tlamantli wan kikixtihki tlen escenario electoral se candidato tlen tlawel kualli eliyaya, ne tlanawatihketl tlen Distrito Federal, ne candidato tlen PRD Andrés Manuel López Obrador. Ax welki kichihki, wan yeka onkak miak kualantli ipan Mexko altepetl. Ipan tlaphepenalistli, san ika kentzihi sampa tlatlanki candidato tlen PAN, ne Felipe Calderón Hinojosa (Morelia, 1962). Ne PRI welonki wan temok hasta tercer lugar, ni tlamantli axkemah panotoya. Ipan ne Distrito Federal, nohkia sampa tlatlanki tlen candidato tlen PRD, ne Marcelo Ebrard ya kiyekanaskia nechikolistlanawatiyanih. Kemah ya tlanawatihki kichihki miak tekittl tlen kualli para kiyolchikawas

altepetl: welki monamiktiah tlakameh wan siwameh tlen mismo sexo wan onkayaya xitlawalistli tlen aborto. Pero miyakeh ewanilh ax kitlepanittakeh ni tlamantli, wan ipan sekih estados kinkixtihkeh seyok tlanawatilli. Ne nechikolistlanawatiyanilh tlen Ebrard nohkia moihlamiki pampa se ome tekittl axkualli kichihki ken ne línea 12 tlen Metro, tlen monehki motzakuas ipan se ome metztli tlen 2014 wan 2015.

Tlen teipah panista federal nechikolistlanawatiyanilh (2006-2012) pa nimah pehki motewiya waya narcotráfico, wan yeka kinyolchikahki fuerzas armadas tlen pública tlamokuitlawiyanilh. Ika yaino ipan nochi altepetl onkayaya miak owihkayotl. Welis tikihtoseh, desde ipan 1990 ayohkana tlawel momikitiyayah ipan altepetl, pero teipah tlen 2007 tlawel onkak wan asito hasta 26 000 ipan 2011, tlen más mikiyayah eliyayah tlakameh tlen kipiayah 40 xiwimeh. Onkakaya económica owihkayotl tlen 2008 —tlen ika ax onkak tekittl wan mokupekeh (voluntario wan ika fuerzah) miyakeh mexkoewanilh tlen Estados Unidos—, wetzkeh remesas, wan onkak tlaixpanolistli. Tlawel onkayaya owihkayotl ipan norte tlen altepetl, pero nohkia ipan Michoacán, Guerrero wan sekinok tlalli. Tlawel onkayaya kuantantli ipan Ciudad Juárez, pampa desde 1993 miyakeh siwameh kinmikitiyayah nopayo, ipan 2015 kinmiktihkeh 1 500 siwameh. Ipan itiko tlen altepetl miyakeh ewanilh yowiyayah ipan sekinok altepemeh wan rural tlalli kitemowah tekittl, ken ipan Sierra Madre Occidental, ipan valle tlen Juárez wan frontera tamaulipeca. Sekih ewanilh, tlen kipiayah miak tomih, inihuantih cholohkeh tlen altepetl.

Welis tikihtoseh ipan ni kawittl miyakeh nechikolistli wan ewanilh mokalakihkeh wan kichihkeh tekittl para ma momati, crítica wan documentación tlen tlaixpanolistli, wan tlen seyok tlamantli tlen nacional yolistli, ika redes sociales. Ni tlamantli iwikal panoyaya ipan nochi tlaltipaktli pampa onkayayah miyakeh tepostlahkuilolli wan celulares teposanilli. Ipan Mexko, ni tlamantli tlawel momoyahki, ipan 2015 se tercio tlen nochimeh kalmeh kipiayah internet wan más tlen 70% tlen mexkoewanilh

kitekiwiyayah móviles teposanilli. Pampa moixnextihkeh Facebook ipan 2004, YouTube ipan 2005 wan Twitter ipan 2006 nochimeh ni teposmeh miak tlamantli kinpatlatokeh, nohkia kipatlatokeh yolistli tlen ewanilh tlen familia, wan welis tikihtoseh tlen nochimeh.

Iwikal ken motekiwihtok para mochiwas tlanamakalistli, para tekitl tlen axkualli wan para “wiwitikeh weliseh saniloseh”, ken kiihtowayayah italiano tlahkuilohketl Umberto Eco (mihki ipan febrero tlen 2016), ne redes sociales tlapalewihkeh para ma momati miak tlamantli ken kemah tlatoponki ika gas ipan mina tlen carbón tlen Pasta tlen Conchos, Coahuila, ipan febrero tlen 2006, wan mihkeh 65 minerotekitinih, noso kemah tlatlak guardería ABC tlen Hermosillo ipan junio tlen 2009, kampa mihkeh 49 konetzitzih wan miyakeh mokokohkeh. Ika redes nohkia momatki seyok tlamantli tlen panoyayah ipan ni xiwimeh, ken kemah tlatoponkeh granadas ipan patrias ilhwiwl tlen Morelia, Michoacán, ipan 2008, kemah kinmiktihkeh 72 centroamericanos migrantetlakameh ipan San Fernando, Tamaulipas, noso kemah tlatlak ne casino Royale tlen Monterrey, kampa mihkeh 52 tlakameh. Welis tikihtoseh kemantika ne nechikolistlanawatiyanih wan tlamokuitlawiyanih ax moaxiliyayah para tlamokuitlawiseh nochi noso kemantika nohkia kinpalewiyayah wan kinmanawiyayah axkualli tlakameh, wan yeka tlawel ipatiyayah redes sociales pampa ipan yaino nochi momatiyaya.

Ipan presidenciales tlaphepenalistli tlen 2012 tlatlanki candidato tlen PRI, ne mexiquensetlakatl Enrique Peña Nieto (Atacomulco, 1966). Ika nopa tlamantli sampa mokupeki ipan presidencia tlen República, tlen ipan 2000 wan 2006 nesiyya ayok kemah panos, pero panok wan welis pampa ne PAN axkualli tekitihki. Icandidate, ne Josefina Vázquez Mota, kitlanki ne López Obrador, tlen sampa eliyaya candidato tlen PRD wan tlen sekinok tepalewiyanih. Ihkatzah kehni, kena nesiyya pollítico tlapatlalistli pampa ne PRI tlatlanki san ika 38% tlen nochi tlawasantli, 10 puntos echkapa tlen achtowi candidato priista tlen tlatlanki ipan presidencias tlaphepenalistli: ne Ernesto Zedillo, ipan 1994. Ne PRI ayohkana

iwikal eliyaya ken tlen kemah achtowi 2000. Ipan Distrito Federal, ipan nawi weltah sampa tlatlanki PRD, namah tlanawatiskia ne Miguel Ángel Mancera, ya kiyekanaskia nechikolistlanawatiyanih.

Ne nechikolistlanawatiyanih tlen Peña Nieto (2012-2018) pehki tekiti ika se legislativa amatekitl. Ni nechikolistlanawatiyanih welki mosenkahki waya sekinokeh partidos tlen ax kitlepanittayayah, ika tlasenkawalistli Pacto por Mexko, ipan nochi 2013 onkak tlanawatilli tlen tlamachtlistli, financieratekitl, tlen petróleo wan telecomunicaciones. Tlen tekittl, tlen ika onkaskia flexibilidad, ya kisenkatoyayah kemah tlamiyaya nechikolistlanawatiyanih tlen achtowi. Ika nochi nopa tlanawatilli onkak miak tlapatlalistli ipan altepetl. Mochihki yaino pampa monekiyaya privado tlapalewilistli, tlen kaltik wan tlen kalteno. Nopa tekittl tlen privada tlapalewilistli, tlen kaltik wan tlen kalteno, mochiwayaya pampa ne Estado mexicano ax weliyaya kinkualtlalia nochi kuantantli tlen onkayayah, wan ika yaini kiixmati miyakeh altepemeh. Nopa carga fiscal ipan toaltepe axkanah pano tlen 12% noso 13% tlen PIB (ne América Latina kipia 19% wan europeos altepemeh kipiah 30%).

Tlen más ipatih reformatlanawatilli ipan 2013 elki tlen petrolera. Pampa motlapohki ni pamittl para ne privado tlapalewilistli, wan nohkia tlen kalteno, ni seyok tlamantli eliyaya ken tlen kemah mochihihi expropiación ipan 1938, se kawittl tlen miak ipatih ipan nochi inemilis tlen altepetl. Welis tikihtoseh ika nopa tlamantli kiski tlen último yaotekatl tlen nacionalnemilistli (Lázaro Cárdenas) wan ne Peña Nieto axkanah kixaxilis pampa ya yowi ipan seyok ohtli.

Pampatlawel monechkawihtoyah waya nechikolistlanawatiyanih tlen Peña Nieto, wan pampa ax onkayaya económico moyawalistli wan onkayaya tlaixpanolistli (tlamiktlistli, desapariciones, secuestros wan extorsiones), ne partidos tlen oposición ayohkana kintlepanittayayah, ken ne PAN wan PRD. Axkanah eliyayah opositores ken kiihtowayayah. Wan yeka ipan tlaphepenalistli tlen 2015 tlatlankeh sekih tlen candidatos independientes, ken ne tlen gobernatura ipan estado norteño Nuevo León. Nohkia kiski se yankuik partido ne Movimiento Regeneración Nacional

(Morena), tlen eliyaya tlen enésima tlaxolewalistli tlen izquierda mexicana. Ipan abril tlen 2014, ne IFE kipatlak ne Instituto Nacional Electoral (INE). Ne INE kinkixtiliyaya electoral chikawalistli ne gobernadores, wan moihliyah sampa mochiwaskia centralización política; wan nohkia monekiyaya mochiwas ne “mando único” tlen tlamokuitlawiyanih ipan nochimeh entidades federativas, wan ayohkana onkaskiah policias municipales. Seyok político tlapatlalistli tlen tlawel ipatih elki, ipan 2015, constitucional reformatlanawatilli tlen ika moyolitihki “Mexko altepetl” ken se entidad federativa libre wan soberana. Ika nopa yankuik tlanawatilli mopatlayaya constitucional reformatlanawatilli tlen 1928 tlen kinmapachtaya municipios tlen Distrito Federal wan kichihtoya ne Departamento tlen Distrito Federal (wan tlen polohki ipan 1997). Nohkia onkak se weyi tlapatlalistli ipan Poder Judicial para welis mochiwas ne tlen motokaxtia sistema penal acusatorio, tlen kampa kalaktokheh juicios orales tlen ika welis mosenkawas wan más kualli mochiwas judiciales tlamantli wan ika chikawak motewis se tlamantli tlen ika mosisiniyah miyakeh ewanih: ne impunidad.

Axkualli tlahtolli tlen 2014-2015

Onkak miak tlen axkualli tlahtolli ipan altepetl ipan tlahko tlen 2014 wan nopa kiihtosnekiyaya axkualli kawitl panoyaya, wan axkanah san ipan Mexko onkayaya owihkayotl, pampa onkayaya tlatewilistli ipan Siria tlen pehtoya ipan 2011, kiski ne Estado Islámiso ipan 2013 wan ayohkana moskaltiyaya economía china, wan tlen ika tlaihyowihkeh altepemeh tlen kinamakayayah materias primas. Ipan Mexko, kemah pewayaya agosto tlen 2014, onkak se weyi tlatoyawalistli tlen tóxicos tlamantli tlen mina Buenavista ipan Cananea, Sonora, tlen eliyaya iaxka tlen ne rikotlakatl Germán Larrea, ika yaino mopaswihki weyi atemitl tlen Sonora, wan miyakeh municipios tlen eltoyah ipan cuenca ax kinkualchihki yaino. Ipan

seyok ladh, ipan 26 tlen septiembre, 43 momachtianih tlen normal kaltlamachtilyan tlen Ayotzinapa, Guerrero, kinitzkihkeh wan kinpolihkeh. Ne 43 momachtianih kalahkeh waya 26 000 ewanih tlen poltoyah kemah tlamiyaya 2014 (ipan 2006 san eliyayah 250). Tlen panok ipan Ayotzinapa momatki ipan nochi tlaltipaktli, wan yaino kiihtosnekiyaya nechikolistlanawatiyanih axkualli tekitiyaya. Seyok axkualli tlahtolli, tlen federal nechikolistlanawatiyanih, momatki se metztli wan tlahko teipah, kemah se periodista kiihtohki ne isiwa tlen Peña Nieto kikohki se kalli ika 7 millones tlen dólares. Nopayo kalaktoyah tomichiwanih tlen tekitiyayah waya nechikolistlanawatiyanih. Pero ni tlamantli wan tlen seyok, moilkahkeh wan axtlen panok. Seyok axkualli tlahtolli momatki ipan diciembre, kemah ne Banco tlen Mexko, pampa onkayaya “volatilidad” tlen tlapatlalistli tlamantli, mokalakihki ipan mercado cambiario para kiketzas devaluación tlen peso. Ne paridad tlen 13 pesos ika se dólar, pampa kehnopa eliyaya ipan 2013, ayohkana sampa elki ihkinoh. Ipan 2015, ne peso nohka wetziyaya, wan asito hasta achi más tlen 17 pesos ika se dólar ipan diciembre. Ihkatzah nochi kehni panoyaya ne erogación tlen miles tlen millones tlen dólares, ne banco tlen tlatlahko ax welki kiketza depreciación tlen tomih.

Onkayaya axkualli ehekatl. Ipan tlahko tlen 2014 pehki wetzi ipatih tlen petróleo: ipatih tlen barril tlen mezcla mexicana wetzki echka 25%, tlen 91 a 68 dólares. Wan más chikawak pehki wetzi ipan nochi 2015 xiwitl, hasta kemah asito ika 27 dólares ipan diciembre, 70% temok ken ipan mediados tlen 2014 eliyaya. Ne tlanamakalistli tlen tlaltipaktli nohkia ax kipalewiyyaya petrolera mexicana tekitl, tlen pehtoyaya wetzi desde ipan 2005 xiwitl.

Tlen última axkualli tlahtolli tlen 2014 tlen mexicano nechikolistlanawatiyanih, asiko welis tikihtoseh tlen se kualli tlahtolli. Ipan miércoles 17 tlen diciembre, tlanawatiyanih tlen Cuba wan Estados Unidos, Raúl Castro wan Barack Obama, kiihtohkeh sampa mowikaseh, wan tlamiyaya 60 xiwimeh tlen tlakotontli. Pero ipan nopa tlasenkawalistli Mexko axkanah mokalakihki, wan tlawel

monekiyaya pampa ya ipan miak décadas kualli mowikayaya waya cubano nechikolistlanawatiyanih. Kena mokalakihkeh ne Vaticano wan canadiense nechikolistlanawatiyanih tlen mawiltiyayah ken tepalewiyanih noso anfitriones tlen nopa tlasenkawalistli. Mexko ax kalahki ipan tlasenkawalistli Cuba-Estados Unidos wan nohkia kinixpanoyayah centroamericanos migrantetlakameh tlen yowiyaya Estados Unidos, wan ika nochi yaino welis tikihtoseh ne Mexko axkanah más kitlepanittakeh ipan continente americano ipan ni xiwimeh tlen xiwilpili XXI. Ipan 2015, Mexko kintotokak miyakeh centroamericanos (117 442) más ken ne estadounidense nechikolistlanawatiyanih.

Ika nochi, onkatok miak axkualli tlahtolli wan miak kualantli ipan yankuikah xiwimeh wan axkanah eli tlen kemah pehki xiwilpilli XXI. Welis tikihtoseh axkanah motlepanitta democrática tlamantli. Nochi tekittl tlen kualli mochihihi achtowi (kemah kitewihkeh wan kimahkahkeh ne PRI) namah ayohkana onkah. Namah ipan altepetl onkah tlachtekilistli wan tlanawatiyanih mowikah waya tlachtekinih, wan ewanih ax kintlepanittah partidos políticos, yeka onkah owihkayotl ipan altepetl. Welis tikihtoseh ipan 2000 Mexko nemiyaya kualli ohtli tlen democracia tlamantli. Pero matlaktli wan makuilli xiwimeh teipah, ne democracia ayohkana eliyaya ken panacea. “¿Kanih yowi ni altepetl?”, motlahtlaniliyaya ne weyi tlahkuilohketl Fernando del Paso kemah pewayaya 2015 xiwitl. Welis tikihtoseh nochi kuesolli, kualantli wan owihkayotl onkah pampa ihkinoh eli democracia. Nochi yaino tihmatiseh ipan xiwimeh tlen walah.

Namah moneki timomachtiseh inemilis tlen toaltepe wan timokuanehnemiliseh kenke eltok ken namah (wan kanih ihkatok ipan nochi tlaltipaktli), wan nohkia kenihkatzah weliskia mosenkawas nochi kualantli tlen onkah, kenihki timokakiseh wan timopalewiseh, pampa timiyakeh wan tlapaltik tielih.

TLAHKUILOWANIH

Luis Aboites Aguilar: momachtihki Historia ipan weyikaltlamachtiloyan El Colegio de México; tlatemohketl tlen Colmex.

Pablo Escalante Gonzalbo: momachtihki Historia ipan weyikaltlamachtiloyan Universidad Nacional Autónoma de México; tlatemohketl tlen UNAM.

Bernardo García Martínez: momachtihki Historia ipan weyikaltlamachtiloyan Universidad de Harvard; tlatemohketl tlen Colmex.

Javier Garciadiego: momachtihki Historia de México ipan weyikaltlamachtiloyan El Colegio de México; momachtihki Historia de América Latina ipan weyikaltlamachtiloyan Universidad de Chicago; tlatemohketl tlen Colmex.

Luis Jáuregui: momachtihki Historia ipan weyikaltlamachtiloyan El Colegio de México; tlatemohketl tlen Instituto Mora.

Elisa Speckman Guerra: momachtihki Historia ipan weyikaltlamachtiloyan El Colegio de México; tlatemohketl tlen UNAM.

Josefina Zoraida Vázquez: momachtihki Historia de América ipan weyikaltlamachtiloyan Universidad Central de Madrid; momachtihki Historia ipan weyikaltlamachtiloyan Universidad Nacional Autónoma de México; tlatemohketl tlen Colmex.

AMATEKPANTLI ONOMÁSTICO WAN TOPONÍMICO

- Abad y Queipo, Manuel: 144
 Abaj Takalik: 23, 24
 Acapulco: 72, 82, 100, 121, 144, 147, 173
 Aculco: 145
 Agua Prieta: 257, 259, 268
 Aguascalientes: 78, 248
 Aguascalientes, estado de: 263, 297
 Aguas Calientes: 38
 Aguateca: 38
 Ahuítzotl: 53
 Alamán, Lucas: 153, 158, 166, 170-171, 190
 Álamos: 106
 Aldama, Juan: 143, 145
 Alemán, Miguel: 279, 280, 282
 Alemania: 62, 190, 201, 274
 Allende, Ignacio: 143-144, 145
 Allende, Salvador: 291
 Almazán, Juan Andrew: 273, 280
 Almonte, Juan N.: 178-179
 Alta California: 188
 Alta Vista: 32
 Altamirano, Ignacio Manuel: 192
 Altar de Sacrificios: 24
 Alva Ixtlilxóchitl, Fernando de: 90
 Alvarado, Salvador: 242
 Álvarez, Juan: 172, 173-174
 Amaro, Joaquín: 263
 Amelia: 38
 Anáhuac: 163
 Angola: 61
 Angostura: 168
 Antillas: 66, 134
 Antillas Mayores: 119
 Apatzingán: 147
 Apodaca, Juan Ruiz de: 148, 149
 Arenas, Joaquín: 157
 Arista, Mariano: 170, 171
 Arizona: 42
 Arrangoiz, Francisco de: 192
 Arriaga, Camilo: 231
 Arriaga, Jesús (*Chucho el Roto*): 201
 Arriaga, Ponciano: 173
 Atotonilco: 143
 Atristáin, Miguel: 169
 Austin, Esteban: 163
 Austria: 62, 102, 179
 Ávila Camacho, Manuel: 273, 275, 280
 Ayotzinapa: 316
 Azcapotzalco: 46-47
 Azcárraga, Emilio: 281, 309
 Azores, islas: 61
 Azuela, Mariano: 261
 Baja California, estado de: 11, 99, 169, 171, 269, 282, 286, 298
 Balbuena, Bernardo de: 90
 Baranda, Joaquín: 203, 204
 Barradas, Isidro: 158
 Bassols, Narciso: 260

- Batista, Fulgencio: 286
 Batopilas: 106
 Bazaine, François Achille: 179
 Bejucal: 31
 Bélgica: 179, 201
 Belice: 99, 100
 Berlín: 298
 Bermúdez de Castro, Salvador: 166
 Bernal, Heraclio (*El Rayo de Sinaloa*): 201
 Bernal, Ignacio: 9
 Blanquel, Eduardo: 9
 Bonaparte, José: 142
 Bonaparte, Napoleón: 133, 142
 Bonillas, Ignacio: 257
 Brasil: 62
 Bravo, Nicolás: 147, 153, 154, 157, 164
 Brownsville: 186
 Bucareli, Antonio María de: 123, 125-126
 Búho-Lanzadardos: 31
 Bulnes, Francisco: 203
 Bush, George: 311
 Bustamante, Anastasio: 158, 162
 Bustamante, Carlos María de: 190
 Bustos, Hermenegildo: 193

 Cabañas, Lucio: 287
 Cabo Verde: 61
 Cabrera, Luis: 232
 Cacaxtla: 36-37, 39
 Cádiz: 103, 144, 146
 Cajeme: 186
 Calakmul: 33-35, 38
 Calderón, Felipe: 311
 Calderón, Fernando: 190
 California: 166, 167-168
 Calleja, Félix María: 144-147
 Calpulalpan: 177
 Campeche: 156
 Campeche, estado de: 24, 99, 100, 135, 203, 292, 309
 Campo, Ángel de: 226
 Canadá: 299
 Cananea: 208, 219, 222, 231, 242, 315
 Canarias, islas: 61, 62
 Cañedo, Francisco: 209
 Cantón: 82
 Carácuaro: 144
 Cárdenas, Cuauhtémoc: 297, 303, 304
 Cárdenas, Lázaro: 268-273, 275, 286, 297, 314
 Carlos I de Habsburgo (o Carlos V de Alemania): 62
 Carlos III: 110, 114, 115, 116, 121, 127
 Carlos IV: 114, 116, 129, 141
 Carlota Amalia: 179
 Caro Quintero, Rafael: 296
 Carranza, Venustiano: 232, 241, 243, 245, 248, 250, 252, 255, 256-257, 261
 Casafuerte, marqués de: 103
 Casas Grandes: 42
 Casasús, Joaquín: 203
 Caso, Alfonso: 260
 Caso, Antonio: 227, 260
 Castilla: 62
 Castillo, Heberto: 288
 Castro, Fidel: 286
 Castro, Raúl: 316
 Cavallari, Javier: 193
 Celaya: 78, 143, 152
 Cerro de las Mesas: 19, 23
 Chak Tak Ichaak: 31
 Chalcatzingo: 19
 Chalchihuites: 12
 Chalchiuhtlicue: 28
 Chalco-Atenco: 45

- Chapultepec: 180
 Chayal: 32
 Chiapa de Corzo: 23, 24
 Chiapas, estado de: 23, 53, 55, 56, 80, 100, 135, 181, 252, 255, 300, 303
 Chichén Itzá: 41-44
 Chihuahua, estado de: 11, 42, 78, 106, 123, 133, 145, 156, 214, 216, 234, 239, 242, 251, 253-254, 284, 286, 287, 295, 297, 302
 Chilapa: 147
 Chile: 155
 Chilpancingo: 147
 China: 84
 Cholula: 36, 44-45
 Ciudad Juárez: 219, 234, 235, 238, 284, 295, 302, 312
 Clausell, Joaquín: 226
 Clavé, Pelegrín: 192-193
 Clouthier, Manuel J.: 297
 Coahuila, estado de: 11, 98, 134, 160, 162, 163, 216, 234, 239, 241, 242, 243, 254, 269, 285, 297, 313
 Coatlinchan: 46
 Coe, Michael: 32
 Colima, estado de: 23, 33, 55, 176, 181, 263
 Colombia: 170
 Colón, Cristóbal: 60, 62
 Colosio, Luis Donaldo: 300
 Columbus: 252
 Comonfort, Ignacio: 172-176
 Comte, Augusto: 191
 Copán: 37
 Córdoba: 150-151
 Corral, Ramón: 205, 209, 210, 233
 Cortés, Hernán (o Hernando): 56, 63-65, 68-69, 91
 Cortés, Martín: 81
 Cosío Villegas, Daniel: 9, 260
 Couto, Bernardo: 169
 Coyoacán: 46
 Creelman, James: 209
 Croix, Francisco de: 120-122
 Cruz, José de la: 145
 Cruz, Juana Inés de la: 94
 Cuauhtémoc: 56, 65
 Cuautla: 147
 Cuba: 62, 63, 85, 87, 135, 287, 291, 311, 317
 Cuéllar, José Tomás de: 192, 226
 Cuernavaca: 74
 Cuesta, Jorge: 270
 Cuevas, Luis G.: 169
 Cuicuilco: 22, 25
 Culhuacan: 44, 46
 Cusiuhuiríachic: 106
 Dainzú: 21
 Degollado, Santos: 178
 Dehesa, Teodoro: 203, 209
 Delgado, Rafael: 226
 Díaz, Félix: 238, 240, 255
 Díaz, Porfirio: 182-183, 185-187, 194, 195, 197, 198-213, 222, 227, 230, 232, 235, 237, 239
 Díaz Mirón, Salvador: 226
 Díaz Ordaz, Gustavo: 287, 288
 Díaz Soto y Gama, Antonio: 249
 Diéguez, Manuel: 242
 Distrito Federal: 154, 188, 216, 222, 268, 285, 303, 311, 314, 315
 Doblado, Manuel: 178, 226
 Dolores: 143
 Domínguez, Miguel: 143
 Dos Pilas: 38
 Dublán, Manuel: 211
 Durango, estado de: 12, 42, 78, 127, 133, 134, 214, 216, 234, 239, 242, 269, 272, 295

- Ebrard, Marcelo: 311
 Echeverría, Luis: 289, 290, 291
 Eco, Umberto: 313
 Ecuador: 178
 El Baúl: 23, 24
 El Jaguar (u Ocho Venado): 43
 El Mirador: 24
 El Perú: 31
 El Zape: 12
 Elías Calles, Plutarco: 242, 261, 262
 Escobedo, Mariano: 187
 España: 56, 59, 62n, 63n, 66, 72, 74, 76, 80, 81, 84-85, 88, 89-93, 98, 102, 109-110, 113, 118, 119, 121-122, 126, 130, 131, 133, 135-136, 145-147, 149, 150, 166, 178, 185, 187, 271, 308
 Estado de México: 159, 216, 247
 Estados Unidos: 151, 154-157, 162-163, 166, 168-169, 172, 173, 176, 181-183, 185-186, 188-189, 192, 201, 208, 213-214, 218, 220, 222, 231, 232-233, 250, 256, 259, 262, 266, 271, 274, 276, 281, 286, 287, 292, 294, 295-296, 299, 301, 308, 312, 316-317
 Estrada, José María: 193
 EZLN: 300, 310

 Feijoo, Benito Jerónimo: 114
 Felipe IV: 85
 Felipe V: 102, 115
 Fernández de Lizardi, José Joaquín: 190
 Fernando VII: 142, 146
 Figueroa, hermanos: 235
 Filipinas: 82, 87, 119
 Filisola, Vicente: 164
 Flores, Manuel Antonio: 128
 Flores Magón, Jesús: 231
 Flores Magón, Ricardo: 231
 Florida: 87, 162
 Fox, Vicente: 304, 310-311
 Francia: 102, 109, 125, 164, 166, 178, 180, 185, 201, 208, 210, 274
 Franco, Francisco: 271
 Frías, Heriberto: 226
 Fuentes, Carlos: 281

 Gadsden, James: 171
 Galeana, Hermenegildo: 147
 Galván, Rafael: 290
 Gálvez, Bernardo de: 128
 Gálvez, José de: 116, 118-122, 125-129
 Gálvez, Matías de: 128
 Gamboa, Federico: 226
 García Icazbalceta, Joaquín: 192
 Garza Sada, Eugenio: 290
 Gates, Bill: 308
 Gelves, marqués de: 86
 Gómez Farías, Valentín: 159
 Gómez Morin, Manuel: 260, 270, 272
 Gómez Pedraza, Manuel: 158, 159
 González, Luis: 9
 González, Manuel: 196
 González, Pablo: 239, 244-245
 González Garza, Roque: 249
 González Ortega, Jesús: 181
 Gorostiza, Manuel Eduardo de: 190
 Gran Bretaña: 142, 155, 166, 178, 185, 274, 294, 295
 Gran Colombia: 155
 Granados Gálvez, José Joaquín: 107
 Guadalajara: 73, 124, 127, 130, 134, 144, 145, 153, 167, 176, 188, 189, 219, 245, 277
 Guadalupe, villa de: 168, 169
 Guanaceví: 106
 Guanajuato: 144-146, 188, 224, 226

- Guanajuato, estado de: 55, 106, 122, 124, 127, 176, 209, 216, 254, 263, 302, 304, 309
- Guatemala: 23, 30, 43, 55-56, 66, 79, 100, 134-135, 151, 178, 185, 188, 208, 284
- Guaymas: 156, 219
- Guerrero, estado de: 19, 24, 54-55, 176, 181, 234, 244, 287, 303, 312, 316
- Guerrero, Vicente: 147, 149, 150, 158-159, 163
- Guinea: 61
- Gutiérrez, Eulalio: 249
- Gutiérrez de Estrada, José María: 160, 165
- Gutiérrez Nájera, Manuel: 226
- Guzmán, Joaquín (El Chapo): 309
- Guzmán, Martín Luis: 261
- Guzmán, Nuño de: 69
- Habsburgo, Francisco José de: 182
- Henríquez Ureña, Pedro: 227, 260
- Hernández de Córdoba, Francisco: 63
- Hernández Galicia, Joaquín (La Quina): 298
- Herrera, José Joaquín de: 165
- Hidalgo, estado de: 41, 44, 45, 216, 244, 277
- Hidalgo y Costilla, Miguel: 143-145
- Hitler, Adolfo: 271
- Huatabampo: 12
- Huatulco: 72
- Huerta, Adolfo de la: 242-246, 247, 259, 261
- Huerta, Victoriano: 239-240, 241, 253
- Humboldt, Alejandro de: 156
- Iglesias, José María: 184, 187
- Iguala: 150
- Ihuatzio: 41, 55
- India: 61, 62, 84, 288
- Inglaterra: 102, 103, 109, 130, 133, 137, 201, 208, 213
- Islas Canarias: 61
- Italia: 153, 185, 190, 274
- Iturbide, Agustín de: 149, 150, 151-153, 155, 173, 188
- Iturrigaray, José de: 132, 136, 142
- Itzamnaaj Balam II: 34
- Izapa: 23-25
- Iztapalapa: 46
- Izúcar: 147
- Jackson, Andrew: 164
- Jalapa: 103, 158
- Jalisco, estado de: 11, 23, 33, 40, 55, 70, 124, 176, 215, 216, 244, 245, 254, 263, 282, 302, 309
- Jamaica: 62, 87, 99
- Japón: 208, 274
- Jaramillo, Rubén: 286
- Jécker, Juan B.: 177
- Jerez: 78
- Jiménez, José Mariano: 145
- Juan Pablo II: 295
- Juárez, Benito: 173, 175-179, 181-186, 191, 192, 195-196, 198-199, 201
- Kabal Xook: 35
- Kaminaljuyú: 25, 32
- Kan Balam (o Kinich Kan Balam II): 35
- Keynes, John M.: 275, 294
- Kinich Janaab Pakal I (o Pakal el Grande): 35
- Kinich Kan Balam (o Kan Balam): 35
- Kucumatz: 43
- Kukulcán: 43, 44

- La Habana: 99, 110, 115, 119, 167
 La Laguna: 269, 276
 La Libertad: 23
 La Mojarra: 23-24
 La Venta: 17, 18-19, 23
 La Ventilla: 30
 Labastida, Antonio Pelagio de: 175, 179, 183
 Labastida, Francisco: 304
 Lagos Cházaro, Francisco: 249
 Lakamhá: 35
 Landesio, Eugenio: 193
 Laredo: 184
 Larrea, Germán: 315
 Lecumberri: 288
 León de la Barra, Francisco: 235-236, 238
 León: 78, 226
 Lerdo de Tejada, Miguel: 170-171, 174, 175, 182, 185-187, 191
 Lerdo de Tejada, Sebastián: 182, 195-196, 198-199
 Limantour, José Yves: 203-205, 211
 Lizana, Francisco Xavier: 143
 Lombardini, Manuel María: 170
 Lombardo Toledano, Vicente: 260, 271, 276
 Londres: 178, 181, 184
 López de Santa Anna, Antonio: 152, 165, 171
 López Obrador, Andrés Manuel: 311, 313
 López Mateos, Adolfo: 283-284, 287
 López Portillo y Rojas, José: 226
 López Portillo, José: 289, 292, 293, 295
 López Rayón, Ignacio: 145
 Los Tuxtlas: 18, 29
 Lozada, Manuel: 186
 Luis XIV: 102
 Luisiana: 98, 162
 Macedo, Miguel: 203
 Macedo, Pablo: 203
 Madera: 287
 Madero, Francisco I.: 232-241, 261
 Madrid: 128, 150
 Madrid, Miguel de la: 295
 Magdaleno, Mauricio: 270
 Mancera, Miguel Ángel: 314
 Manila: 82, 119
 Manzanillo: 219
 Marcha, Pío: 152
 Marcos ("subcomandante"): 300
 Martínez, Mucio P.: 209
 Mata, Filomeno: 207
 Matacapan: 30, 33
 Matamoros: 156, 183-184
 Matamoros, Mariano: 147
 Maximiliano de Habsburgo: 179-182
 Mayapán: 41, 43, 55
 Mazatlán: 156
 Mejía, Tomás: 182
 Mendoza, Antonio de: 76
 Mérida: 73, 123, 127, 226
 Mesilla: 171, 172, 188
 Mesoamérica: 12, 15-19, 20, 22-24, 28, 32, 33, 57, 61, 64, 65, 68, 69, 84
 Metztitlán: 56
 Mexicali: 269, 310
 México, ciudad de: 66, 72, 77, 82, 86, 87, 95, 108, 118, 119, 127-128, 130, 133, 134, 135, 141-142, 144, 146, 152, 158, 162-163, 166-170, 173, 174, 177-178, 180-184, 186, 187, 189, 196, 201, 202, 213, 215, 216, 224, 228, 229, 231, 241, 243, 245, 246-248, 250-252, 253-257, 258-262, 264, 274, 276, 279, 288, 294, 295, 298
 México-Tenochtitlan: 41, 46, 64, 101
 México-Tlatelolco: 46

- Meyer, Lorenzo: 9
 Mezcala: 23
 Michoacán, estado de: 23, 32, 37,
 41, 55, 56, 65, 73, 78, 122, 124,
 134, 137, 159, 176, 216, 244, 252,
 254, 263, 297, 302, 309, 312, 313
 Mier y Terán, Manuel: 147, 158
 Mina, Francisco Xavier: 148
 Miramar: 179
 Miramón, Miguel: 176, 182
 Mixcoac: 46
 Moctezuma Ilhuicamina (o
 Moteczuma): 11, 64, 66
 Monclova: 98
 Monte Albán: 20-21, 32, 36
 Monterrey: 134, 168, 184, 215, 219,
 245, 271, 277, 283, 290, 313
 Montoya, Matilde: 225
 Mora, José María Luis: 190
 Morelia: 271, 311, 313
 Morelos y Pavón, José María: 144,
 147, 178
 Morelos, estado de: 19, 24, 33, 36,
 234, 244, 247, 253
 Moreno Toscano, Alejandra: 9
 Moteczuma (o Moctezuma): 64, 66
 Motolinía, fray Toribio de: 72
 Muñoz, Rafael F.: 261
 Mussolini, Benito: 271

 Nakhbé: 24
 Napoleón III: 178-182
 Naranjo: 35
 Narváez, Pánfilo de: 65
 Nayarit, estado de: 23, 33
 Negrete, Pedro Celestino: 153
 Nervo, Amado: 226
 Nezahualcóyotl: 11
 Novo, Salvador: 270
 Nueva España: 58, 61, 63n, 66, 67,
 69, 72-79, 81-84, 85-90, 91-95,
 99-104, 106, 107, 108-109, 113,
 115-116, 119, 120, 122-123, 126,
 127, 129-131, 132, 134-137, 140,
 142, 144, 146, 148, 150-151
 Nueva Galicia: 69, 73, 74, 78, 79,
 105
 Nueva Granada: 126
 Nueva Orleans: 135, 172
 Nueva Rosita: 285
 Nueva Vizcaya: 78
 Nueva York: 266, 311
 Nuevo Laredo: 219
 Nuevo León, estado de: 78, 79, 134,
 204, 205, 209, 215, 216, 243, 282,
 314
 Nuevo México: 42, 98, 100, 168,
 229, 252
 Nuevo Santander: 105, 120, 134

 O'Donojú, Juan de: 150, 151
 Oaxaca, estado de: 20, 22, 30, 32,
 44, 53, 54, 73, 124, 127, 133, 134,
 135, 153, 176, 186, 195, 208, 244,
 252, 254, 255, 303, 310
 Obama, Barack: 308, 316
 Obregón González, Joaquín: 209
 Obregón, Álvaro: 239, 242, 244,
 245, 248, 256-257, 259-262, 264,
 267, 304
 Ocampo, Melchor: 173, 178, 191
 Ocho Venado (o El Jaguar): 43
 Olivares, conde-duque de: 85
 Orizaba: 180, 222, 247
 Orozco, José Clemente: 261
 Orozco, Pascual: 235-236, 238-239,
 242
 Orozco y Berra, Manuel: 192
 Ortega, Aniceto: 193
 Ortiz de Domínguez, Josefa: 143
 Ortiz Rubio, Pascual: 267, 268
 Otumba: 29

- Pachuca: 29, 224
 Padilla, Ezequiel: 280
 Pakal el Grande (o Kinich Janaab Pakal I): 35
 Palafox, Juan de: 88, 91
 Palenque: 31, 34-35, 38
 Pánuco: 66
 Paquimé: 42
 Paredes y Arrillaga, Mariano: 165-167
 París: 220
 Parral: 90
 Paso, Fernando del: 317
 Pátzcuaro: 41, 54-55
 Payno, Manuel: 191, 192
 Paz, Octavio: 281, 288
 Pearl Harbor: 274
 Peláez, Manuel: 255
 Peña Nieto, Enrique: 313-314, 316
 Peña y Peña, Manuel de la: 168
 Perú: 63, 72, 74, 76, 82, 84, 87, 126, 155
 Petén: 24, 25, 30, 31, 34, 35, 56, 99, 106
 Petexbatún: 37
 Piedras Negras: 31, 34, 184
 Pimentel, Francisco: 192
 Pineda, Rosendo: 203
 Pino Suárez, José María: 236
 Pío IX: 175
 Poinsett, Joel R.: 157, 162
 Polk, James: 167, 169
 Polonia: 274
 Portes Gil, Emilio: 268
 Portilla, Anselmo de la: 192
 Portugal: 142
 Posada, José Guadalupe: 226
 Prieto, Guillermo: 173, 192
 Progreso: 219
 Puebla: 67, 179, 180, 182, 188, 219, 222, 224, 234
 Puebla, estado de: 36, 73, 87-88, 102, 124, 127, 134, 168, 174, 180, 209, 215, 216, 244, 247, 251, 254, 277
 Pueblo Bonito: 42
 Puente de Calderón: 145
 Puerto Rico: 62
 Querétaro: 168, 188, 267
 Querétaro, estado de: 45, 53, 143, 168, 170, 176, 182, 245, 251, 263
 Quetzalcóatl: 25, 28, 36, 37, 39, 43-45
 Quintana Roo, estado de: 55
 Quintana, Bernardo: 281
 Rabasa, Emilio: 226
 Ramírez, Ignacio: 192
 Reagan, Ronald: 294
 Real del Monte: 106
 Rebolledo, Efrén: 226
 Revillagigedo, segundo conde de: 124, 128, 129, 130
 Revueltas, José: 288
 Revueltas, Silvestre: 270
 Reyes, Alfonso: 227, 260
 Reyes, Bernardo: 203, 204-205, 209, 231-232, 234, 238, 240
 Riaño, Juan Antonio: 144
 Riego, Rafael de: 148
 Río Azul: 31
 Río Blanco: 208, 222, 231
 Río Pesquero: 19
 Río Verde: 29
 Riva Palacio, Vicente: 192
 Rivera, Diego: 261, 270
 Roa Bárcena, José María: 192
 Rodríguez, Abelardo L.: 268
 Rodríguez, Diego: 94
 Romero, Matías: 184, 211
 Romero Rubio, Carmen: 199

- Romero Rubio, Manuel: 199, 203
 Ruffo, Ernesto: 298
 Ruiz Cortines, Adolfo: 283
 Ruiz de Apodaca, Juan: 148
 Ruiz Massieu, José Francisco: 300
 Rulfo, Juan: 281
- Sahagún, Bernardino de: 72
 Sak Kuk: 35
 Salamanca: 78, 187
 Salinas de Gortari, Carlos: 297-298
 Saltillo: 78, 134, 145
 San Andrés Tuxtla: 24
 San Antonio: 233
 San Antonio Nogalar: 12
 San Blas: 156
 San Cristóbal de las Casas: 300
 San Cristóbal Ecatepec: 147
 San José Mogote: 16, 21
 San Juan de los Lagos: 134, 143
 San Juan de Ulúa: 148, 152, 155
 San Lorenzo: 12, 17-19
 San Luis de la Paz: 122
 San Luis Potosí: 78, 219, 226, 231, 233
 San Luis Potosí, estado de: 12, 29, 33, 122, 127, 129, 134, 173, 216, 239, 243, 244, 245, 286
 San Miguel el Grande: 143
 Sánchez, Graciano: 271
 Santa Bárbara: 78
 Santa Fe: 78, 156, 189
 Santa Rosalía: 219
 Santa Teresa de Cabora: 218
 Santo Domingo: 62, 87
 Scott, Winfield: 169
 Seibal: 24, 38
 Serdán, Aquiles: 233, 234
 Sevilla: 72, 82, 87, 103, 143
 Sierra, Justo: 203
 Sigüenza y Góngora, Carlos de: 94
- Silao: 177
 Sinaloa: 42, 78, 90, 108, 127, 134, 201, 209, 214, 244, 245
 Siqueiros, David Alfaro: 261, 270
 Sisal: 156
 Siyaj Chan Kawiil II: 31
 Siyaj Kak: 31
 Slim, Carlos: 298, 308
 Sonora, estado de: 12, 78, 90, 101, 105, 127, 201, 214, 216, 218, 222, 234, 239, 242, 243, 254, 269, 272, 297, 315
- Tabasco, estado de: 99, 100, 181, 203, 236, 244, 292, 309
 Tablada, José Juan: 226
 Tacubaya: 46
 Taft, William: 241
 Tajín: 36, 39
 Tamaulipas, estado de: 12, 105, 134, 216, 243, 272, 313
 Tamayo, Rufino: 281
 Tampico: 156, 159, 165, 245
 Taxco: 106, 147
 Tayasal: 56, 99
 Taylor, Zachary: 167
 Tecoac: 187
 Tehuantepec: 23, 30, 55, 56, 98, 169, 171, 177
 Teloloapan: 54
 Tenochtitlan (o México-Tenochtitlan): 11, 41, 44, 45, 46, 53, 56, 59, 64, 65, 101
 Teopantecuanitlán: 19
 Teotenango: 37
 Teotihuacán: 12, 22, 25-30, 32, 33, 39, 41, 42, 44, 45
 Teotitlán: 30
 Tepeji: 29
 Tepexpan: 14
 Tepic: 186, 216

- Teresa de Mier, Servando: 148, 190
 Terrazas, familia: 242
 Texas: 101, 105, 134, 156, 160, 161-164, 166, 188, 233
 Texcoco (o Tetzco): 14, 41, 46, 47, 56
 Tezcatlipoca: 44
 Thatcher, Margaret: 294
 Tikal: 24, 25, 30-32, 34, 36, 38
 Tingambato: 32
 Tixtla: 147
 Tlacolula: 21
 Tlacompan: 41, 46, 56
 Tlálloc: 28, 52
 Tlapacoya: 19
 Tlatelolco: 56, 288
 Tlatilco: 19
 Tlaxcala: 222, 244, 251
 Tlaxcala, estado de: 78, 244, 247
 Tok Ichaak: 31
 Tolsá, Manuel: 128
 Toluca: 40, 46, 145
 Tomóchic: 218
 Toniná: 33, 38
 Torreón: 219, 248
 Torres, José Antonio: 144
 Torri, Julio: 260
 Tres Zapotes: 23, 24
 Trist, Nicholas: 169
 Tula: 12, 41-45
 Tulum: 55
 Tututepec: 54, 56
 Tuxpan: 219
 Tuxtepec: 30, 186, 195, 199
 Tzintzuntzan: 41, 55
 Uaxactún: 24, 31
 Unión Soviética: 274, 276, 286, 295, 298
 Urquiza, Francisco L.: 261
 Uxmal: 41, 43
 Valencia, Gabriel: 165
 Valero, marqués de: 103
 Valladolid, provincia o intendencia de: 124, 127
 Valladolid de Michoacán (hoy Morelia): 73, 122, 137, 143, 144, 147, 149
 Valle de Toluca: 28
 Valle, Leandro: 178
 Vallejo, Demetrio: 286
 Vanegas Arroyo, Antonio: 226
 Vasconcelos, José: 227, 260-261, 267
 Vaticano, El: 230, 299, 317
 Vázquez Gómez, Francisco: 232, 233, 236
 Vázquez, Genaro: 287
 Vázquez Mota, Josefina: 313
 Velasco, José María: 193, 226
 Velázquez, Fidel: 277
 Venegas, Francisco Xavier: 144, 146
 Veracruz: 156, 158-159, 165, 168, 169, 244, 245, 254
 Veracruz, estado de: 23, 30, 36, 57, 63, 64, 72, 82, 85, 99, 100, 119, 124, 127, 130, 133, 137, 150, 176-178, 180-182, 184, 186, 189, 201, 203, 213, 215, 216, 224, 228, 238, 248, 251, 252, 255, 282, 292, 309
 Victoria, Guadalupe: 147, 153, 154, 157
 Vilar, Manuel: 192
 Villa, Pancho: 235, 239, 242, 244, 245, 248, 249, 251, 252, 257, 261
 Villa de Reyes: 12
 Villalba, Juan de: 119
 Villamanrique, marqués de: 79
 Villaurrutia, Xavier: 270
 Washington, D.C.: 177, 240, 244, 256, 257
 Wilson, Woodrow: 241, 245

- Xibalbá: 35
 Xipe: 53
 Xochicalco: 36-37, 39
 Xochimilco: 46

 Yax Nuun Ayiin I: 31
 Yaxchilán: 34-35, 38
 Yermo, Gabriel de: 143
 Yopitzinco: 54
 Yucatán: 30, 34, 41, 42, 55, 56, 63,
 66, 69, 73, 79, 80, 99, 100, 135,
 153, 168, 170, 201, 203, 208, 218,
 236, 251, 269, 277
 Yuknoom el Grande: 35
 Yuknoom-Cabeza: 35

 Zabludowsky, Jacobo: 289
 Zacatecas: 188, 226
 Zacatecas, estado de: 11, 12, 32, 74,
 78, 127, 129, 134, 153, 156, 160,
 176, 216, 239, 243-245, 263
 Zamora: 78
 Zapata, Emiliano: 235-236, 238,
 248-249, 257
 Zaragoza, Ignacio: 179
 Zavala, Lorenzo de: 164, 190
 Zedillo, Ernesto: 300-301, 313
 Zimmermann, Arthur: 256
 Zitácuaro: 147
 Zuloaga, Félix: 175

Yankuik nemilistli tlen Mexko tlalli
tlanki motepostlahkuilowa ipan marzo
metztli tlen 2023 xiwitl ipan tepostlakopinaloyan tlen
Editorial Color, S.A. de C. V., Naranjo 96 bis, P.B.,
col. Santa María la Ribera, 06400, Ciudad de México, México.
Iixko ni amochtli tlen Pablo Reyna.
Tlahkuilolli tlamanlti wan tlakualtlalistli tlen Víctor H. Romero.
Kikualtlalki ni amochtli Dirección de Publicaciones
tlen weyi kaltlamachtiloyan El Colegio de México.

Ipan 1973 xiwitl ne weyi kaltlamachtiloyan El Colegio de México kitepostlahkuilohki se tlen achtowi amochtli tlen itokah *Nemilistli tlen Mexko tlalli* pampa kinekiyaya kinmakas nochimeh mexkoewanih se achi tlahlamikilistli tlen innemilis. Nopa kuekuetzih amochtli kiihkuilohkeh makuilli tlahkuilowanih, inihuantih tlahkuilohkeh tlen nochi inemilis tlen altepetl. Amochmeh tlen kiskeh teipah kikalakihkeh seyok tlamachtilistli tlen panok ipan teipah xiwimeh, teipah ayok tlen panok ika nopa amochtli hasta kemah asiko xiwilpilli XXI.

Ni yankuik amochtli kitlepanitta tlen achtowi *Nemilistli tlen Mexko tlalli* wan nohkia moyankuilitok: pampa namah kiihkuilohkeh chikome yankuik tlahkuilowanih, pampa tlawel kualli kikualtlalihkeh, pampa kualli techmachtia, pampa moweyichihki wan pampa kikalakia yankuik tlamachtilistli tlen onkah ipan tlen achtowi xiwimeh tlen xiwilpilli XXI. Tlahkuilowanih ika malwilli kikualtlaltokeh ni amochtli pampa kinekih nochimeh amapowanih ma kikuamachilikah wan ma kipowakah ika pakilistli.

Asihka se yankuik kawitl wan namah ni amochtli *Yankuik nemilistli tlen Mexko tlalli* motlahtolkuropa ika nawi masewaltlahtolmeh tlen yoltokeh ipan toaltepe —mayatlahtolli, matlatzincatlahtolli, nawatlahtolli wan tlahuicatlahtolli— pampa moneki masewalmeh nohkia weliseh kipowaseh ni amochtli ika inintlahtol. Masewalchinankomeh eli iixayak tlen toaltepe, ma tikintlepanittakah, ma tikinyolchikawakah.